

I D E A 6165

# PHILOSOPHIÆ

V N I V E R S A L I S,

*exhibet. S.<sup>r</sup> SEV. C. M. de Ysa*

## METAPHYSICA,

Paucis multa complectens de Ra-  
tionibus vniuersalibus  
rerum.

*Pars secunda vniuersa Philosophia.*

Auctore

D. PETRO A SANCTO IOSEPH  
Fulienfi.

E D I T I O    I I .

*A mendis accuratè expurgata.*



P A R I S I I S,


Apud G E O R G I V M L O S S E, viâ Jacobæ,  
sub signo Coronæ Spicæ.

---

M. D C. LIX.

*Cum Privilegio & Approbatione.*





## MONITIO.



TSI hæc pars secundum magis consuetum docendi morem post Physicam tradi solet, eaque maximè ratione Metaphysica appelletur, placeat tamen secundum locum inter partes Philosophiæ nostræ illi tribuere, tum quia cum fusè tractet quæ breuiter in Logica de Vniuersalibus & Categoriis perstricta sunt, connexio materiarum vetat ne ad finem cuius reiiciatur. Tum quia cum multa tradat de ente, de substantia, & de accidente, in genere, vel eo titulo præmittenda fuit Physicæ quæ passim in tractationibus rerû naturalium notiones illas vniuersales supponit. Aliunde verò cum opus non sit hoc loco reperire quæ de Deo & Angelis in Idea Theologicæ speculantur à nobis iamdiu tractata sunt, nullem ex hoc capite nobis onus incumbit iis morem gerendi quid eò Physicam Metaphysicæ præmittum, quia per rerum terrenarum & visibilium disquisitionem veluti manu ducimur ad aliquam rerum celestium & invisibilium noticiam & amorem.

Hæc ergo sit secunda pars totius no-  
stræ Philosophiæ in tres libros distribuenda, quorū primo agatur de Vniuersalibus  
tam in genere quam in specie, simulque  
patefiet quam inutilis sit labor quem fere  
omnes Philosophi impendunt in com-  
pingendo Vniuersali siue à parte rei, siue  
per mentem. Secundò de ente per se spe-  
ctato, vbi nonnulla satis difficilia de cōce-  
ptu & analogia entis, de essentia & exi-  
stentia, de gradibus essentialibus rerum,  
de principio individuationis, aliisque cō-  
spectantibus exponuntur. Tertio de gene-  
ralioribus membris entis, nempe sub-  
stantia & accidente & consequenter de  
qualitate, de habitibus, de relatione, aliis-  
que entibus prædicamentalibus quæ ad  
Metaphysicam abstractionem spectare vi-  
dentur.





# ERRATA.

Pagina 19. lin. 28. gradnm, l. graduum, p. 107  
lin. 17. scientia, l. sententia, p. 34. lin. 13 circa,  
leg. circa, p. 61 lin. 23. proprietas, leg. propelas,  
pag. 107. l. 15. aliquis leg. aliquid, p. 113. lin. 35.  
quidem, l. siquidem, p. 131. lin. 2. leg. retorquere  
ut, p. 119. lin. 14. l. ptefuerit, p. 143. lin. ult. l. illo,  
p. 164. l. penult. principiis, adde. externis, pag.  
165. lin. 26. demonstrationem, l. denominationem,  
172. lin. 24. dici l. decipi, pag. 183. lin. 12.  
identitatem, l. entitatem, p. 185. lin. 1. produ-  
cere, l. producus, p. 192. lin. 9. non l. nos, pag.  
214. lin. 25. actualitas, l. actualis, p. 230 lin. 20.  
vna l. vera lin. 33. l. expectimur, p. 232. lin. 4. leg.  
Atheos, pag. 233. lin. 33. agere l. egerit, p. 238.  
lin. 21. l. us in puncto, p. 239. l. 17. leg. prae-  
monentem, p. 250. lin. 4. id, l. ad, p. 274. lin. 2. sine,  
leg. fide, pag. 284. l. penult. animalibus, leg.  
animabus, p. 300. l. 17. illi, l. illa, p. 325 lin. 30. l.  
inter se specie, p. 331. l. ult. leg. & relatis, pag.  
398 lin. 1. intelligit, l. intelligi, p. 402. lin. 16 leg.  
actionem &c, p. 406. lin. 25. l. sine medio, p. 412.  
lin. 5. l. monet est in, p. 433. lin. 9. l. destructo, p.  
437. lin. 13. l. extensionem, nn. 33. l. qui non eo,  
p. 448. lin. 34. l. huic parti, pag. 457. lin. 6. quare  
leg. quale.



# INDEX

## LIBRORVM, CAPITVM, ET ARTICVLORVM, PRÆFATIO.

De ipsa Metaphysica secundum se.

### LIBER I.

De Vniuersali.

#### CAP. I. De Vniuersali à parte rei.

|        |   |    |
|--------|---|----|
| AR. I. | <b>Q</b> uid vulgò Philosophi intelligant nomine vni- |    |
|        | uersali.  | 25 |
| II.    | Refellitur primus modus sententia statuentis          |    |
|        | vniversalia à parte rei                               | 28 |
| III.   | Refellitur secundus modus dicendi eiusdè sententia.   | 30 |
| IV.    | Soluantur nonnullæ obiectiones,                       |    |
| V.     | Refellitur tertius modus dicendi prædictæ sententia.  | 36 |

#### CAP. II. De Vniuersali per inuentis operam.

|        |   |    |
|--------|---|----|
| AR. I. | <b>P</b> rimus modus sentendi excluditur. |    |
| II.    | Alius dicendi modus impugnatur.           | 39 |
| III.   | Tertius modus dicendi excluditur.         | 42 |
| IV.    | Soluantur nonnullæ obiectiones.           | 47 |
| V.     | De nonnullis proprietatibus vniuersali.   | 51 |

#### CAP. III. De Genere.

|        |  |    |
|--------|--|----|
| AR. I. | <b>Q</b> uidam sit definitum in definitione generis. | 56 |
| II.    | De genere prædictæ definitionis.                     | 59 |
| III.   | An genus necessario requiratur plures species.       | 62 |
| IV.    | Quomodo genus se habeat ad species, & ad indivi-     |    |
|        | dua de quibus predicatur.                            | 65 |

C A P. E T A R T.

CAP. IV. De Specie & individuo.

|        |   |    |
|--------|---|----|
| AR. E. | <b>A</b> N species rectè definiatur. Id quod subilicitur generi, & de quo genus predicatur in quid. | 69 |
| II.    | An species infima rectè definiatur. Quam de multis numero differentibus predicatur in quid.         | 73 |
| III.   | An rectè assignata sint species habitudines seu respectus.  | 78 |
| IV.    | An possit abstrahi commune & univoca ratio individui ab omnibus individuis.                         | 81 |

CAP. V. De Differentia.

|        |  |    |
|--------|--|----|
| AR. I. | <b>A</b> N dentur 4 differentie infra. & simpliciter.                          | 86 |
| II.    | An 4 differentie inferior superiorum formaliter concutiantur.                  | 89 |
| III.   | An genus sit extra conceptum differentie, & differentia extra conceptum genus. | 91 |
| IV.    | Quae sensu genus sumatur à materia, & differentia à forma.                     | 95 |

CAP. VI. De Proprio & accidente.

|        |   |     |
|--------|---|-----|
| AR. I. | <b>D</b> Ua propria definitiones expenduntur. | 97  |
| II.    | Dua accidentia definitiones declarantur.      | 101 |

L I B E R II.

De Ente secundum se.

CAP. I. De Conceptu & Analogia Entis.

|        |                                       |     |
|--------|---------------------------------------|-----|
| AR. I. | <b>D</b> E duplici accepto uno entis. | 105 |
| II.    | De predicabiliitate entis.            | 107 |
| III.   | De conceptu entis.                    | 111 |
| IV.    | De Analogia entis.                    | 117 |

CAP. II. De essentia, gradibusque rerum essentialibus.

|        |   |     |
|--------|---|-----|
| AR. I. | <b>D</b> E essentia rerum.                                    | 116 |
| II.    | Qualiter se habeat existentia creaturarum ad earum essentiam. | 132 |
| III.   | Quomodo se habeant inter se gradus rerum essentialis.         | 140 |
| IV.    | De gradu singularitatis, seu indivisibilitatis.               | 145 |

# INDEX LIBRORVM,

|        |  |     |
|--------|--|-----|
|        | CAP. III. De proprietatibus entis tam in genere, quàm in specie.     |     |
| AR. I. | DE proprietatibus entis in genere.                                   | 155 |
| II.    | De unitate entis.  | 160 |
| III.   | De veritate entis.   | 164 |
| IV.    | De bonitate entis.   | 183 |
| AR. I. | CAP. IV. De variis rerum distinctionibus.                            |     |
| II.    | DE distinctione reali.   | 181 |
| III.   | De distinctione rationis.  | 187 |
|        | De distinctione quam aliqui ex natura rei, alijs formalem appellant. | 195 |
| AR. I. | CAP. V. De rerum causis in genere.                                   |     |
| II.    | DE cause definitione & causalitate.                                  | 199 |
| III.   | Quotoplex sit causa.   | 205 |
| IV.    | Quomodo causa mutuo se habeant inter se.                             | 206 |
| V.     | De habitudine causa ad effectus.                                     | 209 |
|        | De habitudine effectuum ad causas.                                   | 213 |
| AR. I. | CAP. VI. De causa efficiente.  |     |
| II.    | DE causa efficiente in genere.                                       | 221 |
| III.   | De causa efficiente creata.  | 226 |
| IV.    | De causa efficiente increata.  | 232 |
|        | De causa determinationis effectuum.                                  | 240 |
|        | CAP. VII. De causa finali & quibusdam causis minus propriis.         |     |
| AR. I. | DE iis quæ spectant ad causam finalem.                               | 244 |
| II.    | De causa instrumentali.  | 248 |
| III.   | De causa exemplari seu idealis.                                      | 251 |
| IV.    | De casu, fortuna & fato.   | 255 |
| AR. I. | CAP. VIII. De ente rationis.   |     |
| II.    | DE existentia & natura entis rationis.                               | 258 |
| III.   | De causa efficiens entis rationis.                                   | 261 |
|        | De diversis entis rationis.  | 268 |
|        | LIBER III.   |     |
|        | De speciebus primariis entis.  |     |
| AR. I. | CAP. I. De Substantia secundum se.                                   |     |
| II.    | DE quidditate substantia.  | 272 |
|        | De substantia quæ competit substantia.                               | 275 |

# CAP. II ART.

- III. De substantia composita naturalis. 281  
 IV. De causis, substantia, & de formali illius effectu. 284  
 V. Quomodo se habeat substantia ad existentiam, hypostasim, personalitatem, & suppositum. 291

## CAP. II. De accidente secundum se.

- AR. I. I In quo consistat ratio accidentis. 296  
 II. De accidente, ut actu inherente & separato. 302  
 III. De divisione accidentis. 306  
 IV. De productione accidentium. 309

## CAP. III. De qualitate.

- AR. I. D E essentia qualitatis. 312  
 II. De prima specie qualitatis, qua est habitus & dispositio. 312  
 III. De secunda specie qualitatis, qua est naturalis potentia & impotentia. 315  
 IV. De potentia obedientiali. 317  
 V. De tertia specie qualitatis, qua est patibilis qualitas & passio. 324  
 VI. De quarta specie qualitatis, forma nempe & figura. 326  
 VII. Duae dubitationes expenduntur. 327

## CAP. IV. De variis oppositionibus rerum.

- AR. I. O bstructiones circa opposita. 330  
 II. Nonnulla dubitationes proferuntur circa oppositiones praedictas. 332  
 III. De regressu a primatione ad habitum. 335  
 IV. Nonnulla observanda circa proprietates contrariorum ab Aristotele assignatas. 340

## CAP. V. De habitibus in genere.

- AR. I. D E essentia & existentia habituum. 343  
 II. De subiecto habituum. 347  
 III. De causis habituum. 351  
 IV. De incremento & diminutione habituum. 360  
 V. De consuetudine habituum. 367  
 VI. De divisione habituum. 374

CAP. VI. De Relatione.

|        |  |     |
|--------|--|-----|
| AR. I. | <b>Q</b> uomodo relatio distinguatur à fundamento.                 | 386 |
| II.    | De subiecto relationis.  | 389 |
| III.   | De termino relationis.   | 392 |
| IV.    | An relatio tendat ad terminum ut absolutum, aut<br>ut respectivum. | 396 |

CAP. VII. De actione & passione.

|        |  |     |
|--------|--|-----|
| AR. I. | <b>D</b> e natura actionis & passionis.  | 400 |
| II.    | De commotione agentis ad patientem.      | 404 |
| III.   | De distinctione inter agens & patientem. | 407 |
| IV.    | An simile agat in se, perfecte simile.   | 412 |
| V.     | De resistantia & reactione patientis.    | 417 |

CAP. VIII. De alteratione.

|        |   |     |
|--------|---|-----|
| AR. I. | <b>D</b> e natura alterationis.                                   | 421 |
| II.    | An alteratio successiva fiat continuè, & sine in-<br>terruptione. | 423 |
| III.   | Quid tenendum sit de intentione qualitatis.                       | 428 |
| IV.    | Quomodo gradus intensivum se habeant inter se.                    | 436 |

CAP. IX. De rerum vocatione, & dura-  
tione.

|        |   |     |
|--------|---|-----|
| AR. I. | <b>P</b> er quid res sint formaliter in loco. | 441 |
| II.    | De rerum duratione.                           | 445 |
| III.   | De tempore.                                   | 450 |
| IV.    | De inceptione & defensione rerum.             | 458 |

F I N I S.

IDEA



I D E A  
PHILOSOPHIÆ  
UNIVERSALIS,  
SEU  
METAPHYSICA,

*Paucis multa complectens de rationi-  
bus universalibus rerum.*

---

P R Æ F A T I O.

*De ipsa Metaphysica secundum se.*



Q U Æ R I T V R 1. quibus  
nominibus scientia illa de  
qua modò acturi sumus,  
insigniri soleat. Respon-  
deo eam varia sortiri no-  
mina, ac maximè quatuor. Vocatur pri-  
metaph. A

1<sup>o</sup> Philosophia per autonomiam, quia ceteris Philosophiæ partibus antecellit. Secundò dicitur sapientia, quia tractat de rebus altissimis, & difficillimis nempe de ente secundum se, de Deo, ac de Angelis. Vocatur tertio Theologia naturalis, quia agit de rebus divinis, prout lumine naturæ cognosci possunt, sicque distinguitur à Theologia quam Doctores Catholici tractare solent; quia hæc procedit ex principis fidei revelatis, & eandem à nonnullis dicitur scientia supernaturalis. Quarto dicitur Metaphysica; quod idem est ac vitra, seu post Physicam, quia iuxta mentem Aristotelis, moremque magis consuetum, post Physicam tradi solet, cum sit de rebus à sensu remotioribus, & consequenter difficilioribus, ad quas peruestigandas & addiscendas per rerum faciliorem considerationem intellectus veluti manu duci debet. Tandem vocari merito potest scientia universalis, eo quod uniuersaliores gradus entis contemplantur.

Quæritur 2. An Metaphysica sit propriè scientia. Respondeo ex communi omnium Philosophorum sententia, affirmatiuè: quod probatur tum ex Arist. 4. Metaph. cap. 1. ubi ait esse quandam scientiam quæ speculatur ens, in quantum ens;



hæc enim verba non possunt intelligi nisi de Metaphysica, cum nulla alia scientia contempletur ens, inquantum ens. Tum quia ea est propriè scientia, quæ demonstrat proprietates de suo obiecto, per principia illius interna; at hoc præstat Metaphysica, cum demonstret v. c. obiectum suum esse bonum, quia est ens. Tum denique quia Philosophia omnium consensu, est scientia propriè dicta; at Metaphysica est nobilior aliis Philosophiæ partibus; ergo est propriè scientia.

Dices non sequi, quia ut nobilior aliis est sapientia, adeoque non scientia, cum sapientia & scientia diversi sint habitus. Respondeo rationem sapientiæ non impedire quin Metaphysica sit scientia, imò ex eo quod est sapientia, colligendum esse eam quoque habere rationem scientiæ; quia ad scientiam sufficit cognitio effectus per causam; et sapientia est cognitio effectus per causam; cum id habeat speciale ut sit per causam altissimam.

Nec refert vulgaris divisio habitus in intelligentiam, sapientiam, scientiam, prudentiam, & artem; ibi enim scientia sumitur vulgariter pro quacunque cognitione effectus per causam, quo modo scientia est habitus a sapientia specie distin-

## M E T A P H Y S I C Æ

Aut; non autem pro scientia perfectissima, quæ scilicet habetur per causas altissimas, quomodo ratio scientiæ includitur in sapientia, & vtraque competit Metaphysicæ.

Quæritur 1. quodnam sit obiectum Metaphysicæ. Respondeo hac in re varios esse dicendi modos. Nonnulli putant obiectum Metaphysicæ esse ens communissimè sumptum, ut dicitur de ente reali, & de ente rationis. Sed hoc refellitur, quia quæ non conveniunt in conceptu aliquo reali, non possunt spectare ad idem obiectum alicuius scientiæ; ut patet in Physica, quæ non considerat nisi ea quæ conveniunt in ratione corporis naturalis; atqui ens reale & ens rationis non conveniunt in conceptu aliquo reali, cum in ente rationis nihil sit reale, sed mera fictio intellectus; ergo non possunt spectare ad idem obiectum Metaphysicæ.

Confirmatur; nam sicut Physica non agit de homine, ut dicitur de vero homine, & de homine picto; ita Metaphysica non debet tractare de ente, ut includit ens reale & rationis: eò quòd quemadmodum homo verus & pictus in solo hominis nomine conveniunt, ita ens reale & rationis in sola voce entis.

Nec refert quod in Metaphysica tractetur

# P R Æ F A T I O.

tur de ente rationis; de eo enim agitur indirectè ut per illud melius percipiatur natura entis realis; quemadmodum in Physica agitur de privatione, ut ex illa habitus oppositus clarius intelligatur; & in Ethica de malo, ut ex illius consideratione bonum dilucidius innotescat.

Alij non modò entia rationis excludunt ab obiecto Metaphysicæ, sed etiam accidentia realia, adeoque existimant solam substantiam abstrahentem à materiali & immateriali esse obiectum adæquatum Metaphysicæ. At neque hoc placet, quia accidens est verum ens reale, & ex se abstrahit à materiali & immateriali, non secùs ac substantia: quare si substantia spectat ad obiectum Metaphysicæ, quia est ens reale abstrahens à materiali & immateriali, idem à pari de accidente affirmandum est. Confirmatur, quia accidens sub ea abstractione est aliquid scibile; ergo ut sic, spectat ad Metaphysicam, cùm nulla alia scientia eò perungere possit.

Obiicies: proprietas obiecti non est obiectum, atqui accidens est proprietas substantiæ, ergo non potest cum illa obiectum Metaphysicæ constituere. Respondeo minorem ita generatim sumptam

falsam esse, præsertim in Metaphysica: quia hæc non considerat accidens ut passionem substantiæ, sed ut ens reale ab ea distinctum per differentiam oppositam, adeoque ut diueriam speciem entis constituens: quæ ratione sub Metaphysica, tanquam obiectum patiale, cadere potest. Vnde quas proprietates demonstrat de substantia, ut ens est, nempe unitatem veritatem & bonitatem, eandem de accidente ut ens est, demonstrat.

Alij docent substantiam immaterialem, ut Deum, & intelligentias duntaxat comprehendit, esse obiectum totale Metaphysicæ. At neque hoc probatur, cum quia vel assignanda est alia Metaphysica, quæ agat de ente materiali, quod repugnat communi Philosophorum sensui: vel fatendum eandem Metaphysicam, quæ agit de substantia immateriali, agere etiam de ente materiali, cum ratio entis realis ab utraque præscindi possit. Tum quia Metaphysica, quæ agit de substantia immateriali, simul agit de vno, vero, & bono, quæ non magis sunt passionibus intelligentiarum, quam rerum materialium: ergo etiam res materiales spectant ad obiectum Metaphysicæ, cum repugnet eam scientiam non agnoscere pro obiecto suo, id cui proprietates

quas demonstrat, conueniunt.

Obiicies 1. ex Arist. 6. Metaph. tex. 3. Si nulla esset substantia præter eas quæ natura constant, Physicam fore primum scientiarum: ex quo sequitur nullam fore Metaphysicam, si nullæ essent substantiæ immateriales, adeoque Metaphysicam versari tantum circa eiusmodi substantias. Respondeo hoc postetius non sequi; licet enim Metaphysica consideret ens abstractum à materiali & immateriali: si tamen nullum esset ens immateriale, non opus esset aliquam Metaphysicam constituere pro solo ente materiali, cum hoc in Physica sufficienter tractetur.

Obiicies 2. Metaphysica non considerat nisi res abstractas à materia; atqui substantiæ immateriales duntaxat abstrahunt à materia; ergo illæ tantum considerantur à Metaphysica, & sunt obiectum illius adæquatum. Respondeo duplicem esse abstractionem à materia, aliam realem, aliam rationis: quarum prior competit substantiis spiritualibus, quia reipsa sunt separatæ à materia: posterior verò potest competere substantiis materialibus; etsi enim reuera sint coniunctæ cum materia, concipiuntur ab intellectu secundum gradum entis & substantiæ, qui ex se abstrahit à materia, cum rebus spiri-

tualibus competere possit. Vnde Metaphysica potest considerare substantias tam materiales, quàm immateriales sub illis rationibus abstractis, nec necesse est ut quidquid considerat, realiter sit abstractum à materia.

Alij putant solum Deum esse obiectum adæquatum Metaphysicæ. Sed & hi videntur decipi, tum quia in Metaphysica non tantum agitur de Deo; sed etiam de intelligentiis, imò de ente abstracto à rebus spiritualibus & corporeis: quare repugnat quòd Deus sit totale & adæquatum obiectum Metaphysicæ.

Confirmatur, quia sicut nec sensus, nec intellectus, nec vlla alia potentia potest excurrere extra suum obiectum adæquatum, ita nec vlla scientia: ed quòd cum nullo nisi cum adæquato obiecto commensurationem habet: quare ab eo solo ita limitatur, ut in aliud excurrere non possit.

Tum quia obiectum totale scientiæ cuius tale esse debet, ut quidquid in ea tractatur per se, spectet ad obiectum illius, vel tanquam principium, vel tanquam pars, vel tanquam passio: sic enim consequitur perfectam cognitionem sui obiecti, quam maximè intendit, & propter quam est instituta. At perspicuum est

multa tractari per se in Metaphysica, quæ nullo ex modis prædictis ad Deum referri possunt, ut patebit ex dicendis: esto ad eum omnia referantur ut ad causam primam, & ultimum finem. Ergo fatendum est Deum solum non esse obiectum adæquatum Metaphysicæ; sed ad summum esse partem nobiliorem obiecti illius adæquati.

Obiicies Metaphysicam dici Theologiam, seu scientiam de Deo; ex quo sequi videtur Deum esse totale illius obiectum. Verùm id non bene colligitur, quia ut Metaphysica dicatur scientia de Deo, sufficit quod de Deo disserat, siue agat de illo ut de obiecto totali, siue ut de partiali duntaxat. Quemadmodum dici potest visum esse potentiam colorum perceptivam, etsi non solos colores percipiat.

Alij existimant ens prædicamentale esse obiectum adæquatum Metaphysicæ. Verùm hoc etiam refellitur; nam Deus spectat ad obiectum Metaphysicæ, nec tamen est ens prædicamentale, ut dictum est in Logica: ergo solum ens prædicamentale non est obiectum Metaphysicæ. Maior suaderetur, cum ex Arist. cum quia cum multa possimus de Deo cognoscere naturæ lumine, vel constituenda est specialis scientia naturalis agens de Deo, quod super-

suum videtur, & communi sententiæ repugnat : vel fatendum considerationem de Deo ad nostram Metaphysicam spectare.

Nec dicas in Physica agi de Deo, cum tamen Deus non spectet ad obiectum illius : non enim est par ratio ; siquidem Deus in Physica consideratur tantum extrinsecè, & per accidens, nempe ut est causa efficiens, & primus motor corporis naturalis, quod est obiectum illius : in Metaphysica verò spectatur per se, ut est ens infinitum, æternum, immensum, simplicissimum &c. adeoque ut habet rationem obiecti respectu illius.

Quod si instes, non posse dari scientiam de re indemonstrabili, qualis est Deus : respondeo plura posse demonstrari de Deo, tum à posteriori per effectus, tum aliquo modo a priori : quia per essentiam probamus attributa, & vnum attributum per aliud, v. c. æternitatem per immutabilitatem, voluntatem per intellectum, &c. non ut per veram & realem causam, sed tanquam per causam virtua-lem, seu rationem a priori à qua alia manare concipitur.

Itaque his opinionibus reiectis, dicendum est cum communi sententia, obiectum Metaphysicæ esse ens reale, quate-



nus ens est. Probatur tum quia seclusis ob-  
iectis allatis, nihil aliud superest in quo  
obiectum Metaphysicæ constitui possit.  
Tum quia enti reali ut ens est, competunt  
omnes conditiones obiecti huius scientiæ,  
cùm habeat principia interna, ex quibus  
iuxta conceptum nostrum quodammodò  
constituitur, nempe essentiam & existen-  
tiam; habeat varias passiones quæ de illo  
demonstrari possunt, nempe unitatem, ve-  
ritatem & bonitatem; habeat denique va-  
rias veluti species sub se contentas, nempe  
substantiam, accidens, Deum, intelligen-  
tias.

Obiicies, cùm Metaphysica sit scientia  
nobilissima, debet habere obiectum om-  
nium nobilissimum: at ens ut sic, non est  
obiectum nobilissimum; quin potius est  
omnium imperfectissimum; cùm gradus  
eò sint imperfectiores quò sunt univër-  
siores, ut liquet ex arbore Porphyrij. Res-  
pondeo ens ut est obiectum Metaphysicæ,  
non debere sumi ita præcisum à suis in-  
ferioribus, ut non includat saltem con-  
fusè, suas species, nempe substantiam &  
accidens, Deum & Angelos; qua ratione  
est nobilissimum. neque mirum cuiquam  
videri debet, quòd Metaphysica ad spe-  
cialem earum rerum considerationem des-  
cendat; non enim limites sui obiecti præ-

reingreditur, quandiu ea tantùm considerat quibus convenit abstractio ipsi propria, nempe à materia singulari, sensibili, & intelligibili, quales sunt entis species iam memoratæ.

Quæritur 4. qualis scientia sit Metaphysica. Respondeo & Dico 1. *Metaphysicam esse scientiam speculativam*. Probatum tum ex Arist. 6. Metaph. cap. 1. ubi Philosophiam contemplatricem dividit in Physicam, Mathematicam, & Theologiam seu Metaphysicam, tum quia ea scientia est speculativa, quæ versatur circa suum obiectum modo merè speculativo, seu quæ in cognitione sui obiecti conquiescit, neque illam ex se dirigit ad praxim, præscribendo regulas operationis: atqui Metaphysica versatur circa suum obiectum modo merè speculativo, ita ut in illius cognitione conquiescat: ergo est scientia speculativa.

Neque dicas Metaphysicam agere de Deo ut summè bono, adeoque ut summè à nobis diligendo, sicque dirigere praxim: prior enim consequentia falsa est, quia etsi Metaphysica agat de attributis divinis quæ naturali lumine cognosci possunt, agit tamen de illis speculativè duntaxat, quatenus scilicet Deus in se æternus, infinitus, & summè bonus est: neque

illas præscribit regulas cum diligendi; sed id muneris relinquit Philosophiæ Morali, quæ Deum practicè considerat ut est summè bonus, & ultimus finis noster naturalis, adeoque ut à nobis diligendus & inquirendus. Vnde illud est discrimen inter Metaphysicam, & Theologiam, quod hæc considerat Deum sub altiori lumine, & tanquam obiectum adæquatum; nec quiescit in speculatione veritatum ad illius naturam spectantium; sed ulterius præscribit modum quo illum ut finem nostrum consequi possimus; nempe cum diligendo, & illius mandatis obtemperando.

Dico 2. *Metaphysicam totaliter spectatam, non esse unum simplicem habitum, sed complexionem multorum habituum partialium.* Probatur ratione generali, ad omnes scientias spectante; nam necessitas ponendi habitum aliquem scientiæ in intellectu, est ad superandam difficultatem quæ in obiecti alienius cognitione reperitur; ergo ubi occurrunt multæ difficultates superandæ, quantum una non pendet ab alia, necesse est ut ibi multiplicentur habitus: at in Metaphysica, ut & in qualibet alia scientia totali, occurrunt multæ difficultates superandæ, ut patet: nam v, g, etsi habeas habitum quo faciliè cognos-

cas ens esse vnum, non ideo facile iudicatur quid tenendum sit de conceptu, vel analogia entis, aut de locutione Angelorum, aliusve ad Metaphysicam considerationem spectantibus. Quare præter habitum quo priorem conclusionem facile percipis, requiruntur alij quibus reliquis eadem facilitate assentiaris.

Confirmatur: nam diuersæ conclusiones illæ diuersis rationibus & mediis probantur; ergo exigunt diuersos scientiæ habitus; sequela patet, quia si ex communi sententia, ad probandam eandem conclusionem diuersis mediis, requiruntur diuersi habitus, v. c. scientia & opinio; ad idem probandum medio vno certo, & alio probabili; quidni requirerentur diuersi scientiæ habitus, ad diuersas conclusiones probandas diuersis mediis scientificis?

Obiicies r. non ponitur nisi vna potentia visiva ad percipienda omnia obiecta visibilia, quæ sunt multiplicis speciei; ergo vnus scientiæ habitus sufficit ad omnia scibilia intelligenda. Respondeo negando consequentiam. Et ratio discriminis est, quia cum potentia visiva emanet naturaliter ab anima, non potest multiplicari iuxta diuersitatem obiectorum; cum autem habitus producat per actus, necesse est vt iuxta distinctionem actuum & obie-

etorum distincti producantur habitus. Alias non esset ponendus in intellectu nisi vnicus habitus ad omnia intelligibilia percipienda, quod ne ab arguentibus quidem concedendum puto.

Obiicies 1. vnus fidei habitus sufficit ad credenda omnia revelata, ergo & vna scientia ad omnia scibilia cognoscenda. Respondeo non sequi, & ratio discriminis est, quia fides vni tantum motiuo innititur, nempe testimonio diuino; quare qui ex fide aliquid credit ob hoc motiuum, paratus est ob illud aliis omnibus à Deo reuelatis firmiter assentiri; cùm Dei testimonium æqualiter verum & certum sit in omnibus. At non omnibus conclusionibus Metaphysicæ, vel alterius scientiæ assensum damus ex eodem motiuo, sed ex diuersis, vt perspicuum est: quare cisi acquiritur facilitatem ad assentiendum alicui conclusioni, non sequitur quòd eandem aut similem propensionem experiamur ad assentiendum aliis; maxime si nullam habeant cum illa connexionem.

Dico 1. *Metaphysicam non esse propriè subalternantem respectu aliarum scientiarum.* Quod vt probetur,

Notandum 1. subalternationem scientiarum posse variis modis contingere: primo ratione finis, cùm scilicet finis vnius

refertur in finem alterius. Verùm hæc conditio non habet locum, vt liquet, niſi in artibus & ſcientiis practicis. Secundò ratione obiecti, cùm ſcilicet ſcientia ſubalternata addit obiecto ſcientiæ ſubalternantis rationem aliquam propriam & accidentalem, per quam ab illa diſtinguitur, quomodo Medicina, quæ agit de corpore humano vt ſanabili, ſubalternatur Phyſicæ quæ ſanabilitatem illam non conſiderat; & Muſica ſubalternatur Arithmeticæ, quia hæc conſiderat ſimpliciter numerum, vt numerus eſt; illa verò vt ſonorum, ſeu harmonicum. Tertiò ratione principiorum, cùm ſcilicet principia ſcientiæ inferioris ſunt conſeſiones euidenter probatæ in ſcientia ſuperiori; quo etiam titulo Medicina ſubalternatur Phyſicæ; quia huius conſeſiones ſunt principia illius; vnde vulgò dicitur ibi incipere medicum, vbi deſinit Phyſicus. Exempli cauſa, Phyſicus probat contraria contrariis curanda, eò quòd vnum contrariorum expellit aliud; medicus verò eam conſeſionem aſſumat tanquam principium ex quo colligit, remedia frigida morbis calidis, & vice verſa: calida frigidis adhibenda eſſe.

Notandum 2. ad veram & perfectam ſubalternationem duas illas poſteriores

condiciones requiri, scilicet ut scientia subalternata assumat vel totale, vel partiale obiectum scientiæ subalternantis, eique addat aliquam formalitatem accidentariam & extrinsecam, ratione cuius illud consideret, assumat etiam pro principiis conclusiones in superiori scientia evidenter probatas. Ex quo patet 1. non esse propriam subalternationem, quando scientia inferior assumit partem obiecti materialis & formalis scientiæ superioris, quomodo scientia de cælo, vel de elementis non est propriè subalternata Physicæ generali, quia illa considerat cælum vel elementa ut sunt corpora naturalia, quæ est formalitas obiecti Physicæ generalis. Patet 2. non sufficere ad exactam subalternationem, quòd principia vnius scientiæ utcumque probentur in alia, sed requiri quòd in ea probentur demonstratiuè, & scientificè, quòd fit ut Physica non subalternetur propriè Dialecticæ, etsi hæc possit probabiliter illius principia probare.

His positis, probatur nostra assertio: nam in vera subalternatione requiritur ut scientia subalternata addat obiecto subalternantis rationem aliquam propriam, & accidentalem per quam ab illa distinguatur: Item ut principia illius sint conclusiones demonstratæ in scientia subalternante;

æqui hæ conditiones non reperiuntur in aliis scientiis, respectu Metaphysicæ: non quidem prior: quæ rationes ab us adduximus, non sunt illi extrinsecæ, sed intrinsecæ: cum naturale, quod est differentia obiecti Physicæ, quantum, quod est differentia obiecti Mathematicæ, sint intrinsecæ & essentialiter entia. Non etiam posterior, quia etiam principia aliarum scientiarum demonstrantur à Metaphysica indirectè, & per deductionem ad impossibile: non tamen directè & ostensivè seu à priori. Quare Metaphysica non est propriè scientia subalternans respectu aliarum scientiarum.

Quæritur 5. quænam sint causæ Metaphysicæ. Respondeo & Dico 1. *quatuor causas Metaphysicæ, ut & aliis scientiis speculativis, posse assignari, nempe materiale, formalem, effectivam, & finalem.* Materialis seu subiectiva est intellectus, formalis ipse habitus Metaphysicæ, qui est in se intrinsecè forma quædam accidentalis: verùm quia per ordinem ad obiectum speciem sumit; hinc fit ut etiam obiectum habeat rationem quandam formæ extrinsecæ, respectu illius. Causa verò efficiens Metaphysicæ proxima sunt actus intellectus per quos est acquisita: ac denique finis absolutus & internus Metaphysicæ est contem-



platio veritatis, non cuiuslibet; sed eius quæ ad obiectum altissimum & nobilissimum spectat. Cum enim hæc scientia velletur circa res altissimas, quarum cognitio est maximè propter se expedienda, & nullam operationem circa eiusmodi obiecta præscribat, hinc perspicuè sequitur finem illius absolutum & intrinsecum esse meram veritatum altissimarum contemplationem. Dubitatur autem de fine illius respectivo & extrinseco, pro quo,

Dico 2. *Metaphysicam ex communi sententia, non modò propter seipsam esse valde convenientem, quatenus intellectum cognitione rerum præstantissimarum exornat; sed etiam ad alias scientias acquirendas esse valde utilem. Quod non ita intelligendum est, ut hæc scientia tendat ad perfectionem aliarum tanquam medium ad finem: cum enim sit maximè propter se, non potest eo modo ad alias scientias ordinari: sed ita ut Metaphysica tanquam scientia superior & eminentior alias iuuet, lucem aliquam & firmitatem iis conferendo: partim plerosque terminos universales quibus passim alie scientie utuntur, scientificè explicando: partim variis divisionibus entis, & gradum eius quos assignat, viam aperiendo ad distinguenda aliarum scientiarum obiecta: Parum*

earum principia cōtra peruicaces probando, deductione ad impossibile: quod postremum ut clariùs percipias,

Observandum est dari quædam principia complexa, quibus Metaphysica virtut in demonstrationibus deducuntibus ad impossibile, qualia sunt vulgata illa, *quodlibet est, vel non est; impossibile est aliquid simul esse, & non esse*; aliaque huiusmodi. Est autem non levis controuersia, quodnam ex illis principiis censendum sit omnium primum & firmissimum, ita ut cū ad illud peruentum est, ultra progredi non liceat.

Quorundam est scientia, principium illud, *ens est ens*, esse omnium primum. Verum hoc reiecitur, quia etsi illud principium sit omnium primum in ratione propositionis, eò quod constat ex terminis simplicibus, & in alios priores minimè resolubilibus; non tamen in ratione principij, quia cū sit propositio omninè identica & nugatoria, nulli vlui esse potest ad aliquid probandum, tantū abest ut principia omnium scientiarum per illam demonstrantur.

Alij dicunt hoc esse primum omnium principium, *de quolibet vera est affirmatio, vel negatio*. Sed contrā: nam illud non est principium omnium primum, quod in

aliud resolui potest: ac principium ali-  
 tum in aliud resolui potest, puta in istud,  
*quodlibet est, vel non est*: Siquidem ex eo  
 quod res est, vel non est, propositio affir-  
 mans, aut negans vera est.

Alij primitatem tribuunt huic princi-  
 pio, *quodlibet est, vel non est*, illudque  
 præferunt isti, *impossibile est aliquid simul  
 esse & non esse*: tum quia est simplicius,  
 tum quia est affirmatiuum. Verum hæc ra-  
 tiones non concludunt, quia ad summum  
 ostendunt principium illud esse prius in  
 ratione propositionis, de quo non est qua-  
 stio.

Itaque dicendum est cum communi sen-  
 tentia, sumpta ex Arist. 4. Metaph. cap.  
 3 principium omnium primum & inde-  
 monstrabile esse illud, *impossibile est ali-  
 quid simul esse, & non esse*. Licet enim non  
 multum à præcedenti distinguatur, maio-  
 rem tamen vim probandi continet, cum  
 non dicat simpliciter quidlibet esse, vel  
 non esse, sed declaret esse impossibile ut  
 aliquid simul sit, & non sit. Unde demon-  
 stratio per deductionem ad impossibile in  
 hoc principio sistere debet, cum nihil  
 possit fingi impossibilius quam quod ex eo  
 inferatur, nempe idem simul esse, & non  
 esse. Quare cum aliundè principium illud  
 sit vniuersalissimum, notissimum, & fir-

missimum, nihil illi deesse potest ad rationem principij omnium primi.

Nec dicas principium illud posse resolui in istud prius, & per illud probari, *impossibile est duo contradictoria simul esse vera*, hoc enim falsum est, quia potius è contra idè impossibile est duo contradictoria simul esse vera, quia impossibile est idem simul esse & non esse, ut impossibile est paucem esse simul album & non album, quia repugnat idem simul esse & non esse.

Quæritur 6. quis ordo constituendus sit inter Physicam, & Metaphysicam. Respondeo iuxta methodû Aristotelis, quam Philolophi communiter sequuntur, Physicam Metaphysicæ præponendam esse, ille enim non nisi post tractationem rerum Physicarum egit de Metaphysicis. Vnde & hanc scientiam vocavit Metaphysicam, non ut quidam putant, quasi sit de rebus supernaturalibus; siquidem non spectat ad Philolophum de eiusmodi obiectis sermonem habere, cùm excedant lumen rationis naturalis quo in suis speculationibus ducitur; sed quia post Physicam tractari debet. Cuius ratio afferri potest, quia cùm Metaphysica agat de Deo, & de Angelis, prout lumine naturali innotescunt, rectus ordo postulat ut Physica illi præ-

mittatur; cùm non nisi per cognitionem rerum materialium & sensibilibum ad spirituum & insensibilibum contemplationem animus noster, in hoc vitæ statu, promoueri possit.


Verum ordo iste non caret difficultate; quia etsi Metaphysica Physicæ postponi debeat, quatenus tractat de Deo, & Angelis; aliunde tamen illi præmittenda videtur, quatenus nempe agit de summis rerum generibus; siquidem specialis ratio alicuius entis, substantiæ, vel accidentis, satis perspecta haberi nequit, quandiu quid in genere sit ens, substantia, vel accidens ignotatur. Quare cùm tractatio de Deo & Angelis, ut pote in Idea Theologiæ speculatiuæ satis fusè tradita, à nobis hoc loco omittenda sit, nil vetat quin pars ista Philosophiæ, quæ tota versatur circa gradus vniuersales rerum, disputationibus Physicis iute suo præmittatur. Vnde & eo titulo Prophysica potius quàm Metaphysica appellari debet.

Confirmatur: nam cùm Logica ante alias omnes scientias, adeoque ante Physicam explicari debeat, dubitari non potest quin etiam Metaphysica nostra, quæ est veluti supplementum quoddam Logicæ, quatenus fusè tractat varias difficultates ad Vniuersalia & Categorias spectan-

res, quæ in Logica à plerisque minus com-  
modè agitari solent, ante Physicam tra-  
denda sūt.

Porro tota hæc tractatio tribus libris ab-  
soluetur, quorum primo agetur de Vni-  
versali, secundo de Ente secundum se, ter-  
tio de præcipuis speciebus entis, Substan-  
tia nempe, & Accidente.





# LIBER I.

## DE VNIVERSALI.

*Supposita iis quæ breuiter in Logica dicta sunt de Vniuersali, nonnullas hîc quæstiones difficilioresexpendemus, quæ spectant partim ad vniuersale secundum se, partim ad species illius.*

### CAPVT PRIMVM.

De Vniuersali à parte rei.

#### ARTICVLVS PRIMVS.

*Quid vulgò Philosophi intelligant nomine vniuersali.*



**P**RÆMONEO I. Vniuersale pro eo sumi generatim quod aliqua ratione dicit ordinem ad multa. Sic Deus dicitur vniuersalis in causando, quia ad omnes effectus creatos concurrir. Sic imago, quæ est in mente pictoræ.  
Metaph.

ris, dicitur vniuersalis in representando; quia multæ imagines ad illius imitationem depingi possunt. Sic vox illa, *equus*, dicitur vniuersalis in significando, quia naturam omnium equorum significat.

Præmoneo 2. hic non agi de vniuersali in iis significationibus, sed de vniuersali in essendo, aut prædicando, seu quod multis inesse potest, & de iis prædicari: quorum illud definitur: *unum aptum inesse multis*, hoc verò: *unum aptum prædicari de multis*. Qua ratione homo censetur vniuersale in essendo, quia inest Petro, Paulo, aliisque indiuiduis naturæ humanæ; & in prædicando, quia de omnibus, & singulis hominibus prædicari potest.

Præmoneo 3. esse in multis, & prædicari de multis esse duas rationes distinctas in vniuersali, quarum illa est prior, hæc posterior; cum non possit aliquid prædicari de multis, nisi quia illis inest. Imò quia nihil prius concipitur in vniuersali, quàm quod possit inesse multis; posse esse in multis, dicit essentiam vniuersalis, adeoque prima definitio censetur essentialis. Quia verò secunda cum illa reciprocatur, hinc aiunt, posse prædicari de multis, esse passionem seu proprietatem vniuersalis; ac proinde secundam definitionem esse tantum descriptiuam, non essentialem. Et prior quidem definitio communiter Metaphysica appellatur, quia ad Metaphysicum spectat considerare essentiam vniuersalium; posterior vero Logica, eo quod Logicus agit de prædicabilibus.

Ex his autem definitionibus colligitur, tria requiri ad constitutionem vniuersalis, primò vt res quæ dicitur vniuersalis, sit aliqua natura realis & positiua; de hac enim procedit



Difficultas postea tractanda, an detur vniuersale siue a parte rei, siue per mentis operam; cum de entibus rationis, quæ ab intellectu nostro fingi constat, id merito inquiri non possit.

Secundò ut ea natura sit vna, cum enim vniuersale sit quid multis commune, necessariò in se debet habere vnitatem: quia alias non esset aliquid commune multis, sed tantum multa essent in multis. Vnum autem dicitur quod est indiuisum in se, & diuisum à quouis alio, ut infra dicemus, vbi de proprietatibus entis.

Tertiò ut illa natura sit ex se apta inesse multis, per veram & realem sui multiplicationem in illis, ita ut ratio superior prædicetur de quolibet inferiori, non tantum secundum aliquam sui partem, sed secundum se totam adæquatè. Quomodo animal dicitur prædicari de homine, & equo, & homo de Petro & Paulo; siue illa multiplicatio fieri possit, per potentiam naturalem in rebus creatis existentem; ut multiplicatio hominum & equorum; siue tantum virtute supernaturali, ut multiplicatio solis & lune; alterutrum enim, ex communi sententia, ad vniuersale sufficit.

Vnde intelligis naturam diuinam non esse vniuersalem, etsi sit in tribus personis, quia est vna in illis, non multiplex. Itemque animam rationalem non esse vniuersalem, etsi vna sit in pluribus corporis partibus, quia in illis non multiplicatur; siquidem ad verum vniuersale requiritur ut eadem natura sit in se vna, & in inferioribus multiplex, in eadem illa ratione in qua est vna.

Intelligis etiam lignum, aquam, aliisque corpora homogenea non esse vniuersalia, etsi habeant multas partes eiusdem rationis, in

quibus saluatur essentialis ratio aquæ, ligni, &c. Cum enim corpus homogenum omnes suas partes positiue includat, vt esset vniuersale respectu illarum, deberent singulæ partes omnes partes includere, quod manifestè repugnat. Est autem grauis difficultas, an naturæ rerum sint eo modo vniuersales, siue ex se & à parte rei, quod hoc capite inquirimus, siue saltem per mentis operam, quod in sequenti inuestigandum erit.

---

## A R T I C V L V S II.

*Refellitur primus modus sententiæ statu-  
entis vniuersalia à parte rei.*

**D**Væ sunt generales sententiæ circa existentiã vniuersalium, prior est eorum qui existimant admittenda esse vniuersalia à parte rei, & citra mentis operam, quod tribus modis intelligi potest. primò ita vt vniuersalia sint naturæ realiter separatæ à singularibus, & extra illa existentes, qui modus vulgo tribuitur platonì, quem ferunt posuisse Ideas quasdam vniuersales rerum omnium, ab his realiter separatas, v. c. Ideam hominis quam solam dicebat esse per se & essentialiter hominem: Ita vt petrus & paulus non sint homines nisi imitatione quadam & participatione illius; quemadmodum homo pictus dicitur homo, quia est quædam imitatio & participatio veri hominis.

Verùm modus ille refellitur primò, quia nihil existit per se in rerum natura, quod non sit singulare; quare si idæ illæ existunt per se

& realiter, vt supponitur, sunt singulares, adeoque non possunt esse simul vniuersales in essendo; sed ad summum in causando, quatenus res sensibiles ab iis procedere dicuntur; aut in representando, quatenus fiunt ad imitationem illarum.

Secundo, quia quando dico: petrus est homo, est prædicatio essentialis, cum petrus essentialiter sit homo, ergo significatum hominis est in petro; quæ enim spectant ad alicuius rei essentiam, sunt maxime illi intrinseca. Quare per vocem homo, non significatur Idea illa Platonica à petro realiter separata, ac proinde cum verbis illis, petrus est homo, vniuersale ex communi sententia, prædicetur de individuo, sequitur manifestè vniuersale non esse Ideam quandam à rebus singularibus realiter separatam.

Dices, hinc quidem sequi vniuersale non esse Ideam, vt ab indiuiduis separatam; non tamen inde colligi non esse Ideam, vt indiuiduis coniunctam. Sed contra, tum quia gratis fingitur Ideam esse realiter à singularibus separatam, & illis realiter coniunctam, cum hoc contradictionem inuoluit. Tum quia vel Idea quæ supponitur esse in petro, est eadem cum Idea quæ est in paulo, vel distincta; si eadem, iam petrus & paulus sunt vnus & idem homo, quod repugnat; si distincta, iam in se est realiter vna, & in singularibus realiter multiplex, quod etiam contradictionem implicat. Verùm ad soluendas nonnullas obiectiones,

Nota 1. non esse necessarias Ideas ad veram scientiam de rebus creatis habendam, vt vel ex eo patet, quod nemo negat dari veram scientiam de coelis, de elementis, de animalibus, aliisque rebus corporeis; cum tamen

in tradenda cuiusmodi scientia nulla fiat Idearum mentio. Cuius ratio est, quia scientia de re aliqua versari debet circa essentiam & proprietates illius, de quibus dantur veritates certissimæ & necessariæ. Quare perperam & im merito ad scientiam alicuius rei comparandam, animus versetur circa Ideam aliquam ab ea realiter distinctam & separatam.

Nota 2. non etiam esse necessariam Ideam separatam ad procreationem rei imperfectæ, quæ à sibi simili non generatur, quasi verò requiratur rana quædam Idealis ad procreandas ranas. & mus Idealis ad generandos mures qui ex putri materia formantur. Eiusmodi enim animalia vel generantur à sole, ut multi existimant, vel à prima causa, ut nobis probabilius videtur.

Nota 3. si Idea sumatur pro causa exemplari, ad cuius imitationem res fiunt, ad hoc sufficere Ideas quæ sunt in mente divina; neque propterea fingendas esse aliquas Ideas extra Deum existentes, quales Plato dicitur admisisse.

### ARTICVLVS III.

*Refellitur secundus modus dicendi eiusdem sententiæ.*

**S**ecundò vniuersalia existere à parte rei ita intelligi potest, ut natura sit vniuersalis, non quidem extra singularia modum dicto, sed intra ipsa singularia; adeò ut v. c. natura humana existens in Petro, Paulo, aliisque hominibus sit verò & à parte rei vni-

versalis, antequam intellectus de ea quidquam cogitet. Quæ opinio communiter tribuitur Scotistis, cū multi recentiores contendant eam à mente Scoti protius esse alienam.

Verum modus etiam iste, cuiuscunque sit, refellitur 1. quia ad vniuersale requiritur vt habeat vnitatem multis communem; at natura quæ est in indiuiduis, non habet vnitatem multis communem, sed potius multiplici- tatem tali vnitati repugnantem. Siquidem in Petro, & Paulo duæ sunt humanitates realiter distinctæ, & non vna communis humanitas, ergo natura non est communis in indiuiduis.

Confirmatur, nam sicut Petrus & Paulus habent duo corpora, & duas animas distinctas, ita sunt duo homines realiter distincti, ergo non est in illis vna communis humanitas. Sequela patet, quia si in Petro & Paulo esset vna communis humanitas, non possent illi dici duo homines propter Petreitatem & Pauleitatem, sed ad summum vnus homo cum duabus differentius numericis. Quemadmodum tres personæ diuinæ non dicuntur tres Dij, sed vnus Deus cum tribus personalitatibus. Quare cum sint duo homines realiter distincti, consequenter nō est in illis vna cōmunis humanitas.

Refellitur 2. quia si natura est vniuersalis in ipsis indiuiduis, vel id habet quatenus est contracta ad indiuidua, vel secundum se; at prius ne quidem ab Aduersariis admittitur, cum natura vt contracta, sit singularis. Posterius etiā defendi non potest, quia quæ competunt nature secundum se, seu ex principiis intrinsicis illius, conueniunt singulis illius indiuiduis, vt patet in Petro & Paulo qui sunt rationales & sensibiles, quia esse rationalem & sensibilem competit homini secundum se. Quare si natura

esset vniuersalis secundum se, sequeretur quemlibet hominem habere in se naturam communem omnibus hominibus, totque esse species hominis, quot sunt individua naturæ humanæ; quod planè absurdum & imaginarium est.

Vnde refelluntur qui dicunt id non sequi, eo quod individuum non habet vniuersalitatem per se immediatè, sed ratione suæ naturæ. Nam sicut Petrus verè dicitur homo, etsi talis non dicatur nisi ratione suæ humanitatis, quæ est illius natura; ita etsi non habeat vniuersalitatem nisi ratione suæ naturæ, id non impedit quin verè & propriè debeat dici vniuersalis. Confirmatur; nam Petrus dicitur intellectiuus ratione animæ rationalis, quantus ratione quantitatis, qualis ratione qualitatis, &c. Ergo à fortiori debet dici species seu vniuersalis ratione propriæ naturæ, si hæc per se ipsam est species seu vniuersalis. Eò vel maxime quia inter Petrum, & naturam Petri nulla est realis distinctio, vt infra probabitur.

Refellitur 3. dicta sententia ab absurdo; nam si natura humana seu humanitas est realiter vna in omnibus hominibus, sequitur totam naturam humanam fuisse proliectam in Adamo, ac proinde nullam humanitatem produci cum alij homines generantur; sed tantum veterem cum nouis differentiis individualibus copulari. Hoc autem absurdum esse perspicuum est, tum quia copulatio illa est planè ficticia & intelligibilis; tum quia cum alij & alij homines de nouo producantur, producuntur quoque cum illis alix, & alix humanitates quæ nunquam antea extiterant, quæque proinde sunt realiter distinctæ ab humanitate Adæ.

Confirmatur: nam sicut Adæ humanitas intrinsecè constabat ex corpore & anima simul unitis, ita in aliis hominibus sunt alia corpora, & animæ, & uniones omnino distinctæ, adeoque alie humanitates. Eò vel maxime quia etsi Adæ humanitas tandem interierit, nec amplius existat in rerum natura, id non impedit quin alie sint superstites, & realiter existant; cum tamen planè repugnet eandem rem simul existere, & non existere.

Nec dicas humanitatem interiisse, quatenus erat in Adamo, non quæ erat in illo; id enim perinde est ac si diceret, Adamo pereunte, naturam illius non periisse, sed tantum fuisse separatam ab Adamitate, & ad nos saluam & integram transuolasse; quod quàm à recta ratione alienum sit, nemo est qui non videat.

## ARTICVLVS IV.

*Soluntur nonnullæ obiectiones.*

**O**biicies 1. à parte rei & nemine cogitante, Petrus & Paulus sunt eiusdem speciei; ergo datur species, adeoque vniuersale à parte rei. Confirmatur: nam etsi Petrus & Paulus non sint vnum numero; sunt tamen vnum formaliter in natura humana, quod sufficit ad vniuersale. Respondeo antecedens falsum esse in sensu arguentium, quatenus putant esse in Petro & Paulo à parte rei vnâ communem humanitatem, & ita esse eiusdem speciei; oppositum enim iam ostensum est. Quare non aliter Petrus & Paulus possunt dici à parte rei eiusdem speciei, nisi quia conueniunt, & sunt reipsa similes in natura humana.

§4 Vnde ad confirmationem, dico Petrum & Paulum aliâque individua humana habere vnitatem formalem, non omnia eandem, sed singula propriam, ab vnitatibus aliorum distinctam. Cum enim singula habeant propriam & integram entitatem, ab entitatibus aliorum omnino realiter distinctam, vt ex eo manifestum est quod tota vnius entitas remanet, tota entitate alterius destructa, aut nondum producta; repugnat quod inter illa repariatur aliquid, quod sit à parte rei formaliter vnum & indiuisum.

Obiicies 2. circa mentis operam, est relatio identitatis inter Petrum & Paulum; at ex Arist. relatio illa fundatur in vnitatem naturæ, sicut relatio similitudinis in vnitatem qualitatis. Respondeo relationem identitatis qua Petrus refertur ad Paulum, fundari in vnitatem conformitatis quæ est inter naturam Petri & Pauli, non autem in vnitatem reali quæ sit inter illas; vt ex eo ostenditur, quia aliàs non esset realis relatio identitatis inter Petrum & Paulum; sicut nec est inter personas diuinas, ob vnitatem naturæ. Potest etiam admitti inter homines vnitas quædam Logica, de qua aliquid dicitur cap. sequenti, art. 4.

Obiicies 3. Petrus & Paulus à parte rei magis conueniunt inter se, quàm Petrus & Bucephalus, ergo habent naturam realiter communem; sequela patet, quia si non habent naturam communem, nullo modo conueniunt, adeoque non magis quàm Petrus & Bucephalus. Respondeo negando sequelam, quia etsi Petrus & Paulus non habent vnâ naturam communem, sed duas realiter inter se distinctas, maior tamen est conformitas & similitudo à parte rei inter naturas ipsorum, quàm



inter naturam Petri, & naturam Bucephali : quo fit vt magis conueniant inter se, quam cum Bucephalo.

Obiicitur 4. vniuersale ex Arist. est vnum aptum inesse multis, seu quod ex natura sua potest multis inesse; at quod ex natura sua tale est, est tale à parte rei, & citra mentis operã. Ergo datur vniuersale à parte rei, & citra mentis operam. Respondeo non sequi : nam ad vniuersale requiruntur vnitas, & aptitudo; at quamuis natura habeat à parte rei aptitudinem vt sit in multis, non tamen vnitatem; cum à parte rei vna sit in vno, & alia in alio.

Dices, Petrus & Paulus sunt vnum à parte rei in ratione essentiali hominis; ergo homo non tantùm habet aptitudinem vt sit in Petro & Paulo; sed etiam vnitatem. Probatur antecedens, cum quia ratio essentialis hominis vnica definitione explicatur; cum quia si Petrus & Paulus non essent vnum in ratione essentiali hominis, essent diuisi in plures essentias hominis, sicque multiplicarentur essentiae humanae iuxta multiplicationem individuorum, quod inauditum est. Tum denique quia alias aequè Petrus distingueretur à Paulo ratione humanitatis, ac ratione Petreitatis, quod dici non potest. Respondeo negando antecedens, & ad primam illius probationem dico, vnitatem definitionis non arguere vnitatem realem rei definitæ, sed vnitatem conformitatis, vel ad summum rationis. Ad secundam, non esse absurdum dicere Petrum & Paulum esse diuisos in plures essentias, si diuisio sumatur pro reali distinctione, cum alter ab altero, quoad totum quod est, realiter sit distinctus; vulgo tamen dicitur Petrum & Paulum esse eiusdem essentiae, vel non habere diuersam essentiam, quo nihil

aliud indicatur quàm eorum essentias etsi realia ipsa distinctas, posse vnica definitione explicari, propter conformitatem quam inter se habent. Ad tertiam, Petrum non minus distinguere à Paulo per humanitatem, distinctione reali, quam per petreïtatem; quia cùm humanitas & petreïtas sint eadem entitas in Petro, non potest Petrus à Paulo per vniam distinguï; quin eo ipso distinguatur per aliam; non tamen ab eo distinguï per humanitatem, sed per petreïtatem, si distinctio sumatur per negatione conuenientie; cùm ambo conueniant in ratione hominis, & discrepent in ratione Petri & Pauli.

### A R T I C V L V S V.

*Refellitur tertius modus dicendi prædictæ sententiæ.*

**T**ertio nonnulli recentiores ponunt in natura vnitatem quandam, quam vocant præcisionis, cum aptitudine essendi in multis; non quidem realiter extra singularia, vt volebat Plato; neque in naturam contracta in suis inferioribus, vt volunt Scotistæ; sed secundum se, quatenus naturam ordine præcedit cōtractionem sui ad inferiora.

At modus etiam iste displicet 1. quia vel natura in eo statu est realiter indifferens vt contrahatur ad inferiora, vel tantùm per rationem; si hoc posterius dicatur, sequitur non dari vniuersale nisi ad summum per rationem, contra arguentes. Si verò prius, hinc consequens est naturam secundum se esse realiter

distinctam ab inferioribus, quod communi Philosophorum sensui, ipsisque arguentibus repugnat.

Displicet 2. quia si natura quæ est in aliquo singulari, erat indifferens ex se vt contraheretur ad hoc vel illud individuum, ergo humanitas quæ est in Petro, æque poterat ex se ante contractionem esse in Paulo; & vice versa quæ est in Paulo, esse in Petro. Imo iam posset Deus humanitatem Petri conferre Paulo, & eam quæ est in Paulo, transferre in Petrum: Posset etiam similiter animalitas equi & asini in hominem transferri, quia ex se erat indifferens vt esset in bruto vel in homine. Quis autem non videt eiusmodi transformationes planè absurdas & chimericas esse?

Displicet 3. quia quamuis gratis concederetur naturam Petri, in statu illo præcisionis fuisse indifferentem vt esset in Petro vel in Paulo, inde tamen non sequeretur eam fuisse indifferentem vt esset simul in Petro & in Paulo, adeoque in eo statu non esset vniuersalis. Siquidem ad vniuersale non sufficit quod possit esse in hoc, vel illo individuo disiectiue; sed requiritur vt possit esse simul in hoc & illo coplatiue.


Obiicies 1. actus essendi in pluribus non pendet ab operatione intellectus, ergo nec aptitudo quæ ordine naturæ præcedit actum; ergo vniuersalitas conuenit naturæ à parte rei. Respondeo dimisso antecedente, & priori consequentia, posteriorem negandam esse: nam etsi natura à parte rei sit in pluribus, & antequam esset in illis, habuerit quandam aptitudinem vt in illis esset, inde non bene colligitur eam in illo priori fuisse vniuersalem. Quia vt talis esset, deberet esse vna, vt patet

ex dictis: at in eo priori non est vna, sed multiplex: sicut enim non vna sed multiplex natura est actu in pluribus; ita non vna, sed multiplex habuit aptitudinem ut in illis esset.

Obiicies 2. diuersæ naturæ rerum diuersas habent aptitudines, ut sint per modum identitatis in his aut illis, v. c. natura animalis in animalibus, non in lapidibus: natura lapidis in lapidibus, non in animalibus. Hæc autem diuersitas non oritur ex operatione intellectus abstrahentis naturas communes à suis particularibus, cum omnes eodem modo abstrahat; ergo provenit ex ipsis rerum naturis, sicque res à parte rei sunt vniuersales. Respondeo ex iam dictis, non dari à parte rei naturam quandam communem animalis, quæ habeat aptitudinem essendi in his & illis animalibus; nec naturam quandam communem lapidis, quæ possit esse in hoc & illo lapide, ut gratis supponitur: sed sola singularia animalium & lapidum quæ realiter existunt, habuisse antequam existerent, non repugnantiam existendi; quod non sufficit ad vniuersale, ut perspicuum est.

Obiicies 3. in hoc res omnes creatæ à natura diuina differunt, quod natura diuina non est communicabilis pluribus inferioribus, quæ plures naturas diuinas contineant; at vero natura omnis creata sit ex se eo modo apta esse in pluribus; ita ut in illis multiplicetur, ut patet in natura humana, quæ nemine cogitante, est multiplex in multis particularibus hominibus. Respondeo discrimen illud frustra admitti, quia supponitur naturam quandam in se vnā multiplicari in inferioribus; quod iam satis reiectum est, potestque exemplo ipsius naturæ diuinæ amplius refelli. Nam si

illa, quia est in se vna, non constituit tres personas, res Deos, sed vnum tantum Deum; qui fieri potest vt humanitas ex se sit vna, & tamen ita in Petro, Paulo, & Iabobo multiplicetur, vt eos constituat tres homines realiter inter se distinctos.



## CAPVT II.

De Vniuersali per mentis operationem.

## ARTICVLVS PRIMVS.

*Primus modus sentiendi excluditur.*

**H**Atenus de priori sententia, variisque modis quibus defendi solet. Posterior, quæ est communis Thomistarum, & aliorum, statuit naturas non esse vniuersales nisi per operationem mentis; quod tribus etiam modis, in hoc & sequentibus articulis expendendis, intelligi potest.

Primus modus est eorum qui putant vniuersale fieri per abstractionem intellectus agentis, cuius officium esse aiunt denudare phantasmata à conditionibus individuancibus; ita vt species quæ representabat hunc vel illum hominem singularem, repræsentet tantum hominem præcisè & secundum

le, sicque illum constituat in ratione vniuersalis.

Verum hic modus reiicitur 1. quia gratis supponit speciem ab intellectu agente productam abstrahere à singularibus, adeoque intellectum patientem non percipere nisi vniuersalia: oppositum enim ex communi sententia ostendetur tertio libro Physicæ.

Reiicitur 2. quia quamuis gratis daretur secundum vniuersale fieri per abstractionem speciei intelligibilis à singularibus, idem tamen dici non posset de primo, seu de genere; quia cum intellectus possibilis possit, etiam ex sententia aduerlariorum, intelligere species sub genere contentas, eo quod sunt nature vniuersales, frustra intellectus agens genus à suis speciebus abstraheret; sicut dicitur abstrahere speciem à suis indiuiduis, ut intellectus possibilis eam cognoscat.

Reiicitur 3. quia tunc natura censetur fieri vniuersalis per mentem, quando concipitur ut quid vnum aptum inesse multis; hoc autem non fit per fabricationem speciei intelligibilis, tum quia talis operatio non est cognitio obiecti, sed efformatio instrumenti quo mediante obiectum postea cognoscetur per intellectum possibilem. Tum quia species ab intellectu agente fabricata non potest abstrahere à conditionibus indiuiduantibus, nisi naturam perphantasma representatam, quæ est singularis. At natura ab vno tantum singulari abstracta non nisi in illo esse potest, quia cum illo tantum identificatur, adeoque non est positiuè vniuersalis; sed ad summum negatiuè, quatenus non cognoscitur ut singularis. Hinc autem facile solui possunt nonnulla quæ pro allata sententia afferri solent. Verum adhuc

Obiicies 1. species impressa est imago & formalis representatio nature, non ut singularis, cum sit abstracta à conditionibus individuuantibus, ergo ut vniuersalis. Respondeo 1. antecedens falsum esse; species siquidem impressa ex communi sententia, non est formalis obiecti representatio, sed causa partialis cum intellectu possibili concurrens ad eiusmodi representationem, quæ in specie expressa seu in actuali intellectione consistit. Vnde ex communi sententia Thomistarum, natura non sit vniuersalis, quando species illa effingitur, nisi ad summum remote & improprie; quatenus illius beneficio intellectus possibilis poterit postea cognoscere naturas sine conditionibus individuuantibus, sicque eas facere vniuersales.

Respondeo 2. etsi gratis daretur obiectum formaliter per speciem impressam representari, non inde sequeretur illud esse vniuersale, eo ipso quo illa species fit per intellectum agentem: quia natura ab vno singulari præcisa non potest esse vniuersalis, ut dictum est. Et quamuis esset, non tamen talis deberet dici respectu intellectus agentis, cum illam non cognoscat; præsertim in eorum sententia qui nobiscum putant intellectum agentem verbo tenus dici intellectum, & esse facultatem quandam ab intellectu pariente & cognoscente realiter distinctam; de quo alibi.

Obiicies 2. eo ipso quòd natura intelligitur abstracta, seu à conditionibus individuuantibus denudata per intellectum agentem, censetur habere per intellectum totum id quod Plato in vniuersali separato realiter constituebat; ergo id sufficit ad constituendum

uniuersale. Respondeo 1. abstractionem illam gratis supponi, vt dictum est. 2. quamuis daretur, negandam esse paritatem, quia Plato constituebat naturam aliquam uniuerſalem extra ſingularia realiter exiſtentem; at intellectus agens fabricando ſpeciem, non verſatur circa ipſam naturam, cum eam non cognoscit; adeoque non poteſt illam conſtituere actu & formaliter uniuerſalem. 3. eſſi intellectus agens verſaretur circa ipſam naturam; non tamen eo ipſo eam uniuerſalem conſtitueret; cum natura ſingularis non euadat uniuerſalis, quatenus præciſè concipitur ſine ſingularitate, vt ante dictum eſt, & ex dicendis clariùs intelligitur.

## A R T I C V L V S II.

*Alius dicendi modus impugnatur.*

**S**ecundus modus eſt eorum qui docent uniuerſale reſultare in natura per abstractionem præciſiuam intellectus poſſibilis; quod ita fieri putant vt intellectus poſſibilis ſpecie intelligibili, directè naturam ſine conditionibus indiuiduantibus repræſentante, inſormatus, producat in ſeipſo ſpeciem expreſſam ſeu conceptum, quo formaliter cognoscit naturam præciſè ſecundum ſua prædicata eſſentialia, non cognoscendo ſingularia; ſed ab illis præſcindendo, ſicque naturam abstractionem conſtituat uniuerſalem.

Licet autem multi quoad hoc conueniant; adhuc tamen inter illos eſt controuerſia circa actum quo fit uniuerſale; quidam enim exiſtimant illud fieri per comparationem ſimpli-



tem intellectus possibilis, quod sic explicant. Supposita cognitione qua natura sua præcisa à suis inferioribus aduenit actio reflexa intellectus qua cognoscit naturam ut participabilem à suis inferioribus, & hæc cognitio dicitur comparatio, estque simplex quando fit per simplicem apprehensionem, ita ut intellectus concipiat naturam per ordinem ad inferiora, nihil affirmando aut negando.

Alij vero dicunt vniuersale fieri per comparisonem compositam, quæ tunc habet locum, quando non tantum intellectus considerat naturam per ordinem ad sua inferiora, sed etiam eam illis attribuit per actualem prædicationem, dicendo v. c. Petrus est homo, homo est animal.

Sunt etiam nonnulli qui neutram comparisonem putant necessariam ad constitutionem vniuersalis, a quoque existimant vel solam abstractionem seu præcisionem naturæ à conditionibus individuantibus sufficere ut sit vniuersalis, quia sic concipitur ut una, & ipsa aliunde multiplicatur in indiuiduis, adeoque habet condiciones essentialiter requisitas & sufficientes ad vniuersale.

Verum hic dicendi modus, etsi longè probabilior & communior præcedenti, non satis solidè videtur excogitatus. Probatur 1. nam ad vniuersale requiritur vnitas, at vnitas non potest tribui alicui naturæ per mentem, siquidem non potest mens nostra tribuere vnitatem alicui naturæ, nisi quatenus eam concipiat ut vnā; at certe longè aliud est concipere naturam ut vnā, & eam facere vnā: sicut aliud est concipere Æthiopem ut album, & eam facere album.

Probatur 2. quia cum natura quæ dicitur

vniversalis, debeat vna & eadem prædicari de multis, vt mens nostra faciat vniuersale, debet consequenter facere vt natura eadem prædicetur de multis, v. c. eadem humanitas de petro & paulo; at hoc per mentem fieri nequit; siquidem vt natura prædicetur de petro, debet esse in petro; & vt prædicetur de paulo, debet esse in paulo: quare si eadem natura de utroque prædicatur, sequitur eandem naturam esse in illis, sicque eam esse re ipsa vnā & vniuersalem, non autem per mentis operam.

Probatur 3. quia dum hominem per modum vnius concipis, vel conceptus tuus est verus, vel falsus; si verus, ergo est conformis rei, adeoque homo est vniuersalis independentē a tuo intellectu; si falsus, ergo homo non est vniuersalis nisi per fictionem mentis, ex quo sequitur totam fabricam vniuersalis esse fictitiam & chimericam. At quis credat figmenta esse necessaria ad cognitionem veri? quo tamen tunc vniuersalia dicuntur inuenta.

Probatur 4. quia natura vniuersalis debet intimē & adequatē prædicari de quolibet inferiori; at homo ille quem abstrahis ab omnibus indiuiduis, nec potest intimē prædicari de petro, cum repugnet id quod ab aliquo abstrahitur esse illi intimum: nec adequatē, quia cum homo abstractus ab omnibus indiuiduis naturæ humanæ, contineat in se naturam communem omnium hominum, sequeretur petrum in se habere naturam omnium hominum, & cum illa identificari; quo nihil absurdius cogitari potest. Vt autem huius rationis vim clariùs percipias, variasque resolutiones quibus cludi potest, faciliùs soluas,

secole quæ dicta sunt de natura vniuersalis  
cap. 1. art. 1.

Obiicies illud est vniuersale, quod est vnum  
aptum inesse multis; at cum concipio homi-  
nem sine petreitate, homo à me conceptus  
est vnus & indiuisus, habetque vt sic aptitu-  
dinem essendi in multis, ergo ratio vniuer-  
salis illi competit. Maior patet ex definitione  
vniuersalis superius allata. Probatur minor  
quoad primam partem, quia cum homo diui-  
datur & multiplicetur per differentias indiui-  
dualis, eo ipso est indiuisus & vnus quo per  
mentem ab illis abstrahitur. Quoad secundam  
verò ostenditur, quia conceptus hominis vt  
sic, non minus paulo, aliisque indiuiduis na-  
turæ humanæ, quàm retro applicari potest;  
cum omnes æqualiter conueniant in ratione  
præcisa hominis. Respondeo negando mino-  
rem quoad vtramque partem, & ad earum  
probationem, dico falsum esse quòd homo  
abstractus à petreitate habeat vn tatem pro-  
priam vniuersalis, per quam aptus sit inesse  
multis; licet enim humanitas petri conside-  
retur sine petreitate, id non impedit quin ve-  
rè sit illius humanitas, planè distincta ab hu-  
manitate pauli, de quo proinde prædicari  
non potest. Confirmatur: nam quod petri hu-  
manitatem concipiam sine petreitate, id non  
facit vt humanitas illa insit paulo, ergo nec  
facit vt possit de paulo prædicari; cum de illo  
prædicari nequeat, nisi illi insit. Nec refert  
quòd conceptus hominis vt sic, dicatur de  
paulo; hoc enim falsum est, agendo de conce-  
ptu hominis constans ex humanitate ab-  
stracta à petreitate; cum hæc nunquam pos-  
sit verè fieri pauli, sed tantum per fictio-  
nem mentis, quæ ad veram prædicationem

46  
 vnius de alio non sufficit, vt perspicuum vi-  
 detur.

Instabis, sicut natura sit singularis ex eo  
 quod contrahatur per condiciones indiui-  
 duantes, ita debet fieri vniuersalis per præci-  
 sionem ab eiusmodi conditionibus. Respon-  
 dent aliqui hanc contractionem & præcizio-  
 nem gratis fingi, quia cum natura ex se & per  
 propriam entitatem sit singularis, hinc sic  
 eam neque contrahi posse ex parte obiecti, ne-  
 que præcindi. Verum data præcissione, dicen-  
 dum est naturam per illam non fieri vniuersa-  
 lem positivè, sed tantum negativè, quod non  
 sufficit ad verum vniuersale de quo agimus;  
 hoc enim dicit positivam aptitudinem ad es-  
 sendum in multis, quæ nulli naturæ per opus  
 mentis, nisi falsò & fictè competere potest.

Urgebis adhuc: esto natura abstracta ab v-  
 no singulari sit vniuersalis tantum negativè;  
 quæ tamen præcisa est à multis individuis est  
 vniuersalis positivè; quia sic est vna apta in:  
 esse multis. Respondeo neque id sequi; nam  
 sicut natura abstracta à Petro est vniuersalis  
 tantum negativè, ita abstracta à Paulo est vni-  
 versalis tantum negativè. Nec fieri potest vt  
 ex duobus vniuersalibus negativis fiat vnum  
 vniuersale positivum: aut quod natura abstra-  
 cta à Petro verè dicatur de Paulo, & abstracta  
 à Paulo verè prædicetur de Petro; cum eius-  
 modi abstractio planè extrinseca rebus &  
 imaginaria earum entitatem nullo modo at-  
 tingat.

Atque ex his constat nihil referre ad consti-  
 tutionem vniuersalis, quod abstractioni præ-  
 cisiuæ addatur cognitio comparativa siue sim-  
 plex, siue composita. Quia cum per illam ab-  
 stractionem natura non accipiat unitatem ne-

cessariam ad vniuersale , vt probatum fuit , consequens est comparationem ei superadditam per intellectum in ordine ad inferiora , cum talem defectum non corrigat , sed supponat , non sufficere vt natura vero sit vniuersalis.

Confirmatur : nam intellectus non facit naturam vnā ex eo præcise quod illam comparat cum inferioribus , ergo supponit aliunde vnā, nempe per abstractionem præcedentem , quam tamen ad id non sufficere ostendimus.

## ARTICVLVS III.

*Tertius dicendi modus exploditur.*

**S**Vperest tertius modus defendendi vniuersalia per mentis operam , eorum nempe qui docent ea fieri non per præcisionem obiectiuam , qua dicuntur cognosci nature ex parte obiecti , vt abstracte à conditionibus individuuantibus ; sed per aliam quam vocant formalem , quæ in eo posita est , vt omnia individua cognoscantur ex parte obiecti ; intellectus tamen ea cognoscat confuse per modum vnius , sicque faciat vniuersale.

Verum hic modus refellitur 1. ex doctrina communi de vniuersali, quam ipsimet Adversarij expressè defendunt. Dicant enim ad vniuersale requiri & unitatem , & pluralitatem ; unitatem in ipso vniuersali ; pluralitatem in inferioribus in eadem omnino ratione quæ reperiatur adæquatè in pluribus ; ita vt tota sit in quolibet , & non vna pars in vno ;

alia in alio. Nam si hoc ita se habet, cum iuxta eorum sententiam, vniuersale includat omnia indiuidua, conceptus hominis v. c. omnes homines particulares, hinc manifestè sequitur omnia indiuidua debere reperiri in quolibet indiuiduo, & consequenter in quolibet homine esse omnes homines. Sequela patet, quia si in Petro non reperitur nisi vna & singularis humanitas, & in Paulo alia singularis humanitas, perspicuum est in quolibet inferiori hominis non reperiri totam hominis vniuersalis rationem, quæ omnes & singulas humanitates includit, sed vnâ tantum partem in vno, aliam in alio. Cum ergo repugnet in quolibet indiuiduo reperiri totam & adequatam rationem vniuersalis eo modo explicari; hinc manifestè concluditur vniuersale non fieri per actum illum confusum, quem præcisionem formalem appellant.

Confirmatur, nam ipsimet Aduersarij ea ratione probant vniuersale non fieri per præcisionem obiectiuam; quia natura sic præcisa obiectiuè non potest prædicari intrinsecè de quolibet indiuiduo; cum sit natura omnium hominum, & natura omnium hominum non possit prædicari intrinsecè de Petro, adeoque nec de quolibet indiuiduo; Quia alias quilibet homo haberet naturas omnium hominum sibi identificatas, essetque verè & realiter omnes homines. At hæc ratio, quæ oprima est, sequè contra illos retorqueri potest, cum velint naturam formaliter præcisam includere omnia indiuidua. Imò maiorem vim habet contra illos, quia natura obiectiuè præcisa, est abstracta a differentiis individualibus: at formaliter præcisa, non abstrahit ab eiusmodi

di differentis, sed eas includit; est autem absurdus attribueret cuilibet individuo naturas omnium indiuiduorum, ut indiuiduas, quam ut abstractas.

Refellitur 2. quia ideo maxime statuuntur vniuersalia, ut dentur predicationes vniuersales & scientificæ; at si vniuersale complectitur omnia indiuidua, nulla dari potest prædictio vniuersalis; cum fieri nequeat ut omnia indiuidua prædicentur de quolibet inferiori; quare vniuersale eo modo constitui non debet.

Nec dicas cum Aduersariis, ad prædicationem vniuersalem non requiri ut tota natura vniuersalis prædicetur de quolibet; sed solum ut prædicetur illa natura particularis quæ in apprehensione præcedenti fuerat vniuersalis quatenus simul cum aliis confusè cognita fuerat. Nam in primis hæc responsio directè repugnat sententiæ communi, quam idem auctores defendunt, & vigent contra Thomistas: sæpe enim inculcant totum vniuersale debere prædicari de quolibet inferiori, iam verò parum sui memores, existimant satis esse quod pars aliqua vniuersalis de inferiori prædicetur.

Illi etiam docent cum sententia communi, idem esse posse vniuersale Metaphysicum & Logicum; quia eo ipso quod res est apta esse in multis, est quoque apta ut prædicetur de multis. At contendunt vniuersale in essendo constitui per apprehensionem omnium naturarum; quomodo ergo iam fatentur ad vniuersale in prædicando sufficere, quod natura sic concepta sit prædicabilis de quodlibet inadæquate, id est vna de vno, & alia de alio? Ista enim inter se non bene coherant, ut perspicuum est.

Metaph.

C

Rurſus, ſi natura in actuali prædicatione eſt particularis, nonne æquius eſt vt prædicatione propter illam dicatur particularis, quam quod ob apprehenſionem præcedentem, quam amplius non eſt, dicatur vniuerſalis? Cur vero neceſſe eſt vt concipiam omnes homines ſingulares per modum vnius hominis, ad hoc vt hominem de Petro euunciem? Et quo fundamento dicitur naturam Petri in præcedenti apprehenſione fuiſſe vniuerſalem, ſi vniuerſale dicit intrinſecè multas naturas cognitæ ad modum vnius? Sanè ad ſummum dici poſteſt, naturam Petri in illa apprehenſione omnium ſingularium per modum vnius, fuiſſe partem vniuerſalis: vnde ſequitur prædicationem illam, Petrus eſt homo, ideo dici vniuerſalem, quia etſi non prædicetur de Petro, niſi natura ipſius ſingularis, ea tamen ante prædicationem fuit pars nature vniuerſalis; quod quàm ſine fundamento dicatur, nemo non videt.

Obiicies: vnitas quam intellectus tribuit omnibus hominibus ſingularibus, quatenus illos confuſe cognoſcit, ac ſi eſſent vnus ſolus homo, non eſt vnitas ſingularis, quia per illum actum nullum indiuiduum in particulari cognoſcitur; ſed omnia confuſe; ergo eſt vnitas vniuerſalis. Reſpondeo non ſequi, tum quia vnitas illa non deſcendit adæquatè ad ſingula inferiora, vt dictum eſt; tum quia ſi ſuſtineret ad vnitatem vniuerſalem, quod multa ſingularia confuſe cognoſcerentur, ciuitas eſſet nomen vniuerſale, cum dicat multos homines confuſe, & nullum particularem diſtinctè. Sequeretur etiam me facere vniuerſale, quando eminèſ videro confuſe plura animalia, ac ſi eſſent tantum vnus animal; cum



## LIBER PRIMVS. 11

tamen ex communi sententia, sensus non possit facere vniuersale. Atque ex his satis constare videtur, nullum dari vniuersale siue a parte rei, siue per mentis operam, eo sensu quo in Scholis intelligi, & defendi solet.

---

### ARTICVLVS IV.

*Soluuntur nonnullæ obiectiões.*

**O**biicies 1. nos pugnare contra omnes Philosophos, qui vno consensu vniuersalia admittunt; quod videtur temerarium, & periculosum. Respondeo 1. opinio- nem negantem vniuersalia fuisse communem inter Philosophos, ante tempora Arist. 2. Sco- tistas nostræ sententiæ fauere, quatenus negamus dari vniuersale per mentis operam; & Thomistas eidem subscribere, quatenus negamus illud dari a parte rei. 3. in rebus ad fidem minimè spectantibus, nullam temeritatis no- tam ab iis incurri, qui non tam auctoritate humana, quàm ratione ducuntur: & cuius- bet licitum esse illud ex Arist. vîsurpare: *amicus Plato, sed magis amica veritas.*

Obiicies 2. nullas dari scientias, si non sint vniuersalia, cum non sit scientia de singula- ribus. Respondeo etsi non sit scientia de sin- gularibus, quatenus sunt corruptibilia; cum tamen non corrumpantur, nisi quoad existen- tiam, nihil vetare quin de eorum prædicatis essentialibus vera scientia dari possit: v. g. de Petro, vt est corpus, viuens, animal, homo; neque vîllo modo ad hoc requiri vt sit, aut sin- gatur quidam homo communis, cui ista præ- dicata per se primo conueniant.

Confirmatur, nam non datur scientia de homine communi, quia est homo communis; sed quia de illius prædicatis essentialibus dari possunt propositiones indefectibiles, & æternæ veritatis: at idem dici potest de homine particulari, ut homo est, cum eadem habeat prædicata essentialia, ac homo communis. Quare nihil vetat quin de illo ut sic, vera scientia detur.

Obiicies 3. ablato vniuersali, nulla vera definitio assignari potest; quia quæ competit vni individuo, alteri applicari non potest. Respondeo id non sequi; quia licet tale individuum ut sic, non possit definiri; potest tamen definiri natura illius secundum prædicata sua essentialia, eaque definitio potest applicari aliis individuis, quatenus similem habent naturam; ut Petrus quatenus homo, potest definiri *animal rationale*, hæcque definitio Paulo, aliisque individuis naturæ humanæ, ut sunt homines, applicari potest.

Dices 1. eo ipso quod natura Petri secundum se spectatur ut seiuncta à conditionibus indiuiduantibus, est vniuersalis; sicque recidimus in communem sententiam. Verum antecedens falsum est, ut patet ex dictis, quia ea præcisio non sufficit ut natura Petri sit per se vna, & apta esse in pluribus individuis, ut requiritur ad verum vniuersale. Quod etiam ex mente Thomistarum communiter recepta postea confirmabitur.

Dices 2. si indiuidua, ut supponimus, habent similem naturam, iam sunt vnam in natura, cum similitudo ex Aristot. in vnitatem fundetur. Respondeo 1. hoc argumentum posse videri contra Thomistas, quatenus docent vni-

nerfale fieri per mentis operam; expreſſè enim ſtatunt intellectum occaſionem ſumere ex ſimilitudine indiuiduorum concipiendi eorum naturam vt vnã, ſicque fabricandi vniuerſale. Quare ex eorum mente, ſimilitudo non fundatur in vnitãte; ſed potius vnitas in ſimilitudine.

Reſpondeo 2. quod ſicut illi, vt huic difficultati ſatisfaciant; docent, cùm ait Ariſtot. ea eſſe ſimilia quorum qualitas vna eſt, ſenſum eſſe, ea eſſe ſimilia quæ habent vnã qualitatem non re; ſed mente, ita nos diſtimus ea eſſe ſimilia quæ habent vnã qualitatem non re, aut mente; ſed Logicè ſeu æquiuãlenter; quatenus etſi diſtinctas qualitates habeant, perinde tamen ſe habent in ordine ad ſcientiam, ac ſi vnĩcam haberent qualitatem; vt ex definitione hominis ſuperius allata facile intelligi poteſt.

Obiicies 4. deſtructo vniuerſali, propoſitiones omnes fore identicas, & nugatorias; quia cùm dico: Petrus eſt homo, ſenſus erit, Petrus eſt Petrus, & ſic de alijs. Reſpondeo neque id ſequi; nam ad propoſitionem identicã non ſufficit quod attributum ſit idem realiter cum ſubiecto; quia ſic omnes propoſitiones affirmatiuæ eſſent identicæ, cùm ad veritatem illarum neceſſaria ſit identitas inter prædicatum & ſubiectum, vt omnes fauerentur: ſed requiritur vt idem ſit prædicatum & ſubiectum etiam quod voces, vt cùm dico: Petrus eſt Petrus. Quò ſit vt illa propoſitio, Petrus eſt homo, non ſit identica, eſto homo non ſumatur pro homine vniuerſali, quem ſuprà oſtendimus de Petro dici non poſſe; ſed pro ratione eſſentiali hominis quæ eſt in Petro.

Atque hæc omnia ex sententia communis Auctorum evidentè confirmari possunt. Illi enim post S. Thomam considerant naturam in triplici statu, 1. vt contractam ad individua, 2. vt abstractam per intellectû ab individuis, qua ratione dicunt eam esse vniuersalem, 3. secundum se, seu secundum sua prædicata essentialia, quomodo fatentur eam neque esse particularem, neque vniuersalem. Hinc enim manifestum est ad veram scientiam, aut definitionem, aut prædicationem non opus esse quod natura abstrahatur à singularibus, & fiat vniuersalis; sed sufficere quod illa quæ actu contracta est ad individua, consuetetur secundum sua prædicata essentialia.

Quæ omnia à nobis dicta sunt, saluo meliori iudicio, potiusque disputandi gratiâ, quàm quidquam ex proprio sensu in perniciem vniuersalis innouandi. Quare quæ tractanda supersunt de hac materia, consentaneè ad communioem opinionem, de vniuersalibus per mentis operam, accipienda erunt.

## ARTICVLVS V.

### *De nonnullis proprietatibus vniuersalis.*

**V**ariæ proprietates vniuersalis à Philosophis asserti solent, quæ hic breuiter proponendæ sunt. Prima est, esse quoddam totum quod vocant potestatiuum, quia non continet actu partes suas, sicut totum Physicum continet materiam & formam, sed potestate; ita vt etiam earum entitatem contineat; non tamen distinctè, sed per modum

confusionis, sub aliquo gradu communi per intellectum factæ.

Secunda est, ut sit prædicabile; essentia enim vniuersalis est quod sit aptum inesse multis, unde tanquam proprietas necessaria oritur, quod possit prædicari de multis, ut animal de homine, & equo; homo de Petro, & Paulo. Cæterùm vniuersale prædicatur tanquam totum de inferiori, etsi explicite vnā tantum illius partem contineat. Vnde dicimus: homo est animal, non autem: homo est materia; quia animal prædicatur ut totum, materia autem ut pars.


Tertia est, ut vniuersale sit intelligibile, quod ita à nonnullis accipitur ut intellectus non possit cognoscere nisi vniuersale; sed ab aliis melius explicatur, ut sensus sit, vniuersale quaterus vniuersale, posse quidem percipi ab intellectu, quia intellectus habet vim non modò percipiendi directè naturas quibus tribuit vniuersalitatem; sed etiam reflectendi supra actum quo illis tribuit vniuersalitatem; non tamen posse ut sic percipi à sensu, etsi natura vniuersalitati subtrata ab ipsis sensibus percipi possit.

Quarta est, ut vniuersale dicatur esse posterius singularibus; quod dupliciter intelligi potest 1. inspecto vniuersali secundum naturam realem quæ denominatur vniuersalis; ea enim non existit nisi in singularibus. 2. sumpto vniuersali formaliter pro ipsa vniuersalitate; hæc enim fit per abstractionem intellectus à singularibus, quorum proinde aliqua cognitio præcedere debet.

Quinta est, ut vniuersale sit semper, & vbiq̃ue, quod non debet intelligi positinè, sic enim Deus solus est semper, & vbiq̃ue; quia

omni tempore & loco existit; sed negatiuè vñ  
sensus sit, nullam esse tempus, nullumque  
locum in quo vniuersale secundum se non  
possit esse; quod de singulari creato affirmari  
nequit.

Sexta est, vt vniuersale dicatur esse æter-  
num & incorruptibile; quod etiam intelligi  
debet negatiuè, iuxta iam dicta. Ita scilicet  
vt cùm vniuersale abstrahat ab existentia, in  
qua variatio contingere solet, & dicat tan-  
tum prædicata essentialia, consequenter nul-  
lum habeat in se principium corruptionis, nec  
repugnet ex se quin sit ab æterno. Vnde  
quamuis nullus homo existerit ab æterno,  
fuit tamen verum ab æterno, hominem esse  
animal rationale; adeo vt impossibile sit ali-  
quem hominem vnquam existere, qui non sit  
animal rationale.



## CAPVT III.

### De Genere.

#### ARTICVLVS PRIMVS.

*Quodnam sit definitum in definitione  
generis.*

**E**X dictis in Logica constat genus à por-  
phyrio definiri: id quod pluribus & diffe-  
rentibus specie attribuitur in quaestione quid est.  
Iam vero requiritur quodnam sit definitum  
huius definitionis, an natura quæ dicitur

Genus ; an talis vniuersalitas ob quam genus appellatur, seu genericitas, an aggregatum ex natura & genericitate; idque vel ita vt verumque ex æquo definiatur ; vel ita vt natura sit definitum materiale, & vt quod, genericitas verò definitum formale, & vt quo, aut vice versa.

Respondeo & Dico I. *non defini naturam secundum se, nec genericitatem per se spectatam ; sed concretum ex natura & genericitate.* Prima pars probatur, quia natura secundum se spectata non prædicatur de multis specie differentibus in quid, sed tantum quatenus substat secundæ intentioni; ergo secundum se non est id quod definitur, cum id quod per definitionem explicatur, rei definitæ intrinsicè competere debeat. Confirmatur, quia aliàs speciei & indiuiduis generi subiectis competeret, posse prædicari de multis specie differentibus; quod absurdum est. Sequela patet, quia eadem natura, secundum se spectata, quæ est in genere, est etiam in speciebus, & indiuiduis generi subiectis: vt natura animalis in homine & equo; in Petro, & Bucephalo.

Secunda pars eodem modo ostendi potest, quia genericitas in abstracto non prædicatur de multis specie differentibus, adeoque non est id quod definitur in prædicta definitione. Confirmatur, nam genericitas non est genus; sed id quo genus constituitur; at definitur genus ipsum, non autem id quo genus constituitur.

Tertia pars ex præcedentibus colligitur; nam si non definitur natura secundum se, nec genericitas secundum se, consequens est vt concretum ex natura & genericitate definiatur. Confirmatur, quia hoc concretum est prædicabile de multis specie differentibus in quid, v. c. ani-

mal de homine & equo; ergo definitio allata ei competit, adeoque est id quod definitur, ad eum modum quo cum album definitur, *ad modum disgregati visum*, definitum non est subiectum cui inhaeret albedo, præcisè spectatum, nec ipsa albedo per se spectata, sed concretum ex subiecto & albedine; hoc enim est propriè quod visum disgregat.

Obiicies: ens per accidens non potest vnica definitione explicari, sed concretum ex natura & genereitate est ens per accidens, ergo, &c. Respondeo maiorem veram esse de ente omnino per accidens, seu cuius partes nullum inter se dicunt ordinem, quale non est genus; cum natura consideretur vt substantia genereitati, qua ratione vnum quodammodo cum illa constituit.

Dico 2. *naturam substantiam genereitati esse definitum materiale, & vt quod, genereitatem vero definitum formale & vt quo*. Primum patet; nam natura ipsa est id quod potest prædicari de multis specie differentibus, animal v. c. de homine & bruto: ergo natura est definitum materiale, seu id quod definitur.

Secundum ostenditur, quia natura non est prædicabilis secundum se de multis specie differentibus; sed tantum quatenus genereitati substat: quare genereitas est definitum formale, seu vt quo. Quemadmodum quando album definitur, *disgregat nam visum*, materiale significatum huius definitionis est id quod disgregat visum nempe paries, nix, cygnus, &c. formale vero est albedo ipsa, quia est ratio formalis ob quam disgregare visum prædictis subiectis competit; non enim visum disgregant secundum se, sed quatenus alba sunt.

Obiicies 1. si natura esset definitum quod, definitio ei accidentaliter competeret, quod



absurdum est. Respondeo id non sequi, quia etsi posse de multis prædicari naturæ per se spectatæ accidentaliter competat; non tamen si consideretur ut substantia vniuersalitati, & vnum cum illa constituens; sic enim animal essentialiter potest esse in multis specie differentibus, eique proprium est posse de illis prædicari in quid.

Obiicies 2. cum definitio generis aliorumq; prædicabilium sit Logica in illis secunda intentio, non natura definiri debet. Respondeo non sequi, quia etsi definitio naturæ secundū se nō sit Logica; est tamen Logica definitio illius, ut substantia vniuersalitati; quomodo hic definitur.

## ARTICVLVS II.

*De genere prædictæ definitionis.*

**C**Um genus, ut dictum est, definiatur id quod prædicatur de multis specie differentibus, neque iis verbis clarè exprimitur genus, ex quo definitio constare debet; dubium est quidnam subintelligatur quod se habeat per modum generis, an vniuersale, an prædicabile, an vero subiectum ipsum genericitate substratum.

Respondeo & Dico 1. *Vniuersale non habere locum generis in illa definitione.* probatur 1. quia si vniuersale est genus in illa definitione, ideo est quia quinque prædicabilia sunt veræ species vniuersales, & vniuersale est genus respectu illorum; hoc autem non satis certum videtur, cum proba illius sit non dari nisi duo vniuersalia strictè sumpta, etsi ex vso communis quinque admittamus, ut alibi dictum est.

Probat 2. quia Porphyrius exponens illam

definitionem ait, per illam particulam, *prædictam de pluribus*, excludi individuum. Hoc autem falsum esset si vniuersale haberet locum generis, quia iam per illud exclusum esset individuum; cum non sit vniuersale. Quare si illa definitio expendatur iuxta mentem Porphyrii, dici non potest vniuersale in ea habere locum generis.

Dico 2. *in illa desuntque subiectum non esse loco generis*. Probat, quia si Porphyrius definiisset genus per subiectum, iam per id quod haberet locum generis in illa definitione, exclusum esset individuum saltem substantiale, cum hoc nequeat esse in subiecto, adeoque immerito dixisset individuum excludi per particulas quæ in definitione locum tenent differentiarum; cum per differentiam propriè non excludantur nisi quæ conueniunt in genere, & per illud iam exclusa non sunt.

Obiicies, illud est discrimen inter accidentia abstracta, & concreta, quod abstracta definiuntur per verum genus, & per subiectum loco differentiarum, ut cum simitas definitur, *curuitas nasi*; concreta verò per subiectum loco generis, ut cum simum definitur, *nasiu curuum*; adeoque genus, cum sit concretum accidentale, per subiectum loco generis est definiendum. Resp. 1. non tam hic inquiri quomodo genus definiendum debeat, quam qua ratione à Porphyrio definitum fuerit. At non constat ab illo definitum esse per subiectum loco generis, quin potius oppositum ex allata ratione non obscure colligitur.

Respondeo 2. etsi verum sit concreta accidentium sæpe per subiectum defini, non minus verum esse ea per genus posse defini, ut patet: nam album defini potest, vel id quod est *dispositum visum*, quomodo definitur per subiec-

## LIBER PRIMVS. 67

ctum, vel, *coloratum difgregatum visu*; qua ratione definitur per concretum superius loco generis. Quare etsi genus sit concretum accidentale, inde non sequitur illud per subiectum debuisse definiiri.

Dico 7. *prædicabile est genus in altera definitione.* Sequitur ex dictis, cum nihil aliud assignari possit, exclusis vniuersali & subiecto. Confirmatur, tum quia cum Porphyrius agat de quinque prædicabilibus, eorumque definitiones, adeoque id in quo inter se conueniunt, aut discrepant, tradat, verisimile est cum rationem communem prædicabilis, in qua omnia conueniunt, pro genere in eorum definitione usurpasse, vt ipsa etiam verba quibus constant, satis indicare videntur.

Tum quia Porphyrius voluit assignare genus aliquod, in cuius ratione indiuiduum conueniret cum genere definito, vt ex antedictis colligitur. At nullum potest congruentius genus assignari, in cuius ratione indiuiduum cum genere definito conueniat, quodque per differentias generis & indiuidui proprietates diuidatur, quàm prædicabile; vtrumque enim est prædicabile; sed genus de pluribus, & indiuiduum de vno: quare fatendum est prædicabile habere locum generis in prædicta definitione.

Obiicies, si definitio generis constet ex genere & differentia, iam datur genus generis, quod repugnat, quia quod subiicitur generi, non est genus; sed species. Respondeo non repugnare quod idem sit genus & species diuerso respectu. Nam si primum vniuersale spectetur quatenus prædicatur tali modo de multis speciebus, sic dicitur genus; si autem quatenus conueniat cum aliis quatuor prædicabilibus in ratione prædicabilis, vt vult communis senten-

na, & ab iis differt in ratione talis prædicabilis, sub eo respectu, genus est species prædicabilis ab aliis quatuor speciebus distincta, & prædicabile est genus respectu eorum quinque specierum.

### ARTICULVS III.

*An genus necessario requirat plures species.*

**H**OC duobus modis intelligi potest 1. an genus necessario requirat plures species actu existentes, 2. an saltem exigat plures species possibiles, siue sint possibiles physice, id est per potentiam naturalem in rebus existentem; siue logicè, id est per non repugnantiam, seu per potentiam supernaturale. Respondeo & Dico 1. *genus non requirere necessario plures species actu existentes.* Probatum, quia creata vna specie animalis, potest ab illa, & ab aliis possibilibus abstrahi conceptus quidam genericus contrahibilis ad illas species, & de illis prædicabilis; hoc autem ad verum genus sufficit; quia genus non definitur quod actu est in multis speciebus; sed quod potest esse in illis; sicut vniuersale in comuni definitur, quod aptum natum est inesse multis. Imo hinc sequitur ad rationem generis non requiri actualem existentiam vllius speciei; quo fit vt flos in hieme sit verum genus, cù supponatur nullam tunc speciem floris in toto orbe existere.

Obiicies 1. ex Arist. & Porphyrio, in genere debere esse plures species. Respondeo hoc verum esse de pluribus speciebus vel actu existentibus, vel possibilibus.

O iunces 2. genus diuiditur per differentias specierum constitutiuas, & distinctiuas, vt ani-

mal per rationale & irrationale, quibus homo & brutum cōstituuntur, & inter se distinguuntur. At differentiæ non distinguunt nisi species actu existentes, ac proinde genus necessariò exigit plures species actu existentes. Respōdeo minorem falsam esse, siquidem distinctio quæ inducit inter species per differentias oppositas, cū sit essentialis, ab actuali existentia; ut satis patet exemplo florum, qui non minùs inter se specie distinguuntur, quando non sunt, quàm dum actu existunt.

Dico 2. iuxta mentem Porphyrii, & Aristoteli, cōmuniter probatam, ad verum genus requiri plures species saltem ut possibiles. Probatum manifestè tum ex definitione generis quod dicitur prædicabile de multis specie differentibus in quid. Tum quia genus dici solet totum potentiale essentialiter diuisibile per differentias oppositas; at hæc necessario supponunt multas species possibiles quæ illis constituentur.

Obiicies 1. si nullum animal esset possibile præter hominem, illa prædicatio, homo est animal, esset essentialis; nec tamen esset specifica, aut differentialis, cū animal non sit species, aut differentia; ergo esset generica, adeoq; animal etiam tunc verum esset genus. Respondeo prædicationem illam in eo casu fore specificam; quia enim nullum tunc esset animal præter rationale, eo ipso quod enunciarem hominem esse animal, implicite saltem dicerem eum esse rationalem, sicque prædicatio illa esset specifica.

Obiicies 2. nonne tota & essentialis ratio animalis reperitur in homine, imò & in quolibet hominis indiuiduo? ergo falso dicitur genus necessariò exigere plures species saltem possibiles. Respondeo non sequi; nam aliud

est loqui de animali secundum se, ut est corpus animatum sentiens, qua ratione animal non est genus nisi materialiter; aliud ut est formaliter genus, seu ut est prædicabile de multis specie differentibus in quid. Unde et si sub priori ratione possit animalis essentia conservari in vna specie, & in vno individuo; non tamen sub posteriori, de qua tantum hic agimus.

Dico 1. sufficere ad genus, quod species possint existere sive per potentiam Physicam, sive per potentiam Logicam. Probatur 1. ex definitione generis; nam genus definitur præcise quod potest prædicari de multis specie differentibus in quid, nihil determinando de modo quo species illæ sunt possibiles. Quare dummodò naturæ specie differentes existere possint, id sufficiet ad saluandam definitionem generis.

Probatur 2. nam cum ex communiori sententia, vniuersale fiat per mentis operationem, naturam communem abstrahentis ab inferioribus, tam facile potest intellectus abstrahere genus à speciebus logicè tantum possibilibus, quàm ab iis quæ per vim naturalem existere possunt; & genus sic abstractum æquè prædicabitur in quid de speciebus non repugnantibus, ac de existentibus aut physicè possibilibus; ut animal de infinitis speciebus brutorum creabilibus, ac de iis quæ hætenus productæ fuerunt, aut aliquando exituræ sunt.

Obiicies, vniuersale non esse metam fictionem mentis; sed habere fundamentum in rei natura; adeoque genus non respicere nisi species naturaliter possibiles. Respondeo non sequi, quia ut vniuersale non sit mera fictio

mentis, fufficit quod abſtrahatur à notis ve-  
rè & realiter multiplicabilibus, ſive ſint mul-  
tiplicabiles per potentiam naturalem, ſive per  
ſupernaturalem. Sic enim omnes communi-  
ter intelligunt ſolem eſſe verum vniuerſale,  
eſſi præter vnicum ſolem qui realiter exiſtit,  
alii non ſint poſſibiles, niſi per potentiam Lo-  
gicam; de quo intra agetur.

## ARTICVLVS IV.

*Quomodo genus ſe habeat ad ſpecies, & ad  
individa de quibus prædicatur.*

**P**Ræmoneo 1. genus prædicati de pluribus  
ſpeciebus, & de earum individuis, v. c. ani-  
mal de homine & equo, itemque de Pe-  
tro & Bocephalo; quo fit vt genus tam ſpecies  
quàm earum individua intinſecè reſpiciat.  
Eſt autem diſſentitas quomodo genus ad illa  
omnia referatur, ſeu quodnam ſit tam proxi-  
mum & immediatum, quàm adequatum cor-  
relatiuum generis; an ſpecies, an individua,  
an ætem aliquid iſtis commune, nempe ſub-  
iicibile in quid incompletè, vt nonnulli arbi-  
trantur.

**P**Ræmoneo 2. Illud dici proximum & im-  
mediatum correlatiuum alicuius, quod ſine  
interuentu alterius terminat illius relatio-  
nem; remotum vero & mediatum quod alio  
mediante, eam terminat. Rurſus illud dicitur  
correlatiuum adequatum, quod ita relatio-  
nem terminat vt eam adæquet, ſeu vt nihil  
aliud præter ipſum eam terminet; inadæqua-  
tum autem quod non ſolum; ſed ſimul cum

alio relationem terminat. Atque hoc totum explicatur exemplo potentiae quæ fertur in actum & obiectum; actus enim est proximum & immediatum illius correlativum, obiectum verò remotum & mediatum: at actus solus, & obiectum solum sunt correlativa inadæquata; ambo autem simul constituunt correlativum totale & idæquatum. His positis,

Respondeo & dico 1. *Speciem esse proximum & immediatum generis correlativum.* Probatur 1. nam ex Arist. 6. Topic. cap. 2. relativum debet defini per suum primum & immediatum correlativum; At Porphyrius cap. 2. Introduc. definiuit genus per speciem, & speciem per genus. Imò declaravit se necessitate compulsum ita definiisse, quia genus est speciei genus, & species est generis species; seu quia ad se mutuo respectu proximè referuntur. Quare negari non potest quin, saltem ex mente Porphyrii, species sit proximum & immediatum generis correlativum.

Probatur 2. nam illud est proximum & immediatum generis correlativum, cui genus proximè & immediatè communicatur; at genus proximè & immediatè communicatur speciebus; animal v. o. homini & bruto; ergo species sunt proximum & immediatum correlativum generis. Maior negari non potest, minor verò perspicua est ex arbore Porphyrii ab omnibus admissa, in qua genus immediatè dividitur per differentias specierum constitutivas, & per species descendit ad individua; quo ipso ostenditur species esse correlativum generis proximum & immediatum.

Obiicies: cum species & individua subii-



tiantur generi, non incongruè dici posse subieibile commune speciebus & indiuiduis, esse immediatum generis correlatiuum. Verùm hoc gratis affirmatur; quia sicut repugnat animal rationale abstrahi ab irrationali & rationali; ita & subieibile immediatum à subieibili mediato, qualia sunt indiuidua, & immediato, cuiusmodi sunt species.

Dico 2. Totale & adæquatum generis correlatiuum non esse species solas; sed species simul cum indiuiduis. Probat 1. nam genus non tantum predicatur de speciebus in quid incompletè, sed etiam de omnibus earum indiuiduis; ergo non tantum refertur ad species; sed etiam, ad earum indiuidua; adeoque totale & adæquatum generis correlatiuum ex speciebus & indiuiduis constituitur.

Confirmatur; nam genus definitur, quod predicatur de multis specie differentiibus in quid; ac quamuis diuersæ species eiusdem generis primo inter se specie differant, earum tamen indiuidua secundario differunt specie, quatenus diuersas rationes specificas participant, quare etsi genus immediatè & proximè species respiciat, negari non potest quin mediatè & remotè feratur ad earum indiuidua; ac proinde quin hæc spectent ad totale & adæquatum correlatiuum generis.

Probat 2. Nam cum animal v. c. refertur non modo ad hominem & equum; sed etiam ad Petrum & Bucephalum, vel illa relatio respectu Petri & Bucephali est generica, vel non; si non est generica, qualisnam est? Certè non est specifica, cum species dicat totam essentiam indiuiduorum de quibus predicatur; animal autem non dicat totam es-

sentiam Petri & Bucephali, ut perspicua est: At nec dici potest illam prædicationem spectare ad aliquod ex tribus ultimis prædicabilibus, cum animal nec sit differentia, nec proprium, nec accidens commune respectu Petri & Bucephali: ergo fatendum est esse prædicationem genericam, cum non plura sint quam quinque vulgaris prædicabilia, & ridiculum sit fingere cum Lonanensibus, sexum aliquod vniuersale innominatum, ad quod prædicatio generis de indiuiduis reducatur.

Obiicies: si genus refertur ad species & indiuidua, vel refertur ad illa eadem relatione, vel diuersa: non eadem, quia termini sunt distincti; non etiam diuersa, quia sic genus essentialiter includeret diuersos respectus, adeoque esset quid æquiuocum. Ergo genus non refertur simul ad species & indiuidua; sed ad species duntaxat. Respondeo genus referri ad species, & ad indiuidua eadem relatione, non obstante diuersitate terminorum, quia vnus respicitur immediatè, & alter mediatè: sicut potentia fertur eadem relatione in actum suum immediate, & eo mediante in obiectum.



233333 333333 333333

## CAPVT IV.

## SPECIE ET INDIVIDVO.

## ARTICVLVS PRIMVS.

*An species rectè definiatur, id quod sub-  
iicitur generi, & de quo genus  
prædicatur in quid.*

**R**ESPONDEO definitiones istas admittendas esse, tum quia communiter approbantur à Logicis, tum quia quæ contra illas obijciuntur, facile solui possunt, ut ex iam dicendis constabit: Si prius observatum fuerit, speciem hic non considerari ut est prædicabilis; sed quatenus est subdicibilis, quod non habet nisi per ordinem ad genus, per quem proinde definiri debuit.

Oblicitur 1. genus à Porphyrio fuisse definitum per speciem, adeoque si iam species definitur per genus, committi vitiosum circulum; quia sequeretur idem esse magis & minus notum respectu eiusdem, quod repugnat. Respondent aliqui genus non fuisse definitum per speciem; sed per ordinem ad ea quæ specie differunt, qualia sunt non tantum specie; sed etiam specierum individua; ac proinde cum iam species definitur per genus, non committi circulum.

Verum quia negari non potest genus fuisse

præsertim definitum per speciem, tanquam per terminum proximum & immediatum, ut supra ostendimus, quin & ipse Porphyrius affirmat se genus per speciem, & speciem per genus definiisse; ideo aliter Respondemus; in hoc definiendi modo nihil esse reprehendendum, quia ut idem autor monet, hoc est proprium relatinorum ut vnum definiatur per ordinem ad aliud; ac genus & species sunt relatiua, quoniam genus est speciei genus, & species est generis species. Quare genus debuit defini per ordinem ad species, & species per ordinem ad genus.

Confirmatur: nam vniuersale dicit intrinsecè ordinem ad multa, & per talem ordinem essentialiter definitur, ut patet ex dictis cap. 1. quare cum primùm vniuersale dicatur genus per ordinem ad multas species, per respectum ad illas defini debet. Contra verò subiicibile non potest intelligi nisi per ordinem ad id cui subiicitur, quo fit ut cum species subiiciatur generi, non nisi per ordinem ad illud, ut subiicibilis, defini possit. Dico ut subiicibilis, nam si species consideretur ut prædicabilis, sic per ordinem ad inferiora defini debet.

Obiicitur 1. si species rectè definiretur per genus, ea posset etiam legitimè defini per definitionem generis, adeoque per seipsam, hoc modo: *Species est id quod subijcitur prædicabili de multis specie differentibus in quid*, quæ tamen definitio absurda est & negatoria. Sequela patet, quia ex Arist. 2. Topic. cap. 5. quando aliquid ponitur in definitione, potest loco illius eius definitio in ea usurpari, ut si in definitione hominis loco animalis usurpetur corpus animatum sentiens. Respondeo ne-

gandam esse sequelam maioris, & ad illius probationem dicendum, Aristotelem intelligendum esse de eo quod ponitur in definitione, tanquam pars intrinseca rei definitæ; cuiusmodi est animal in definitione hominis; non autem de eo quod ponitur tantum ut terminus extrinsecus rei definitæ, quomodo genus ponitur in definitione speciei, & generatum vnum relationum in definitione illius.

Obiicitur 3. definitiones illas competere individuo, adeoque non esse legitimas. Siquidem individuum subicitur generi, & genus de illo prædicatur. Respondeo antecedens falsum esse, quia definitiones prædictæ intelliguntur de subicibilitate & prædicabilitate præstantiori, quæ est immediata & proxima; qualis non competit individuo; sed tantum speciei; eo quod individuum non subicitur generi, & genus non prædicatur de individuo, nisi mediante specie.

Quod si istes, animal prædicari immediatè de individuis, & individua immediatè subiici animali, ut patet in istis propositionibus ab omnibus admissis, Petrus est animal, Bucephalus est animal, ac proinde solutionem allatam non satisfacere. Respondeo prædicationem animalis de Petro & Bucephalo, etsi sit immediata quoad voces, in re tamen esse mediatam; quia cum animal non descendat ad individua illa, nisi mediante specie, adeoque nec Petrus sit animal, nisi quia est homo; nec Bucephalus, nisi quia est equus; hinc evidenter sequitur Petrum & Bucephalum non subiici generi, & genus de illis non prædicari nisi mediate.

Vegebis adhuc: esto Petrus & Bucephalus qui sunt individua completa & specifica, me-

diatè tantùm subiiciantur generi; negari tamen non potest quin individua quæ vocantur generica, vt hoc animal, & hæc qualitas ei immediatè subiiciantur; vt cùm dicimus, hoc animal est animal, hæc qualitas est qualitas: tunc enim inter individuum & genus nihil mediat, sicque allatæ definitiones speciei saltem individuis genericis competunt. Respondeo 1. nullum dari à parte rei individuum genericum; seu quod non constituatur in aliqua specie, cùm repugnet genus immediatè contrahi per differentiam individua-lem. Quate cùm dico, hoc animal est animal, demonstrò aliquod animal quod à parte rei est in aliqua specie animalis, etsi verbis expressè id non declareretur; eique ratio animalis, quia est in tali specie, adeoque mediatè competit.

Respondeo 2. etsi admitteretur individuum genericum, illudque immediatè generi subiiceretur, non tamen eo modo quo species generi subiicitur; quia species subiicitur generi formaliter vt genus est, seu vt includit tantùm partem illius essentialem materię respondentem; at individuum genericum si daretur, non subiiceretur generi formaliter sub ratione generis; sed sub ratione speciei, quia genus quod respiceret, totam illius essentialiam, ad modum speciei includeret; animal v. c. totam essentialiam huius animalis, & qualitas totam essentialiam huius qualitatis.

ARTICVLVS II.<sup>o</sup>

*An species infima rectè definiatur, quæ  
de multis numero differentibus præ-  
dicatur in quid.*

**H**anc etiam definitionem speciei infimæ omnes Philosophi communiter probant, tum propter autoritatem Porphyrij qui illam tradit, tum quia rectè per illam explicatur ratio speciei infimæ, ut constituit secundum vniuersale ab aliis distinctum. Tria tamen contra illam obiici possunt, 1. solem, lunam, & mundum veras esse species, cum tamen non prædicentur, nisi de vnico individuo. Responder quidam Neotericus solem, lunam, & mundum esse res singulares, non vniuersales. Quod si arguas hoc quidem verum esse de hoc sole, hac luna, hoc mundo, posse tamen ab hoc sole aliisque possibilibus abstrahi naturam specificam, quæ de illis ex æquo prædicetur: Responder non posse esse plures soles, aut mundos, adeoque solem aut mundum non esse species.

Verùm hæc responsio parum tuta videtur; fides enim docet Deum posse efficere quidquid non implicat contradictionem; at non implicat contradictionem quod detur alius sol, alia luna, alius mundus. Vnde enim talis contradictio oritur? Nam sicut creato vno homine, vno leone, vno equo, alius creati potuit in eadem specie; ita non repugnat ex se creati alium solem, aliam lunam, alium mundum, adeoque si ista nihilominus metaph.

uplicari nequeunt, ideo est quia potentia Dei in creatione mundi fuit exhausta, nec ad tales effectus se extendere potest; quod non modo lumini naturali, sed etiam fidei Catholice repugnat.

Dicendum ergo ad obiectionem allatam, solem, lunam & mundum posse abstrahi ab hoc sole, hac luna, hoc mundo, aliisque possibilibus, sicque posse dici species. Et quamvis species illæ de facto non prædicentur nisi de unico sole, unica luna, unico mundo, posse tamen de multis numero differentibus prædicari; quod sufficit ad rationem speciei. Faciendum tamen mundum non esse propriè speciem, cum sumatur pro hac vniuersitate ex cælo, elementis, aliisque rebus non modo specie, sed etiam genere differentibus, coagmentata.

Obiicies 2. ex mente S. Thomæ tot esse species Angelorum, quot sunt Angeli, ita ut nulla eorum species possit plura habere sub se individua, numero tantum distincta; hinc enim aperte sequitur non esse de ratione speciei, ut possit prædicari de multis numero differentibus. Verum in primis hæc obiectio faciliè refellitur primo ex dictis lib. 3. Idem Theologiæ speculat. Vbi ostendimus ex communi Scholasticorum sententia, non repugnare multiplicationem numericam in eadem specie Angelica, imò de facto dari plures Angelos solo numero distinctos.

Secundo, dato quòd species Angelorum essent immultiplicabiles in plura individua solo numero distincta, ex non haberent veram rationem vniuersalis, & prædicabilis; cum omnium consensu vniuersale sit vnum aptum inesse multis, & prædicari de il-



ut. Quare sicut genus non potest conservari in vna specie, nisi alia sint possibiles saltem Logice, ut ostendimus capite præcedenti, ita nec species in vno individuo, nisi alia sint possibilia, aut naturaliter, aut saltem per virtutem divinam.

Respondent aliqui Thomistæ naturam v. c. Michaëlis, prout præcisam à sua differentia individuali, esse indifferentem ad multa individua. & posse determinari ad illa (si essent possibilia) per differentiam individualem vniuersalemque, sicque esse vniuersalem & prædicabilem.

Verum hæc responsio refellitur 1. quia Thomistæ communiter docent, rationem individualem non distingui à specifica in Angelis, quia carent materia, & consequenter tot esse Angelorum species, quot sunt individua Angelica. Isti vero supponunt naturam specificam Angeli distingui à differentia illius individuali; quod non satis coheret cum doctrina illa apud ipsos recepta.

Refellitur 2. quia valdè absurdum est ponere aliquam speciem vniuersalem, cuius individua sint impossibilia, cum potius eo ipso censeretur species illa impossibilis, sub ratione vniuersalis, quod impossibile est individua sub illa multiplicari; ut manifestum est tum ex definitione speciei communiter ab omnibus probata, tum ex definitionibus vniuersalis superius, ex consensu omnium, etiam Aduersariorum traditis.

Confirmatur: quia eadem libertate dici posset, Deum esse veram speciem vniuersalem, etsi non sit, nec esse possit nisi vnicus numero Deus. Siquidem diuinitas ex se

posset repeteri in multis individuis naturæ di-  
uinae, si illa essent possibilis.

Obicitur 3. definitionem prædictam com-  
petere generi, cum de multis numero diffe-  
rentibus prædicetur, ut animal de Petro; &  
Paulo. Respondeo longè aliter genus prædi-  
cari de individuis, quàm speciem: genus enim  
prædicatur de illis tantum mediatè, & in-  
completè, species verò immediatè & com-  
pletè: ac præterea genus de multis specie &  
numero differentibus prædicatur, cum spe-  
cies infima tantum de multis numero.

Instabis: duas animas rationales posse di-  
uinitus informare materias specie distinctas,  
cum quibus proinde componerent duos ho-  
mines specie distinctos, de quibus tamen ho-  
mo essentialiter prædicaretur, sicque speciem  
posse prædicari de multis specie differenti-  
bus. Respondeo 1. casum illum esse ficti-  
tium, agendo de anima rationali qualis de  
facto existit; cum enim omnes animæ ratio-  
nales sint omnino similes, quoad essentiam,  
ita ex natura sua determinatur ad mate-  
riam eiusdem rationis, ut ne quidem diuini-  
tùs materias specie distinctas informare pos-  
sint.

Respondeo 2. admissa ea hypothesi, ho-  
mo non esset species infima; sed genus eo  
ipso quod de multis specie distinctis prædi-  
cetur, esto distinctio specifica non ori-  
retur eo casu à formis, ut sit iam in spe-  
ciebus distinctis; sed à diuersitate materiz,  
ut supponitur. Et idem dicendum est si sup-  
ponamus, posse dari homines specie distin-  
ctos ratione formæ, ut fert probabilior  
sententia; hoc enim supposito, fateri de-  
bemus non modò hominem fore genus, &

## LIBER PRIMVS.

Crearetur noua hominum species; sed etiam de facto esse, cum ad denominationem generis sufficiat quod species sub illo diuinitus multiplicari possint, ut supra dictum est. Quare quoties loquimur de homine ut de specie infima; id accipiendum est iuxta vulgarem hominum sensum, qui sine examine supponunt tanquam certum, non posse creati homines alterius speciei; cuius oppositum tanquam probabilius amplectemur, ubi de anima rationali.

Si istes, hinc colligi nullam dari speciem infimam, adeoque speciem è numero vniuersalium eradendam esse, cum quod dicitur de homine, à pari de aliis omnibus speciebus infimis dici possit.

Respondeo 1. id non benè ex dictis colligi, quia licet detur gradus hominis ex se esse genericum, & posse diuidi in plures species, inde non sequitur eandem limitationem rebus omnibus competere; cum saltem fatendum sit aliqua accidentia ita esse contracta & determinata ad unicam speciem, ut in plures species diuidi non possint; ut manifestum est in figuris & numeris. Constat enim omnes circulos esse eiusdem speciei, omnesque ternarios, & sic de aliis; quod absolutè sufficit ut dicamus dari aliquas species infimas; etsi, ut verum fatear, satis operosum sit speciem infimam inter substantias reperire, spectata Dei omnipotentia, cui nihil denegare possumus nisi quod apertam inuoluit repugnantiam.

Respondeo 2. etsi nulla daretur species infima per ordinem ad omnipotentiam Dei, inde non sequi secundum vniuersale abo-

lendum esse, quia cum dentur multæ species quæ de facto non habent, nec unquam habituræ sunt sub se nisi individua solo numero distincta, id sufficit ut secundum universale ex eiusmodi speciebus constituatur. Præsertim cum non pauci contendant repugnare etiam de potentia absoluta, quod de individuis specie distinctis prædicentur. Alij vero qui id nobiscum possibile existimant, putent naturas illas quæ sub se non continent nisi individua eiusdem rationis, dicendas esse species actu, & genera tantum in potentia; quatenus de potentia extraordinaria plures species habere possunt.

---

### ARTICVLVS III.

*An rectè assignata sint speciei habitudines,  
seu respectus.*

**E**X dictis constat duplicem esse speciem, aliam subalternam, aliam infimam; cuius divisionis ratio inde sumitur, quia cum species componatur intrinsecè ex genere & differentia, contingit interdum eam ita perfici per differentiam, ut per gradum aliquem ulteriorem sit adhuc essentialiter perfectibilis; quomodo constituitur species subalterna potens sub se habere plures species. Interdum verò per differentiam ita actuatur ut suum habeat ultimum complementum essentialiale, & iam immediate sit capax differentiarum individualis; qua ratione dicitur species infima, quæ scilicet non potest in alias

*Species diuidi; sed tantum in indiuidua: Quo posito,*

Respondeo & dico 1. *Speciem subalternam duplicem habere habitudinem, alteram ad genus, alteram ad inferiora: & priori respectu dici speciem, posteriori vero genus, quia sic multa respicit specie distincta. Ex quo patet duas illas habitudines esse formaliter inter se distinctas, cum earum termini adæquati sint formaliter distincti, & fieri nequeat ut denominationes generis & speciei ex eodem respectu eidem tribuantur. Est autem maior dubitatio quo sensu Porphyrius dixerit, speciem infimam non habere nisi vnā habitudinem, cum constet eam habere supra se genera, & sub se indiuidua ad quæ refertur. Quod ut intelligas,*

Dico 2. *Speciem infimam seu specialissimam habere duas habitudines distinctas, alteram ad genus cui subicitur, alteram ad indiuidua de quibus predicatur. Probatur quia tunc admittendæ sunt relationes distinctæ, quando termini sunt formaliter distincti, ut patet ex iam dictis: ac species infima quatenus ex vna parte refertur ad genus, ex alia ad indiuidua, habet terminos formaliter distinctos; ergo ut sic, duplicem habet relationem, alteram ad genus, alteram ad indiuidua.*

Confirmatur: nam ideo species subalterna habet duas habitudines distinctas, quia quatenus respicit superiora & inferiora, habet terminos formaliter distinctos, nempe ex vna parte genus, & ex alia speciem: ergo similiter in specie infima admittendæ sunt duæ relationes, cum supra se respiciat genus, & sub se indiuidua. Eo vel

maximè, quia respectu generis se habet ut inferius, & subiectum de quo genus prædicatur; at respectu indiuiduorum se habet ut superius, & attributum quod de illis prædicatur.

Dico 3. *Esi relationes prædictæ sint duæ, ambar tamen eandem denominationem species infima tribuere.* Probat: quia siue species infima referatur ad genus, siue ad indiuidua, semper denominatur species, & in hoc differt à specie subalterna, quod hæc relata ad superiora dicitur quidem species; relata vero ad inferiora dicitur genus. Exempli gratia, animal ut relatum ad viuens, vel ad corpus dicitur species; ut relatum verò ad hominem, vel ad equum, dicitur genus: at homo relatus ad animal, dicitur species, & relatus ad Petrum & Paulum, dicitur etiam species.

Atque hoc sensu Porphyrius supra relatus dixit, speciem specialissimam vnã dicere habitudinem: *Quia*, inquit, *esi superiora & inferiora respiciat, ea respicit, tanquam species; inferiora quidem ut ea continens, superiora vero ut ab eis continens.* In quibus verbis duo obseruanda sunt 1. vnã poni habitudinem nomine, quatenus vnã tribuit denominationem. 2. non tamen esse propriè vnã habitudinem; sed duas essentialiter distinctas, alteram contenti ad continens, nimirum speciei ad genus; species enim continetur sub genere tanquam inferius sub superiori, & pars subiectiua sub toto potestatiuo: alteram continentis ad contentum, nimirum speciei ad indiuidua; species enim est superius, & totum respectu indiuiduorum.

Nota 1. Speciem ut subiicibilem non constituere secundum prædicabile; sed ut dicere

ordinem ad inferiora; cū hoc tantū posteriori modo sit quid superius, & de multis predicari possit:

Nota 2. speciem vt præcise de multis prædicabilem, non constituere secundum prædicabile. cū species subalterna de multis specie differentiibus possit prædicari, nec tamen vt sic spectet ad secundum prædicabile, sed ad primum. Vnde sequitur speciem quæ constituit secundum vniuersale, esse illam quæ prædicatur tantum de multis numero differentiibus; quod soli speciei infimæ competit.

## ARTICVLVS IV.

*An possit abstrahi communis & vni-  
uoca ratio individui ab om-  
nibus indiuiduis.*

**N**On querimus an possit abstrahi communis & vniuoca ratio speciei ab omnibus indiuiduis, quoad naturam spectatus, v. c. communis ratio hominis à Petro & Paulo, quatenus sunt homines. Iam enim supra non semel supposuimus, ex communi sententia, id fieri posse; sed dubium est an ex indiuiduis formaliter vt sunt indiuidua, abstrahi possit communis ratio individui; adeo vt indiuiduum vt sic, sit terminus vniuersalis & vniuocus respectu huius & illius indiuidui, quatenus sunt indiuidua.

Respondeo & Dico 1. non facile à nobis in-

religi quomodo abstractio illa admitti possit, iuxta sententiam communem inferius tractandam, de præsentis gradum obiectivam. Probatum, quia si ratio illa communis individui abstrahi potest, ea eodem modo proportionem servata, abstrahi debet, ac ratio hominis abstrahitur à Petro & Paulo, & ratio animalis ab homine & bruto; ac impossibile est iuxta illam sententiam, quod ratio communis individui eo modo abstrahatur, siquidem per præcisionem obiectivam ita abstraho rationem communem hominis à Petro & Paulo, ut remaneant in iis differentie individuales quibus distinguuntur, & ab homine & equo: sic abstraho rationem communem animalis, ut in iis remaneant differentie specificæ per quas distinguuntur, quatenus illæ ab intellectu abstrahente non attinguntur, ac si verè à gradu communi distinguerentur: at si abstraho à Petro & Paulo, ipsam rationem individualementem, iam in iis nihil remanet quod talis abstractionis fundamentum esse possit, siquidem differentia individualis est, id quo unum individuum virtute differt à quocunque alio, adeoque non potest in illa poni aliqua formalitas communis omnibus individuis, & ratione distincta a formalitatibus propriis quibus inter se differunt: cum sine illa individuum sufficienter constitutum intelligatur.

Confirmatur: nam etsi homo & equus conveniant in ratione animalis, per differentias tamen específicas ultimò differunt, ita ut nulla in iis possit assignari formalitas hominis & equo communis. Alias si conceptus differentie posset cum fundamento secari in duos conceptus, quorum unus esset com-



munis & alter proprius, dicendum esset similiter conceptum hunc proprium possetur-  
sus diuidi in duas formalitates, quarum alia  
esset communis, & alia differentialis, sicque  
in infinitum abiretur. Quare cum ille pro-  
gressus sit impossibilis, faciendum est in dif-  
ferentia specifica esse vnā tantū forma-  
litate, per quam secundum se totam vna  
species distinguitur ab alia. Quod autem  
dicimus de differentia specifica, ad individuā-  
lem, proportionē seruata, applicandum est, ita  
scilicet vt Petrus per totam Petreitatem di-  
stinguatur à Paulo, neque in ea concipiatur  
cum fundamento, aliqua formalitas in qua  
cum Paulo conceniat.

Vbi aduerte me loqui, iuxta sententiam  
communiorē quæ præcisiones obiectiuas  
admittit nam si quæstio determinanda sit iux-  
ta illos qui non nisi præcisiones formales am-  
plectantur, dicendum videtur non repugna-  
re quod detur ratio communis individui ab  
hoc & illo individuo abstracta. Hoc enim  
fiet per actum intellectus quo omnia indi-  
dua confusè cognoscantur per modum vnius;  
sicut homo dicitur in ea sententia ficti vni-  
uersalis, per actum intellectus confundentem  
omnes homines, ac si esset vnus homo dun-  
taxat. Verū contra responsionem in priori  
sensu negantem.

Obiicies 1. definitio alia communis est  
omnibus indiuiduis substantiæ; ergo per il-  
lam aliquid commune definitur, non sola  
vox, ergo aliquid reale per vocem signifi-  
catum. Respondeo per illam definitionem  
non defini solam vocem, nec aliquid om-  
nibus indiuiduis realiter commune; sed sin-  
gula indiuidua per se. Vnde cum homo in


communi per se definiatur, non per Petrum, vel Paulum; individuum e contra non per se definiatur sed per Petrum & Paulum.

Obiicies 2. legitimum esse hunc syllogismum. omne individuum est incommunicabile, Petrus est individuum, ergo est incommunicabile: at hoc dici non posset si nihil daretur commune vniuocum indiuiduis, quia sic medium, nempe individuum, esset æquiuocum, ut pote nihil commune indiuiduis significans præter vocem. Respondeo negando minorem, quia ut syllogismus prædictus rectè concludat, sufficit quod maior propositio verificetur de omnibus & singulis, indiuiduis, quotquot existunt, quia nullum est quod non sit incommunicabile. Quare verba illa, omne individuum, non significant aliquid indiuiduis commune; sed confusè singula indiuidua, atque adeò perinde est ac si inductione probares, Petrum esse incommunicabilem, eo quod omnia alia indiuidua sunt incommunicabilia.

Obiicitur 3. Petrum & Paulum id habere commune ut sint incommunicabiles, ac proinde rationem aliquam communem ab iis abstrahi posse. Respondeo id quod dicitur commune Petro & Paulo, non esse commune nisi quoad voces, vel ad summum quoad conceptum nostrum formalem, sine fundamento in re: nam à parte rei ea conuenientia in eo consistit, quod Petrus non possit esse Paulus, nec Paulus esse Petrus; id est quòd summè inter se differant. Vnde id perinde est ac si diceres Petrum & Paulum conuenire in eo in quo summopere inter se discrepant, vel albedinem & nigredinem in eo inter se similes esse, quod sicut illa huic est dissimilis, ita hæc illi.

**Dico 2.** *etsi daretur conceptum commune indi-*  
*vidui abstrahi possit ab omnibus individuis, non ta-*  
*men concedendum esset conceptum illud esse uniuo-*  
*cum; sed tantum analogum.* Probat; nam vel  
 ratio communis quæ supponitur abstracta, re-  
 linquit aliquam rationem specialem, vel ni-  
 hil; hoc posterius falsum est, quia sic non est  
 abstractio, seu præcisio vnius gradus ab alio;  
 sed integra totius individui ablatio: si vero  
 prius verum est, ut profectò esse debet, sicut  
 quod post præcisionem remanet, debet neces-  
 sariò esse eius, ita debet esse vnum, & indivi-  
 sum; adeoque individuum. Vnde cum ratio  
 communis individui non perfecte præscindat  
 à rationibus specialibus; sed eas transcendat  
 eo modo quo ens transcendit suas differentias,  
 ea non potest esse uniuoca; sed tantum ana-  
 loga, ut ex infra dicendis, ubi de analogia  
 entis, clarius intelligetur.





## CAPVT V.

## De Differentia.

## ARTICVLVS PRIMVS.

*An dentur differentia infimæ, & simplicis.*

**S**ensus est, an species infimæ constituantur per differentias infimas, quæ scilicet cum aliis speciebus recipiuntur, ita ut nulli alteri conueniant; an verò eiusmodi species constituantur per combinationem plurimum differentiarum, quarum singulæ aliis speciebus conueniant, non tamen omnes simul iunctæ; ad eum modum quo in Logica diximus ex Porphyrio, indiuiduum constare ex collectione multorum accidentium, quæ singula quidem esse possunt in alio, non tamen omnia.

Respondeo admittendas esse de facto differentias simplices, quibus species infimæ constituantur. Probat 1. quia non est potior ratio cur species subalterne constituantur per differentias simplices, quam species infimæ; at species subalterne eo modo constituuntur, ut patet; nam animatum additum corpori facit viuens, sensitivum additum viuenti facit animal, &c. Ergo & species infima per vnâ simplicem differentiam constituitur.

Probat 2. quia species infimæ habent proprietates ultimas & reciprocas, ut homo

risibilitatem, equus humilitatem, &c. Ergo & differentias ultimas; sequela patet, quia cum proprietates à differentia oriantur, melius intelligitur vnā simplicem proprietatem ab vna simplici differentia oriri; quam à multarum combinatione.

Confirmatur: nam dummodò intelligas hominem esse rationalem, ex eo satis intelligis eum esse aptum ad ridendum; adeoque sicut non requiritur alia differentia ad inferendam illam proprietatem, quæ cum homine reciprocatur, ita neque ad constituendam hominis speciem.

Probatur 3. nam ex omnium consensu, differentia respondet formæ, sicut genus materię, vt infra explicabitur: at forma reciprocatur cum composito naturali quod ex ea constituitur, ita vt neque magis, neque minus latè pateat; vt constat in forma lapidis quæ omnibus & solis lapidibus competit, in forma equi quæ in omnibus & solis equis reperitur, & sic de aliis: ergo similiter differentia reciprocatur cum specie quam constituit, adeoque vel negandæ sunt omnes species infimæ, vel admittendæ differentię aliquæ infimæ, seu quæ cum his reciprocantur; ita vt illis omnibus, & nulli alij competant.

Obiicies 1. Aristotelem 2. poster. tex. 17. docere ad definiendam speciem infimam sumendas esse plures differentias subalternas, quarum singulæ latius pateant re definita, omnes vero simul sumptæ cum ea conuertantur.

Respondeo Aristotelem id non dixisse quod potaret speciem infimam eo modo exactè definiiri, aut non dari differentiam infimam; oppositum enim patet ex 7. Metaph.

rex. 42. ubi ait unius rei unicam esse differentiam, & per illam dandam esse definitionem; sed ut innueret per varias proprietatum combinationes essentiam speciei infimæ, ut plurimum nobis ignotam, aliquo modo declarari.

Obiicies 2. Porphyrium definiisse differentiam, id quod predicatur de pluribus specie differentibus in quale quid: Ex qua definitione cum sit generalis, colligitur omnem differentiam esse genericam, adeoque nullam esse specificam seu infimam. Respondeo definitionem illam non comprehendere omnes differentias, ut vel ex eo patet quod Porphyrius aliis locis aperte fauet nostræ sententiæ; ut cùm Introduct. cap. 12. ait *Differentia in multis speciebus sæpe conuertitur, ut quadrupes in pluribus animalibus specie differentibus*. Illa enim particula *sæpe*, clarè indicat non omnes differentias prædicari de multis specie differentibus, adeoque esse aliquas quæ cum specie infima conuertuntur: quare ex ea definitione nihil concludi potest contra differentiam infimam.

Putant autem aliqui ideo Porphyrium definiisse solas differentias genericas, vel quia genericæ sunt valde notæ, & infimæ ignotæ; vel quia hic Porphyrius non agit, nisi ex communi aliorum sententia: suo autem tempore Philosophi communiter negabant differentias ultimas; vel quia ex assignata definitione facile potest colligi generalis definitio comperens etiam differentiis ultimis, si nimirum omittantur duo illa verba, *differentibus specie*, ut in Logica observatum est.

Obiicies 3. eundem Porphyrium in defi-

nitione speciei semper afferre plures differentias, quarum quolibet latius patet specie definita, ut cum hominem definit, *animal rationale mortale*: nam rationale dicitur de Deo & Angelis, mortale vero de omnibus animalibus, at utrumque soli homini competit. Respondeo quod Porphyrius eo modo hominem definerit, id, ut alibi advertimus, ex Platoniorum errore profectum, qui falsò existimabant Deum, & Angelos esse animalia rationalia. Inde tamen non sequitur quod nullam differentiam infimam admiserit; sed ad summum quod pluribus utendum putavit, quando veteris differentie ignorantur, ut plerumque contingit.

## ARTICVLVS II.

*An differentia inferior superiorem formaliter contineat.*

**D**ico, formaliter: non enim dubitatur an differentia inferior includat materialiter seu identicò superiorem, cum ex commun: sententia inter se realiter non distinguantur. Dubium est ergo an differentia inferior formaliter spectata, secundum gradum & perfectionem quam dicit, includat in conceptu suo differentiam superiorem, rationale verb. cau. includat sensitivum, & hoc corporeum.

Qua in re pars negatiua amplectenda est, tum quia Aristoteles 4. Topic. cap. 2. ait differentiam non esse generis participem, quod sanè falsum esset, si differentia inferior superiorem includeret; cum per illam genus constitueretur.

Tum quia multa dicuntur de illis differentiis, quæ subsistere non possunt cum inclusione superioris in inferiori, puta quòd superior constituat genus, & inferior speciem, quod illa sit communior & latius patens ista; quod superior contrahatur per inferiorem; quod cum utraque concurret ad compositionem totius Metaphysici, superior se habeat per modum potentiae, & inferior per modum actus, &c.

Tum quia si sensibile v. includeretur formaliter in rationali, sequi ictur, eum dico, homo est animal rationale in ista definitione sensibile bis includi, temel ratione generis, semel ratione differentie, atque ad id hominem duplici titulo habere quod sit sensibilis: hoc autem cum admitti non debeat, sciendum est differentiam superiorem ita præscindere ab inferiori, ut in formali illius conceptu non includatur.

Obiicies 1. quod prædicatur de alio in abstracto, est de conceptu illius; atqui differentia superior prædicatur de inferiori in abstracto, ut patet ex Arist. 7. Metaph. tex. 43. cum ait, *Fissio pedum aliqua peditas est*: ergo differentia superior est de conceptu inferioris. Respondco maiorem veram esse, si vnum prædicetur de alio in sensu formali; non autem si solum in sensu identico seu materiali, quo modo exemplum allatum intelligi debet. Non enim Aristoteles dicit simpliciter fissionem esse peditatem: sed aliquam peditatem, id est aliquam differentiam peditatis; quatenus animalium habentium pedes, alia habent fissos, alia non fissos. Ut si diceret, rationale est aliquod sensibile, sensus esset, rationale esse differentiam aliquam sensibilis, quatenus scilicet



et sensibile diuiditur in rationale & non rationale.

Obiicies 2. hunc syllogismum in Darapti: omnis homo est sensibilis, omnis homo est rationalis, ergo aliquod rationale est sensibile. Ex quo concluditur eodem modo sensibile dici de rationali, quo rationale & sensibile dicuntur de homine, adeoque formaliter. Sed male id deducitur, non enim necesse est ut extrema tam arcte inter se uniatur, quam cum medio, ut patet si in allato syllogismo loco rationalis ponatur insibile; nemo enim concluderet insibile esse formaliter sensibile, cum illud dicat proprietatem accidentalem, hoc differentiam substantialem. Quare satis est ad veritatem syllogismi propositi, quod conclusio sit vera tantum in sensu identico.

Obiicies 3. differentia equi est radix operationum equinarum, quæ sine sensibilitate intelligi nequeunt, ergo sensibile est de conceptu illius. Respondeo antecedens falsum esse, si intelligatur, ut debet, de conceptu directo & explicito; quia differentia equi dicit aliquid proprium equo, sensibile vero dicit aliquid commune omnibus animalibus; potest autem proprium intelligi, etsi commune explicitè non intelligatur.

Declaratur: nam sensibile dicit principium sentiendi, differentia verò equi dicit principium hinniendi, at hæc principia ita sunt distincta in ordine ad cognitionem nostram, ut vnum possit intelligi, alio directè & explicitè minime concepto: sicut etiam possum concipere rationale, tanquam principium discurrendi & ridendi, etsi directè non concipiam principium sentiendi.

## ARTICVLVS III.

*An genus sit extrâ conceptum differentia,  
& differentia extrâ conceptum  
generis.*

**R** Espondeo, cum communi sententia, genus esse extrâ conceptum differentiarum, & differentias extrâ conceptum generis. adeoque vnum ab alio perfectè præscindere. Sequitur ex dictis præcedenti articulo: hic enim agimus de differentia speciei constitutiuâ, quæ cum præscindat à differentia generica, consequenter etiam ab ipso genere præscindit, vt rationale ab animali. Verùm eadem assertio rursus.

Probatur 1. nam quæ habent formalitates distinctas, ea non se inuicem includunt, quin potius vnum excludit aliud: at genus & differentia habent formalitates distinctas: genus enim dicit formaliter aliquid ex se commune, potentiale, perfectibile, contrahibile; & differentia vice verâ aliquid proprii, actuale, perfectiuium, & contractiuum; quæ rationes distinctæ sunt, imò & formaliter oppositæ, adeoque vna non potest includi in alia.

Probatur 2. nam quæ se inuicem formaliter includunt, ea de se possunt mutuò formaliter prædicari; siquidem aliquid prædicatur de subiecto. quia est in illo; & eo modo prædicari potest quod in illo est: vnde quia animal est formaliter in homine, ideo vera est illa prædicatio: homo est formaliter animal: at non potest genus formaliter prædicari de differentiâ

tia, nec differentia de genere; non enim valent istæ propositiones, in sensu formali sumptæ: rationale est animal, animal est rationale. Unde sequitur genus & differentiam non se mutuo includere.

Probatur 1. Nam si genus est de conceptu differentiarum, cum hæ species oppositas constituent, sequitur species illas inter se continere non tantum in ratione comuni generis; sed etiam in rationibus peculiaribus propriarum differentiarum, quod planè implicat; quia alioqui species illæ essent & non essent oppositæ per differentias, idèmq; esset gradus communis & proprius illarum. Si verò differentia essent de conceptu generis, cum illæ sint oppositæ, sequeretur genus ex rationibus oppositis constare. Cumque differentia iuncta generi constituat speciem, iam genus esset species, eaque multiplex. Quare cum hæc, aliæque id genus nimis absurda sint, fatendum est genus & differentiam ita à se invicem præscindere, ut vnum non sit de cōceptu alterius.

Obiicies 1. quando substantia dividitur in corpoream & spiritualement, corporeitas & spiritualitas sunt differentie substantiales, adeoque includunt rationem substantiæ. Respondetur, qualis est substantia sunt substantiales; non tamen substantiæ; ita differentie prædictæ sunt substantiales, quia determinant & perficiunt substantiam, non tamen includunt propriè rationem substantiæ completæ & predicamentalis; qualis est illa quæ constituit summum genus, & dividitur in corpoream & spiritualement.

Obiicies 2. qui dicit rationale, dicit viuens, ergo differentia includit genus. Respondetur

negando antecedens, si ita intelligatur ut rationale dicat formaliter viuens, illudque in suo conceptu includat; rationale enim non dicit Viuens, ut sic; sed tale viuens: sicut non dicit animal; sed tale animal. Et hoc apertius constat si prædicta sumantur in abstracto, non enim rationalitas dicit formaliter vitalitatem, sed talem modum vitæ, non vegetantis, aut sensitivæ; sed rationalis seu intellectivæ.

Obiicies 3. ex Arist. 7. Metaph. tex. 43. ultimam differentiam esse totam substantiam speciei; at genus est de substantia speciei, ergo differentia includit genus. Confirmatur, quia ob inclusionem illam Aristoteles prohibet, quando differentia inferior ponitur in definitione, ne aliqua superior differentia simul in ea usurpetur; quia fieret inutilis repetitio; ut si homo definiretur animal rationale sensibile. Respondeo ad obiectionem, ultimam differentiam esse totam substantiam speciei, non integraliter; sed completivè: quatenus addita generi speciem cum illo constituat. Unde non sequitur quod genus formaliter includat; sed ad summum identicè & materialiter, quatenus cum eo identificatur.

Ad confirmationem autem dico, Philosophum non prohibere ne differentia superior simul cum inferiori in definitione usurpetur, quod illa in hac formaliter contineatur; sed quia continetur in genere, ut sensibile in animali; unde sequeretur inutilis illa repetitio quam cavere intendit.

## ARTICVLVS IV.

*Quo sensu genus sumatur à materia, & differentia à forma.*

**N**onnulli hoc ita volunt intelligi, vt genus verè à sola materia sumatur, nullo modo à forma, differentia vero à sola forma, nullo modo à materia. Verùm còmunis sententia statuit genus & differentiam desumi à tota natura, cum eotamen discrimine quod genus ab ea sumitur, quatenus dicit aliquid potentiale & perfectibile; differentia vero vt dicit aliquid actuale & perfectiuum. Quod vt declararetur apertius,

Respondeo & Dico 1. *Genus non posse vniuersim desumi præcise à materia; nec differentiam præcise à forma.* Probatur manifestè: nam sunt aliqua quæ componuntur ex genere & differentia, etsi non consistant ex materia & forma, vt patet in Angelis quos certum est non repugnare inter se specie differre, etsi non consistant ex materia & forma, vt alibi ostendimus.

Idem suadetur in accidentibus, ea enim habent genera & species, adeoque componuntur genere & differentia, licet ex materia & forma non coalescant. Exemplum sit albedo quæ est species coloris, & definitur *color visum disgregans*, ita vt in illa definitione, color sit genus, & visum disgregans, differentia. Et tamen nemo dicit colorem, cum sit qualitas, constare ex materia & forma.

Dico 2. *Næque in substantijs materialibus genus semper posse desumi præcise à materia, & differentiam à forma.* Prior pars probatur inductione,

## METAPHYSICÆ

20  
 discurrendo per varia genera quæ à materia sola adæquate sumi non possunt. In primis substantiæ materiales conveniunt in genere substantiæ cum immaterialibus, quare sicut genus in istis non sumitur à materia, ita neque in illis.

Rursus corpora terrestria cum cœlestibus in genere corporis conveniunt, etsi in materia non conveniant, ut supponimus ex dicendis ubi de cœlo. Id autem fieri non posset, si genus sumeretur à sola materia.

Præterea genus viventis non potest sumi à materia; sed potius à forma sumi debet, cum hæc non illa sit principium vite. Et similiter genus animalis seu sentientis non potest sumi à sola materia, cum non illa; sed anima sit principium sensationum. & ita de aliis plerisque.


Posterior pars suadetur; nam cum differentia debeat commensurari generi, sicut hoc non sumitur à sola materia, ita neque illa à sola forma peti debet. Confirmatur, nam v. c. rationale quod est differentia hominis, non petitur à sola anima; sed etiam à corpore; cum non dicat solum gradum intelligendi; sed intelligendi tali modo, nimirum per conversionem ad phantasmata, & discurrendo; qua in re homo non modo à bruto; sed etiam ab Angelo distinguitur.

Dico 3. *genus & differentiam desumi à tota natura aliter, & aliter spectata.* Sequitur ex dictis, quia cum genus non sumatur à sola materia; neque verisimile sit illud sumi tantum à forma, consequens est sumi à tota natura: & vice versa cum differentia non sumatur à sola forma, nec verisimile sit eam sumi tantum à materia, hinc sequitur illam à tota natura sumendam esse.

Verum

Verùm quia est aliqua distinctio inter genus & differentiam, consequens est aliter genus, aliter differentiam à rei natura desumi: ita nimirum ut genus desumatur à natura, quatenus hæc dicit aliquid potentiale & perfectibile; differentia vero, quatenus dicit quid actuale & perfectum.

In idem recidit quod dicunt varij, in qualibet specie esse duo genera attributorum, alia communia, alia propria & specialia: v. c. in homine esse substantiam, corpus, vivens, sentiens, & similia attributa sibi cum brutis communia, & rationale quod sibi est proprium & peculiare; genus autem sumi ab attributis communibus, differentiam vero à propriis.



## CAPVT VI.

## De Proprio, &amp; Accidente.

## ARTICVLVS I.

*Due Prop. 13 definitiones expendantur.*

**P**roprium ex Porphyrio defini solet: *Id quod omni, semper, & soli speciei convenit, & cum ea recipitur.* Potest etiam defini, ut est quantum uniuersale seu predicabile; *Quod inest multis seu predicatur de multis accidenter, necessario, & per se.* Vbi tres particule observandæ sunt: 1. quod inest multis, seu dicitur de multis, per quam convenit cum aliis omnibus uniuersalibus. 2. accidenter, per quam differt à tribus prioribus. 3. necessario, & per se, per quam differt ab ultimo.

Contra priorem definitionem obijciunt 1. in

*Metaph.*

*E*

non de ere fieri mentionem speciei, cum Porphyrius quanto illam infiruat, speciei non moneret. Verum hoc refellitur, quia et si Porphyrius eo loco speciem non nominaret, quod tamen ex mente illius debeat subintelligi, inde perspicuum fit, quia in aliis proprij acceptionibus species exprimitur; quare sicut proprium in prima acceptione sumitur pro eo quod soli alicui speciei conveniat, et si non omni; & in secunda pro eo quod acci sit omni speciei, et si non soli; ita in quarta sumi debet pro eo quod omni, & soli speciei competit, esto vox speciei ibi prætermissa fuerit; cum par sit ratio.

Obijciatur 2. male in dicta definitione nomine speciei intelligi speciem infimam, cum non modo species infimæ, sed etiam subalternæ, & ipsa quoque summa genera sua habeant propria. Nam hæc omnia habent suas naturas & essentias ex quibus proprietates proportionatæ naturaliter fluunt: Imò et si ut ens est, et si non sit propriè genus, proprietates aliquæ assignantur, ut sequenti libro ostendemus. Respondeo 1. et si fateamur naturas omnes siue genericas, siue específicas sua habere propria, sicque alia dici posse propria generica, alia specifica; non tamen inde bene colligi quod intenditur, quia Porphyrius voluit tantum definite proprium strictè & maxime propriè sumptum, quale non est nisi proprium specificum. Siquidem illud dicitur proprium alicui, quod alteri commune non est; quare proprium genericum, cum multis essentialiter distinctis competat, non tam propriè proprium dici potest, quàm proprium specificum quod non nisi vni speciei convenit.

Respondeo 2. si definitionem prædictam



etiam ad propria generis, a extrinsecis velis, nominatim speciei intelligi posse naturam vel essentiam rei; ut sensus sit proprium esse id quod alicui naturæ, quæcunque sit, ita competit, ut omni, & soli, & semper conueniat. Neque propterea existimes dari duo prædicabilia proprii, alterum specifici, alterum generici. Cum enim eodem modo prædicetur de natura ad quam spectant, nempe in quale necessarium, non nisi vnum prædicabile constituent, ut in Logica aduertimus.

Obiicitur 3. proprium non rectè definiri *Id quod soli, & semper competit*, ut ex eo ostenditur, quia primæ qualitates sunt propria elementorum, neque tamen iis solis, aut semper competunt; cum ex vna parte calor, frigus, humiditas, & siccitas in mixtis reperiuntur, & ex alia, aqua non sit semper frigida, nec ær semper humidus, nec terra semper sicca. Respondeo 1. qualitates elementares in summo gradu esse propria elementorum, eoque modo mixtis non competere, sed tantum in aliquo gradu remissio; aut si interdum in summo gradu iis competunt, ut summus calor ferro candenti, id non oriri ex principis internis, sed ab extrinseco.

Respondeo 2. non esse proprium aquæ quod actu sit frigida, sed quod ex natura sua summam frigiditatem postulet; quemadmodum non est proprium hominis quod actu rideat, sed quod ex natura sua sit aptus ad ridendum; ea autem exigentia competit a iure, quam cum intense calida est. Et similiter alia elementa exigunt qualitates connaturales, etiam cum iis actu primaria sunt.

Ex quibus collige, quid dicendum sit ad eos qui obuiant intellectuum esse proprium

hominis, nec tamen solum homini competere, sed etiam Angelo; falso enim & gratis supponitur intellectuum inter propria hominis strictè sumpta collocandum esse, cum vel eo ipso quod comperat homini & Angelo, dicendum sit esse proprietatem fluentem ex gradu substantiali homini & Angelo communi. Si tamen intellectuum restringatur ad vim quandam & aptitudinem intelligendi tali modo, nimirum per discursum, & per conversionem ad phantasmata; sic dici potest intellectuum esse proprium hominis, cum ille modus intelligendi homini comperat, non autem Angelo.

Contra posteriorem definitionem obicitur 1. multa accidentia communia esse naturaliter inseparabilia à subiectis suis, & necessario iis competere, ut patet in candore cygni, & nigredine corui, aliisque eiusmodi quæ ad quintum prædicabile pertinent. Unde sequitur proprium non bene distingui ab accidente communi, quatenus dicitur multis competere necessario, & per se. Respondeo consequentiam istam nullius esse roboris, quia illud tantum dicitur alicui competere necessario & per se, quod fluit ab illius essentia: at accidens proprium fluit à subiecti sui essentia, commune verò ex alia causa oritur. Quare etsi naturaliter & necessario alicui comperat, nec possit naturæ viribus ab eo separari, non tamen ei dicitur competere necessario, & per se, sicut proprium.

Obicitur 2. illud est discrimen inter proprium & accidens, quod accidens dicitur primò de individuo, secundò de specie; ideo enim homo est albus, quia Petrus est albus: Contra verò proprium primò dicitur de specie, secundò de individuo; nam ideo Petrus est risibilis, quia homo est risibilis; ergo proprium ut vniuersa-

se, debet potius definiri per ordinem ad speciem, quam per ordinem ad individua, adeoque allata definitio non est legitima. Respondeo id non sequi; nam quomocunque proprium speciei & inferioribus conveniat, certo illud non potest constitui in ratione vniuersalis, nisi per ordinem ad multa. Quare etiam Petrus & Paulus sint risibiles, quia homo est risibilis; risibile tamen non potest habere rationem vniuersalis in ordine ad hominem, sed in ordine ad Petrum vt Paulum, & latius probatum est in Logica.

## ARTICVLVS • II.

*Dua Accidentis definitiones declarantur.*

**Q**UÆRITUR 1. Vtrum Accidentia Porphyri rectè definiatur: *Quod adest, & abest sine subiecti interitu.* Respondeo hanc definitionem vt legitimam vulgo à Philosophis defendi. Vt autem illius sensus melius percipiatur, & obiectionibus quæ contra illam fieri possunt, satisfiat,

Observandum est subiectum accidentium & proprietatum duobus modis spectari posse, primò quoad existentiam, secundo quoad essentiam; & illud esse discrimen inter accidentia, & propria, quòd præsentia, vel absentia accidentis potest quidem subiectum immutare & corrumpere quoad existentiam, non tamen quoad essentiam; proprium verò sine corruptione essentiae à subiecto abesse non potest. Cum enim rei essentia postulet intrinsecò & necessariò proprium, ablato proprio, tolli-

itur à posteriori exigentia illius, adeoque non manet eadem essentia. Quia verò essentia non sic accidens commune postulat, sed illud recipit aliunde; hinc fit ut presentia, vel absentia accidentis vel essentiam non immutet, esto interdum illius existentiam destruat. Atque hinc solvantur variae obiectiones, quæ aduersus aliam accidentis definitionem vrgeri solent.

Obiicitur 1. quædam accidentia non posse esse in aliquo subiecto, sine illius interitu; ut patet in summo frigore, quod nequit esse in homine, sine illius destructione. Respondeo summum frigus destruere hominem quoad existentiam, non quoad essentiam. Facit quippe ut homo moriatur; sed non ut homo non sit animal rationale.

Obiicitur 2. quædam accidentia non possunt abesse à subiecto sine illius interitu; ut nigredo à coruo, albedo à Cygno, calor ab animali, &c. Respondeo similiter eiusmodi accidentium absentiam causare interitum subiecti, quoad existentiam, non quoad essentiam. Etsi enim Coruus, detracta nigredine, naturaliter intereat; manet tamen essentia illius integra, cum non propterea desinat esse talis speciei. Præterquam quod Porphyrius probat definitionem accidentis, ex eo quod possumus Coruum album intelligere. Imo non modo intelligi, sed & de facto existere Coruos albos à viris sic dignis iamdiu accepimus, idque testatur doctissimus Aldrouandus Ornithologiæ lib. 12.

Obiicitur 3. esse quædam propria quæ non tantum mente, sed etiam re ipsa possunt, saltem diuinitus, separari à subiecto, sine illius interitu; ea nimirum quæ realiter ab essentia distinguuntur, ut frigiditas ab aqua, licetitas à

terra, &c. Respondeo eiusmodi propria duobus modi spectari posse, primo formaliter secundum suam realem entitatem prædictam, secundo radicaliter, ratione exigentiae intrinsecae & necessariae qua postulatur à principis naturae: ac priori modo posse propria illa, virtute diuina separari ab essentia, sine illius interitu, non posteriori. Est enim essentia aquae maneat, etiam naturaliter, sine actuali frigiditate; non tamen sine intrinseca exigentia frigiditatis; adeo ut definat esse essentialiter aqua, eo ipso quod ex se non postulet habere frigiditatem: sicut homo defineret esse essentialiter homo: si ex se non postularet risibilitatem. Et hoc tantum modo videtur posse defendi allata definitio, & constitui verum discrimen inter proprium & accidens commune, quod cum ab essentia rei non exigatur, potest illi intacta, & quoad se, & quoad suam radicem ab ea anelli.

Queritur 2. an accidens rectè à Porphyrio definiatur: *Quod neque est genus, neque differentia, nec species, nec prius; semper autem in subiecto inhaerens.* Nonnulli existimant definitionem illam esse viciosam, quia cum tradatur per negationem, non tam explicat quid sit accidens, quam quid non sit. Verùm alij eam defendunt primo quia Arist. 1. Topic. cap. 5. eam tradit, ut alibi monuimus, neque eam ut illegitimam damnat; sed tantum ait secundam esse meliorem.


Secundo, quia si definitio illa est viciosa, ideo est vel quia traditur per negationem, vel quia traditur per talē negationem, nempe generis, speciei, &c. At neutra ex causa vitium habet, non ex prima, quia duo sunt rerū genera quae melius per negationem, quam per affirmationem explicari possunt, nimirum perfectissima

& imperfectissima, qua ratione describitur Deus quod necne est cœlum, neque ignis, neque homo, neque Angelus, neque quidquam creatum. Et materia prima, quæ est minimæ entitatis, describitur ab Arist. 7. Metaph. cap. 3. quæ per se ipsam neque est quid, neque quantum, neque aliud quidpiam dicitur quibus ens determinatur. Quare cum accidens sit ultimum inter prædicabilia, non incongruè per negationem definitur.

Non etiam ex secunda, quia cum iam dictum sit quid sit genus, quid species, quid differentia, quid proprium, non est inconueniens per eorum negationem explicare quid sit accidens; sic enim facile omnes partes definitionis intelligantur. Esset tamen vitiosa descriptio accidentis, si antequam actum sit de aliis prædicabilibus, per eorum negationem traderetur.

Accedit quod definitio illa non est totaliter negatiua: enim addat Porphyrius illa verba, *semper* autem in subiecto inheret. Vbi vox *semper* non significat subiectum nunquam existere sine accidente; hoc enim aperte falsum esse vel ipsa experientia satis ostendit; sed nunquam accidens esse in rerum natura, quin sit in suo iusto, eo quod accidentis esse est inesse.

Verum etsi hoc, spectatis solis naturæ viribus, certum & exploratum sit, si tamen habeatur ratio potentie Dei extraordinariæ, indubitatum est apud Catholicos, accidens posse existere sine ullo subiecto, ut patet in sanctissimo Eucharistiæ sacramento, & infra libro 3. laus dicitur.



# LIBER II.

DE ENTE SECVNDVM SE.

*EXPLICATA RATIONE*

*vniversalis, ad Entis in genere tractationem progredimur, in qua de conceptu entis, de gradibus essentialibus rerum, aliisque ad eandem materiam spectantibus, breuiter agendum erit.*

---

## CAPVT PRIMVM

De conceptu, & analogia entis.

ARTICVLVS PRIMVS.

*De duplici acceptione entis.*

**Q**VAERITVR I. quid nomine entis intelligatur. Respondeo ex aliquorum sententia, ens dicere entitatē actualem, seu actū existentem: quia cum ens sit participium verbi, *sum* quod significat actum.

E v

existendi, hinc colligunt ens sum: pro eo quod est actu existens.

Alij dicunt ens formaliter quidem dicere existentiam, de materiali verò id quod habet esse, idque vel actu, vel potentia: nam rosa etiam non existens actu, est ens, sicut est substantia, & flos. Verum addunt ens non dici essentialiter de rebus creatis, quia dicit ordinem ad actualem existentiam, quæ non est de quidditate vel essentia creature.

Approbanda tamen vulgaris distinctio entis participialiter, & nominaliter sumpti. Ens sumptum participialiter, seu ut est participium verbi *sum*, idem significat ac rem actu existentem; sumptum verò nominaliter, seu substantivè ut nomen quoddam neutrius generis, significat essentiam rei vel actu, vel potentia existentis. Ad eum modum quo vivens v. participium, significat rem quæ usu actuali vitæ potitur; ut autem nomen deductum à vita, significat substantialem gradum viventis, seu principium potens vitæ operationes exercere, quomodo in arbore Porphyriana usurpatur.

Atque hoc posteriori modo sumitur ens, cum dicitur esse obiectum Metaphysicæ; non enim id debet intelligi de ente actu existente, sed de eo quod vel actu existit, vel saltem potest existere. Quo etiam sensu ens dividitur in decem prædicamenta, quia scientiæ non considerant rerum existentias quæ possunt esse vel non esse, sed quidditates & essentias earum, aliaque quæ ipsis invariabiliter, & necessario competunt.

Quæritur 2. quid sit ens, seu quomodo definiatur; Respondeo ens non posse propriè defini, cum definitio debeat constare generis & differentia; ens autem non habeat supra



se vllum genus. Quare pot. est tantum ratio entis vtrunque explicari per descriptionem aliquam, aut vocis declarationem.

Vnde cum ens sumatur dupliciter ex dictis; primo vt est participium, secundo vt est nomen, dicendum est si priori modo spectetur, rationem illius formalem in eo considerare, vt sic aliquid actu existens; si autem posteriori, sic rationem illius in eo positam esse quod sit habens essentiam potentem realiter existere, siue actu existat, siue non. Ex quo intelligis ens vtroque modo esse nomen concretum, nostro concipiendi modo; adeoque non significare præcisè existentiam, vel essentiam, cum hæc sit abstracta, sed aliquis habens existentiam, vel essentiam.

## ARTICVLVS II.

### *De prædicabilitate Entis.*

**Q**Uæritur 1. quomodo ens in ea duplici acceptione prædicetur de inferioribus entibus completis, substantia nempe & accidente.

Respondeo & dico 1. *Ens sumptum participialiter, seu vt dicit actuale existentiam, non prædicari essentialiter de vlla creatura.* Ratio est, quia cùm sit Deo liberum creaturas omnes producere, vel non producere, consequenter creature omnes sunt ex se indifferentes vt existant, vel non existant; adeoque non est de earum essentia quod existant. Alius, sicut non potest concipi essentia hominis, nisi concipiatur quatenus animal rationale; ita non posset concipi nisi sub ratione existentis; quod dici non potest,

E vj

Confirmatur nam omnes Theologi illud discrimen ponunt inter Deum & creaturas omnes, quæcumq. sint, quod existentia actualis est de essentia Dei, ita ut illius essentia concipi non possit, nisi concipiatur ut ens infinitum actu existens; non est autem de essentia vltius creature, quod actu existat, cum homo v. c. semper sit animal rationale, siue actu existat, siue non.

Dico 2. *Ens sumptum nominaliter, seu ut dicit essentiam realem, prædicari essentialiter de suis inferioribus.* Probat, quia nihil potest magis dici essentialiter de re aliqua, quam ipsa eius essentia, ut patet cum dico, hominem esse animal rationale; atqui ens sumptum nominaliter significat rei essentiam; ergo maximè de illa dicitur essentialiter. Vnde illæ propositiones, homo est ens, equus est ens, & similes, sunt essentielles.

Confirmatur: quia primum quod alicui rei conuenit, est quod habeat essentiam; inde enim reliqua omnia ut à radice proueniunt. Ergo ens ut significat essentiam, est primum & essentialiter rei prædicatum.

Obiicies 1. fieri non potest quod aliquid sit ens reale independentè ab existentia, cum id quod non existit, nihil sit; quare repugnat quod ens sumptum nominaliter, seu abstrahendo ab existentia dicat essentiam realem, & prædicetur essentialiter. Respondeo duobus modis aliquid posse dici ens reale; primo quia realiter existit, secundo quia potest realiter existere: Vnde etsi nihil dicatur ens reale nisi dependentè ab existentia, ut tamen aliquid realè dicatur, non opus est quod actu existat; sed sufficit quod possit actu existere.

Instabis, hoc modo ens reale semper dicit ordinem ad existentiam; at existentia non est de essentia vltius creaturæ; ergo neque ens siue verbaliter, siue nominaliter sumatur, potest prædicari essentialiter de aliqua creatura.

Respondeo ens dicere ordinem ad existentiam, vel quam actu habeat, vel quam saltem habere possit; licet autem actualis existentia non sit de essentia creaturæ, possibilem tamen esse illi essentialem, & eatenus ens nominaliter sumptum dici essentialiter de creatura.

Obicies 2. Si ens dicitur essentialiter de creaturis; ergo creaturæ sunt essentialiter ens, ergo sunt ens per essentiam, quod repugnat, cum solus Deus sit ens per essentiam; creaturæ vero sunt entia tantum per participationem. Respondeo creaturas esse entia potentialia per essentiam, non autem actualia, Deum vero esse ens actuale per essentiam sicque distinguenda creaturis; quia vt sint actu, necessario indigent concursu diuino, quo actualem existentiam recipiant, & eatenus dicuntur entia per participationem.

Queritur 2. Vtrum ens nominaliter acceptum dicatur essentialiter, non modo de entibus completis; sed etiam de modis entis & differentiis illius.

Respondeo & dico 1. *Ens dici essentialiter de modis modo rebus, & ab intellectu minimè confitè.* Ratio est, quia inter ens & nihil non datur medium, adeo vt illud sit ens, quod non est nihil, & vice versa illud nihil sit, quod non est ens: at modi de quibus agitur, non sunt nihil, vt supponimus; ergo habent veram rationem entis.

Confirmatur: cum quia modi illi realiter producantur, & realiter subiectum in quo sunt, modificent, cum quia realiter contrahantur & esse desinunt, hæc autem & similia intelligi nequeunt sine reali aliqua entitate.

Nec refert quod modus vocari soleat entis modus: non enim est sensus, modum non esse verum ens, sed tantum modificare ens: hoc enim in terminis repugnat, cum nequeat quod nihil est, aliquid modificare; sed ideo id dicitur, quia nomine entis absolute intelligi solet aliqua entitas completa, qualis non est entitas modalis, etsi sit realis & minime fictitia. Ad eum modum quo accidens interdum dicitur entis ens, non quod verè non sit ens reale & positivum; sed quia habet entitatem imperfectam, quæ indiget subiecto cui innitatur.

Dico 2. *Est predicari essentialiter de omnibus differentiis rerum.* Probatur eodem modo; nam vel illæ differentie sunt nihil, vel includunt in scissionem entis: prius dici non potest, quia entia inferiora per proprias differentias intrinsece constituentur, & ab aliis realiter distinguuntur; at ens reale non potest intrinsece constitui, & ab alio realiter distingui per nihil, ut manifestum est: ergo posterius affirmari debet, adeoque fatendum, ens predicari essentialiter de differentiis entium inferiorum.

Confirmatur: nam differentia substantiæ ab accidenti est, quod illa sit ens per se; hæc vero sit ens in alio; at esse per se, & esse in alio non sunt mentis negationes, sed aliquid reale & positivum. Conveniunt etiam illis, aliisque differentiis proprietates entis,

nempè vnum, verum, bonum; adeoque vera sunt entia.

## ARTICVLVS III.

*De conceptu Entis.*

**P**RAMONEO 1. duplicem esse conceptum, alium formalem, alium obiectiuum; formalis est actualis conceptio seu intellectio alicuius rei; obiectiuus vero est ipsa res concepta seu intellectu percepta. Vt cum intelligo hominem, intellectio hominis est conceptus formalis; homo vero à me intellectus est conceptus obiectiuus.

PRAMONEO 2. Vtrumque conceptum posse esse dupliciter vnum, nempè re, aut ratione. Conceptus formalis est vnus re, quando vnica tantum rei, quæcumque sit, intellectio elicitur; vnus vero ratione, quando intellectio plura concipit sub eadem ratione, vt cum Petrum & Paulum sub ratione hominis, hominem & equum sub ratione animalis concipio. At conceptus obiectiuus est vnus re, quando quod concipitur est vnica entitas à parte rei, vt Petrus; vnus vero ratione, quando quod intelligitur, siue sit vnum, siue multiplex, est eiusdem rationis, vt Petrus, homo, animal.

EX quo intelligis 1. Illud esse discrimen inter rem singularem, & vniuersalem, quòd singularis est vnus conceptus obiectiuus re & ratione. vniuersalis vero est vnus conceptus obiectiuus ratione, non re; quia etsi natura humana sit eiusdem rationis in omnibus ho-

manibus, non tamen est vna numero; sed multiplex.

Intelligis 2. Conceptum obiectiūm non esse se & ratione vnum, quoties conceptus formalis veraque hæc vntas competit, siquidem conceptus formalis quo concipitur natura vniuersalis, est se & ratione vnus, cum tamen conceptus obiectiūm eiusmodi naturæ non sit realiter vnus; sed tantum ratione, ut dictum est.

Premoneo 3. Prædictos conceptus dupliciter dici præcisos, nempe se, & ratione. Conceptus formalis dicitur se præcisus, quando est vna intellectio ab aliis realiter distincta, ut est intellectio hominis ab intellectu lapidis; ratione veto præcisus dicitur, quando ex pluribus rationibus coniunctis & identificatis, vnā exprimit sine alia, ut cum concipitur animal, non concipiendo rationale, vel irrationale. Eodem modo conceptus obiectiūm realiter præcisus est ens realiter ab aliis distinctum, ut homo, equus, lapis inter se comparata; præcisus veto ratione est quidam gradus obiecti ab aliis per solum intellectum separatus; ut gradus animalis in homine, vel in equo sine differentiis spectatus, His præmissis.

Quantur 1. Quomodo formalis conceptus entis sit vnus, & præcisus à conceptibus formalibus inferiori in entis.

Respondeo & dico 1. *Formalem conceptum entis esse realiter vnum, & præcisum à conceptibus formalibus inferiorum entis.* Probatur; nam auditio entis nomine, intellectus noster efformat vnā notionem, & speciem expressam entis distinctam realiter à notione substantiæ, accidentis, aliarumque rerum; cum tunc

concipiat tantum consistere essentiam potentem  
existere non autem distincte substantiam, vel  
accidens, vel aliquid aliud esse determinatum,  
& cognitio actualis eius sit formalis & ex-  
pressa illius representatio, quam repugnat ul-  
li alteri rei competere.

Confirmatur. nam etsi ens infinita entia  
sub se contineat, id non impedit quin unico  
conceptu reali exprimi possit, cum illa om-  
nia entia includantur in ente per modum  
vnius, quatenus in communi ratione essendi  
conveniunt, & dubium non sit quin unica  
ratio obiectiva possit unico conceptu expri-  
mi. Alias vel conceptus entis esset necessa-  
rio infinita, cum possibilia sint entia infinita;  
vel si unico conceptu multa entia sub ratione  
communi entis percipi possunt, nihil impedit  
quin omnia eodem modo simul intelligi pos-  
sint.

¶ Dico 2. *Conceptum formalem entis esse rationem  
vnam, & præcisam à formalibus conceptibus inferiorum.*  
Prior pars probatur; nam ille conceptus  
est ratio vna, qui aliquid representat sub  
vna ratione; atqui formalis conceptus quem  
effingimus de ente representat res omnes sub  
vna entis ratione; quatenus nempe id habent  
commune quod possint existere, ergo est v-  
nus conceptus ratione

Posterior ostenditur: nam conceptus quem  
formamus de ente, nec substantiam, nec ac-  
cidens, nec animal, nec hominem, aut equum,  
vel aliquid aliud determinarum distincte re-  
presentat; sed præcisam tantum rationem  
entis omnibus rebus communem. Quare non  
potest conceptus ille non esse ratio præci-  
sus à formalibus conceptibus rerum inferiorum.

**Obiicies :** *De conceptus formalis est ratione vnus, qui vnā rationem obiectiuā representat; atqui conceptus formalis entis non representat vnā rationem obiectiuā, cum repræsentet ens cuius ratio, vt pote analogā, ex dicendis, non potest esse vnā. Respondeo minorem falsam esse; etsi enim ens sit analogum, id non impedit quin ratio illius sit sufficienter vnā in omnibus analogatis, quatenus omnia id habent commune vt veram entis rationem participant. Quare formalis conceptus entis est vnus ratione, per ordinem ad suum obiectum.*

*Vnde notandum est illud discrimen inter conceptum formalem sani, & entis, quod quia sanum significat formam quæ intrinsecè est tantum in animali, in aliis verò extrinsecè, & per denominationem à sanitate quæ est in animali, hinc fit vt conceptus formalis sani non possit esse ratione vnus: ens verò è contra quia significat formam in rebus omnibus realiter existentem, nempe entitatem veram & realem his communem, inde sequitur conceptum entis formalem esse vnum ratione; esto ratio entitatis non conueniat omnibus entibus vniuocè.*

**Quæritur 2.** *an conceptus entis obiectiuus sit vnus, & ratione præcisus à conceptibus obiectiuis rerum inferiorum.*

*Respondeo & dico 1. dari unicam rationem obiectiuā enti respondentem conceptui illius formalis ante explicito. Probatur, quia quando concipio ens, non concipio explicitè substantiam, vel accidens, vel Deum, vel intelligentias; sed essentiam potentem existere. Hæc autem ratio obiectiua est vnā, cum omnibus inferioribus entis sit communis, & non*



potest esse nisi ratio entis obiectiua, cum sit simplicissima, vniuersalissima, & omnium prima; ergo admittenda est vna ratio obiectiua entis, respondens conceptui illius formali.

Confirmatur: nam formalis conceptus entis est vnus ratione, vt prolatum est, ac non esset vnus ratione, nisi omnia entia sub aliqua ratione vna conciperet, quatenus nempe conueniunt à parte rei in ratione essendi; ergo hanc vnā rationem in omnibus entibus concipit, adeoque omnia entia vt sub illa vnitāte concordant, vnum conceptum obiectiuum constituunt.

Dico 2. *conceptum entis obiectiuum esse ratione præcisam à conceptibus obiectiuis rerum inferiorum.* Probat ex dictis, nam quando concipio ens, non concipio formaliter Deum, aut Angelum, vel aliquod aliud ens determinatum; sed rationem entis omnibus rebus communem, & ab earum rationibus particularibus aliquo modo præcisam. Ergo conceptus entis obiectiuus ad quem mea intellectio terminatur, est quid præcisum à rationibus propriis entium inferiorum.

Confirmatur: nam vel conceptus formalis entis terminatur ad plures & multiplices entium particularium rationes, vel ad vnā rationem ex communem; non ad plures, vt patet: vel ipsa experientia, cum intellectu ente, nullam rationem particularem entis distinguamus; si verò ad vnā rationem communem, ergo hæc ratio est præcisā à propriis rationibus, cum aliter vna & communis esse non possit.

Fatendum tamen eam non esse perfectam & adequatam præcisionem ex parte obiecti; sed

tantum imperfectam & inadequatam: vt enim animal v.c. perfectè præscindat ab homine & equo, necesse est vt totam animalitatem in se includat, & id tantum relinquat quod non habet rationem animalitatis; quia si animalitatem ex parte relinqueret, immerito diceretur illam perfectè præscindere. At ens non potest eo modo ab inferioribus præscindere, quia vel nihil relinquit, sicque nullo modo præscindit, cum præcisio sit vnus ab alio separatio; vel relinquit ens aliquod, adeoque non nisi imperfectè & inadequatè rationem entis præscindit; quatenus scilicet aliquid apprehenditur confusè & inadequatè sub communi ratione entis, non autem sub speciali ratione talis, vel talis entis.

Vnde si quis obijciat, cum differentie entis sint ens, vt supra dictum est, rationem communem entis ab eis præscindi non posse: Respondendum est non posse quidem præscindi perfectè & adequatè, posse tamen imperfectè & inadequatè modo explicato. Et in idem redit quod aliqui dicunt, inter ens & differentias illius non esse præcisionem mutuam; sed tantum non mutuam: quatenus etsi esse in se, & esse in alio, quæ sunt differentie entis, non possint præscindere à ratione entis; potest tamen concipi ens non concipiendo quòd sit in se, vel in alio; sed ab vtroque abstrahendo. Eo modo quo animal potest ab homine & equo præscindere, non tamen homo vel equus ab animali; cum animal sit de conceptu essentiali hominis, & equi.

## ARTICVLVS IV.

*De analogia entis.*

**Q**Uæritur 1. verum ens sit æquiuocum respectu Dei, & creaturarum. Respon-  
deo negativè, quia si hoc esset, seque-  
retur sola nomina esse communia Deo, &  
creaturis; hoc autem admitti non potest, tum  
quia ens significat veram essentiam & existen-  
tiam; at Deus habet veram essentiam & exi-  
stentiam: creaturis etiam competit vera es-  
sentia & existentia, non autem ficta & ima-  
ginaria.

Tum quia per creaturarum perfectiones  
colligimus perfectiones Dei, & ob aliquam  
similitudinem quam inter illas deprehendi-  
mus, eadem nomina iis aptamus, ut nomina  
entis, substantie, intellectus, voluntatis, &c.  
hoc autem manifestè indicat non solas voces  
esse Deo & creaturis communes, adeoque ens  
non esse merè æquiuocum respectu Dei, &  
creaturarum.

Tum denique quia in æquiuocis nomen so-  
lum est commune, ut patet cum canis diuidi-  
tur in terrestrem, marinum, & cœlestem; at  
cum ens diuiditur in creatum, & increatum;  
hic non solum concipimus vocem ens Deo,  
& creaturis communem, sed etiam rationem  
aliquam ea voce significatam, ut vel ipsa ex-  
perientia sufficienter ostendit.

Quæritur 2. verum ens sit uniuocum respec-  
tu Dei & creaturarum.

Respondeo 1. grauem esse hac de re contro-  
uersiam inter Philosophos, aliis cum Scoti

contendens ens esse uniuocum, respectu Dei & creaturarum, aliis vero cum S. Thoma id negantibus. Verum hæc quæstio magis videtur ad voces quàm ad rem ipsam spectare; si enim constaret quid per terminum uniuocum debeat intelligi, inde statim vno omnium consensu, quid de proposita difficultate tenendum sit, concluderetur.

Nam in primis si uniuocum illud dicatur, quod exigit vnum conceptum communem, siue perfectè, siue imperfectè præscindens ab inferioribus, hoc modo clarum est. ens esse uniuocum respectu Dei & creaturarum; quia ut patet ex præcedenti articulo, ens dicit formaliter vnum conceptum imperfectè saltem præcisum ab omnibus entibus inferioribus.

Si verò uniuocum illud tantum censeatur, quod dicit vnum conceptum perfectè præcisum ab inferioribus, quomodo animal præscindit ab homine & equo, relictis differentiis per quas contrahitur, hoc sensu perspicuum est ens non esse uniuocum respectu Dei & creaturarum; cum antè ostensum sit entis conceptum non esse perfectè vnum, & præcisum à suis inferioribus; eo quòd ratio entis intimè imbibitur in conceptu differentiarum per quas contrahitur. Idem dici potest proportionè seruata, discurrendo per alias uniuoci conditiones quas nonnulli probant, alij reprobant.

Respondco 2. absolutè probabilius videri ens non esse uniuocum respectu Dei, & creaturarum. Probat 1. ex Arist. 4. Metaph. cap. 2. ubi expressè docet ens multis quidem modis; sed tamen ad vnum, & vnā quandam naturam, non tamen æquiuocè dici quibus

verbis clarè innuit, ens non esse vniuocum, nec æquiuocum; sed analogum.

Probatnr 2. quia cum omnes fateantur animal esse vniuocum respectu hominis & equi, inde sequitur, vt ens sit vniuocum respectu Dei & creaturarum, Deum & creaturas debere participare rationem entis, eo modo quo homo & equus participant rationem animalis. At dici non potest quod Deus & creaturæ participant rationem entis, eo modo quo homo & equus participant rationem animalis. Ergo dici etiam nequit quod ens sit vniuocum respectu Dei & creaturarum. Maior à nemine negari potest. Suadetur minor, nam homo & equus ita participant rationem animalis, vt ex æquo eam participent, ita vt nihil sit in homine, spectans ad rationem animalis, quod etiam non sit in equo, & vice versa. At Deus & creaturæ non sic participant rationem entis, siquidem creatura quæcunque sit, in ratione entis est à Deo essentialiter dependens; cum tamen Deus sit essentialiter independens à quacunque creatura, in ratione entis. Ergo ratio entis non competit Deo & creaturis, eo modo quo ratio animalis competit homini & equo; at proinde non competit illis vniuocè.

Confirmatur: nam cum exploratum sit creaturam essentialiter pendere à Deo, vel dicendum est eam pendere à Deo, quatenus est ens, vel quatenus est quid creatum & finitum; at hoc posterius non excludit dependentiam creaturæ à Deo in ratione entis, quin potius eam includit; siquidem id quo creatura dependet à Deo, cum non sit nihil, debet necessario esse ens, atque ita verum est creaturam à Deo pendere in ratione entis. Vnde

incentum concluditur contra vniuocationem  
entis respectu Dei & creaturarum.

Obiicies : etsi habitus scientiæ pendeat ab intellectu, id non impedit quin ratio qualitat-  
is vniuocè dicatur de scientia & de intelle-  
ctu. Ergo similiter dependentia creaturæ à  
Deo non impedit quin ratio entis Deo &  
creaturæ vniuocè conueniat. Respondeo ne-  
gando sequelam, & ratio discriminis est, quia  
scientia non pendet in ratione qualitatis ab  
intellectu; sed quatenus est talis qualitas, ad  
perfectionem cognitionis intellectui ordinata;  
qua ratione necesse ut intellectui inhæ-  
reat, adeoque ab illo ut à subiecto proximo  
pendeat. At verò creatura pendet a Deo in  
ipsa ratione entis, cum ab illo pendeat secun-  
dum se totam, & secundum se totam sit ens.  
Quare etsi dependentia scientiæ ab intellectu  
non impediat quin ratio qualitatis vtrique  
vniuocè conueniat; dependentia tamen crea-  
turæ à Deo cum vniuocatione entis non rectè  
cohæret.

Probat 3. eodem exemplo: ut ens sit vni-  
uocum respectu Dei & creaturarum, debet  
eodem modo respicere Deum & creaturas,  
quo animal respicit hominem & equum. At  
non respici it eodem modo, ergo non est vni-  
uocum respectu Dei & creaturarum. Maior  
perspicua est, cum quia nemo dubitat quin  
animal sit vniuocum per ordinem ad homi-  
nem & equum. Tum quia sicut genus & spe-  
ciem deprehendimus penes modum quo sua  
inferiora respiciunt, ita an quidam conceptus  
communis sit vniuocus, nec ne, non melius  
intelligi potest quam per ordinem quem ha-  
bet ad sua inferiora.

Minor ostenditur, nam animal ita respicit  
homi-

hominem & equum, vt sit mutua promissio inter gradum communem animalis, & differentias per quas ad hominem & ad equum contrahitur. Neque enim rationale & hinnibile sunt de conceptu intrinseco animalis, neque vice versa animal de conceptu rationalis & hinnibilis. At ens non eodem modo respicit sua inferiora, quia licet possit concipi ens non concipiendo differentias per quas contrahitur ad Deum & creaturas; non tamen possunt concipi eiusmodi differentiae, nisi concipiendo ens cum verè & essentialiter ratione entis obtineat. Vnde ob eiusmodi transcendentiam conceptus entis non potest dici proprie vniuocus.

Confirmatur: nam ideo animal dicitur vniuocè de homine & equo, quia cum non includatur formaliter in differentis, non afficitur per se earum inaequalitate, adeoque omnino æqualiter, & secundum eandem rationem ab homine & equo participatur. At verò ens includitur formaliter in differentis suorum inferiorum; quare cum illae differentiae sint inaequales, etiam in ratione entis, hinc fit vt ratio entis eodem modo prædicari non possit de suis inferioribus, ac proinde non sit vniuoca.

Obiicies: vniuoca & eadem est ratio abstracta entis in communi, ergo id sufficit ad vniuocatione entis; esto ratio illius non eodem modo in contractione participetur. Sequela patet, quia alias sequeretur gradum communem animalis non esse vniuocum, cum certum sit hominem esse animal longè nobilius quocunque bituto. Respondeo distinguendo antecedens, licet enim communis ratio entis utcumque sit eadem, vt suprà explicatum est, non tamen in sensu ab obiciente intento, ita scilicet vt ratio illa sit adæquatè participabilis ab omnibus

entibus; cum enim ens transcendat omnes differentias rerum, inter quas maxima, imò infinita reperitur inæqualitas perfectionis, hinc fit ut ens non uno modo; sed variis & infinitè inæqualibus sit participabile à suis inferioribus.

Ne idem dici potest de animali, quia licet homo sit animal nobilius bruto, ille nobilitatis excessus non oritur formaliter ex animalitate quæ in illo est; sed ex coniunctione & identitate animalitatis cum rationalitate, quæ neque in suo conceptu includit animal, neque ab eo includitur. Vnde præcise & formaliter loquendo, homo in quantum animal, non est quid nobilius cane, vel equo, cum ut sic nihil aliud habeat quam quod sit corpus animatum sentiens, sicut & brutum quodlibet. At differentie enim sunt entia præcise & formaliter; quare cum, ut differentie, sint inter se inæquales, hinc sequitur quod etiam in ratione formalis entis, inæqualitatem habeant; ac proinde ens non sit uniuocum respectu suorum inferiorum, sicut animal est uniuocum per ordinem ad hominem & brutum.

Queritur 3. utrum ens sit analogum respectu Dei & creaturarum. Respondeo affirmatiue, quod ex iam dictis sufficienter colligitur; nam cum ostensum sit ens neque esse pure æquiuocum, neque etiam proprie uniuocum, per ordinem ad Deum & creaturas; hinc euidenter sequitur illud esse analogum per eiusmodi respectum.

Confirmatur: nam ille gradus communis ex communi sententia censetur analogus, qui partim eodem modo, partim diuerso inferioribus suis communicatur; atqui ens communicatur Deo & creaturis, partim eodem modo,



partim diuerso; eodem, quatenus non tantum Deus est ens, sed etiam creaturæ veram & communem scilicet entis rationem participant; diuerso, quatenus creaturæ in ratione entis essentialiter dependent à Deo, & ab illius perfectione infinitè distant. Quare ens est analogum respectu Dei, & creaturarum.

Obiicies: vt aliquid sit proprie analogum, requiritur vt ratio per nomen significata sit partim eadem, partim diuersa; at ratio per nomen entis præcisè significata non est partim eadem, partim diuersa, respectu Dei, & creaturarum: Ergo ens non est proprie analogum sub eo respectu. Respondeo distinguendo maiore, non enim requiritur ad veram analogiam, quod ratio per nomen significata sit partim eadem, partim diuersa in actu signato, seu quatenus præcisè obducitur intellectui eam speculanti; sed sufficit quod talis sit in actu exercito, seu quatenus ratio illa iam concipitur vt contracta ad sua inferiora; quomodo ens habet diuersitatem illam quæ requiritur ad analogiam, vt satis probatum est.

Dubitatur autem qualis sit hæc analogia. Respondeo 1. posse dici analogiam inæqualitatis; cum enim vniuoca dicantur quæ æquè primò, & eo sensu æqualiter sua inferiora respiciunt, ea possunt dici vice versa analogæ inæqualitatis, quæ non æquè primò ad inferiora referuntur; cuiusmodi est ens, vt visum est.

Respondeo 2. posse etiam dici analogiam attributionis, non quidè ita vt forma significata sit intrinsece in Deo duntaxat, in creaturis vero sola denominatio extrinseca ad illam formam; quidem creaturæ omnes rationem entis essentialiter participant: sed ita vt forma significata nomine entis, à creaturis participetur

dependentem a Deo. Verum hæc analogia non distinguitur reipsa à præcedenti, ut ex vtriusque expositione intelligi potest.

Respondeo 3. nonnullos existimare hinc quoque contingere analogiam proportionis, seu proportionalitatis, quatenus sicut se habet Deus ad suum esse, ita creatura ad suum. Verum hanc non esse propriam analogiam proportionalitatis inde patet, quia proportio illa habitudinum etiam uniuocis competere potest: dicimus enim equum ita se habere ad suam animalitatem, sicut homo se habet ad suam, & ita de aliis.


Quare ut vera sit analogia proportionalitatis, necesse est ut alterum membrum non sit tale absolute & in se; sed respectuè, & ut confertur cum alio; quomodo pes est analogum proportionalitatis, quia pes montis vel scamini non est proprie pes; sed habet rationem pedis per proportionem, quatenus confertur cum pede animalis. Sic autem perspicuum est ens non esse analogum respectu Dei & creaturarum; quia licet creatura à Deo esse acceperint, non tamen dicuntur existere per habitudinem ad existentiam Dei; sed absolute per propriam existentiam quam in se habent.

Queritur 4. quomodo ens se habeat respectu substantiæ, & accidentis. Respondeo ens sub eo respectu non esse æquiuocum, nec uniuocum, sed analogum. Non quidem æquiuocum, cum substantia & accidens sint entia vera & realia. Non etiam uniuocum, eo quod ratio entis non competit accidenti, nisi dependenter à substantia, quò fit ut vulgo non tam ens, quam entis ens appelletur. Quare superest ut ob eiusmodi dependentiam sit analogum attributionis, ut ex dictis intelligi potest.

Nec dicas accidens non pendere à substantia prævisè in ratione entis; sed tantum in ratione talis entis, accidentis scilicet quod exigit subiectum cui inhaereat. Nam contra hoc est, quia accidens est formaliter ens inherens, adeoque inhaeret in ratione entis, & cum inhaerentia formaliter dicat dependentiam, hinc sequitur accidens esse dependens in ratione entis. Confirmatur: quia accidens vel dependet per nihil, quod dici non potest, vel per aliquid, ac proinde per rationem entis.

Et quamvis ratio dependentiæ non concluderet analogiam entis respectu substantiæ & accidentis; transcendentia tamen eam efficaciter enunceretur, quia cum ens transcendat differentias substantiæ & accidentis, & in iis intime imbibatur; sicut differentia substantiæ est perfectior differentia accidentis, ita ratio entis perfectius in substantia repetitur quam in accidente, sicque analogicè de iis dicitur.

Quæritur 7. quomodo ens se habet respectu entis realis, & rationis. Respondeo se habere æquivocè, quia æquivoca dicuntur quorum nomen commune est, ratio autem significata per nomen, omnino diversa; at præterquam quod ens reale & ens rationis non omnino conveniunt in nomine, cum illud absolute dicatur ens, aut ens reale, hoc verò ens rationis appelletur; perspicuum est rationem nomine entis significatam non esse in illis eandem; imo esse planè diversam, cum ens reale veram entitatem significet, ens verò rationis entitatem ab intellectu constitutam. Quare ens respectu illorum dicitur æquivocè.



# CA P V T II.

De essentia, gradibusque rerum  
essentialibus.

## ARTICVLVS PRIMVS.

*De essentia rerum.*

**Q**Varitur 1. quid nomine essentia intelligatur. Respondeo nomen essentia ab esse, prout significat nudam rationem essendi in abstracto, deductum fuisse, sicut sapiens à sapere; vulgò tamen apud Philosophos significare rationem primam, quæ res in tali specie vel gradu entis constituitur, & ab aliis distinguitur, quæque est radix reliquorum.

Vnde idem significari solet nominibus essentia, quidditatis, naturæ. & rationis formalis. Nam essentia est id quo res constituitur in tali genere vel specie entis: quidditas sumitur vel pro definitione qua explicatur rei essentia, vel pro ipsa essentia, quatenus per illam respondetur, cum quaeritur, quid res sit; natura sumpta abstractè, prout competit rebus etiam non materialibus, est ipsamet essentia quatenus est principium proprietatum, & operationum: ratio vero formalis significat rei essentiam secundum prædicata propria per quæ constituitur, & ab aliis distinguitur.

Quo loco aduerte 1. essentiam non posse propriè definiiri à priori, cum sit primum quod in vnaquaque re concipi debet: quo fit ut tan-

## LIBER SECVNDVS.

sum à posteriori possit de eâ, nempe vel per ordinem ad proprietates & operationes, ut cum dicimus essentiam esse primam radicem à qua passionés emanant; vel per respectum à l conceptum nostrum, ut cum dicimus essentia esse id per quod res primo intelligitur constitui, vel quod per definitionem explicatur.

Aduerte 2. essentiam variis modis posse diuidi, ut alia sit actu, alia potestate; alia sit substantialis, alia accidentalis; alia sit simplex, alia composita. Essentia actu dicitur quæ actu existit; potestate quæ potest existere; substantialis quæ substantiæ, accidentalis quæ accidenti competit, simplex quæ nullam compositionem admittit, composita quæ aliquam.

Queritur 1. an essentia habeat proprium quoddam esse actuale, seclusa existentia, seu etsi actu non existat, nimirum antequam actu existere incipiat, & postquam desinit existere; an v. c. dici possit reperiri in rerum natura esse actuale essentiæ hominis nondum geniti, illudque esse permanere etiam post mortem talis hominis, adeo ut ipsius essentia sit semper & inuariabiliter, idque ab æterno, & omnino independentem à Deo.

Nonnulli affirmant, sed periculosè & sine fundamento, quia quouis modo explicetur illa æternitas essentiarum, profectò non vacat periculo erroris affirmare, dari aliquam entitatem actualem distinctam à Deo, & ab eo independentem: cum à Catholicis nulla vera entitas agnoscatur media inter creatorem & creaturam, ac proinde essentia quæcumque actualis vel sit Deus, vel à Deo dependeat.

Deinde ille haud dubiè erraret qui assereret, hominem, quoad esse actuale existentia, non pendere à Deo, ut omnes fatentur; ergo & ille

errat qui affirmat hominem à Deo non pendere quoad esse actuale essentiae; sequela patet, nam ideo ille erraret, quia affirmaret dari in rerum natura aliquod esse actuale independens à Deo; at ille idem affirmat, ergo similiter errat. Imò illius error videtur peior errore alterius, quia si essentia est ex se entitas actualis, secusa existentia, cum aliunde entitas essentiae sit nobilior entitate existentiae, eò quòd existentia debet concipi saltem in ea sententia, tanquam modus aliquis adueniens essentiae, ille sanè turpius errare videtur qui agnoscit essentiam actualem à Deo independentem, quàm qui talem independentiam existentiae actuali tribuit. Eo vel maxime, quia homo posset sine mendacio affirmare, se propriam & actualem essentiam à se solo habere, nec nisi modum existendi teneri Deo acceptum referre; quod sanè parum cum pietate & fide Catholica congruit: Cum negari non possit essentiam cuiuslibet creaturae esse creaturam, & non solum de existentia, sed de quidditate & essentia creaturae sit esse dependenter à creatore.

Vt hoc incommodum caueatur, dicunt aliqui, omne esse creaturarum dependere à Deo; sed cum discrimine: esse enim existentiae dependet à Deo ut à causa efficiente, esse verò essentiae pendet ab illo, ut à causa exemplari, quia per suam cognitionem tribuit cuilibet essentiae esse quidditativum & intelligibile. Verum hoc gratis dicitur, quia res non dependent ab intellectu diuino, nisi adiuncta voluntate, & omnipotentia per quam ad extra operatur; quia alias rerum essentiae essent actu dependentes à Deo, sine dependentia ab illius voluntate, sicque Deus ex necessitate naturae tribueret esse quidditativum & intelligibile

rerum essentis, quod planè absurdum est, & admitti non debet. Quare dicendum essentias rerum à Deo eatenus tantum dependere, quatenus ab illo in tempore accipiunt actualem existentiam.

Tandem illa essentiarum æternitas refellitur, quia ex ea sequeretur nihil à Deo posse creari: Siquidem creari est produci è nihilo; at nihil produceretur in tempore è nihilo, si essentia cuiusque rei iam actu esset ab æterno; vnde etiam sequeretur nihil posse in nihilum redigi, quia post rei destructionem illa sola maneret tota illius essentia. Confirmatur, nam illud nō creatur quod fit ex præsupposito subiecto, neque illud annihilatur, quo destructo, illius subiectum remanet; ergo à fortiori si tota essentia præcedit rei productionem, & illius corruptionem sequitur, nihil dici potest creari, vel annihilari. Ista autem non bene coherent cum fide Catholica, quæ docet Deum in principio creasse, id est è nihilo produxisse cælum & terram, & eadem facilitate qua creaturas è nihilo eduxit, posse illas in nihilum reducere.

Obiicies 1. scientiæ versantur circa rerum essentias, ut præcisas ab existentia, & sunt de obiectis realibus; ergo essentiæ antequam existant, sunt aliquid reale. Respondent aliqui scientias esse de obiectis realibus vel actu vel potestate; essentias autem non existentes esse reales potestate, quod ad scientiam realem sufficit. Verum etsi simpliciter concedatur rerum essentias esse quid reale, antequam existant; inde non sequitur eas habere tunc esse reale actu, ut arguentes existimant. Quod ut clariùs percipias,

Nota aliquod discrimen posse constitui inter entitatem realem actu, realem potestate,

& realem ab actu & potestate præcisam; ita ut dici possit essentiam ut existentem, esse entitatem realem actu, ut non existentem, esse entitatem realem potestate; at verò secundum se in ratione essentiae, præscindendo ab existentia, & in negatione existentiae, posse dici simpliciter & sine addito entitatem realem, seu ens reale; quomodo qui dicit hominem, animal, vivens, corpus, substantiam, &c. dicit ens verum & reale, non autem chimericum & ab intellectu effictum.

Instabis: essentia non alio titulo est ens reale, antequam existat, nisi quia potest realiter existere; at hæc potentia dicit aliquam entitatem actualem in qua fundatur. Respondeo minorem falsam esse, si potentia illa attendatur ex parte ipsius essentiae, quia sic consistit in mera illius non repugnantia ad existendum; aliunde tamen connotat realem entitatem, nimirum ex parte Dei potentis essentiae conferre actualem existentiam.

Obiicies 2. si essentia antequam existat, non esset actu, esset non ens, adeoque numquam posset existere, quia repugnat ut quod est non ens, fiat ens. Respondeo 1. hoc argumentum posse retorqueri, quia si essentia est ens, antequam existat, non potest fieri ens; cum repugnet rem aliquam fieri id quod iam est. Respondeo 2. negando consequentiam; nam etsi essentia antequam existat, non sit ens actuale, est tamen ens possibile, ac proinde fieri potest ens actu existens. Unde illud observandum est discrimen inter chimeram, & Antichristum futurum, quod chimera quia est merum non ens & actu & potestate, non potest per ullam potentiam fieri ens; at verò Antichristus fieri potest ens, quia est ens potestate, etsi non actu.



Neque aliter possunt respondere aduersarij, si hoc ipsum argumentum retorjatur contra illos, quatenus fateamur produci de facto existentiam quæ ante non erat; dicent enim existentiam antequam produciatur, esse non ens actu, potestate vero esse ens, si que per productionem fieri ens actu.

Oñcies 3. essentia rerum sunt planè immutabiles, etiam respectu Dei, cum Deus nequeat efficere v. c. vt homo non sit animal rationale; ergo habent aliquod esse independentes à Deo, ac proinde æternum, minimeque generationi, vel interitui obnoxium.

Respondeo essentias rerum tripliciter posse considerari 1. quoad esse actuale, quomodo necessario dependent ab influxu Dei, sine quo repugnat esse aliquid actu extra Deum. 2. quoad esse mere possibile, idque vel absolutum & intrinsecum, quod consistit in non repugnantia ad existendum, quæ cum sit negatio, à Dei influxu dependere non potest; vel respectuum & extrinsecum consistens in denominatione extrinseca à causa potente rem producere, quomodo possibilitas creaturarum pendet à Deo, seu potius inuoluit potentiam Dei, vt ad illas terminatam, eò quod creaturas sic esse possibles nihil est aliud quam Deum habere potentiam eas produci di. 3. sine ordine ad existentia & actualitatem, attendendo tantum ad prædicata quæ illis necessario conueniunt, quæ ratione præcisè à Deo non pendent; verum cum sic nihil sint actu, inde non potest colligi dari actu aliquid esse essentia æternum, & à Deo independentes, vt falso contenditur; sed tantum esse necessarium connexionem inter prædicata rei essentialia, ita vt nequeat v. c. esse homo,

quin sit animal rationale.

Quod si iustes, verum esse ab æterno hominem esse animal rationale, ac proinde essentiam hominis habere aliquod esse actuale ab æterno Respondeo negando id sequi; nam non ideo verum est ab æterno hominem esse animal rationale, quòd hominis essentia sit actu ab æterno; sed quia Deus videt ab æterno esse connexionem necessariam inter hominem & animal rationale, ita ut homo nequeat existere, aut definiti, aut concipi, quin existat, aut definiatur, aut concipiatur animal rationale.

## ARTICVLVS II.

*Qualiter se habeat existentia creaturarum ad earum essentiam.*

**R**espondeo & dico 1. *Existentiam creaturarum non distingu realiter ab earum essentia.* Probat 1. nam essentia non est ens actu nisi per existentiam; at essentia per se ipsam est ens actu, ergo & per seipsam existit; adeoque essentia & existentia non sunt duæ entitates actu & realiter distinctæ. Maior patet ex dictis: minor ostenditur, nam essentia cum antea esset ens tantum in potentia, fit ens actu per productionem terminatam ad illam; ergo res existit per actualem entitatem suæ essentia, ac proinde existentia creaturæ non distinguitur realiter ab illius essentia.

Consumatur: tum quia ut duo realiter distinguantur, quodlibet debet esse ens actu sine alio; si enim vnum nihil est nisi per aliud, præter ipsum nihil est, ac proinde ab eo non di-

distinguitur: Arqui essentia non est ens actu sine existentia, vt probatum est; ergo ab illa realiter non distinguitur. Tum quia eo ipso essentia intelligitur existere, quo illius entitas ponitur extra nihil, & conseruatur in rerum natura. Quare existentia non est aliqua realitas distincta ab actuali entitate essentie.

Probatnr 2. nam si existentia creature distinguitur realiter ab illius essentia, ergo se habet ad illam tanquam forma quædam illius, adeoque existentia respicit essentiam tanquam subiectum in quo recipitur. Hoc autem planè repugnat, quia non potest essentia exercere officium subiecti erga existentiam, quin iam existat in se: at existere nequit antequam habeat existentiam; ergo fieri non potest quòd existentia realiter distinguatur ab essentia.

Confirmatur: nam cum natura quæ producit, dicatur accipere existentiam, si existentia realiter distinguitur à natura producta, necesse est vt hæc existat antequam accipiat existentiam, cum repugnet id quod non existit, recipere in se aliquid realiter à se distinctum, vt inductione manifestum est in omnibus subiectis quæ aliquam formam, realiter à se distinctam, recipiunt.

Probatnr 3. nam si existentia ab essentia realiter distinguitur, poterunt illæ diuinitus separatim existere & conseruari; adeoque poterit hominis essentia conseruari sine existentia hominis, & vice versa poterit hominis existentia conseruari sine essentia hominis; hoc autè quis non videt esse omnino absurdum & impossibile? si enim conseruaretur essentia hominis separata, verè homo existeret, quia conseruatur, o tendit ad contingendam rei existentiam,

& tamen ex hypothesi non existeret, quia conseruaretur separatus à propria existentia. Aliunde verò si existentia hominis conseruaretur separata ab essentia illius, posset dici dari existentiam hominis, & non existere hominem, cum nequeat homo existere sine hominis essentia; quæ & similia adeo per se ridicula sunt, ut ulteriori refutatione non indigeant.

Obiicies 1. non potest eadem realis entitas esse simul dependens & independens, necessaria & contingens, & habere alias condiciones oppositas: essentia autem & existentia sic se habent; nam illa est independens à causa effectiua, hæc dependens; illa est necessaria, hæc contingens: illa est æterna, hæc temporis, &c. ergo essentia & existentia distinguuntur realiter. Resp. minorem distinguendam esse; essentia enim ut ens actus, est dependens, & cōiungens non secus ac existentia; ut autem abstracta per intellectum ab actualitate essendi, est independens & necessaria in sensu superius explicato; ex quo ad summum sequitur, existentiam ab essentia ratione distingui. Et sanè cum distinctio rationis sufficiat ut dicamus, Deum intelligere per intellectum, non per voluntatem; amare per voluntatem, non per intellectum: punire per iustitiam, non per misericordiam; parcere per misericordiam, non per iustitiam: esto intellectus, voluntas, iustitia, & misericordia in Deo sint eadem realis entitas simplicissima; mirum non est quod nonnulla dicantur de essentia ut sic, quæ de existentia enunciarì non possunt, etiam non distinguantur inter se realiter.

Obiicies 2. quod recipit aliquid, distinguitur ab illo realiter; atqui in creatis essentia recipit existentiam, ergo distinguitur ab illa realiter.

## LIBER SECVNDVS. 118

Major per se patet, & patet 2. ad a nobis probata est, minor vero ostenditur, quia cùm creatura non habeat esse à se, habet illud ab alio receptum. Respondeo 1. hoc argumentum posse tetorqueri in arguentes; ipsa enim entitas essentiae etiam ut ponitur ab ipsis distincta ab existentia, est entitas creata, sicque non habet esse à se; sed à Deo receptum, quare inquiri potest an intra ipsam entitatem essentiae distinguere debeant duae entitates, quarum altera sit recipiens, altera recepta, an non: si affirmant, sequitur in qualibet entitate reperiri infinitas essentias, & infinitas existentias, quod absurdum est: si verò negent, & consequenter fateantur eandem entitatem essentiae esse receptam, hinc colligere poterunt quàm inane sit argumentum ex ea receptione sumptum, ad realiter distinguendam essentiam ab existentia. Itaque

Respondeo 2. distinguendo maiorem, quod recipit aliquid ut in subiecto, distinguitur ab illo realiter, concedo; quod recipit aliquid ut ab alio, nego. Vnde ad minorem, essentia recipit existentiam, ita ut essentia sit subiectum, & existentia sit forma in ea recepta, nego; ita ut essentia à Deo producat, & fiat actu existens, concedo. Ex quo non sequitur essentiam distinguere realiter ab existentia; sed tantum non habere à se quod existat.

Instatur, si existentia non reciperetur in alio ut in subiecto, esse creaturae esset irreceptum, & consequenter infinitum, quod repugnat: sequela patet, quia cum forma limitatio oriatur à subiecto, quæ in nullo est subiecto, debet esse illimitata & infinita. Respondeo negando maiorem, nam quamvis existentia creaturae non sit in subiecto à se realiter distincto, sicque non sit esse receptum in alio; est tamen esse

receptum ab alio, nempe a Deo, quod sufficere  
 ut sit esse finitum & limitatum. Aliis dicen-  
 dum esset contra arguentes, etiam ipsum esse  
 essentie, quod distinguunt ab esse existentie,  
 esse infinitum & illimitatum; cum verisimiliter  
 affirmare non possint illud recipi in aliquo  
 subiecto.

Vnde ad probationem sequelæ dicimus, limi-  
 tationem formæ non oriri ex solo subiecto; si-  
 quidem accidentia Eucharistiæ sunt æque li-  
 mitata ac antea; etsi nulli substantiæ inhæ-  
 teant: quia etiam in eo statu separationis,  
 cum pendeant essentialiter à Deo, habent ra-  
 tionem entis participati, proindeque finiti &  
 limitati. Hæc autem limitatio potest oriri ex-  
 trinsecè à Deo, enim ut à causa efficiente, qua-  
 tenus tantam tribuit effectui perfectionem,  
 non maiorem, vel minorem: tum ut à causa  
 exemplari, quatenus res producitur iuxta per-  
 fectionis mensuram, quæ in ideis divinis ex-  
 primitur. Oritur etiam limitatio illa ut à causa  
 formali & intrinseca, ab ipsa entitate creatu-  
 re, quatenus in se tot perfectionis gradus non  
 plures, vel pauciores includit.

Obiicies 3. quod est indifferens ad aliquid, &  
 ad oppositum eius, non est idem realiter cum  
 illo: atqui essentia creaturæ est indifferens ad  
 existentiam, & non existentiam, cū possit existe-  
 re, & non existere: ergo non est idem realiter  
 cum illa. Respondeo minorem falsam esse, si  
 intelligatur de essentia ut est ens actu, quomo-  
 do de ea hic agimus quando inquirimus, an  
 habeat entitatem distinctam realiter ab enti-  
 tate existentie. Nam si clarum est essentiam  
 non esse indifferentem ut existat, vel non exi-  
 stat; sed necessario existere, & si non existit,  
 ipsam quoque quoad totam suam entitatem

actualem destrui. & tantum remanere obiecti-  
uè, & per mentem. Vnde existimandum non  
est manere eandem entitatem realem & actua-  
lem essentiae sub existentia, & sub negatione  
existentiae, sicut v. e. manet eadem aqua sub  
frigore, & sub calore: aqua enim est substan-  
tialiter aqua, siue sit frigida, siue calida; essen-  
tia vero cum non existit, nullam habet enti-  
tatem actualem, quae tali negationi subesse  
possit, & qua abiecta, existentiam recipiat.

Obiicies 4. humanitas Christi habet pro-  
priam essentiam, non autem propriam exi-  
stentiam, cum existat per existentiam Verbi:  
ergo essentia & existentia realiter differunt.  
Respondeo humanitatem Christi habere pro-  
priam existentiam per quam est ens actu, &  
extra suas causas constituta; subsistere autem  
per subsistentiam verbi, vt ex communi sen-  
tentia dictum est in Idea Theologiae speculat.  
lib. 1. cap. 11. Resol. 2.

Instabis: humanitas Christi inexistit Verbo,  
ergo existit per existentiam Verbi. Respondeo  
non sequi; siquidem inexistere alteri non est  
existere per existentiam illius; sed existere de-  
pendenter ab illo, vt patet in accidente quod  
etiam habeat propriam existentiam realiter di-  
stinctam ab existentia subiecti cui inhaeret, di-  
citur tamen illi inexistere, quia existit depen-  
denter ab illo, vt à subiecto materiali a quo  
sustentatur. Ita ergo licet humanitas Christi  
propriam habeat existentiam, non immerito  
dicitur inexistere Verbo: quia existit depen-  
denter ab illo, non vt à subiecto materiali;  
cum nec ipsa sit accidens, nec Verbum possit  
se habere instar subiecti materialis in quo  
aliquid informatiue recipiatur; sed tanquam à  
supposito a quo substantialiter terminatur &

completur, in defectum propriæ & connaturalis subsistentiæ.

Dico 2. *Existentiâ in creatis aliquo modo distinguî per rationem ab essentiâ.* Probatur, quia ea aliquo modo distinguuntur per rationem, quorum vnus potest cognosci sine alio explicitè cognito: at essentia rerum creaturarum potest concipi sine existentia explicitè cognita, vt cum concipimus hominem vel equum, nihil cogitando expressè de illius existentia, & considerando tantum predicata essentialia quæ illi competunt.

Vnde illud est discrimen inter essentiâ Dei & creaturæ, quod essentia Dei non potest bene concipi, nisi illius existentia explicitè intelligatur; essentia vero creaturæ potest concipi, etsi illius existentia animo non obuerfetur. Et ratio discriminis ex eo sumitur, quia Deus est ens omnimodè necessarium, nec potest non existere, adeoque essentia illius non potest verè & adæquate intelligi, nisi concipiatur vt ens actu existens: creatura verò cum sit ens contingens quod potest esse vel non esse, rectè concipi potest quoad essentiâ, etsi de illius existentia nihil cogitetur.

Est autem difficultas, quomodo intelligenda sit hæc distinctio rationis, an ex parte modi intelligendi duntaxat, an verò etiam ex parte conceptus obiectiui. Non pauci vtramque distinctionem admittunt, ita vt velint existentiam se habere non modò ex parte conceptus formalis; sed etiam ex parte conceptus obiectiui, seu obiecti vt cogniti, per modum cuiusdam formalitatis distinctæ à formalitate essentiae, quarum vna non includatur in alia; sicut exempli gratia, animal & rationale in



hominis, quæ formalitatem, quæ neutra est de conceptu alterius, ut libro præcedenti dictum est.

Hæc tamen sententia, etsi communior in scholis, non caret difficultate, quia tanta est connexio inter essentiam & existentiam, ut essentia possit nihil aliud sit quàm essentia quæ potest exsistere, & essentia actualis idem plane sit ac essentia quæ actu existit. Quo fit ut conceptus essentia quæ quovis modo sumatur, à conceptu existentia proportionato obiectivè præcudere non possit.

Confirmatur: quia nulla est formalitas in re existente, quæ in illa non profuerit dum esset possibilis, neque vlla erat in ea formalitas possibilis, antequam existeret, quæ in illa non existat, postquam producta est. Unde sequitur eundem esse plane conceptum essentia & existentia se tenentem ex parte obiecti, quia aliis quædam formalitas reperiretur in vno rei statu, quæ non esset in alio.

Hinc autem collige, ex essentia & existentia creaturarum non resultare propriè compositionem rationis; quia sicut compositio realis resultat ex duabus entitatibus realiter distinctis ex parte obiecti, ita compositio rationis resultat ex duabus formalitatibus obiectivis, quæ inter se uniantur ad vnum quid constituendum. Talis autem compositio non potest oriri ex essentia & existentia, cum non distinguantur ex parte obiecti; sed tantum ex parte modi cognoscendi, ut ostensum est.

## ARTICVLVS III.

*Quomodo se habeant inter se gradus rerum  
essentiales.*

**P**Ræmoneo rerum essentiam non ita esse indivisibilem, quin constet variis gradibus intrinsecis, è quorum vno veluti ascenditur ad alium, tanquam ab inferiori ad superiorem, ut patet in homine in quo est gradus animalis, viventis, corporis, substantiæ, & entis. Dubitatur ergo quomodo se habeant inter se gradus illi qui vulgò essentiales appellantur, imò & Metaphysici, quia sunt considerationis abstractæ & Metaphysicæ; an scilicet distinguantur realiter, an verò tantum per rationem.

Respondeo & dico 1. *Gradus essentiali natura aliantur inter se non distinguuntur realiter.* Probatur 1. quia nulla est necessitas admittendi talem distinctionem: ut patebit ex solutione argumentorum; ergo admitti non debet. Sequela ostenditur ex vulgari illo Philosophorum proloquio, *non sunt multiplicanda entia sine necessitate.*

Probatur 2. Nam si gradus essentiali realiter distinguerentur, possent à se invicem saltem diuinitus separari, & separatim existere; hoc autem fieri nequit, quia repugnat quòd homo non sit animal, quòd animal non sit vivens, quòd vivens non sit corpus, quòd corpus non sit substantia, quòd substantia non sit ens, & ita de aliis: Ergo gradus essentiali non distinguuntur inter se realiter.

Confirmatur : nam in creatis non possunt assignari entitates aliquæ realiter distinctæ, quæ non possint saltem virtute diuina separari ab inuicem; ergo cum gradus essentialès à se mutuo auelli nequeant, gratis ponitur realis distinctio inter illos. Dico in creatis, nam personæ diuinæ etsi nequeant à se separari, quia habent eandem naturam, aliunde tamen præbent sufficiens fundamentum distinctiõis realis, eò quòd Pater producit Filium, & vterque Spiritum S. cum nihil se ipsum producere possit. Hoc autem non habet locum in gradibus essentialibus, quò sit vt nulla sit ratio eos distinguendi realiter, cum sint inseparabiles.

Probatnr 3. quia si ponenda est distinctio realis inter gradus Metaphysicos, maximè inter genus & differentiam, quia hæc magis inter se distate videntur : at neque inter istos gradus constituenda est realis distinctio, ergo nec inter alios. Minor suadetur, nam v. c. ratio substantiæ in Angelo est ex se, & seclusa ab hac quacunque entitate, spiritualis, cum totum esse Angeli sit omnino independens à corpore, & ex natura sua spirituale; quare cum substantia Angeli contrahitur ad esse spiritus, per differentiam spiritualis, hæc contractio non fit per entitatem aliquam à substantia Angeli realiter distinctam. Et similiter ratio substantiæ in ligno est ex se corporea, cum quidquid est in ligno, pendeat intrinsecè à materia; quò sit vt cum dico, lignum esse substantiam corpoream, hæc differentia per quam substantia ligni contrahitur ad esse corporis, non addat aliquam realitatem supra rationem substantiæ ligni.

Probatnr 4. gradus communes non distin-

guantur realiter in individuo à differentia individuali, seu a singularitate, ut ex eo manifestum est, quod natura Petri necessario est singularis per suam propriam entitatem, etiam seclusa quacunque entitate ab ea realiter distincta: alias enim natura cuiuslibet individui esset realiter communis, quod longè magis absurdum est quàm admittere vniuersale Platonium in rebus. Posita autem reali identitate attributorum communium cum singularitate, concedenda necessario est realis identitas inter ipsa attributa communia; tum quia in creatis quæ sunt eadem vni tertio, sunt eadem inter se; tum quia nulla est ratio cur vnum attributum essentiale distinguatur realiter ab alio, si omnia sunt indistincta à differentia individuali.

Dico 2. *Admittendam esse quandam distinctionem rationum inter gradus Metaphysicas, hancque sufficere ad salvanda quacunque de eorum distinctione afferri solent.* Prior pars facile ab omnibus admittitur; constat enim nos aliter in Petro concipere rationem Petri, seu petreitatem, aliter rationem hominis, aliter rationem animalis, viuentis, corporis, substantiæ, entis. Quare etsi hæc omnia attributa sint vna simplex natura Petri, ea per varios actus intellectus cognoscimus, ac si essent distincta à parterei, sicque illa per rationem distinguimus.

Confirmatur: nam ea distinguuntur ratione, quorum vnum potest concipi & defini sine alio; at possumus concipere Petrum sub ratione entis, vel substantiæ, etsi cum non concipiamus explicitè sub ratione hominis, vel animalis, ut experientia constat. Possumus

etiam illum definire sub aliqua ex iis rationibus, & non sub aliis; ut si dicamus eum in quantum substantiam, esse ens per se substantios, in quantum animal esse corpus animatum sentiens, in quantum hominem esse animal rationale. Ergo id plusquam sufficiens est ut constituamus distinctionem rationis inter gradus essentialis rei creatæ.

Posterior pars ostenditur, quia rationes quæ proferri solent ad stabiliendam distinctionem realem inter gradus essentialis creaturæ, ad summum ostendunt ponendam esse distinctionem rationis inter illos, ut patebit ex solutione objectionum, potestque efficaciter confirmari ex eo quod eadem aut similes rationes æquæ habent locum in attributis diuinis, inter quæ tamen nulla est distinctio realis, ut fides docet, potestque intelligi ex dictis in Idea Theologiæ speculat. lib. I. c. 2.

Obiicies 1. non pendere à conceptu nostro quod alia sit ratio formalis sensitivi in homine, alia rationalis, &c. sed illi convenire à parte rei, ut ex eo patet, quod sensitivum reperitur interdum à parte rei sine rationali, nempe in bruto. Respondeo maiorem negandam esse, nam etsi non pendeat à mente nostra quod homo sit sensitivus & rationalis; pendet tamen ab ea quod alia sit in eo ratio sensitivi, alia rationalis; cum sensitivum & rationale à parte rei in eo idem sint. Ad probationem verò illius dico, ea non concludi rationale & sensitivum realiter distingui in homine; sed tantum rationale hominis reipsa distingui à sensitivo bruti, quod ultro admittimus.

Obiicies 2. homo per sensitivum convenit cum bruto, & per rationale ab illo differt;

idque à parte rei ; at non potest vna simplex entitas esse ratio conuenientie , & distinctionis realis cum altera : ergo sensitiuum & rationale sunt duæ entitates realiter distinctæ in homine. Respondeo minorem falsam esse , quando vna simplex entitas pluribus æquiualeat, ita vt diuersos effectus producat, quorum vnus conueniat cum effectu alterius ; alter verò ab eo discrepet , quomodo se res habet in proposito : eadem quippe entitas hominis, vt est principium sensationum, conuenit cum bruto in quo etiam sunt sensationes ; vt autem est principium ratiocinandi, ab illo discrepat , quia brutum non ratiocinatur. Et sanè cum omnes fateantur unicam tantum esse animam in homine, eamque realiter simplicissimam , necesse quoque est fateri eam esse principium radicale vegetandi , sentiendi , & ratiocinandi ; & consequenter hominem conuenire cum plantis, & cum brutis , simulque ab iis discrepare per eandem entitatem , & formam simplicissimam.

Obiicies 3. ea quæ constituunt compositum, distinguuntur inter se ; atqui genus & differentia constituunt compositum , nempe speciem ; ergo distinguuntur inter se. Respondeo ea quæ constituunt compositum, distinguuntur inter se eo modo quo constituunt compositum ; ita vt si realiter constituent, realiter distinguantur , si verò tantum per rationem constituent , per rationem distinguantur : Atqui genus & differentia non constituent compositum realiter ; sed ad summum per rationem, quare hinc tantum colligi potest ea inter se ratione distinguuntur.

Contrà Theologi vulgo non audent ponere

in Deo compositionem ex genere & differentia, quod indubio est eos existere eiusmodi compositionem esse realem; si enim esset tantum per rationem, nullo modo derogaret simplicitati, vel alteri perfectioni diuinæ, cum inter attributa diuina distinctio rationis, ex omnium sententia, constituatur. Respondeo compositionem ex genere & differentia reijci à Deo, non quòd sit realis; sed quia etsi sit tantum per rationem, genus & differentia à se mutuo perfectè præscindunt, ita ut alterum sit omnino extra conceptum alterius, ut suprà probatum est: ut non possunt in Deo assignari duæ rationes sic à se mutuo præscindentes. Et aliunde cum repugnet plures esse Deos numero distinctos, repugnat etiam quòd Deus ut sic sit species, & consequenter quòd sit sub genere, ut diximus in Idea Theologiæ specul. lib. 1. cap. 3. Resol. 3.

## ARTICVLVS IV.

*De gradu singularitatis seu indiuiduationis.*

**P** Remonco in indiuiduo v. e. naturæ humanæ, puta in Petro, duas rationes posse considerari, alteram communem, nempe naturam humanam ut à Petro, Paulo, aliisq; hominibus singularibus abstractam; aliam singularem, nempe differentiam indiuidualem per quam determinatur & contrahitur ad Petrum. Sicut enim genus per differentiam specificam contrahitur ad speciem, ut animal ad hominē per rationale; ita species contrahitur ad indiuiduum per differentiam indiuidualem, seu per singularitatem, de qua hic inquirendum est

Metaph.

G

quid addat supra naturam communem, an solam negationem, an verò aliquid positivum, non quidem realiter distinctum ab illa, ut patet ex art. precedenti, sed tantum per rationē.

Respondeo & dico 1. *Differentiam individua-  
lem non addere naturæ communem solam negationem,  
sed præterea aliquid positivum per quod res consti-  
tuitur singularis.* Probatur; nam etsi individuum  
idem sit ac non divisum, adeoq; includat tum  
negationem divisionis à seipso, tum negatio-  
nem identitatis, cum quolibet alio ente; id ta-  
men non sufficit ad constituendum singulare,  
primo quia singulare dicit talem naturam in  
se indivisam, & divisam à quacunque alia, v. c.  
Petrus dicit hanc humanitatem per quam est  
hic homo singularis in se indistinctus in plures  
homines, & distinctus à quovis alio homine;  
constat autem talem naturam, & hanc huma-  
nitatem dicere aliquam entitatem positivam,  
quæ sit fundamentum negationis prædictæ.

Secundo, quia unum individuum non distin-  
gitur ab alio per solam negationem; sed per  
propriam entitatem, quatenus entitas unius  
non est entitas alterius: ac differentia indivi-  
dualis est id quo unum individuum distingui-  
tur ab alio; ergo dicit aliquid positivum. Ter-  
tio quia productio terminatur ad rem singu-  
larem & individuum, terminus autem produ-  
ctionis est realis & positivus.

Dico 2. *Differentiam individualement non esse colle-  
ctionem totum accidentium quæ in alio non fiat.*  
Probatur, tum quia etsi omnia accidentia  
mente præscindantur à subiecto, illud adhuc  
censetur eodem numero ac antea; adeoque dif-  
ferentia numerica in ea congerie accidentium  
consistere non potest.

Tum quia individua substantiæ ponuntur in



## LIBER SECVNDVS. 747

Categoria substantia, ut patet ex arbore Porphyrij; at in ea non ponerentur, si constituerentur in ratione individui per collectionem accidentium.

Tum quia etsi illa accidentium collectio sufficeret ad individuandam substantiam, adhuc inquirendum superesset per quid accidentia ipsa essent individua & singularia.

Dico 3. *Differentiam individualement non esse repandam à causa productiva individui.* Probatur, tum quia causa efficiens est extrinseca individuo, adeoque non potest spectare ad intrinsecam constitutionem illius; at differentia individualis spectat ad intrinsecam constitutionem individui, sicut differentia specifica ad intrinsecam constitutionem speciei.

Tum quia res intelligitur individua & singularis abstrahendo ab illius causa efficiente, satis enim concipimus Petrum esse hominem singularem ab aliis distinctum, etsi nihil de illius parte cogitemus. Imo Deus etsi causam nec habeat nec habere possit, est intrinsecè una numero & singularis substantia. Tum quia homo generat filium à se numero & realiter distinctum, adeoque tribuit illius naturæ differentiam individualement & numericam.

Dico 4. *Differentiam individualement non consistere prout in existentia rei singulari.* Probatur, quia individuum non potest concipi sine differentia individuali, cum ad intrinsecam illius constitutionem spectet: Potest tamen præscindi per mentem ratio individui ab actuali existentia, cum possimus cogitare de homine singulari ut singulari, etsi non cogitemus illum existentem, & Deus cognoscat distinctè infinitos homines singulares possibiles qui nunquam existunt: quare ratio individuationis non potest consi-

stere forma nec in rei existentia. Confirmatur nam Categoriæ abstrahunt à rei existentia, & tamen individua in Categoria directè collocantur, ut dictum est.

Dico 5. *Differentiam individualement substantia non esse substantiam, neque accidentium inhaerentiam.* Probatur: nam substantia non definit esse singularis, etsi præscindatur siue per mentem siue etiam realiter, à propria substantia; ut patet in humanitate Christi quæ est hæc singularis, distincta ab humanitatibus aliis hominum, licet careat propria substantia. Contrà vero etsi eadem natura terminaretur pluribus substantiis, id non impediret quin esset una numero singularis; quemadmodum una est natura diuina cum tribus substantiis. Constat etiam accidentia nulli subiecto inhaerentia, qualia sunt Eucharistica, habere propriam singularitatem per quam constituuntur, & ab aliis distinguuntur.

Obiicies differentia individualis debet sumi ab ultimo actu rei, atqui ultimus actus substantiæ est substantia, & accidentis inhaerentia; ergo differentia individualis in iis constitui debet. Respondeo maiore absolute non esse veram; cum enim inquiramus hoc loco per quid gradus essentiae vniuersales fiant singulares, consequenter agimus de illis præscindendo ab eorum existentia, & à fortiori præscindendo ab eorum substantia, vel inhaerentia; qui sunt quidam modi existentiae, de quibus infra agitur. Quare etsi essentiae, ut est in rerum natura, ultimus actus sit substantia, vel inhaerentia, hinc non sequitur differentiam individualement in iis constituendam esse.

Accedit quod cum substantia & inhaerentia possint considerari & in communi, & in sua

gulari, semper explicandum superest quid addatur illis ut fiant singulares, seu quid dicat hæc subsistentia, & hæc in hærentia, supra subsistentiam, & in hærentiam in comuni.

Dico 6. *Substantiam materiale non individuari formaliter per quantitatem.* Probatum tum quia individuum substantiale quoad suam entitatem est ens, & hoc ens singulare distinctum numero ab omnibus aliis entibus; at repugnat quod entitas substantialis constitutur intrinsecè per quantitatem, quæ est accidens; ergo etiam fieri nequit quod individuatio substantiæ oriatur formaliter à quantitate. Confirmatur, quia alias individuum substantiale non posset directè constitui in Categoria substantiæ, contrà ante dicta.

Tum quia cum quantitas sit corua materiæ, & hæc sine illa nunquam existat, sicut eadem materia successivè reperitur in diversis individuis, ita & eadem quantitas; adeoque repugnat quod res sit individua per quantitatem.

Confirmatur: quia cum substantia alimenti transeat in substantiâ aliti, sequeretur illud qui carne vitulina nutritur, fieri idè numero individuum eam virulo; quod satis durum videtur. Tum quia posset Deus duas substantias numero distinctas spoliare quantitate, easq; sic conservare, amo & create, & tamen non coalescerent tunc in eandè numero substantiam; sed æque essent distinctæ ac antè; ergo substantiæ materialis individuatio non sumitur à quantitate.

Tum deniq; quia vna quantitas distinguitur numero ab alia, quantitas v. c. Petri à quantitate Pauli, adeoq; inquirendum superest per quid quantitates hæc individuentur: si dicatur individuari per seipsas, quæritur cur etiam substantia per seipsam non individuetur; cum non minùs

per suam entitatem sit hæc substantia, quam  
quantitas per suam entitatē sit hæc quantitas.

Dico 7. *Substantiam materialem non individuari  
formaliter per materiam signatam, seu statem sub  
certis dimensionibus quantitati* Probatum, cum quia  
eadem materia affecta eadem quantitate po-  
test successiue reperiri in diuersis rebus, non  
modo numero; sed etiam specie distinctis, vt  
patet ex Physica; ergo non potest materia si-  
gnata esse principium individuationis substan-  
tiarum materialium.

Tum quia autores sententiæ oppositæ existi-  
mant, in rerum corruptione & generatione  
fieri resolutionem usque ad materiam pri-  
mam, ita vt forma & materia omnibus acci-  
dentibus destitutæ simul vniantur, & consti-  
tuant compositum substantiale. At perspicuum  
est in eo instanti tale compositum esse verum  
individuum substantiale, distinctum numero à  
quolibet alio individuo; cū tamen non possit  
illius individuatō sumi à materia signata, seu  
vt affecta quantitate. Ergo aliquod aliud prin-  
cipium individuationis querendum est.

Tum denique quia sicut res spirituales per  
proprietas entitates sunt indiuisæ in se, & diuisæ  
à quouis alio, ita & substantiæ materiales; qua-  
re sicut illæ non possunt individuari per mate-  
riam, aut quantitatem, quia vtraque carent;  
ita affirmandum est istarū individuationem à  
materia signata repetendam non esse. Confir-  
matur, quia cū omnia tam spiritualia quàm  
materialia in eo conueniant, quod sunt indi-  
uidua, debet assignari quædā ratio individua-  
tionis quæ illis omnibus aptari possit, cuiusmo-  
di non est materia signata, vt perspicuum est.

Neque refert quod Arist. interdum dicat, ea  
esse vnum numero quorum materia est vna, &

## LIBER SECVNDVS. 111

plura numero, quorum materia est diuisa; duplex enim est vnitas, alia quantitatiua, quæ consistit in indiuisiōe rei quantæ in plures partes quantitatiuas, & in diuisiōe seu discontīnuatione ab omni alia quantitate; alia entitatiua, quæ consistit in indistinctiōe rei in plura seipsa, & distinctiōe à qualibet alia entitate. Loquitur autem Arist. de priori vnitate, quæ solis rebus materialibus & quantis competit; nos verò agimus de posteriori, quæ rebus non modo materialibus; sed etiam spiritui- bus conuenit, quam contendimus à materia, vel quantitate sumi non posse.

Dico 8. *Nec materiam, nec compositum indiuiduari per formam.* Prior pars probatur; nam materia præcedit formam, non modo in communi, sed etiam in indiuiduo; ita vt hæc singularis materia præexistat antequam forma ei vniatur, sicque habeat indiuiduationem independentem à forma.

Confirmatur: nam vna & eadem numero materia modo est sub vna, modo sub alia forma numero, imò specie distincta; ergo non potest materia habere vnitatem numericam seu indiuidualem à forma. Vnde non potest dici materiam indiuiduari per ordinem ad certam formam, cum indifferenter se habeat ad omnes.

Posterior pars ostenditur, quia sicut non tantum forma; sed etiam materia est de ratione compositi, vt in Physicis dicemus; ita hæc forma, & hæc materia sunt de ratione huius compositi. Quare compositum non potest habere à forma solum sola, quòd sit hoc singulare compositum; sed id partim etiam à materia habere debet.

Est autem difficultas an id habeat sufficiens

ty ab hac materia, & hac forma simul virtutis.  
 Respo. eo d. habere Physicè loquendo, nam  
 cum compositum vult, licet materiam & for-  
 mam simul virtutis; hoc singulare compositum  
 dicit hanc numero materiam, & hanc numero  
 formam. Si tamen res Metaphysicè confide-  
 retur, quatenus hic agimus de differentia in-  
 dividuali, qua species contrahitur ad hoc sin-  
 gulare, certum est principium individuatio-  
 nis non sufficienter explicari per hanc mate-  
 riam, & hanc formam; cum inquirendum su-  
 perfit quidnam sit id quod addit hæc mate-  
 ria, & hæc forma supra rationem communem  
 materie & forme.

Dico 9. *Accidens non individuari per subiectum  
 cui inharer.* Probatur, tum quia accidens ha-  
 bet entitatem propriam realiter & essentiali-  
 ter distinctam ab entitate subiecti: repugnat  
 autem aliquid constitui hoc ens singulare per  
 entitatem a se realiter distinctam, cum singula-  
 ritas non distinguatur à gradu communi in ea-  
 dem re, ut sepiù ostendimus. Confirmatur, nam  
 non modo albedo distinguatur à pariete, sed  
 etiam hæc singularis albedo; quare non potest  
 ab illo formaliter accipere suam singularitatē.

Tum quia Deus potest creare & conservare  
 accidens extra quodcumque subiectum, potest  
 etiam efficere per potentiam absolutam, ut  
 idē accidens transeat ab vno subiecto ad aliud,  
 aut etiam ut simul sit in subiectis distinctis. In  
 his autem casibus non posset accidens sumere  
 suam virtutem & distinctionem numericam à  
 subiecto inharitionis, ut manifestum est; sed  
 aliunde eam haberet. Ergo dicendum est ge-  
 neratim accidens alimne suam individuationem  
 quam a subiecto accipere. Confirmatur,  
 quia idē numero subiectum multa accidentia

numero distincta successiue potest recipere, ut idem aer aliam & aliam lucem, aqua alium & alium calorem, &c. Ergo dici non potest accidens sumere unitatem & distinctionem numeri tam à subiecto cui inhaeret.

Nec refert quòd in vno subiecto materiali sit v. c. vna albedo, in duplici duplex, &c. hinc enim legitur tantum unitatem quantitativam oriri à subiecto quanto, non autem entitativam; quia de qualibet albedine, ut & de qualibet quantitate, imò & de qualibet parte materiae inquirendum restat, unde habeat quod sit hæc, non illa, ut patet ex dictis.

Dico 10. *Principium formale & proximum individuationis in re qualibet singulari esse differentiam positivam illi intrinsicam, per quam species contrahitur ad tale individuum, vocaturque ex Senso generatum in castas, & Speciatum Petraræ. Pantheus, &c.* Sequitur ex dictis, tum quia nihil aliud superest ex quo possit desumi ratio propria individui, cum alia omnia reiecta sint.

Tum quia sicut genus contrahitur ad speciem per differentiam specificam, ex qua & genere species intrinsecè constituitur; ita species contrahitur ad individuum per differentiam individualement, ex qua & ratione specifica constituitur intrinsecè individuum: est enim par ratio.

Tum quia sicut species addit aliquid intrinsecum supra genus, ita æquum est ut individuum includat aliquid intrinsecum supra speciem; cum illi subiiciatur in recta linea Categoria, sicut species subiicitur generi.

Tum quia individua eiusdem speciei per aliquid inter se realiter conveniunt, & per aliquid differunt; ergo sicut id quo conveniunt, est ipsis intrinsecum, ita & id quo differunt; ac non differunt per attributa specifica aut gene-

rica; sed tantum per propria, & individualia, quæ proinde ipsius intrinseca esse debent.


Obiicies 1. omnis actus singularis præexigit potentiam singularem quam actuat, atqui differentia individualis actuat naturam; ergo debet natura esse singularis ante talem differentiam. Respondeo maiorem falsam esse, nam sicut differentia specifica non supponit naturam specificam; sed facit: ita differentia singularis non supponit naturam singularem, sed facit.

Obiicies 2. quod convenit uni individuo, & repugnat alteri, supponit ea esse distincta: sed differentia individualis convenit uni individuo, & repugnat alteri; ergo supponit ea distincta, adeoque non primo causat talem diversitatem. Respondeo maiorem absolute falsam esse de eo quod primo unum individuum constituit; hoc enim non inuenit distinctionem numericam; sed facit, ad eum modum quo differentia specifica non supponit distinctionem specificam, sed facit.

Obiicies 3. si differentia individualis est intrinseca & positiva, sequitur speciem non constituere totam essentiam rei, item individua essentialiter inter se differre; quæ & similia communi Philosophiæ repugnant. Respondeo hæc non repugnare communi Philosophiæ quoad rem ipsam, sed tantum quoad modum loquendi: communiter enim nomine essentiae intelliguntur gradus multis communes, quia res considerantur à Philosophis ut cadunt sub scientiam, & possunt definiri; ac essentiae ut singulares non cadunt sub scientiam, nec possunt definiri, sed tantum vel secundum se, vel, ut statuit communis sententia, quatenus sunt universales.



Quare hoc tantum modo sub nomine essentiarum comprehenduntur, etsi verè & à parte rei etiam differentie individuales ad essentialiam rerum pertineant.



## CAPVT III.

De proprietatibus entis tam in genere, quàm in specie.

## ARTICVLVS PRIMVS.

*De proprietatibus entis in genere.*

**Q**Uæritur 1. an quædam proprietates seu passionēs entis admittendæ sint. Respondeo affirmatiuè, cuius ratio est, quia nullum est subiectum scientiæ de quo aliqua passio demonstrari non possit; atqui ens est subiectum Metaphysicæ; ergo aliqua passio de ente demonstrari potest. Confirmatur; nam nomine passionis intelligimus hic aliquod attributum consequens ad rationem essentialē: atqui nonnulla sunt attributa quæ consequuntur ad rationem entis, ut quod sit vnum, verum &c. Ergo ens habet aliquas passiones.

Obiicies 1. si ens habet proprietates aliquas, vel ex sunt ens, vel nihil; neutrum dici potest, ergo nullas habet proprietates. Maior perspicua est quia inter ens & nihil non datur medium. Minor verò suadetur, quia quod est ens, non est passio entis; sed ipsummet ens; quod verò nihil est, non potest enti reali, tanquam proprietas competere. Res-

pondeo proprietates entis non esse entitates reales ab ipso ente distinctas ; sed formaliter consistere in negatione aliqua , aut relatione rationis ; quod etsi non sufficiat ad rationem proprietatis , ut de ea communiter agitur in Phisicis , quia hæc ut sic dicit entitatem aliquam realiter à subiecto fluentem , adeoque realiter ab illo distinctam ; sufficit tamen ad rationem passionis latiori modo sumptæ , cum ex usu communi prædicata secundaria quæ ab aliquo subiecto , siue per modum negationis , siue per denominationem extrinsecam , aut respectum rationis consequuntur , locum teneant passionum ; ve ex variis passionibus quæ ab Arist. prædicamentis assignantur , intelligi potest.

Obiicies 2. si ens habet aliquas proprietates , ex possunt demonstrari per definitionem entis : at ens non potest definiri , quia quod definitur , constat genere & differentia ; eos autem non habet genus , cum sit supra omnia genera ; ergo ens nullas habet proprietates.

Respondeo ens non posse quidem exactè definiri ; posse tamen aliquo modo describi , & per illius descriptionem posse proprietates de eo demonstrari : ut si dicamus , omne quod habet veram essentiam , est unum , ens habet veram essentiam , ergo est unum.

Quæritur 2. quid proprietas entis addat supra ens : ut huic quæsito satisfaciam ,

Respondeo & dico 1. *Proprietates entis non dicere aliquas formalitates positivas & reales ex natura rei ab ente distinctas , eique superadditas.* Probatum , quia cum omnis formalitas positiva & realis sit inuiscè & essentialiter ens ,

impossibile est eam esse aliquid ex natura rei ab ente distinctum, eique superadditum. Ens enim includit omnia entia, adeoque non potest illi superaddi aliquid ens, sed tantum non ens, quare vel passiones non superadduntur enti, vel non sunt aliquid positivum.

Confirmatur 1. nam seclusa per intellectum quacunque realitate, aut formalitate positiva distincta ab ente, adhuc concipimus ens esse vnum, verum, & bonum; adeoque habere omnes proprietates quæ illi vulgo assignantur. Ergo passio entis non consistit in quadam realitate, aut formalitate positiva distincta ex natura rei ab ente.

Confirmatur 2. nam si passio entis esset ens distinctum, illud haberet suas passiones, quæ si essent entia, iis etiam aliæ proprietates assignandæ essent, sicque daretur progressus infinitus inter entia, & eorum passiones. Quod cum sit absurdum, sistendum est in primis entis passionibus, & fatendum eas non addere aliquam realitatem supra ens.

Obiicies, vnum, verum, bonum sunt proprietates entis; at ille dicunt entitatem aliquam realem, cum nihil non sit vnum, verum, bonum. Respondeo passiones illas tripliciter spectari posse, 1. fundamentaliter, quomodo non distinguuntur ab ente. 2. in concreto, quomodo includunt pro materiali ens, & se ipsas pro formali. 3. formaliter, ut passiones enti superadditas, qua ratione nihil positivum includunt. Unde

Dico 2. *Proprietates entis non dicere intrinsecè ipsum ens, & aliud ei superadditum.* Probatum: nam sicut risibilitas v. c. non dicit rationalitatem & formam ei adiunctam; sed præcisè talem formam; & humilitas non dicit naturam

equinam; sed accidens ei superadditum: ita similiter passiones entis non debent includere in suo conceptu ipsum ens, sed tantum aliquid enti superadditum.

Confirmatur: nam ens per se non est passio entis, ut perspicuum est, ergo nec ens alteri iunctum dici potest passio entis; sicut nec rationalitas iuncta risiolitati est passio rationalitatis. Quod enim subiectum passionis concipiatur simul cum passione per modum vnius aggregati, id non sufficit ut totum illud aggregatum sit passio; cum ut sic, ab alio tanquam ab essentia non procedat.

Obiicies: passiones debent definiri ex Arist. per additamentum, hoc est per sonum subiectū; atqui id per quod res definiuntur, est de essentia illius, ergo est de essentia suarum passionum. Respondeo passiones non debere definiri per subiectum, ut per aliquid ipsis intrinsecum, sed tanquam per aliquid ad quod habent ordinem intrinsecum; ut ex eo manifestum est, quod modus ille definiendi competit generatim omnibus accidentibus: at dici non potest omnia accidentia includere in suo conceptu subiectum cui insunt, cum pleraque ab illo realiter distinguantur.

Dico 3. *Proprietates enti formaliter spectatas nihil aliud dicere quàm aliquam negationem, aut relationem rationu enti superadditam.* Sequitur ex dictis, nam cum assignandæ sunt enti aliquæ proprietates, neque in earum conceptu includatur siue ens cuius sunt proprietates, siue alia formalitas positiua enti superaddita; hinc manifestè colligitur proprietates entis in quadam negatione, aut relatione rationis constituendas esse.

Queritur 3. quot sint passiones entis. Res:

pondeo tres communiter assignari, nempe unitatem, veritatem, & bonitatem. Huius autem numeri sufficientia ex eo probatur, quod unitas, veritas, & bonitas veluti sequuntur ad primariam entis rationem, sicut alie proprietates sequuntur ex subiecto cui competunt, conueniuntur etiam cum ente, ita vt nullum sit ens quod non sit vnum, verum, bonum, & vice versa nihil sit vnum, verum, bonum quod non sit ens. Sicut enim ens rationis est ens fictum, ita non nisi unitatem, veritatem, & bonitatem fictam habet.

Denique nulla entis passio assignari potest quae ad illarum aliquam non possit reduci, quare faciendum est tres assignatas esse veras entis passiones, nec plures admittendas esse. Nec audiendi sunt qui rem & aliquid inter passiones entis enumerant; cum illa ab ente non distinguantur, nisi quoad voces.

Nota proprietates illas variis modis concipi posse, si quae etiam diuersimode inter se ordinari. Communiter tamen unitas praecedat veritatem, & haec bonitatem; cuius ratio est, quia quod est absolutum, est prius respectivo; et unitas dicitur indiuisionem rei in se. veritas vero dicitur per respectum ad intellectum, & bonitas per ordinem ad voluntatem: quare unitas praecedat veritatem, & bonitatem; quia verò actio intellectus est prior actione voluntatis, hinc fit vt veritas sit prior bonitate: Quare de illis etiam hoc ordine sequentibus articulis agemus.

## ARTICVLVS · II.

*De unitate Entis.*

**Q**UÆRITUR 1. quid sit unitas, an rationem aliquam positivam, vel tantum negationem addat superi ens. Respondeo non dicere aliquid positivum; sed tantum negationem diuisionis. Probatum tum quia Arist. 5. Metaph. cap. 6. & alijs docet vnum idem esse ac indiuisum; ac indiuisum nihil dicit præter negationem diuisionis: Ergo & vnum eiusmodi tantum negationem in conceptu suo includit.

Tum quia si unitas diceret formaliter aliquam rationem positivam, sequeretur eam esse ens, adeoque addere enti ens; quod repugnat, ut patet ex artic. præcedenti. Confirmatur, nam si unitas diceret ens, illud ens esset haud dubie vnum, vniue per distinctam formalitatem positivam, quæ similiter esset ens vnum, sicque progressus abiret in infinitum; qui ut caueatur, sistendum est in prima unitate, adeoque fatendum eam ex se non dicere nisi negationem diuisionis.

Tum quia, præcisa quacunque formalitate positiva, distincta ab ente, concipimus ens ipsum præcisè per suam entitatem esse vnum, seu indiuisum; sicque unitatem non dicere formaliter aliquid positivum; sed solam negationem diuisionis.

Obiicies 1. negatio fundatur in aliqua formalitate positiva; & non in formalitate entis, quia dicitur ens non vnum, seu multiplex; ergo in formalitate aliqua distincta. Respondeo

negatio minus ens; ens enim per se rationis  
sua: entitatis est vnum: & ad perfectionem di-  
cimus, ens multiplex non esse proprium eius sed  
entia.

Obiicies 2. vnitatis est perfectio. Deus enim  
quatenus vnus, est perfectus; at perfectio di-  
cit aliquam formalitatem positivam, ergo &  
vnitas. Respondetur vnitatem fundamentaliter  
esse perfectionem positivam in ente fundatam;  
formaliter vero dicere quandam perfectionem  
negativam, seu remotionem imperfectionis,  
puta diuisionis, & multiplicitaris.

Obiicies 3. etsi vnum dicat indiuisiōem, &  
indiuisio sit vox negatiua, debet tamen signi-  
ficare formam aliquam positivam, eo quod  
per illam negatur diuisio: siquidem diuisio ip-  
sa est negatio vnius de alio; at non datur ne-  
gatio negationis; sed cuiuslibet negationi im-  
mediate opponitur forma positua qua destrui-  
tur; ac proinde indiuisio inclusa in vnitare  
dicat formam positivam. Respondetur diuisio-  
nem dupliciter posse considerari, primo vt di-  
cit plura entia in se completa, secundo vt eo-  
rum vnum non est aliud; ac posteriori modo  
dicere negationem, priori vero dicere aliquid  
positiuum: cuius in indiuisio est entis negatio: ita  
vt cum dicimus ens esse vnum, vel indiuisum,  
sensus sit, ens non esse plura entia. Accedit  
quod gratis supponitur cui libet negationi im-  
mediate opponi formam positivam; cum con-  
suet v. c. in lapide esse negationem cecitatis,  
quæ omnium consensu, non est forma positua.  
Quare etsi diuisio esset negatio, inde non se-  
quatur vnitatem in negatione non consi-  
stere.

Queritur 2. an vnitas dicat propriam & stri-  
ctam negationem, an vero priuationem. Res-

pondeo aliquo sensu dicere priuationem simpliciter tamen in negatione constituentiam esse. Et quidem dicit priuationem, quatenus eas quod dicit aliquid reale, ab illa denominatur vnum: est enim illud discrimen inter priuationem & puram negationem, quod illa non conveniat nisi enti reali, hæc vero etiam nulli subiecto conveniat. Aliunde tamen est negatio, quia negatio sumitur communiter pro priuatione formæ in subiecto illius incapaci, & priuatio è contra pro negatione formæ in subiecto apto; atqui vnitatis est negatio formæ in subiecto in apto, cum repugnet enti diuisum esse; statim enim ac diuiditur, non amplius est ens; sed entia. Vnde vnitatis est passio entis simpliciter negatiua, seu magis negatiua quam priuatiua.

Obiicies: vnitatis quæ coniuncta est cum aptitudine essendi in multis, est vnitatis priuatiua, non negatiua; atqui vnitatis cuiusque naturæ vniuersalis est coniuncta cum illa aptitudine, ut patet ex definitione vniuersalis superius tradita; ergo vnitatis earum rerum est priuatiua, non negatiua, & consequenter falsum est omnium entium vnitates esse negatiuas. Respondeo hanc posteriorem consequentiam negandam esse, quia cum agimus hic de omni ente, & illius vnitatis, agimus de vnitatis quæ competit enti realiter & secundum se; at vero vnitatis vniuersalis de qua procedit obiectio, est vnitatis efficta per intellectum; quare etsi sit priuatiua, ex ea non licet aliquid simile concludere de alia vnitatis, quæ cuiuslibet enti singulari per se & realiter competit.

Queritur 3. quænam sit forma quæ negatur per vnitatis. Respondeo cum vnitatis sit ne-



gatio diuisionis, & diuisio dicat multitudinem, per unitatem, & diuisionem & multitudinem negari, seu hæc duo esse formam negatam per unitatem. Idque patet ex communi vñ loquend & concipiendi, quia vulgo dicimus & intelligimus illud esse vñum, quod non est diuifum, nec est multa.

O' die. unitas præcedit multitudinem, cum hæc constet ex vñis unitatibus, ergo non potest dicere negationem multitudinis. Sequela patet, quia negatio supponit sciam quam negat, estque illa posterior. Respondeo 1. hoc argumentum posse retorqueri in nonnullos qui eo vtuntur contra negationem multitudinis, cum tamen existiment vñum dicere negationem diuisionis. Constat enim diuisionem non magis esse priorem unitate, quam multitudinem; cum diuisio intelligi non possit sine multitudine, & nisi præcedant plures unitates.

Respondeo 2. unitatem esse priorem diuisione & multitudine quoad rem ipsam, prout res in natura existunt, & hoc modo vñum non dicere negationem diuisionis, & multitudinis; esse tamen illis posteriorem quoad conceptum nostrum. Non enim possumus concipere vñum dicere negationem diuisionis, & multitudinis, quin prius diuisionem & multitudinem concipiamus; sicut non possumus intelligere hominem dicere negationem equi, vel ligni, quin prius equum, vel lignum concipiamus.

Quæritur 4. cum ens vulgo dicatur quod est indiuisum in se, & diuisum à quouis alio, vtrum non modo indiuisio in se; sed etiam diuisio à quouis alio ad primariam rationem unitatis spectet. Respondeo negative, prius enim est quod res sit constituta in se vna & in-

diuisa, quàm quod comparatur cum aliis. Unde Deus non definiretur esse perfectè vnus, etsi nullæ essent creaturæ possibiles à quibus diuidi posset, quia nihilominus esset in se indiuisus in plures Deos.

### ARTICVLVS III.

#### *De veritate entis.*

**Q**Uæritur 1. an veritas, quæ est proprietas transcendentalis entis, dicat negationem, aut aliquid positivum. Aliqui existimant eam dicere negationem entis ficti & apparentis; dicimus enim verum hominem, verum aurum, &c. ad distinctionem hominis ficti, & falsi auri. Hoc tamen refellitur, quia etsi interdum veritas in communi vsu loquendi ita sumatur, non debet sic accipi cum Philosophicè & exactè agitur de passione entis; quia si ens verum diceret negationem ficti, cum ens fictum sit quod non habet realitatem entis veri; sed solam apparentiam, sequeretur ens verum dicere negationem suæ negationis, quomodo proprietas entis non satis congrue explicatur. Eo vel maxime quia ens per suam entitatem præcisè, abstrahendo à quacunque proprietate ex ea consequente, dicit negationem negationis sui ipsius; quò fit ut non possit veritas, quæ est entis passio, in illa negatione constitui.

Alij existimant veritatem entis duplicem esse, externam, & internam; externam consistere in conformitate illius cum suis principis, maxime cum exemplari ad cuius similitudinem effingi debet; internam verò seu en-

etiam consistere in conformitate cum principis interius seu essentialibus, ex quibus componi debet, ita ut illud dicatur verum aurum, quod constat ex materia & forma quæ auro debentur; ille sit vetus homo, qui ex corpore humano, & anima rationali constat. Verum hic etiam modus reicitur, quia iuxta illum, veritas nullo modo distinguitur ab ipsa rei natura & entitate, ideoque non est passio entis, qualis hic inquitur. Ut enim aliquid sit passio alterius, debet illius nature & essentiae quandam formalitatem, si non realem, saltem negativam, aut rationis superadde-  
re, ut supra monuimus.

Dicendum ergo cum communi sententia, veritatem entis consistere in conformitate illius cum intellectu. Potest enim distinguere duplex veritas, alia formalis tenens se ex parte intellectus, alia transcendentalis tenens se ex parte obiecti; & sicut prior dicitur consistere in conformitate conceptus formalis cum obiecto, ita posterior potest legitime constitui in conformitate obiecti cum actu intellectus.

Vbi nota hanc entis conformitatem à nonnullis explicari per demonstrationem extrinsecam à conceptione intellectus, importando directe ipsam cognitionem, & connotando obiectum, ut si dicam: cognitio repræsentat hominem ut est in se. Verum id non satis solide dictum videtur, quia sic veritas rei non esset illius conformitas cum intellectu; sed potius conformitas intellectus cum ipsa, & consequenter veritas formalis confunderetur cum transcendentali.

Vnde malim dicere veritatem entis constitui in conformitate illius ad intellectum, non

quod ipsa rei entitas sit de conceptu directo veritatis, debet enim passio à suo subiecto distinguui; sed quod præbeat fundamentum ei affigendi relationem quandam conformitatis ad intellectum cognoscentem. Neque quæ contra hoc obijciuntur de perfectionibus veritati attributis, sunt alicuius momenti, cum de veritate materialiter spectata, seu de ente vero facile intelligi possint.

Adhuc tamen obijci potest, veritatem non bene constitui in relatione rationis; quia seclusa quacunque relatione, ens per se, quatenus est ens, est intelligibile, habetque proportionem & convenientiam cum intellectu cognoscente, adeoque sine vlla relatione est verum. Respondeo enti per se competere veritatem fundamentalem, non tamen illam quæ ab omnibus ut quædam passio entis constituitur: quia, ut dictum est, passio non debet in suo conceptu includere subiectum; sed dicere aliquam formalitatem ei quodammodo superadditam. Vnde cum passio entis non possit dicere aliquam formalitatem positivam & realem, ut supra ostensum est, consequenter debet dicere tantum negationem, vel relationem rationis. Et cum veritas nihil neget, adeoque non consistat in negatione, superest ut in solo rationis respectu constituatur.

Confirmatur: nam omnes fatentur veritatem dicere conformitatem ad intellectum, quæ sine ordine aliquo & respectu intelligi nequit: at respectus ille non est realis, ut patet ex dictis, ergo est relatio rationis. Neque aliud videntur velle qui dicunt cognoscibilitatem entis, in qua ponunt veritatem transcendentalem, distinguui ab ente, non ex parte obiecti; sed ex parte actus intellectus, &

esse illo posteriorem, sicque esse passionem illius; quia ens prius apprehenditur in ordine ad se, quomodo dicitur ens, & posteriùs in ordine ad cognitionem veram, quomodo dicitur verum; & hæc causalitas nostro concipiendi modo est vera, quia est ens, est cognoscibile; & hæc falsa, quia est cognoscibile, est ens. Iste enim dicendi modus, etsi veritatis transcendentalis fundamentum in ipso ente constituat, formalitatem tamen illius, de qua præcipue est questio, ad respectum quendam rationis reducit.

Quæritur 2. ad quem intellectum veritas entis dicat relationem conformitatis: Non pauci existimant dicere relationem illam ad intellectum diuinum, qui est prima veritas formalis & regula omnis veritatis. Alij docent veritatem dicere respectum ad intellectum creatum, quatenus in eo causat sui notitiam. Alij vero putant dicere respectum ad intellectum in communi, siue sit creatus, siue increatus, quod videtur probabilius.

Ratio est, quia conformitas illa consistit in eo quod ens sit intelligibile, non autem quod sit intelligibile per hunc, vel illum intellectum determinatè: Ergo sicut visibile dicit conformitatem ad visum in communi, appetibile ad appetitum, & sic de aliis, ita entis intelligibilitas dicit conformitatem ad quemcunque intellectum. Confirmatur, nam sicut veritas formalis est in quocunque intellectu, ita & transcendentalis ad quemcunque intellectum terminari debet.

Obiicies I. qui rei alienius veritatem inquirunt, eam considerant vt in se est, non autem quatenus habet conformitatem cum intellectu siue diuino, siue humano; vt patet cum

quis auri, vel argenti veritatem inuestigat. Ergo veritas non consistit in conformitate ad intellectum, ut supponitur. Respondeo hoc argumentum procedere tantum de veritate rerum Physica, non autem de transcendentali, de qua nunc agimus.

Obiicies 2. si veritas esset conformitas cum intellectu, sequeretur ex hypothesi impossibili, quod nullus esset, nec esse posset intellectus, & aliquod ens reale existeret, illud non fore verum; quia non haberet conformitatem cum vilo intellectu, quod tamen absurdum videtur. Respondeo in ea hypothesi rem quæ existeret fore veram fundamentaliter, quia quantum esset ex se, cognoscibilis esset ab intellectu, si is esset possibilis; non tamen formaliter, quia cum hæc formalitas dicat respectum rationis, ut ostensum est, & respectus rationis esse nequeat sine intellectu, hinc sequeretur rem existentem non esse formaliter veram; sed tantum materialiter seu fundamentaliter.

Obiicies 3. veritas entis debet explicari tantum per conformitatem ad suam primam regulam; at solus intellectus increatus est prima regula veritatis, cum ille solus necessarius, & actu, & semper, & verè res omnes intelligat ut sunt. Respondeo maiorem negandam esse, quia etsi intellectus creatus non sit prima regula veritatis, cum tamen verè possit res intelligere, ad sufficit ut ea dicantur veræ etiam per ordinem ad illum, etsi non tam perfecte, ac per ordinem ad intellectum diuinum.

Instabis res esse veras ab æterno, adeoque per ordinem tantum ad intellectum diuinum, cum creatus ab æterno non extiterit. Respondeo.

deo hoc argumentum, quod si creatura esset, non foret veritas ab æterno, non posset haberi in se, si per veritatem intelligatur conformitas rei actualis cum intellectu, deat. Id tamen non impedit, quin absolute dici possit veritas ab æterno, etiam per ordinem ad intellectum creatum, quatenus tales sunt, ut etiam ab illo cognosci possint, si ab æterno existeret. Veritas enim, quæ est proprietas eorum, quantum significat illius conformitatem, vel similitudinem cum intellectu, quam aptitudinalem, quæ etiam intellectu non existente, subsistit.

Obiicias 4. cum veritas nominalis censetur ab objectiva, dicendum est istam in eo consistere, quod veram sui cognitionem in intellectu producat, ac proinde eam non dicere ordinem ad intellectum divinum, sed tantum ad humanum, cum in hoc tantum possit aliquid causare. Respondeo absurdum esse limitare veritatem transcendentalem entis per ordinem ad intellectum humanum, cum potiori titulo ad divinum extendi debeat, ut patet ex dictis. Quare veritas illa non debet sumi ex causalitate rei cognite in intellectu cognoscente, sed præcise ex conformitate eorum cum intellectu, quæ ut sic, omni eorum respectu omnis intellectus competere potest.

Quæritur 3. quod duplex sit veritas. Respondeo triplicem communiter assignari, nempe veritatem rei, seu transcendentalem, de qua iam egimus, veritatem signi, seu in significando, qualis repetitur in vocibus scripturis, aliisque signis externis, quibus conceptus æterni representantur, & veritatem cognitionis, quæ vulgò formalis appellatur. & Considera conformitatem cognitionis cum re cognita. Ut autem ista clarius pateant, nonnulla observanda sunt.

Metaph.

H





Secundo tempore, quia cognoscitur per precedentem apprehensionem, ita non dicitur veram, quia cognoscitur apprehensionem veram; sed quia verum obiectum se obiectum repræsentat, imò non dicitur modo quàm apprehensio.

Tertio posse etiam falsitatem aliquam modo in prima mentali apprehensione obnoxia repen-ri; nam quævis modum apprehensionis, quia cognosco Petrum ut rationalem, est quodammodo vera, quatenus est conformis obiecto; ita vice versa illa est falsa quia apprehensio Petrum sub ratione humanis, cum sit differentis obiecto.

Est autem difficultas, an falsitas cadere possit in apprehensionem incomplexam, quia concipitur ab suis terminis simplex, et obiectum vel attributum, non autem unio veritatis. Quia in re sententia negans est communis, & tenenda. Cuius ratio est, quia cognita quæ est vera, quando est conformis suo obiecto; at qui simplex, illa vero terminis apprehensio non potest non esse conformis suo obiecto, cum sit actualis imago & representatio illius obiecti, non potest non esse vera, si quæ repugnat veri est, falsum.

Obiicitur: qui apprehendit unum pro lepore, decipitur, sique talis apprehensio est falsa. Respondetur non se decipi cum non apprehendit falso leporem, sed verè apprehendit vulpem, a. tunc de illius apprehensio est vera, cum sit conformis obiecto. Decipitur autem, quia apprehensio lepore aliam igno-ram substantiam.

Quarto utrimque veritatem antedictam nempe formam seu repræsentativam, & entitativam in eadem cognitione simul repen-ri, sub aliquo respectu. Nam si e. g. initio spele-

tur quod est, et quod obiectum hoc sit in ea est  
verum, et si vero spectatur qua-  
ter, et non ut obiectum, seu habens con-  
firmationem et intellectum cognoscentem, eo-  
modo veritas transcendentalis in illa locum  
habet, sicut & in aliis omnibus entibus, quate-  
nus sunt entia.

Quæritur 4. quid sentiendum sit de falsitate  
veritati hactenus oppositæ.

Respondeo 1. falsitatem dici variis modis. 1.  
quando opus deficit à regula artis, & à bonitate  
quam habere debet, quomodo falsas merces,  
falsam monetam, &c. dicere solemus. Hic tamē  
loquendi modus videtur improprius, & parum  
usitatus, præsertim apud Philosophos.

2. Quando obiectum mouet intellectum ad  
falsam de eo conceptionem eliciendam, quo  
sensu aurichalcum dicitur falsum aurum, &  
stannum falsum argentum; quia propter simi-  
litudinem apparentem quam habent cum au-  
ro & argento, intellectum decipiunt, eum ad  
falsum iudicium adigendo. Verum nulla res  
hoc sensu dici potest falsa respectu Dei, cum  
Deus nulla rei similitudine dici possit, ut ali-  
ter rem concepiat quàm in se sit.

3. Contingit falsitas per simplicem rei termi-  
nationem, ita ut aliter cognoscatur quàm sit,  
et si non sit causa deceptionis. Et hic etiam  
modus falsitatis non competit rebus per ordi-  
nem ad intellectum diuinum, quia cum sit in-  
finite perspicax, res omnes intimè obrutu suo  
peruadit, easque intuetur ut sunt.

Respondeo 2. ut res dicatur falsa, eam debe-  
re esse causam vel occasionem falsitatis intel-  
lectus. Cum enim res qualibet ex se sit cogno-  
cibilis ut est, adeoque ex natura sua fundet  
veram sui cognitionem, si id quod cognoscitur

aliter quam si non esset, ad alia vel in alia. Talis  
 exceptio est: falsitas tota se respicit ex parte  
 intellectus, sicque ob id illam non accidet fal-  
 sum, nisi per denominationem extrinsecam à  
 falsitate cognitionis. Quare sicut igitur verum  
 obiectum vocatur quod fundat veram cogni-  
 tionem sui, seu qua intelligitur ut in se ipso, ita  
 ad falsitatem obiecti requiritur ut fundet fal-  
 sam sui cognitionem, seu ut sit aliqua modo  
 causa cur cognoscatur aliter quam est in se;  
 quod præstat ob similitudinem quam habet  
 cum aliqua re alia, supposita tamen inco-  
 gnitione intellectus cognoscentis, qui est suæ in-  
 cis inopiam simul ordinē propter rationem suam.

Respondet tertio falsitate in se esse natu-  
 rationem entis transcendentalem. Probat ex  
 dictis, tum quia non competit cum esse in  
 Dei: tum quia omne ens, quod non est ex se,  
 potest intelligi ut est, adeoque omne ens in se  
 est verum, & consequenter non potest simul  
 ex se esse falsum. Quare falsitas rebus compe-  
 tit tantum per accidens, ratione cuiusdam  
 adiuncti, & supposito defectu intellectus co-  
 gnoscentis, qui rem ex se etiam in illis cir-  
 cumstantiis verè cognoscibilem, aliter intel-  
 ligit quam sit.

## ARTICVLVS IV.

*De bonitate Entis.*

**P**ramoneo triplicem assignari posse boni-  
 tatem, nempe moralem, physicam, & me-  
 taphysicam seu transcendentealem Bonitas  
 moralis ea est quæ est conformis rectæ ratio-  
 ni, & honestati de qua agitur in Ethica: Phy-

Est autem *phantasia* imaginans rebus natura bonis, quoniam est vis formativa in tale, vel letum, vel dolorem, &c. quæ tradatur in physica. *Potestas* autem metaphysica est illa quæ entia realia, vel essentialia, conuenit, de qua hic nonnulla præmittenda sunt.

*Quæritur* 1. an bonitas metaphysica, seu transcendens, sit omnibus conueniens. Respondetur affirmatiue; quod probatur, ut quia quidquid est, vel est deus, vel creatura; at deus non modo bonus est, sed etiam summè bonus; quod verè eam creaturam omnes sunt bonæ, manifestum est ex Scriptura Genesi. 1. his verbis. *Vide Domine opera tua quæ fecerat, & nuntia videri bona.* Tū quia ens est ens per suam essentialitatem est perfectum, & conueniens, & appetibile: quæ autem talia sunt bona sunt, ex communi sententia. Ergo etiam omnia bona sunt.

*Necessitas* 1. entia mathematica ex Arist. 2. metaph. tex. 3. non esse bona; non enim sensus est ea ut sunt vera entia realia, non esse bona; sed non spectari à mathematicis disciplinis ut sunt bona; quod aperte inuenit ipse Arist. cum postea ait, mathematicas nullam de bonis & malis facere mentionem; ac si diceret non considerare an obiectum circa quod versantur, bonum vel malum sit.

*Necessitas* 2. relationes ut sic non esse bonas, quæ aliter sequeretur aliquam bonitatem seu perfectionem esse in vna persona diuina, quæ non est in aliis. Hæc enim obiectio soluta manet ex aliis dictis in Ideâ Theologiæ speculatiue lib. 2. Cap. 2. resol. 5. Hic solum moneo eam repugnare Aristoteli qui 1. Ethic. cap. 6. docet, bonum esse per omnes Categorias diffundi ac ens, & non modo dici de aliis accidentibus, sed etiam de ipsa relatione.

Ex quibus et hoc bonitatem entis extendi ad omnia non astrictum, de quo debent intelligi, sed etiam ad omnes partes gradus eius et entis. Quia si ad unum tantum esset restrictum nisi ex partibus & gradibus quibus sit entis, ea cum bonum & ens non ad unum tantum se admittere possit, sed etiam ad alios & transcendens sit bonum. Vnde quilibet ens est bonum, & ratione sui appetibile, & ratione existentiae, & ratione accidentium quae ad illius imperfectionem pertinent. Cum enim ista omnia considerationes habeant, adeo ut etiam ipsa essentia proprie antequam existat considerata, dicatur esse, & deprehensois velia ratio est, cur ad omnia bonitatis illis omnibus non conueniat.

Quaeritur 2. quid sit bonitas ista transcendentalis, quae dicitur posse esse. Respondet autem duplicem hic bonitatem distinguere, aham absolutam & relativam, aham relativam & extrinsecam; & posteriorem vocant perfectionem relativam in se sine ordine ad aliud perfectam & completam est; posteriorem vero dicunt esse convenientiam, ob quam quilibet res dicitur bona alteri, quatenus ei per suam entitativam perfectionem accommodatur. Ex quo etiam sequitur illius amabilitas seu appetibilitas; bonum enim seu convenientius est id quod omnia appetunt, ut vulgo dicitur in Ethica.

Dicunt ergo aliqui bonitatem entis transcendentalem, quae est propria passio eius, esse potius bonitatem illius internam & absolutam, quam externam & relativam: eo quod prius est rem aliquam in seipsa constituta, quoad ea autem ipsi necessaria sunt ad integritatem & perfectionem illius, quam alteri

congruere; at rei nō compari est bona & perfecta; quāvis tamen sunt amictus utriusque la nei or hunc ad aliud.

Verum est certum, ut bonitatem illam absolutam componere possit, & esse quodammodo propriam bonitate respectiva; non tamen solius de qua potest bonitatem quæ est propria passio ensis, de illa priori bonitate, non de posteriori intelligendam esse. Siquidem bonitas illa absoluta non distinguitur ab ipso ente, sed est ipsa prima entis quidditas, quæ omnes alios passiones ratione antecedit.

Nec refert quod voces entis & boni distinguuntur, sunt enim voces synonymæ, quia entitas, si non potest consistere, nec intelligi, sine illis quæ spectant ad ipsius integritatem & perfectionem, adeoque sine bonitate eo modo sumpta; & vice versa non potest rei bonitas sine ipso scilicet intelligi sine illius entitate. Aut certe si est aliqua distinctio inter entitatem & bonitatem illam absolutam, ea non debet sumi nisi ex parte conceptus nostri, quatenus bonitas expressius significat rei perfectionem & integritatem, quàm ens, quod ad veram passionem non sufficit, cum etiam ex parte obiecti debeat aliquid enti superaddere.

Quare dicendum est bonitatem transcendentalem entis, ut est passio prima, esse intelligendam per ordinem ad alia, quatenus nempe illud dicitur bonum quod ad eum est conveniens. Quicquid enim est, alteri est conveniens, ut materia formæ forma materię, causa effectui, effectus cause, totum partibus, partes toti; & ita de aliis, adeo ut hæc convenientia non incongruè constitui possit adæquata passio entis.

## LIBER SECVNDVS

Est autem difficultas quædam in hoc libro  
 agatur : nam tripliciter dicitur bonitas  
 inentia vnus ad aliud, primo vt bonitas  
 cum connotatione sit vnus ad aliud, & hoc boni-  
 tas sit realis demonstratio ad rationem entita-  
 tate sumpta : Secundo vt sit realis relationem  
 realem conuenientiam ad aliud : Tercio vt per  
 bonitatem intelligatur respectus rationis vnus  
 ad aliud. Et quidem in omnibus dicen-  
 dum videtur bonitatem ; cum sit passio entis  
 realis, debere primo aut secundo modo ex-  
 plicari ; quia alias ens non esset bonum nisi  
 per operationem intellectus, quod dici non  
 potest.

Verum sententia opposita amolenda est,  
 quia si exacte loqui volumus, passio entis de-  
 bet esse aliquid superadditum enti, adeoque  
 non debet esse aliquid reale, cum quidquid  
 est reale sit ens, & ens non superaddatur en-  
 ti : at bonitas primo modo sumpta dicit di-  
 recte vnā entitatem realem, & ad eam con-  
 notat ; Secundo etiam modo est ens reale,  
 vt perspicuum est, ac proinde neutro modo  
 esse potest propria passio entis. Vnde superest  
 vt bonitas formaliter sumpta, quatenus est  
 proprietas entis, addat tantum supra ens rea-  
 le respectum quendam rationis ad aliud cui  
 consentaneum est.

Neque inde colligi potest, ens non esse  
 bonum nisi per operationem intellectus ; est  
 enim quolibet re bonitas illa absoluta de  
 qua egimus, quæ à conceptu nostro non pen-  
 det ; sed tantum bonitatem quæ est passio su-  
 peraddita enti reali, non illi competere ni-  
 si per operationem intellectus, quod nemi-  
 ni absurdum videri debet, vt patet ex di-  
 ctis.

Dubitatur contra verum bonitas, quatenus est passio entis, ducit convenientiam ad appetitum, seu appetitum; sicut veritas ducit conformitatem ad intellectum, seu intelligibilitatem ex supradictis. Et ratio difficultatis est, quia cum ens non appetatur nisi quatenus est bonum & conveniens, ratio bonitatis videtur potius enti competere quam ratio appetibilitatis; adeoque non potest appetibilitas esse passio illa entis quæ bonitas appellatur; sed ad summum quædam secundaria proprietas illam consequens.

Verum etsi appetibilitas eo modo spectata supponat bonitatem; alio tamen sensu eam non supponit: quia sicut convenientia ad res alias fundatur immediatè in entitativa rei perfectione, ita & conformitas ad appetitum in ea fundari potest; quatenus potest voluntas complacere in objecto cognito, secundum perfectiones intrinsecas spectato, seclusa quacunque convenientia ad aliud. Imò nil impedit quin possim amare objectum aliquod, secundum suam essentiam spectatum, abstrahendo à variis perfectionibus quæ ad integritatem, aut complementum, adeoque ad absolutam illius bonitatem spectant. Et tunc appetibilitas non modo non supponit bonitatem sumptam pro convenientia ad aliud; quin etiam antecedit aliquo modo ipsam entis bonitatem absolutam, quæ in complexu omnium perfectionum ubi debeatam consistit. Quare nihil vetat quin convenientia cum voluntate, seu appetibilitas sit passio entis, æquè primo ac convenientia cum rebus aliis; & rursus si convenientia entis ad res alias rectè bonitas appellatur, nulla ratio est cur illius convenientia ad voluntatem non de-



beat quoque bonitas.

Queritur tertio. Quod dicitur non sit de malitia, ut opposita bonitati transcendenti.

RESPONDEO & dico primò. *Terminus posse dici malum illud, quod modo dicitur bonum et appetitum*: Vnde cum bonum transcendente sumatur tum absolute propter perfectione sine carentia, siue integrali, siue accidentali, tum reflexive pro conuenientia ad res alias, & ad voluntatem; potest etiam malitia huius bono opposita sumi tum pro defectu perfectionis alicuius, tum pro defectu opposito conuenientie & appetibilitatis.

Dico 2. *Malitiam non posse in rebus reperiri, quatenus dicit defectum perfectionis essentialis; potest tamen quatenus alius defectus morali*. Prius pars probatur, quia malitia illa in eo consistit quod res careat aliqua perfectione essentiali, quod fieri non potest; cum nulla res possit esse sine tota sua essentia, ut homo sine corpore & anima.

Posterior verò ostenditur; Nam impossibile bonitas integralis in eo posita est quod res habeat quæcunque spectant ad ipsius integritatem; at fieri potest ut res maneat etsi careat aliqua parte integrante, ut homo sine pede, vel manu: ergo dari potest in rebus malitia opposita bonitati integrali.

Deinde bonitas accidentalis in eo consistit, ut res non modo habeat omnes partes sine ne ad essentiam, siue ad integritatem illius spectant; sed etiam iis omnibus accidentibus prædita sit, quæ ad conuenientiam illius statum & petitionem spectant. Potest autem dari malitia huius bonitati opposita; cum pleraque accidentia connaturalia possint à suis subie-

17  
METAPHYSICÆ  
illis separari, ut ignitas ab aqua, siccitas a  
terra, &c.

Rursum ~~bonitas~~ respectiva prioris modi  
consistit in convenientia rei ad res alias; ac  
quamvis fieri non possit ut sit aliqua res quæ  
cum nulla alia convenientiam habeat, verbi  
causa, cum sua causa, vel cum suo effectu;  
contingit tamen plerumque, ut quæ res uni  
est conveniens, sit alteri disconveniens; ut  
calor igni valdè congruit, sed aquæ non pa-  
rum nocet.

Denique etsi bonitas, quæ dicit conve-  
nientiam ad appetitum, rebus omnibus sub  
quodam respectu competat, certum tamen  
est malitiam oppositam seu odibilitatem non  
paucis alio respectu competere; cum ea quæ  
sunt uni appetitui commoda & vitia, alteri sint  
ingrata & noxia, ut vel ipsa experientia satis  
compertum est.





## CAPVT IV.

DE VARIIS RERVM  
distinctionibus.

## ARTICVLVS PRIMVS.

*De distinctione reali.*

**P**RÆMONEO 1. hlc merito agi de variis rerum distinctionibus, postquam actum est de unitate entis. Cùm enim vnum idem sit ac indiuisum in se & diuisum seu distinctum à quouis alio, non incongruè disputationi de unitate aliisque proprietatibus entis, subiecitur tractatio de variis distinctionibus quæ inter eia reperiri possunt.

Præmonito 2. Numeras à nonnullis afferri distinctiones, quarum omnium notitia nobis minimè necessaria est. Quare eas hlc tantum breuiter expendemus, quæ frequentius à Philosophis & Theologis vsurpantur, videlicet distinctionem realem, & rationis; item virtualem, & formalem, quam aliqui vocant ex natura rei. Itaque

Quæritur 1. Quis intelligatur per distinctionem realem. Respon. eo intelligi distinctionem quæ reperitur inter duas res vel entitates, quarum vna à parte rei, & nemine cogitante, non est alia; qualis est intes

Petrum & Paulum, inter hunc & illum lapidem.

Vbi aduerte distinctionem realem, cui proptè sit tantum inter res positivas, à nobis tamen extendi ad omnem distinctionem quæ non oritur ex operatione intellectus. Quo fit ut realis distinctio non solum sit inter Petrum & Paulum existentes; sed etiam inter eosdem futuros, imò & inter posibles. Spemus circa ullam mentis fictionem Petrus siue existens, siue futurus, siue possibilis distinguitur à Paulo existente, vel futuro, vel possibile. Nec tantum tribuimus distinctionem illam rebus positivis; sed etiam negationibus, & entibus rationis, quia antea scilicet ad intellectus operationem negatio lapidis distinguitur à negatione ligni, & hirco-cervus ab hippocentauro.

Nec refert quod hæc signmenta per intellectum primo fiant; licet enim hoc ita sit, talia tamen sunt ut postquam suum esse ab intellectu acceperunt, non indigeant nouo actu intellectus per quem inter se distinguantur, sicut ea indigent quæ per rationem distinguuntur; sed ipsa per se & ex propria entitate, qualiscunque sit, inferant illam distinctionem, ita ut simpliciter verum sit vnum non esse aliud.

Quæritur 2. Per quid vna res positiva distinguatur ab alia realiter. Respondeo ab ea distinguì per propriam entitatem. Probat, nam quælibet res per se distinguatur ab alia, per quod in seipsa constituitur; at in seipsa constituitur per propriam suam entitatem: ergo & per eandem entitatem ab alia distinguitur.

Confirmatur: nam si res non distinguitur

per seipsam ab alia, vel per relationem ad ea  
per relationem prædicamentalem, ut putant  
aliqui, vel per negationem identitatis, ut  
alii arbitrantur: ac necesse non est:  
non prius; nam repugnat quod relatio præ-  
dicamentalis exurgat inter duo extrema,  
nisi illa iam sint inter se distincta, ut patet  
in relatione similitudinis aut dissimilitudinis  
quæ exurgit inter duos passeres. Non etiam  
posterius, quia quod vnus homo habeat ne-  
gationem identitatis cum alio, id iam sup-  
ponit quemlibet habere suam identitatem  
ab alterius entitate distinctam. Quia enim  
alia est entitas Petri, alia entitas Pauli, hinc  
fit ut Petrus non sit idem cum Paulo, nec  
Paulus idem cum Petro. Vnde re linquitur res  
positivas inter se distingui realiter per pro-  
prias entitates, ut contemdimus; esse non ra-  
ro eiusmodi distinctio per negationem expri-  
mi soleat.

Obiicies: vna res distinguitur ab alia eo  
ipso quod non est idem cum illa; ac quod non  
sit idem cum illa, id habet per negationem  
identitatis: ergo per negationem identitatis  
vna res distinguitur ab alia. Respondeo ma-  
iorem veram esse de secundaria ratione distin-  
ctionis, non autem de primaria, quam hic  
solam inquitimus. Negatio enim identitatis  
inter duas res necessario supponit eas esse  
duas, adeoque distinctas.

Contra, per se in illo priori sunt duæ res,  
& distinctæ; ergo in illo priori vna non est  
alia, adeoque primaria distinctio harum  
inclaudit negationem. Respondeo negando  
priorem consequentiam formaliter loquen-  
do, cum negatio necessario supponat  
subiectum quod suo modo afficit, prius est

se, undum rationem, quod Petrus sit Petrus & Paulus sit Paulus, adeoque quod sint duo homines distincti, quorum quilibet habet propriam humanitatem, quam quod Petrus non sit Paulus, & Paulus non sit Petrus. Quare prius concipiuntur distincti, quam in vno concipiatur negatio identitatis cum alio.

Quæritur 3. Quenam sint indicia distinctionis realis inter res aliquas. Respondeo certum huius distinctionis signum esse, quando duæ res possunt à se mutuo separari & separatae in diversis locis existere. Tunc enim evidens est vnam non esse realiter aliam, cum nihil possit naturæ viribus à se ipso totaliter & adæquate separari, & in locis distinctis existere. Dico naturæ viribus; nam per virtutem divinam idem corpus potest simul poni in pluribus locis totalibus & adæquatis, ut fides docet.

Præterea dubitari non potest quin ex res distinguantur realiter inter se, quæ ita se habent ad invicem ut vna sit produciens respectu alterius, & alia producta. Siquidem lumine ipso naturali constat nihil posse seipsum producere, quia ut se produceret, deberet actu existere, cum nihil agat nisi actu sit; ut autem produceretur à se, deberet non existere, cum id quod produciatur accipiat de nouo existentiam; repugnat autem eandem rem simul existere, & non existere.

Quod intellige de vnica productione quæ competit rei naturaliter competere potest; si enim agatur de potentia extraordinaria, non repugnat quod res iam producta & existens, possit seipsam reproducere, ut patet in Christo Domino, cum seipsum reproduxit in Eucharistia. Vnde in hoc casu non potest sumi

ex tunc habebimus, deinde cum accedat, et alia  
 30. alio, et cetera, quod est in principio, et  
 tantum varietate, et quia dicitur de eorum  
 Phyl. a. v. ad eorum, et quod est in loco diti-  
 nitis conficere.

Ratio, in se eadem, quæ ordine nature, non potest necesse & non esse, per se unum est ea rebus, necesse est illis, quorum alterum alteri necesse est, existere potest. Cum enim quod reale sit & quod corruptum est, non sit; & quod idem simul esse, & non esse, quod plane repugnat. Et hoc intellige non tantum in sua independetia sit mutua, ut inter Petrum & Paulum, sed etiam si non sit mutua, ut inter parietem & aliam linem: licet enim hæc non possit naturaliter existere sine pariete, potest tamen paries existere sine alia dote, quod sufficit ut inter illa ponatur collatio realis.

Non tamen existimandum est sufficiens iudicium sumi indistinctio is realis inter aliqua, ex eo præcisè quod unum ne quidem per virtutem divinitatis possit se a Filio & a Patre; siquidem fides docet personas divinas inter se realiter distingui ob rationem aliam, quia scilicet Pater prolecit Filium, & Pater ac Filius producant Spiritum sanctum; cū tamen à se mutuo separari non possint ob identitatem naturæ, per quam sunt unus numero Deus.

Quæritur 4. an distinctio rei à modo, v. c. à tempore à substantia, dici possit realis. Quam negant; sed oppositum est probabilius, ut videtur ex dictis, distinctio generationis dicitur in realem & rationis; at distinctio inter rem & modum non est ra-

tionis seu per se existentiæ, ut omnis res  
modis agens, tamen, ergo est rea-  
lis.

Confirmatur. Nam vel modus est nihil,  
vel est vera aliqua & realis entitas; prius  
non potest, quia modus rem intrinsece  
afficit & modificat, de quo producitur, &  
destruitur, &c. adeoque non est merum ni-  
hil, cum ista de nihilo dici non possint.  
Quod si posterius verum est, ut sanè est,  
quid i dicemus distinctionem modi à re, esse  
verè realem? Licet enim modus non possit  
esse sine re quam modificat, potest tamen es-  
se res sine modo: ac prout sicut antè dixi-  
mus, ex communi sententia distinctionem  
esse realem inter duas res, quarum una potest  
separari ab alia, etsi hæc vicissim ab illa sepa-  
rari non possit; ita dicendum est ob eandem  
rationem, distinctionem inter modum & rem  
esse verè realem.

Obiicies: distinctio realis debet poni in-  
ter rem & rem; ergo illa quæ est inter rem  
& modum, realis dici non debet. Respondeo  
non sequi; nam etiam modus est verè res ali-  
qua, ut fatentur arguentes. Quod si per rem  
& rem intelligantur duæ entitates, quarum  
una sit modus, sic negandum est antee-  
dens; quia distinctio realis illa est quæ actu  
in rebus reperitur ante mentis operam,  
qualis non illa tantum est quæ contingit  
inter res à modis distinctas; sed ea etiam  
quæ inter modum & rem modificatam inter-  
cedit.

Instabis, ea magis distinguuntur quæ ma-  
gis possunt separari; at duæ res magis pos-  
sunt separari quàm res & modus, ergo ma-  
gis distinguuntur: adeoque cum duæ res di-



sequitur i. ea res, cuius modus non potest  
distingui potius. Respondetur. Ita consequens fa-  
cere esse, quia ut res, & quod quod per se. Ita  
potius proprium esset, si non distingueretur,  
et tale magis est proprium separari. Unde  
de e. si modus res non potest distingui  
ta, inde non sequitur non distingui. Distin-  
guitur realiter. Maxime si res, & modo pos-  
sit separari, ut dictum est.

Respondetur 2. negando, quod per consequen-  
tiam, quia et si concedatur non tam  
esse distinctionem inter rem, & modum, quan-  
ta est inter duas res, responde non sequitur rem &  
modum non distingui realiter, cum una di-  
stinctionem realem possit. Ut si res, & modo.  
Obiicit ut vulgò Philosophi doceant, duas res  
distingui realiter maiori realitate; rem autem  
& modum minori. Verum hæc nimis de quæ-  
stione, quæ magis ad modum loquendi, quàm  
ad rem ipsam spectat.

## ARTICVLVS II.

*De distinctione rationis.*

**D**istinctio rationis illa est quæ fit per me-  
tam nostram, cum ea distinguit quæ à  
parte rei sunt vnum: estque duplex, ex  
communi sententia, quæ iam a philosophis  
rationis, ratiocinantis, alia rationis ratiocinantis,  
de quibus hic breuiter agendum est.

Quæritur 1. quænam sit distinctio rationis  
ratiocinantis. Nonnulli docent per hanc di-  
stinctionem eam posse intelligi, quæ consistit  
in vario modo rem eandem concipiendi quo-  
ad explicitum, & implicitum; quatenus ea-

dem res conceptur de partibus, uno per se, quorum alter a cetero est maior: quomodo se habeat v. c. definitio, & res definita; an realitio- nale, & homo. Et hæc acceptio satis proba- bilis videtur.

Communiter tamen per distinctionem ra- tionis ratiocinantis ea intelligitur, quæ singi- tur à nostro intellectu sine villo fundamento ex parte rei, ut cum dico, homo est homo; ibi enim homo se habet tanquam subiectum, & tanquam prædicatum, adeoque variis conce- ptibus interlagitur, etsi ex parte obiecti nullum offerat fundamentum intellectui talis distin- ctionis effigendar.

Verum acceptio ista, etsi sit communis, om- nino voluntaria & inutilis apparet. Non enim ea bene vocatur distinctio rationis, in qua ra- tio nihil distinguit: ac in casu allato ratio ni- hil distinguit, cum intellectus idem omnino tam ex parte subiecti, quam ex parte prædicati concepiat, adeoque non intercedant duo con- ceptus distincti: sed idem conceptus repetitus, quod ad distinctionem rationis non sufficit; cum hæc locum non habeat, ut patet ex ipsis terminis, nisi ratio aliquid distinguat.

Neque dicas eo ipso fieri distinctionem ra- tionis, quo intellectus concipit aliquid modo ut subiectum, modo ut prædicatum. Id enim conceditur, si verè & non tantum apparenter, seu secundum externam vocum ordinationem ita concipiat; ac in exemplo allato aliter simi- libus intellectus de facto non format propriè conceptum subiecti, aut prædicati: ad ratio- nem enim subiecti non sufficit quod terminus aliquis ponatur primo loco in propositione; nec ad rationem prædicati quod ponatur po- steriori; imò neque id requiritur, ut patet in



Nominalium conceptus ac non conceptus  
 eam explere possunt esse, neque aliam admi-  
 tendam quam formalem, quae se  
 tenet ex parte intellectus. Quare in eoru sen-  
 tentia, quando concipio hominem sub ratio-  
 ne animalis, animal ex parte obiecti ut cogi-  
 ti, non est praecisum a rationali, adeoque co-  
 gitum hominem concipio; sed praecisio se tenet  
 ex parte solius intellectus, quatenus hominem  
 concipio per ordinem ad operationes anima-  
 les. Et similiter quando hominem ut rationa-  
 lem concipio, et eum hominem ex parte obie-  
 cti concipio, & praecisio se tenet ex parte so-  
 lius intellectus, qui hominem concipit per or-  
 dinem ad opera rationalia. Quo fit ut illi duo  
 actus habeant idem obiectum adaequatum, &  
 diuersa connotata; cum eo tantum discrimi-  
 ne, ut cum clarè concipio animal, rationale  
 confuse concipiam, & vice versa cum hoc cla-  
 rè intelligo, illud obscure percipiam.

Verum opposita sententia, quae est commu-  
 nis in Scholis, videturque probabilior, non  
 tantum conceptus formales; sed etiam obie-  
 ctivos distinguit, ita ut cum concipio animal,  
 conceptui non obiciatur rationale, & cum  
 concipio rationale, menti meae non obuerse-  
 tur animal; sed quilibet ex his conceptibus  
 inadequato hominem repraesentet, sub hac  
 ratione non sub alia, sicque tot sunt conceptus  
 obiectivi seu ex parte obiecti, quot sunt for-  
 males seu ex parte intellectus.

Ratio est, quia datum non est quin sint  
 admittendae praecisiones obiectivae, & per di-  
 stinctionem virtutis ex parte obiecti. At si, da-  
 tum, ergo illa negari non debet. Maior ab-  
 aduerfantis admittitur, qui praecisiones non di-  
 stinctionem virtutem quam praecisiones obie-

A. Itaque. N. ratio est, quod si in rebus  
c. dist. 1. ratio est, quod si in rebus  
neque ratio est, quod si in rebus  
habere sine alio, autem per se habere  
ut inter se. M. ratio est, quod si in rebus  
ponitur distinctio, ut in rebus, quando  
vnicuique entitas multis realiter distincta, extra  
mentis operam, aequaliter distincta, multi-  
tudo virtualis entitatum, quod non distinctio-  
ne virtuali inter se non potest, si, et neque  
multitudo actualis sine distinctioe actuali; at  
sepe contingit vnicuique entitatem multis aequi-  
ualere, extra mentis operam; ut patet v. c. in  
homine qui simul est rationalis & sensitivus,  
tam perfecte quam si in eo principium ratio-  
cinandi esset realiter distinctum a principio  
sentiendi, cum quo tamen reipsa identificatur.  
Ergo virtualis ista perfectionum multitudo  
distinctionem virtuales in rebus, ante mentis  
operam necessario infert.

Confirmatur: nam etiam A. fatetur, faten-  
tur cum omnibus Theologian Deo esse di-  
stinctionem virtuales attributorum, ante  
mentis operam; eo quod Deus in vni a sim-  
plicissima entitate continet vim multorum  
principiorum realiter distinctorum, im per  
illam intelligat, velit, amet, odio habeat,  
miseratur, puniat, &c. ac si verè in illo essent  
attributa realiter distincta, ad singulos eius-  
modi actus eliciendos. Ergo negare non de-  
bent quin similis distinctio virtualis re-  
periatur in rebus creatis; cum in illis eadem  
entitas multis entitatibus realiter distinctis  
aequaleat, ut dictum est.

Dicunt forte non esse parem rationem,  
quia cogimus ponere in Deo distinctionem  
virtuales perfectionum, ut saluentur propo-

siones contrarietatis quæ de illis effertur  
 ut quod per intellectum generet, non per vo-  
 lontatem, quod per naturam puniat, non per  
 misericordiam, &c. hæc autem ratio non ha-  
 bet locum in creatis. Sed contrarietatis; nam si ideo  
 ponenda est distinctio virtualis inter diuinas  
 proprietates, quia idem non potest simul af-  
 firmari & negari de eodem, sub eadem ra-  
 tione; non similiter dicemus in creatis ad-  
 mittendam esse distinctionem virtualem, quia  
 aliqui idem affirmaretur & negaretur de  
 eodem, sub eadem ratione: ut verb. causæ  
 quod planta sit similis lapidi, & non sit illi  
 similis; est enim illi similis in ratione substan-  
 tiæ & corporis, non in ratione viventis: &  
 similiter quod homo sit similis equo, & non  
 sit illi similis; siquidem illi similis est quatenus  
 continet gradum entis, substantiæ, viven-  
 tis, sentientis, non autem sub ratione intel-  
 ligentis, discursiui, risibilis, &c. Ne ergo hæc  
 aliaque similia contradictoria cogamur ad-  
 mittere respectu eiusdem, dicendum est in re-  
 bus creatis ratione entis, substantiæ, corpo-  
 ris, viventis, &c. esse diuersas formalitates,  
 si non actu, virtualiter saltem distinctas, an-  
 te opus intellectus; sicque in illis facile da-  
 ri posse præcisionis obiectiuas, quatenus  
 vna ex illis rationibus potest intelligi sine  
 alia.

Nec dicas eiusmodi contradictiones posse  
 tolli per conceptus formales, hoc enim fal-  
 sum est, cum a parte rei & nemine cogitan-  
 te, vna res sit alteri similis, & dissimilis se-  
 cundum varias rationes & formalitates quas  
 in se complectitur, quæ proinde se tenent ex  
 parte obiecti. Cumque non distinguantur rea-  
 liter vel actu, ut etiam fatentur Adversarij,  
 fatendum,

fatendum est eas vt minimum virtualiter distinguui, & vt sic distinctas ab intellectu posse cognosci per conceptus parciales & inadequatos, quorum vni vna formalitas seu potius virtualitas, alij alia respondeat. Confirmatur, quia similiter sufficeret, contra arguentes, exclusa à Deo virtuali distinctione, quidquid de illo contradictoriè dicitur, per præcisiones purè formales in concordiam redigere.

Obiicies 1. cùm animal & rationale sint idem in homine, si intellectus cognoscit vnam, alio non cognito, idem simul cognoscitur & non cognoscitur, quod repugnat. Respondeo 1. hoc argumentum ab ipsis arguentibus soluendum esse, cùm fateantur intellectum nostrum posse hic concipere vnum attributum diuinum, alio non cognito, cum quo perfectò identificatur.

Respondeo 2. eo argumento tantum concludi, idem quod cognoscitur inadèquate, seu secundum vnam tantum formalitatem, non cognosci secundum aliam virtualiter distinctam, qua in re nulla est repugnantia, cùm facile possit intellectus noster effingere speciem expressam animalitatis & quæ rationalitatem ipsam nullo modo repræsentet, æque adeò illam concipere sine illa. Confirmatur: nam cùm à longè video aliquid moueri, non discernens verum sit homo, an bellua; et si quod intueor, à parte rei sit homo, non tamen dici potest quod obiectum illud cognoscam sub ratione hominis; sed tantum sub ratione animalis. Quia cùm nihil sit in intellectu, quod prius non fuerit in sensu, fieri nequit vt intellectus adèquate aliquid percipiat, quod non nisi inadèquate per sensum repræsentatur.

Metaph.

I

Obiicies 2. cognosci & non cognosci non minus contradictione opponuntur, quam existere & non existere, produci & non produci; sed repugnat animalitatem hominis existere aut produci, & non existere aut non produci illius rationalitatem; ergo & repugnat illam sine ista cognosci. Respondeo 1. hoc argumentum posse retorqueri ex duplici capite contra Adversarios: primo quatenus fatentur vnum attributum diuinum posse cognosci sine alio; non tamen posse existere sine alio. Secundo quatenus docent, etsi intellectus formaliter præcendens simul cognoscat animalitatem & rationalitatem in homine, vnam tamen ex illis rationibus cognoscere clarè; non aliam. Siquidem non minus repugnat idem cognosci clarè, & non cognosci clarè, quam cognosci & non cognosci, existere & non existere, produci & non produci. Quare si hoc argumento, solidè refelluntur præcisiones obiectiuæ, eodem euerti necesse est illas quas formales appellant.

Respondeo 2. negando maiorem; nam existere & non existere, produci & non produci versantur circa idem eodem modo, nempe circa rem secundum suam entitatem spectatam, ut est quid singulare; quare non possunt ambo simul eidem competere. Cognitio verò fertur in eandem rem sub alia & alia ratione virtuali; quare quòd cognoscatur secundum vnam rationem, non secundum aliam, in eo nulla est contradictio.



## ARTICVLVS III.

*De distinctione quam aliqui ex natura rei, alij formalem appellant.*

**P**remoneo 1. distinctionem aliquam posse dici formalem variis modis: primo quatenus formale idem est ac essentiale, quo sensu inter hominem & equum est distinctio formalis, quia habent diuersas essentias; non autem inter duos homines, vel duos equos, quia habent similes essentias. Secundo, quatenus fundatur in formis realiter distinctis, quo sensu aqua frigida distinguitur formaliter à calida. Terriò, ita vt illa distinctio reperiatur inter quasdam formalitates, actu quidem & à parte rei, seu ante omnem intellectus cogitationem, non tamen proptiè realiter distinctas; quo sensu aliqui ponunt distinctionem formalem inter gradus entis Metaphysicos, & inter diuina attributa.

Premoneo 2. non esse hanc questionem de distinctione formali in prima aut secunda acceptione, cum omnes eam vt sic admittant; sed in tertia duntaxat quam Scotistæ omnes acriter propugnant. Vnde ex eorum sententia, præter distinctionem realem propriam, quæ est inter rem & non, vel inter rem & modum, & distinctionem virtualem aut rationis; admittenda est distinctio aliqua veluti inter illas media, quæ nec sit per rationem, nec tantum virtualis, sed actualis & à parte rei; nec tamen sit proptiè realis, sed tantum formalis, vt pote consistens in duabus formalitatibus actu distinctis, quæ sunt vnum ens & vna res.

Opposita tamen sententia, vt est longè com-

munior apud Philosophos, & Theologos, ita  
 & nobis videtur probabilior. Ratio est, quia  
 non potest concipi quod illa non distinguatur  
 proprie, realiter, quæ actu & à parte rei, seu ne-  
 mine cogitante, formaliter distinguuntur: cum  
 ad verum & essentialem conceptum distinctio-  
 nis eadem proprie sumptæ frustra aliud requi-  
 ratur, quam quod sit inter duas formalitates  
 actu à parte rei & nemine cogitante distinctas.  
 Sicut enim illud est proprie verum & reale ens,  
 quod est ens actu à parte rei, & nemine cogi-  
 tante; ita ea est proprie vera & realis distinctio,  
 quæ est actu à parte rei, & nemine cogitante.  
 Quare si formalitates aliquæ distinguuntur actu  
 à parte rei, & nemine cogitante, eo ipso distin-  
 ctio, quæ inter illas reperitur, est proprie realis.

Confirmatur: nam si est distinctio ex natura  
 rei; seu à parte rei, cum nulla natura, nulla res  
 distinguatur actu à seipsa (eo quod omnis di-  
 stinctio est inter duo quorum vnum non est  
 aliud) ea distinctio debet esse inter duas na-  
 turas, & duas res, ac proinde vera est distin-  
 ctio realis. Imò non minus est realis, quam illa  
 quæ reperitur inter Petrum & Paulum, vel in-  
 ter patientem & albedinem illi inhaerentem;  
 cum hæc non sit proprie realis, nisi quia versa-  
 tur inter duas naturas, seu inter duas res.


Quod adhuc suadetur: nam animalitas in eo  
 præcise quo distinguitur à rationalitate, vel  
 est nihil, vel aliquid; prius dici non potest, ne-  
 que est ad mentem aduersariorum; ergo po-  
 sterius dicendum est. Atqui animalitas non  
 distinguitur à rationalitate, per aliquid quod  
 sit idem cum rationalitate, quia alias esset di-  
 stincta ab illa, & indistincta secundum idem,  
 quod planè repugnat. Ergo ab illa distinguitur  
 per aliquid quod non est idem cum illa; sic.

que aliquid est in animalitate, quod non est in rationalitate, & vice versa aliquid in rationalitate, quod non est in animalitate. Vnde cum aliquid & aliquid idem sunt ac ens & ens, res & res, inde planè sequitur animalitatem & rationalitatem esse duo entia, seu duas realiter distinctas, & non tantum duas eiusdem entis vel rei formalitates. Vnde vltèrius colligitur distinctionem verè & propriè realem inter illas intercedere.

Obiicies: animalitas & rationalitas distinguuntur à parte rei & citra mentis operam, nec tamen distinguuntur realiter; ergo distinguuntur formaliter, seu ex natura rei. Sequela ab omnibus admittitur, antecedens vero probatur, quia contradictoria non possunt dici de eodem; atqui contradictoria dicuntur de animalitate & rationalitate, nempe quod illa sit principium sensatiuum, non hæc; quod illa sit principium ratiocinandi, non illa, &c. ergo animalitas & rationalitas non sunt idem, adeoque distinguuntur formaliter. Respondeo falsitatem & implicantiã in antecedente contineri; falsitatem quatenus docet animalitatem & rationalitatem distingui à parte rei; implicantiã vero quatenus cum distinctione actuali & à parte rei coniungit indistinctionem realem: siquidem repugnat ea non distingui realiter, quæ distinguuntur à parte rei & citra mentis operam. Ad probationem verò dicimus, ut contradictiones verificentur de animalitate & rationalitate, non requiri quod distinguantur à parte rei; sed satis esse vel quod distinguantur tantum per ordinem ad diuersa connotata, ut volunt alicui, vel quod inter illa distinctio virtualis constitutur, iuxta ante dicta.

Inflabis: vel distinctio illa virtualis est per

mentis operam, vel ante opus mentis; si primum dicatur, non soluitur obiectio allata, cum distinctio rationis non sufficiat ad verificanda contradictoria de eodem: si verò posterius, iam à nobis adimititur aliqua distinctio à parte rei, quæ proprie non est realis, quæq; proinde coincidit cum distinctione formali Scotistarum. Respondetur distinctionem virtuales non esse per mentem, sed à parte rei, eamque valde distinguere à formali quam impugnamus. Siquidem Scotistæ putant inter animalitatem & rationalitatem esse à parte rei & actu distinctionem formalem, ita ut nemine cogitante ibi sint duæ actu formalitates, quatum una non est alia. Nos vero dicimus animalitatem & rationalitatem non esse reipsa & actu duas formalitates, sed unam tantum duabus æquivalentem; quatenus illa unica & eadem entitas potest sola præstare, quod animalitas & rationalitas efficerent, si inter se essent formaliter & realiter distinctæ. Illa verò entitas, ratione realis distinctionis virtualis, præbet fundamentum intellectui nostro distinguendi per conceptus inæquatos animalitatem à rationalitate, sique inter illas constituendi distinctionem formalem rationis. Vnde cum Scotistæ dicant animalitatem & rationalitatem esse duas formalitates actu & à parte rei distinctas; nos contra dicimus, eas quidem esse duas formalitates per mentem nostram distinctas: esse autem actu & à parte rei unam tantum formalitatem virtualiter duplicem, adeoque duabus æquivalentem. Plura de hac distinctione tractari solet à Theologis ad primam partem S. Thomæ, ubi de attributis divinis, & nos breviter eam attingimus in Idea Theologiæ speculat. lib. 1. cap. 2.



## CAPVT V.

DE RERVM CAVSIS  
in genere.

## ARTICVLVS PRIMVS.

*De causæ definitione, & causalitate.*

**P**Ræmoneo 1. et si ad physicum spectet agere speciatim de causa materiali & formali, hic tamen agendum esse de causis in genere, cum ratio causæ tam enti increato, quam creato; tam substantiæ, quam accidenti competat, ac speciatim de causa efficiente & finali, eo quod rationes. istæ causandi ab ente materiali abstrahunt, rebusque perfectissimis competere possunt.

Præmoneo 2. non esse inquirendum an sit causa, cum nimis notum sit causas aliquas existere à quibus varij effectus oriuntur: sed tota dubitatio versatur circa essentiam & definitionem causæ, qua in re non satis inter se consentiunt Philosophi, eo quod definitio causæ in genere nullibi tradita est ab Aristotele. Itaque

Quæritur 1. quid sit causa, Respondeo causam vulgo definiti, principium a quo aliud per se accipit esse. In primis dicunt principium, quia licet non omne principium sit causa, omnis tamen causa est principium. Vnde per hanc particulam quæ habet locum generis, causa cõuenit cum principis quæ non sunt causæ, ut cum priuatione in rebus physicis, quæ quidem est principium generationis, non tamé causa. Itemque in di-

uipis cum personis producentibus, quæ habent rationem principij respectu productarum; sed non causæ, ut monuimus in idea Theologiæ specul. lib. 2. cap. 4. resol. 1.

Deinde dicitur *a quo aliud accipit esse*, per quam particulam causa distinguitur a privatione; hæc enim est principium generationis ut terminus à quo, sed non ut causa; cum generatio non accipiat esse ab illa. Excluduntur etiam à causæ definitione personæ divinæ producentes; quia etsi Filius accipiat esse à Patre, & Spiritus-Sanctus ab utroque, tamen persona procedens non est aliud à producente, quia esse aliud dicit distinctam vel specie, vel saltem numero essentiam; personæ autem divinæ habent omnes eandem numero essentiam, per quam sunt unus numero Deus.

Tertiò dicitur *per se*, qua particula excluduntur causæ quæ vocantur per accidens, seu quæ concurrunt ad aliquem effectum, non ex propria ratione; sed quia per accidens reperiuntur coniunctæ cum causis per se in illum influentibus, ut cum medicus cantat, aut saltat; hæc enim non procedunt per se ab illo, ut medicus est; sed quatenus canendi, aut saltandi peritiam habet, cui scientia medicinæ per accidens in eo coniuncta est.

Excluduntur etiam conditiones ad causandum requisitæ, quia etsi per se videantur requiri ut effectus producat; proprie tamen effectus non dicitur per se pendere ab illis; cum in ipsum realiter non influant; sed sint tantum quedam veluti circumstantiæ requisitæ ut causa effectum producat.

Nota 1. ad iam explicatam definitionem alias quasdam posse reduci, ut cum causa de-

finitur *Principium* per se influens esse in aliud, vel id à quo aliquid per se pendet, vel, id ad quod aliud sequitur; nam in vltima quæ magis à nostra distare videtur, vox sequitur non debet sumi pro qualibet consecutione, cum vnum possit sequi ad aliud, siue vlla causalitate, puta loco, tempore, &c. sed pro ea quæ includit influxum realem præcedentis insequens, quomodo soli causæ conuenit.

Nota 2. causam congruentius definiri per *Principium*, quàm per id; sicut homo melius definitur per *animal*, quàm per *substantiam*; quia ratio principij proximius accedit ad naturam causæ, quàm ratio entis.

Nota 3. esse mutuam relationem transcendentalem inter causam & effectum; causa enim non est nisi effectus causa, nec effectus nisi causæ effectus. Quare non est absurdum quod causa definiatur per ordinem ad effectum, imò illius essentia aliter perspici clarè non potest, sicut effectus essentia intelligi nequit, nisi per ordinem ad causam: vnde definitur: *id quod ab alio per se pendet, seu recipit esse.*

Quæritur 2. in quo consistat ratio formalis causæ constitutiuæ, seu causalitas. Quod vt clariùs intelligas,

Aduerte 1. non posse concipi effectum aliquem prodire à causa, nisi mediante causatione, seu causalitate per quam causa in illum influat, ei que esse tribuat.

Aduerte 2. dubium esse quidnam sit eiusmodi causalitas, an ipsa entis, causæ, an aliquid ei superadditum, siue per modum potentie, siue per modum actus.

Aduerte 3. causam duobus modis spectari posse, vel in actu primo, seu quatenus potest

causare; vel in actu secundo, seu quatenus actu causat. His positis,

Respondeo & dico 1. *Causam constitui causam in actu primo, per potentiam communicandi esse effectui.* Ratio est evidens; nam eo ipso quod causa tali potentia prædita est, censetur posse effectum producere, adeoque esse constituta in actu primo ad eum producendum: ut homo est constitutus in actu primo ad generandum, quatenus habet potentiam generandi; ignis ad calefaciendum, quatenus habet potentiam calefaciendi.

Dico 2. *Causam constitui causam in actu secundo, per actualem influxum in effectum qui illi esse communicat.* Probat. nam cum inter potentiam influendi, & actualem influxum non detur medium, sicut causa constituitur causa in actu primo per potentiam influendi, ita & per actualem influxum causa in actu secundo constitui debet. Confirmatur: nam eo ipso intelligimus ignem actu causare, seu esse causam in actu secundo, quo actu influit in effectum.

Hinc autem colligitur 1. causalitatem istam non esse entitatem causæ secundum se sumptam, siquidem causa per suam entitatem præcisè non est causa in actu secundo, alioqui semper causaret quamdiu existit, quod absurdum est.

Colligitur 2. causalitatem non esse relationem prædicamentalem; sed potius fundamentum talis relationis; siquidem ideo causa refertur ad suum effectum prædicamentaliter, quia illum actu causat, & effectus ad suam causam, quia ab illa actu causatur. Quare causatio seu causalitas est prior relatione; adeoque in illa consistere nequit.



Colligitur 1. causalitatem illam nihil esse aliud quàm actuale influxum quo causa tribuit esse effectui. Quod ita puto debete intelligi, vt eadem realiter causalitas diuersimode spectata, sufficiat tam ex parte causæ, vt dicatur in effectum influere, quàm ex parte effectus, vt dicatur à causa influxum recipere.

Verùm obiicies contra prædictam assertionem, vel causalitas pendet à causa immediata, vel mediante alia causalitate; at posterius dici nequit, quia sequeretur progressus infinitus inter causalitates; ergo prius admittendum est. Vnde consequens videtur etiam effectum posse immediate à causa oriri, adeoque causalitatem nihil esse aliud quàm entitatem causæ, quatenus effectus ab ea dependet. Respondeo. admissio argumento, negandam esse consequentiam ex eo deductam, siquidem causalitas non pendet à causa vt id quod dependet; sed vt id quod mediante aliud dependet, nempe effectus. Quare etsi causalitas non indigeat alia causalitate; sed per seipsam pendeat à causa, id non impedit quin effectus mediante causalitate produci debeat. Exempli causâ, cum ignis aquam calefacit, ista calefactio est immediate ab igne, non autem per aliam calefactionem: at calor in aqua receptus, mediante calefactione productus est.

## ARTICVLVS II.

*Quotuplex sit causa.*

**A**RISTOTELIS 2. Phisic. cap. 3. assignat quatuor causarum genera, nempe materialem, formalem, efficientem, & finalem; cuius numeri rationem tradit postea capite 7. quia nimirum cum causa sit ratio quæ affertur ad respondendum quæstioni, quæ de re aliqua fieri potest, tot admittendæ sunt causæ, quot quæstiones fieri possunt. At hæ sunt quatuor; nam imprimis inquirimus à quo res sit, & responderetur per causam efficientem à qua producta est, ut si dicas Alexandrum esse genitum à Philippo. Secundo inquitimus propter quid res sit, & responderetur per causam finalem ob quam producta est, ut si dicas animalia esse producta propter hominem. Tertiò inquirimus ex quo res sit, & respondemus per causam materialem ex qua componitur, ut si dicas hominem ex corpore corruptibili compositum esse. Quarto inquirimus per quid res sit, & respondemus per causam formalem; ut si dicas hominem constitui in ratione hominis per animam rationalem.

Potest etiam idem numerus causarum ex eo colligi, quòd omnes fatentur dari materiam tanquam primum subiectum ex quo res fiunt, cum ex nihilo nihil naturaliter fieri possit; ac hæc requirit formam substantialem, ut cum ea constituat compositum, cum se sola ad id sufficere nequeat, ut perspicuum est. Ut autem forma produ-

estur in materia, requiritur agens efficiente cuius vi illa productio fiat. eo quod nihil seipsum producere potest. Agens vero non producit determinatum effectum, nisi ex fine aliquo certo & determinato. Quare admittendæ sunt quatuor causæ memoratæ, quarum duæ priores sunt intrinsecæ composito physico, duæ vero posteriores extrinsecæ.

Verum quod non detur nisi vna causa, nempe efficiens, sic ostendi potest. Causa est quæ tribuit esse effectui, vt patet ex supradictis; at tribuere esse spectat solum ad causam efficientem. Respondeo quando dicimus causam esse quæ tribuit esse effectui, vocem *tribuit* non debere sumi strictè pro causalitate effectiua, sed latè pro quocunque modo quo vnum per se dependet ab alio; qua ratione materia & finis tribuunt esse formæ corporeæ, quatenus hæc producitur dependenter ab illis. Vnde admissa eo sensu maiori propositione, minor neganda est.

Deinde obijci potest, non esse maiorem rationem cur materia & forma sint causæ, quam partes integrantes, cum tam ex his, quam ex illis constituatur compositum; adeoque vel materiam & formam non esse causas, vel plures esse causas quam quatuor. Respondeo negando paritatem quæ gratis supponitur, ideò enim materia est causa, quia forma sit dependenter ab illa; & forma est causa, quia materiam actuat & perficit: at partes integrantes nullam inter se mutuo causalitatem exercent, & proinde inter causas numerari non debent.

Obijcitur rursus obiectam habere rationem causæ respectu actus ab illo dependentis, vt coloratum respectu visionis, hancque causam ad

nullam ex quatuor vulgaribus reduci posse. Resp. hoc posterius falsum esse; nam si obiectum consideretur ut per sui speciem effectivè concurrat ad actum, sic ad causam efficientem reduci debet; si verò spectetur ut tribuit speciem actui, hoc modo ad causam formalem referri potest, eo quòd proprium est formæ tribuere speciem. Quòd si obiectum attendatur, quatenus ratione suæ bonitatis terminat appetitionem animalis, eo sensu ad causam finalem reduci debet.

### ARTICVLVS III.

*Quomodo causæ mutuo se habeant inter se.*

**Q**Uæritur 1. an omnes causæ sint inter se formaliter & realiter distinctæ.

Respondco & dico 1. *Essè distinctionem formalem seu essentialem inter omnes causas in ratione causandi.* Ratio est, quia alia est causalitas causæ efficientis, alia materialis, alia formalis, alia finalis, neque vna formaliter includi potest in alia. Causa enim efficiens causat effectivè influendo in effectum, materia sustentando formam, forma actuando materiam, & finis mouendo causam efficientem ad agendum, modo infra explicando. Quare omnes illæ causalitates essentialiter inter se distinctæ sunt.

Dico 2. *Non tamen repugnare quod eadem res possit plures ex his causalitatibus exercere.* Nam in primis ex Arist. 2. Physic. cap. 7. tex. 70. forma & id cuius gratiâ, seu finis, sunt vnum; finis quippe proximus generationis est ut forma producat, ac proinde eadem realis entitas habet simul rationem causæ formalis, & finalis.

Rursus forma per generationem producta est principium efficiens, respectu suarum operationum: Ex quo sequitur non modo rationem finis, & formæ; sed etiam causæ efficientis eidem entitati competere.

Quod si materia late sumatur pro subiecto accidentium, cum forma proprias potentias naturales & actiones immanentes in se recipiat, hinc fit ut etiam causalitas materiæ eo modo sumptæ ei competat.

Queritur 2. quomodo ordo prioris & posterioris inter causas constituendus sit, siue quoad causalitatem, siue quoad dignitatem.

Respondeo & dico 1. *quod ordinem causandi primam esse causam finalem, secundam efficientem, tertiam materiale, & ultimam formalem.* Ratio est, quia cum agens educat formam ex materia ob finem aliquem, in rei generatione prius est motio seu causalitas finis, qua agens excitatur ad agendum: Deinde causalitas agentis qua forma educitur ex materia, tum causalitas materiæ ut subiecti suppositi ad receptionem formæ, ac tandem formæ ut actus materiam perficientis.

Vbi nota, etsi materia non causet prius tempore quàm forma, quia non causat nisi recipiendo formam, quo ipso forma iam suam causalitatem vicissim exercet erga materiam, cum actuando; posse tamen poni prioritatem aliquam naturæ vel rationis in causalitate materiæ; quatenus materia præexistit formæ, ad illam disponitur, ad eius educationem concurret, & productam suo suo excipit.

Dico 2. *quod ordinem dignitatis, primam esse causam efficientem, secundam materiale, tertiam formalem, quartam finalem.* Probatum supponendo me hic agere de dignitate causarum.

in ratione causandi, quæ sibi debet ex modo influendi in effectum, ita ut eò causa aliqua sit nobilior, quò effectus magis ab illa pendet. Constat enim causam efficientem aliis omnibus causis præstare, cum illius causalitas in reali actione, quæ magna quædam est perfectio, consistat, eaque propriè esse effectui sola tribuat.

Deinde, materię causalitas videtur simpliciter perfectior, seu maior causalitate formæ, saltem si agatur de forma materiali; quia materia est subiectum è cuius gremio forma educitur, & sine quo subsistere nequit: cum tamen materia non pendeat quoad esse à forma, ut ex dicendis in Physica supponimus.

Rursus, causalitas formæ præferenda est causalitati finis, quia forma causat seipsam, communicando materię, eamque perficiendo; finis vero cum moueat, antequam sit, realiter in effectum influere non potest; sed tantum moraliter seu metaphoricè, ut infra explicabimus.

Nota causas prædictas sub aliis respectibus posse considerari, sicque inter earum causalitates alium ordinem dignitatis à nonnullis constitui, quod nobis minimè aduersatur.

Queritur 3. an causæ sibi sint mutuò causæ. Aristoteles affirmat 2. Phyl. cap. 3. tex. 30. ubi ait deambulationem esse causam sanitatis, & sanitatem deambulationis, non quidem in eodem genere; sed in diuerso, siquidem deambulatio est causa efficiens sanitatis, sanitas vero est causa finalis deambulationis.

¶ Verum ad maiorem huius difficultatis intelligentiam: Nota 1. dupliciter concipi posse causas esse sibi mutuò causas, nempe vel ratione causalitatis, vel ratione existentie.

Nota 2. causam finalem & efficientem esse

mutuo causas priori modo, quatenus causalitas finis necessitatio infert causalitatem agentis, & hæc illam. Et simuliter materia & forma sunt eo modo sibi inuicem causæ, cum neutra possit suam causalitatem exercere sine consensu alterius.

Nota 3. causam efficientem interdum causare finalem secundum illius existentiam, ut deambulatio causat sanitatem, & interdum finem esse causam efficientem, ut in eodem exemplo nam deambulatio fit sanitatis causæ. At quamvis materia causet formam materiale quoad existentiam, non tamen vicissim forma materiam. Verum ista clarius percipiuntur, ubi agitur de qualibet causa in particulari.

---

#### ARTICVLVS. IV.

##### *De habitudine causa ad effectus.*

**Q**Uæritur 1. an causa sit semper prior suo effectui prioritate naturæ, temporis, & dignitatis.

Respondetur & dico 1. *Inter causam & effectum posse poni simultatem naturæ, prioritatem naturæ, & prioritatem temporis, iuxta varios modos quibus spectari, & inter se conferri possunt. Quod ita explico.*

In primis si causa & effectus considerentur ut sunt relata, eo sensu sunt simul natura; quia relata sunt simul natura, ut patet ex Logica.

Deinde si causa spectetur secundum causalitatem per quam influit in effectum, sic omnis causa est prior naturæ suo effectui; liqui-

dem id quo mediante aliquid producitur, est prius illo, ut generatio actiua est prior natura homine genito.

Tandem si causa spectetur præcisè quoad suam entitatem, hoc modo potest tempore præcedere effectum, qua ratione pater ut homo præcedit filium. Id tamen non semper evenit, ut constat in sole qui non tempore, sed tantum natura lucem à se diffusam præcessit.

Dico 2. *Omniem causam formaliter ut causam, esse nobiliorem suo effectu, ut effectus est.* Ratio est manifesta, quia dare ut sic est nobilius quam accipere; at causa, ut causa, dat esse effectui, & effectus, ut sic, esse accipit à causa, & ab illa dependet: quare causa formaliter spectata est nobilior effectu. Verum difficultas superest de causis & effectibus entitativè spectatis, pro quo

Dico 3. *Finem interdum esse nobiliorem effectu suo, interdum ignobiliorem.* Primum patet, cum homo aliquem actum moralem ex fine excellentiori elicit, ut cum tribuit eleemosynam propter Deum. Secundum verò ostenditur, quia potest homo ob libertatem qua pollet, actum aliquem ex se bonum in finem malum dirigere; ut cum quis dat eleemosynam ex vana gloria.

Nota hoc esse discrimen inter finem naturalem alicuius rei, seu à natura præstitutum, & finem liberum, seu ab hominis libertate pendentem; quod prior semper est perfectior effectu ad illum ordinato, non autem posterior.

Dico 4. *Causam efficientem principalem interdum esse nobiliorem effectu, interdum aequè nobilem.* Est nobilior, si causa sit æquivoca, ut sol respec-



An lapidum & metallorum, quorum creditur causa. Est autem æquè nobilis, si causa sit vniuoca, vt homo generans respectu hominis generis. Non tamen potest hæc causa esse ignobilior effectu, quia nemo dat quod non habet, vel formaliter, vel eminenter. Verùm causa instrumentalis, cum non opere- tur vi sua, effectu suo ignobilior esse potest.

Dico 5. *Materiam collatam cum forma mate- riali, quæ est effectus illius, esse uno respectu tam nobiliorem, & alia ignobiliorem.* Est illa nobilior, quatenus est substantia per se existens & in- corruptibilis; est autem eadem ignobilior, quatenus ab illa actiuatur, & quodammodo perficitur.

Quòd si hæ causæ conferantur cum compo- sito, sic dicendum est 1. compositum non esse quid perfectius materia & forma simul vnitis, & collectivè sumptis; quia sic ab iis non di- stinguitur, vt dicitur in Physica. 2. esse quid perfectius alterutra, nam cum includat ma- teriam & formam, nemo negat quin sit per- fectius materia sola. Verùm cum etiam ma- teria dicat perfectionem aliquam entitativam, vt alibi ostendemus, negari non potest quin compositum sit perfectius sola forma.

Queritur 2. An eadem causa possit diuer- sos & contrarios effectus edere.

Respon. eo & dico 1. *Eandem causam posse diuerfos effectus habere.* Probat, nam eadem materia potest esse subiectum diuersarum for- matum tam substantialium, quam accidenta- lium; cum tamen eo discrimine, vt simul plures & diuersas formas accidentales habere possit, substantiales verò saltem adæquatas & totales non nisi successivè. Forma tamen non nisi vnum effectum formalem habet, vt calor effi-

cit formaliter calidum, albedo album, &c.

Potest etiam idem finis diversos effectus obtinere, ut patet cum quis sanitatis causâ modo ambulat, modò potiones sumit, modò alia pleraque præstat, quæ ad hunc finem consequendum ipsi videntur utilia.

Ac præterea sunt multæ causæ efficientes quæ effectus diversos producant, ut sol, anima, aliæque causæ quæ vulgo æquivocæ dicuntur; cum univocæ non nisi effectus unius rationis producant.

Nec refert illum vulgatum ex 1. de generatione. sumptum: *Idem manens idem, facit tantum idem*: sensus enim est, idem cum talibus dispositionibus & circumstantiis, facere tantum idem; quod non impedit quin absolute plura efficere possit: nimirum cum aliis dispositionibus & circumstantiis; ut sol potest cum arboribus suo modo concurrere ad productionem fructuum, & cum animalibus ad generationem animalium.

Hoc autem intellige de causis efficientibus quæ naturaliter & necessario operantur; nam si agatur de causis liberis, eæ possunt, manentibus iisdem conditionibus, hunc vel illum actum elicere; cum à nulla re externa ad agendum determinentur, ut alibi non semel ostendimus, & in Ethica iterum inculcandum erit.

Deo 2. *Eandem causam posse habere effectus oppositos*. Id patet ex Arist. 2. Physic. cap. 7. text. 30. ubi ait idem esse causam contrariorum, quod probat exemplo gubernatoris, cuius præsentia est causa salutis navis, absentia submersionis. Verùm gubernatoris absentia non est per se causa submersionis navis, sicut solis recessus non est causa per se frigoris, sed tantum per accidens,

Aliet ergo probatur de causa per se, exemplo tum hominis, qui ut est agens liberum potest elicere actus contrarios, nempe amoris & odij &c. tum solis, qui concurret ad productionem albedinis in cygno, & nigredinis in corvo; dulcedinis in fructibus domesticis, & amaritudinis in sylvestribus: tum eiusdem cibi qui alius placet, alius displicet; his est salubris, & illis nocet, ut patet experientia.

Atque idem habet locum in causa materiali, cum eadem formas oppositas saltem successivè recipere possit; & in finali, siquidem ex eodem fine potest quis usurpare media opposita, saltem successivè, ut cum quis sanitatis tuendæ causâ modò comedit, modò abstinet à cibis; modò vigilat, modò dormit. Non tamen in formali, quia cum effectus formalis ab ipsa forma realiter non distinguatur, repugnat quòd eadem forma habeat plures effectus formales oppositos, ut quod calor efficiat formaliter calidum, & frigidum, &c.

## ARTICVLVS V.

*De habitudine effectuum ad causas*

**Q**Uæritur I. an idem effectus à pluribus causis simul produci possit. Ut huic difficultati satisfaciam,

Premoneo I. satis constare plures causas diversâ generis ad eundem effectum producendum concurrere, imò omnes ad productionem cuiuslibet compositi naturalis requiri, cum intrinsecè constet ex materia & forma, & ab agente extrinseco ob finem aliquem produci. Quare dubium est an plures cau-

ſæ eiufdem generis eundem effectum produ-  
cere poſſint.

Præmoneo 2. non dubitari quin plures cau-  
ſæ parciales eiufdem generis ad eundem effe-  
ctum poſſint ſimul concurrere, vt patet cum  
duo homines trahunt nauim quam neuter ſo-  
lus trahere poſſet; ſed difficultas eſt an plu-  
res cauſæ totales, quarum neutra ſit alteri  
ſubordinata, eundem ſimul effectum produ-  
cere poſſint, vt plures ignes eundem ignem.  
&c. Dico, quarum neutra ſit alteri ſubordi-  
nata, nam quod idem effectus pendeat à cauſa  
particulari, ſimulque ab vniuerſali cui eſſen-  
tialiter ſubordinatur, vt ignis genitus ab igne  
generante, & à Deo, vel etiam, vt vult com-  
munis ſententia, à ſole, id tanquam certum  
ab omnibus ſupponitur.

Præmoneo 3. hic nomine cauſæ totalis non  
intelligi eam quæ excludit quauis aliam; ſic  
enim perſpicuum eſt eundem effectum non  
poſſe à duabus cauſis totalibus procedere;  
ſed eam quæ ſe ſola habet ſufficientem & ad-  
æquatam vim in ſuo genere ad effectum pro-  
ducendum, vt homo ad generandum homi-  
nem, ignis ad producendum ignem.

Præmoneo 4. difficultatem iſtam præcipuò  
verſari circa cauſam efficientem: nam ſi aga-  
tur de cauſis internis, conſtat idem compo-  
ſitum non poſſe ex duplici materia, aut for-  
ma totali coaleſcere; quia ſic non eſſet vnum  
per ſe, & vnius eſſentiæ; ſed potiùs aliquod  
aggregatum per accidens. Conſtat etiam eun-  
dem effectum poſſe oriri à pluribus ſinibus  
totalibus, vt patet cum quis vadit Romam,  
tum vt inuiſat loca ſacra, tum animo confe-  
quendi aliquod beneficium, ita vt eò perge-  
ret, vel ex altero ex his motiuis, etſi aliud

deficeret. Quibus præmissis,

Respondeo & dico 1. *Non possit naturaliter eundem effectum simul produci à pluribus causis totalibus.* Probatnr, tam quia sicut natura non deficit in necessariis, ita abhorret à superfluis: ac posito influxu vnius causæ totalis in effectum, alius quicunque est superfluous. Tam quia experientia constat, quando duo agentia simul operantur circa idem subiectum, vt cum duo ignes eandem aquam calefaciunt, effectum longè celerius produci, quàm si vnum tantum concurreret. Hoc autem euidentis signum est neutrum concurrere vt causam totalem; sed vt partialem duntaxat; siquidem causa totalis est illa: quæ sola sufficiens est vt totum effectum, cum eadem intensiōe, & æquali tempore producat, quod hic non contingit.

Idemque de omnibus agentibus naturalibus affirmari potest, eo vel maxime quia cum plura simul naturaliter esse nequeant, sed in locis aliquantum distantibus, fieri nequit quod æqualiter distent ab omnibus partibus subiecti in quod agunt, sicque quodlibet fortius agat in partem sibi viciniorē, & remissius in remotiorē, adeoque erit causa tantum partialis effectus. Imo quamuis duo agentia diuinitus essent simul penetratiue, si sibi relinquenterent, non agerent nisi partialiter, quia vel maiorem effectum, vel breviori tempore producerent.

Obiicies 1. Potest idem effectus produci à duabus causis totalibus inter se subordinatis: ergo & à duabus minimè subordinatis. Respondeo non sequi: & ratio discriminis est, quia causā alteri subordinata non potest sine illa agere, & effectus utramque necessario

respicit; causa vero alteri non subordinata potest sine illa agere, nec effectus utramque respicit, sed unam duntaxat: quare cum earum altera sit superflua, non possunt ambæ ad eundem effectum concurrere naturaliter.

Obiicies 2. Idem effectus potest pendere à duobus finibus totalibus: ergo & à duobus efficientibus totalibus. Respondeo non sequi, quin potius oppositum inde colligi debet: Si quidem effectus finis est medium & causa illius, quantum ad executionem; ac frustra adhibentur duo media ad consecutionem duorum finium, quando uterq; æquè per unum comparari potest. Ergo similiter frustra concurrerent duæ causæ totales ad productionem eiusdem effectus, cum per unam illarum integrè produci possit.

Obiicies 3. Plures sacerdotes possunt simul eandem hostiam consecrare, & eundem Baptismum conferre, idque ut causæ totales: ergo plures causæ efficientes totales possunt eundem effectum producere. Respondeo non sequi, tum quia in nostra sententia, antecedens procedit de causalitate morali, hic autem agimus de Physica: tum quia etsi sacerdotes in consecratione Sacramentorum agerent ut causæ Physicæ, id fieret supernaturaliter, non autem per vires naturæ, de quibus hic agimus.

Dico 2. Eundem effectum possi supernaturaliter produci simul a pluribus causis totalibus. Ratio præcipua est, quia ex communi Theologorum pronuntiato, nihil est denegandum potentia Dei, nisi quod manifestam inuoluit contradictionem: ac quod idem effectus possit simul produci à duabus causis totalibus, id manifestam non inuoluit contradictionem,

vt ex solutione obiectionum patebit; ergo id denegandum non est potentie Dei absolutæ.

\* Confirmatur: quia non magis videtur implicare quod vnus effectus procedat simul à duabus causis, quàm quod eadem natura terminetur simul à duobus suppositis extraneis, aut quod idem locus simul occupetur à duobus corporibus. Quare cum hæc supernaturaliter fieri possint, vt fatentur omnes Catholici, idem de illo affirmandum est.

Obiicies 1. Causæ distinctæ non possunt agere nisi per distinctas actiones; at distinctarum actionum distincti sunt termini, adeoque distincti effectus per eas producti. Respondeo minorem veram esse naturaliter, non supernaturaliter; cum enim actio sit causalitas agentis, distincta saltem modaliter ab effectu, non repugnat quod diuersæ actiones ad eundem realem effectum terminentur.

Obiicies 2. Si effectus produceretur simul à duabus causis, sequeretur eum dependere ab vtraque, vt supponitur, & à neutra dependere, quia posset existerè sine alterutra. Respondeo hoc posterius non sequi, quia vt effectus verè dependeat ab vna causa, sufficit quod accipiat esse ab illa, siue illud etiam accipiat ab alia, siue non. Quare in dicto casu effectus verè dependeret ab vtraque causa, quia ab vtraque esse acciperet; sicut forma dependeret à duplici materia, si in vtraque diuinitus cōstitueretur: quia quælibet eam sustentaret, esto alterutra deficiente, in alia posset conseruari.

Instabis saltem hinc sequi, neutram fore causam per se effectus; sed per accidens. Verum id negatur; nam causæ illæ verè &

Metaph.

K

realiter influerent in effectum, non minus quam si quælibet seorsum effectum peculiarem produceret; quare utraque esset causa per se effectus, causa enim per accidens non influet realiter in effectum; sed tantum coniuncta est eum causa in illum influente, ut cum medicus curat, aut musicus sanat.

Obiicies 1. Non potest effectus dependere ab ea causa cuius influxu non indiget; at effectus qui producitur ab una causa totali, non indiget influxu alterius, ergo ab ea dependere non potest. Respondeo maiorem absolute negandam esse; nam quod effectus non indigeat influxu alterius causæ, hinc tantum sequitur eum non necessario ab illa pendere, at non sequitur Deum non posse efficere ut actus ab illa pendeat, quemadmodum potest Deus efficere ut natura terminetur à duobus subsistentibus, etsi una tantum indigeat; & ut locus repleatur à duobus corporibus; esto ab eorum altero sufficienter repleti possit; vel ut idem corpus simul constitutur in duobus locis adequatis, etsi unum tantum illorum naturaliter exigat.

Quæritur 2. An idem effectus à pluribus causis diuisim, & secundum se produci possit. Ut autem status huius quæstionis melius percipiat,ur,

Aduerte 1. Difficultatem non procedere de causis internis, & effectu illarum; constat enim si varietur materia, aut forma, non esse idem numero compositum, adeoque ut idem homo resurgat, requiri eandem materiam, modo alio explicando. Dubitatio ergo procedit de causis efficientibus.

Aduerte 2. Sensum propositæ quæstionis esse, an idem numero effectus qui ab una



## LIBER SECVNDVS. 179

causa productus est, potuisset æque ab alia produci, si ad idem subiectum fuisset applicata. Vtrum verbi causa idem calor qui productus est in aqua ab igne A, æque fuisset productus ab igne B, si loco ignis A, eidem aquæ in iisdem circumstantiis applicatus fuisset.

Respondeo & dico 1. *Id fieri non posse naturaliter.* Probatur 1. quia duo totalia agentia & minimè subordinata non possunt agere nisi per distinctas actiones; ac distinctæ actiones non possunt naturaliter tendere ad eundem effectum, siquidem actio non distinguitur nisi ad summum modaliter à termino per eam producto; quare repugnat quod duo agentia naturaliter eundem numero effectum producant.

Probatur 2. Quia ex opposita sententia sequitur, quemlibet ignem quoslibet ignes producere, & à quibuscumque produci posse naturaliter viribus; & similiter quemlibet hominem quoslibet homines producere, & à quibuscumque produci posse, quod sane per se absurdum & incredi- ile videtur; potiusque dicendum est quemlibet effectum dicere originem ad certam causam à qua produci potest, ou ad alias omnes eiusdem speciei indifferentes.

Confirmatur, quia si quilibet effectus posset ex se æque produci ab omnibus causis eiusdem speciei, sequeretur posse fieri spectata rei natura, ut Petrus non sit genitus à Paulo, sed ab alio quolibet, sitque pater ipsius Pauli, quod sane à nobis admitti non potest.

Probatur 3. Quia si quilibet effectus contineretur in potentia activa cuiuslibet cause eiusdem speciei; ut supponitur in sententia opposita, posset idem effectus per se lo-


quens la moines, imò & infinities produci, etiam naturæ viribus: v. c. quilibet homo ab omnibus hominibus possibilibus, quilibet equus à tota equorum specie, sicque reproductio eiusdem hominis, vel equi non esset miraculosa; quod dici non potest. Maximè quia aliàs nulla esset ratio cur non interdum; imò sæpe, in tanta rerum multitudine idem numero individuum non reproduceretur, non modo postquam interiit, sed etiam quandiu adhuc superstes est.

Obiicies 1. Si repugnat quod v. e. calor productus ab igne A, potuerit produci ab igne B, vel id repugnat quia est calor, vel quia est hic numero calor; non quia est calor, quia calor à quouis igne produci potest; at nec quia est hic numero calor: quod enim talis sit numero, id non habet ratione ignis à quo de facto productus fuit; sed per suam propriam entitatem: Ergo ex nullo capite repugnat quod potuerit produci ab igne B. Respondeo repugnare quia per talem numero actionem, quæ alteri igni competere nequit, productus fuit.

Obiicies 2. Idem calor ab vno igne in aqua productus, ab alio potest conservari, ergo & produci. Respondeo non sequi, quia vt calor conservetur, sufficit quod impediatur frigus oppositum à quo destrueretur; vt autem producat, requiritur influxus realis in illum.

Dico 2. *Nihil repugnare quin effectus ab una causa producat, ab alia supernaturaliter produci poterit.* Probat, ex supradictis; nam si duo ignes simul iuncti eundem calorem diuinitus producere possunt, quidni singuli seorsim possent illum producere? In hoc sanè non maior apparet repugnantia quàm in illo, imò

minor reperitur, vt patebit inferius. Atque hoc valde confirmatur ex dictis in Idea theolog. speculat. lib. 1. cap. 14. in fine, vbi iuxta communem sententiam Theologorum docuimus, vnionem Verbi cum hac humanitate potuisse decerni, prius ratione quàm decerneretur illius assumptio ex tali femina. Hinc enim manifestè sequitur, Coniunctum secundum se ab hac aut illa femina generari potuisse, adeoque effectum aliquem non ita determinatè à sua causà connaturali procedere, quin diuinitus ab alia oriri potuerit.



## C A P V T V I.

### De Causa efficiente.

#### A R T I C V L V S P R I M V S.

##### *De causa efficiente in genere.*

**Q**UÆRITUR 1. Quid sit causa efficiens. Respondetur eam definiiri ab Aristotele 2. Physic. cap. 3. tex. 39. *Id unde mutatur, aut quætu primum est principium; quæ causa, inquit, est ut qui consulu, & Parr Filij, & uno verbo id quid efficit, eius quod fit & quod immutat, eius quod immutatur.* Verum clarius definiiri potest causa efficiens, *Id à quo tanquam à primo principio est motus aut quies.*

In primis dicitur id à quo, quibus verbis indicatur specialis modus causandi causæ efficientis, vt ab alijs causis distinguitur; mate-

ria enim est, *id ex quo*, forma, *id per quod*, finis *id propter quod*, & efficiens *id a quo alia quid fit*.

Secundo dicitur *tanquam à primo principio*, quibus verbis videtur excludi ab hac causæ definitione causa instrumentalis, quæ cum non causet *ut propria*; sed ex motione causæ principalis à qua ad agendum impellitur, primum principium dici nequit.

Nec dicas, esse primum principium competere tantum primæ causæ, quæ Deus est; hoc enim apud Christianos certissimum est. Verum de ea non cogitavit Aristoteles, cum causam efficientem definiuit; sed tantum de causa efficiente creata, quæ inter alias causas creatas est quoad executionem, primum principium à quo omnis mutatio oritur.

Tertio dicitur *motus, aut quietis*, ubi per motum intelligi solet mutatio quares fit & producitur è subiecto aliquo, & per quietem conservatio rei productæ; ut cum ignis calorem productum in suo esse, velut in statu quieto conservat.

Quod si opponas naturam in *Physicis* definiri. *Primum motus, & quietis*: Respondeo eam definitionem intelligi de principio interno, causam vero efficientem esse absolute principium motus & quietis non modo internum, sed etiam externum.

Quæritur 2. Quotuplex sit causa efficiens. Respondeo plurimas tradi à Philosophis illius divisiones, inter quas istæ sex videntur maxime observandæ.

Prima est in causam primam, & secundam; prima dicitur, quæ cum vult agit independentem à quacunque alia causa, qualis est solus Deus. Secunda verò, quæ agere

nequit nisi dependenter a prima; maximū  
di sunt omnes causę creatę, quę cū realiter  
operentur, vt infra dicemus, non tamen si-  
ne cooperatione causę primę ad eundem  
effectum.

Secunda est, in causam per se, & per ac-  
cidents: Prior est à qua vt talis est, procedit  
effectus, vt homo est per se causa alterius  
hominis, quia quatenus homo eum genuit;  
posterior verò à qua vt tali, effectus non  
procedit; sed quia est communē cum cau-  
sa per se; vt homo quatenus Philosophus,  
vel Musicus, est causa per accidents hominis  
geniti.

Tertia in causam Physicam, & Mota-  
lem; Physica dicitur quę realiter & per se  
influit in effectum, siue id faciat necessariò,  
vt cū ignis aquam calefacit, siue libere, vt  
cū pactor imaginem effingit. Moralis ve-  
ro ea vocatur quę talem influxum non ha-  
bet, ei tamen effectus imputatur, vt homi-  
cidium consilienti, præcipienti, aut etiam non  
impedienti, qui cū teneretur, & posset im-  
pedire, neglexit.

Quarta in causam vniuocam, & æqui-  
uocam; vniuoca est quę producit effectum  
sibi similem, vt homo hominem, ignis ignem;  
æquinoca verò quę producit effectum diuer-  
se rationis, vt dum sol producit aurum. Vn-  
de illa est essentialiter æqualis effectui, hæc  
vero perfectior, cū effectum non formaliter  
vt prior; sed eminenter adeoque nobiliori mo-  
do continet.

Quinta in causam vniuersalem, & parti-  
cularem; vniuersalis est quę ad multos ef-  
fectus concurrit, quomodo præter Deum,  
qui causa vniuersalissima dici potest, sol &

colum dicuntur causæ vniuersales effectuum qui in mundo inferiori producuntur: Vnde est idud vulgatum apud Philosophos, 101 & homo generant hominem; quod quo sensu intelligendum sit alibi dicitur. Particularis vero illa dicitur quæ habet vim producendi tantum quendam effectum determinatum & certæ speciei, vt ignis ignem, canis canem, &c.

Sexta in principalem, & instrumentalem; principalis ea dicitur quæ vi sua effectum producit, vt in exemplis allatis; instrumentalis vero quæ agit virtute alterius, vt dum calor generat ignem virtute ignis agentis, vel dum semen producit forum virtute animalis à quo excisum est.

Quæritur 7. Quænam sit causalitas causæ efficiētis. Respondeo causalitatem in actu primo esse potentiam agendi; causalitatem vero in actu secundo esse actionem qua effectus producitur: Posita enim tali actione, agens dicitur effectum causare actu, & effectus actu causari; ea vero ablata, tale quid dici non potest. Ergo causatio seu causalitas actualitas causæ efficiētis in actione illa consistit.

Confirmatur: nam causare effectum est illi tribuere esse; at agens non tribuit esse affectui, nisi actu influendo in illum, seu agendo: Ergo actio est causalitas illius in actu secundo. Eo vel maxime quia inter causam & effectum nihil aliud medium concipi potest, præter actionem qua effectus producitur.

Obiicies 1. actio est effectus agentis, cum ab illo pendeat in esse; ergo ad illam requiritur causalitas, siquæ causalitas in ea non confi-

fit. Respondeo 1. hoc argumentum posse retorqueri contra causalitatem quæ fingitur à nonnullis præbia actioni. 2. actionem non pendere ab agente ut quod, seu tanquam terminum qui efficitur; sed ut quo, seu tanquam medium quo aliquid producit: unde in ea ponenda est causalitas agentis.

Obiicies 2. agens non denominatur actu causa, nisi à causalitate in eo existente, at actio transiens non existit in agente; sed in patiente. Respondeo antecedens falsum esse, ut vel ex eo patet, quod Deus verè est causa efficiens actu, sine vlla causalitate in eo recepta. Quare ut agens denominetur actu causa, sufficit quod effectus ab illo pendeat, sine causalitas in eo recipiatur, ut cum agit immanenter, siue in subiecto extrinseco, ut cum agit transeunter.

Obiicies 3. agens non constituitur actu causa per effectum, ut notum est; ergo nec per actionem; sequela patet, quia actio non distinguitur ab effectu qui per illam fit. Respondeo negando sequelam, & ad illius probationem dicimus actionem distingui modaliter ab effectu, quod sufficit, ut causa ab illa denominetur actu agens, non ab effectu, ut sol denominatur actu illuminans per productionem lucis, quæ est modus quidam dependentiæ ab ipsa luce distinctus.



## ARTICVLVS II.

*De causa efficiente creata.*

**Q** Variatur 1. an causæ creatæ aliquid verè operentur, vel Deus tantùm agat ad præsentiam earum, vt quidam olim opinati sunt Respondeo eas verè operari, & oppositum sine manifesto errore sustineri non posse, vt patet ex verbis illis Genes. 1. *germinet terra herbam virentem, & facientem semen; & ex illis Lucæ 21. videte ficulneam, & omnes arbores, cum produunt iam ex se fructum.* aliisque id genus permultis quæ planè ostendunt, ex communi Catholicorum sensu, res creatas verè & effectiue aliquid producere.

Idem ostenditur speciatim de homine quicum sit liber, potest agere & non agere, bene & male operari, sicque est capax meriti & demeriti, premij & poenæ. Quo fit vt sententia opposita destruat omnino libertatem, omnemque rationem virtutis, & peccati; quia si homo non potest elicere actum aliquem, intelligi nequit quomodo sit liber, aut qua ratione sit capax virtutis & peccati, meriti & demeriti. Quare damnantur in Concilio Trid. Sess. 6. Can. 8. qui dicunt liberum hominis arbitrium à Deo motum & excitatum, nibil cooperari assentiendo Deo excitanti, atque vocanti; sed velut inanime quoddam nihil omnino agere, merèque passivè se habere.

Accedit quod frustra rebus naturalibus datæ essent à creatore variæ potentie & facultates, nisi per illas aliquid operarentur; quia æquè posset Deus in ea hypothesi iis non exi-



flentibus, ac existentibus, effectus varii produ-  
cere, v. c. aquam calfacere, etsi ignis ei  
admotus non esset calidus, tetrā illustra-  
re, et sol lucidus non esset, &c. Imo nulla  
ratio esset cur Deus presente igne, potius ca-  
lorem in ligno quam frigus deberet produ-  
cere.

Quæritur 2. per quid agentia creata operen-  
tur, an per propriam substantiam, an per ac-  
cidentia tantum.

Respondeo & dico 1. *agentia creata non ope-  
rari per accidentia tanquam per causas principa-  
les, quando producant aliquam substantiam.* Pro-  
batur tum ex Arist. 2. de generat. cap. 9. ubi  
defendit efficientiam formæ contrā Platonem  
qui rerum effectiōnem in Ideas tetererat, &  
contrā alios Philosophos qui materię vim ef-  
fectivam tribuebant.

Tam evidenti ratione, quia causa princi-  
palis non potest esse ignobilior effectu, cum  
illum in virtute sua contineat; ac accidens  
est longe ignobilius substantia; ergo non po-  
test illam producere tanquam causa illius  
principalis.

Nec dicas accidens etsi improporcionatum  
substantiæ in ratione entis, habere proportio-  
nem cum illa in ratione principii productivi.  
Hæc enim meta est petitiō principii, quia  
cum virtus agendi fundetur in rei entitate, re-  
pugnat quod agens improporcionatum effe-  
ctui quoad entitatem, sit illi proporcionatum  
quoad vim agendi: quia sic haberet vim agen-  
di nobiliorem proptia entitate, quod planè re-  
pugnat.

Dico 2. *agentia creata immediatè non operari  
per proprias formas substantiales, quando sub-  
stantiam aliquam producant, sed tantum per ac-*

*evidentia ipsius ad agendum concessa.* Probatum tamen quia sol communiter creditur in his inferioribus multos effectus producere per suam locum, quos per seipsum attingere nequit: ut perspicuum est. Tamen quia animalia producuntur per virtutem seminalem, ab eorum progenitoribus, vel absentibus, vel mortuis relictam; clarum est autem animal absens vel mortuum non posse per se immediate concurrere ad productionem alterius animalis.

Nec placet quod aliquid dicunt, Deum supplere defectum generantis, sic enim omnes rerum generationes in solum Deum essent referendæ, nec simpliciter verum esset Alexandrum fuisse genitum à Philippo; sed à Deo: sequela patet; nam filius non dicitur genitus à parente sui patris, etsi mediatè ab illo processerit.

Obiicies 1. si forma immediate non influit in effectum, ergo solum accidens immediate operatur, adeoque est causa principalis effectus producti, quicumque sit. Respondeo negando posteriorem consequentiam, quia cum forma substantialis producat substantiam, mediantibus accidentibus, hinc sequitur accidentia non producere substantiam, nisi ut instrumenta formæ substantialis.

Obiicies 2. ex nostra sententia sequi, formam principalem se habere tantum per accidens ad effectum, huncque ei tantum tribui denominatiuè, quia ab ea dependet accidens quo fit operatio. Verum negatur id sequi; nam sicut artifex non se habet per accidens ad effectum, quem, mediante artis instrumento, effugit; ita forma substantialis non se habet per accidens, & merè denominatiuè ad effe-

atum substantialem, quem per suam qualitatem naturalem producit. Illa enim qualitas non tantum dependet quoad esse, à forma substantiali; sed etiam est virtus illius naturalis per quam effectum sibi similem & proportionatum producit.

Obiicies 7. instrumentum non agit nisi motum & adiutum à causa principali, quæ proinde cum illo influere debet. Respondeo 1. antecedens ad summum verum esse de instrumentis artis, quæ ut operentur, egent actuali motione artificis, ut patet in calamo, penicillo, aliisque instrumentis artis quæ nihil operantur, nisi actu moveantur & dirigantur secundum artem: At qualitates naturales sufficienter censentur motæ & adiutæ, quatenus à natura tributæ sunt substantiæ, ut propria quædam instrumenta, quorum beneficio effectus suos producere debet; de quæ capite sequenti falius ageatur.

Respondeo 2. et si talis aliqua motio recepta in instrumento admittitur, non propterea forma substantialis agentis immediate in substantiam productam influeret, adeoque antecedente gratis admissio, consequentia neganda esset. Id patet exemplo allario, nam etsi artifex moueat instrumentum quo agit, non tamen ipsemet attingit immediate opus quod per illud efficit.

Dico 3. agentia creata interdum per proprias formas substantiales influere immediate ad produciendum accidentium, interdum vero tantum mediatè. Primum ostenditur, nam primæ passionnes quæ ab essentia dicuntur fluere & emanare, debent immediate produci à forma substantiali, cum nulla alia sit virtus media à qua oriri possint.

Confirmatur, nam cum passionēs illæ sint quidam effectus Physici & reales qui de nouo sunt, dicunt ordinem ad aliquam causam realem & Physicam à qua verè producuntur. Hæc autem nulla alia probabiliter assignari potest præter formam substantialem agentis, cuius sunt proprietates.

Nec dicas produci à generante; nam quando aqua calefacta amore igne paulatim frigescit, illa noua frigoris productio non potest tribui generanti, cum fortè non existat; sed formæ substantiali aquæ cui frigiditas tanquam propria passio debetur, adeoque illam, ablato impedimento, ex se veluti effundit. Quod si frigiditas in eo casu ab aquæ forma dependet, nulla est ratio cur etiam ab illa non acceperit esse, cum primum aqua producta est.

Vbi nota à nonnullis negari passiones à formis substantialibus fluere, mediante vna aliqua & Physica actione: sed contrà, nam cum passiones illæ sint veri effectus reales & Physici, negari non potest quin per veram actionem fiant.

Secundum probatur, perspicuum enim est calorem à calore, frigus à frigore produci, &c. & ne quis putet illos & similes effectus referendos esse in substantiam, cui qualitates operatiuæ inhaerent, in isto aquam calidam posse calorem in alio subiecto producere, etiam constet eiusmodi productionem in aquam ut in causam agentem refundendam non esse. Ac præterea exprimitur accidentia panis & vini eisdem effectus producere post consecrationem, quos ante edebant; etiam nulli tunc substantiæ inhaerent, ut fides docet.

Verùm hic leuis occurrit dubitatio, an acci-

dens in productione accidentis se habeat ut causa principalis, an verò ut instrumentalis duntaxat. Dico leuem esse dubitationem, quia magis est de nomine quàm de re; constat enim accidens cum sit ens à natura desiderari ut sit virtus agendi ipsius substantiæ, item vnum accidens ab alio pròdundum non excedere illius perfectionem. Cum ergo de his duobus apud omnes constet, restat solum quæstio de nomine, an propter primum affirmandum sit accidens se habere ut instrumentum in productione accidentis, an verò propter secundum id negandum sit.

Qua in re ij congruentius loqui videntur, qui partem negativam sequuntur; quia illud communiter poni solet discrimen inter causam principalem & instrumentalem, quod principalis habet virtutem adequatam effectui, instrumentalis verò inadequatam. Et aliunde intrinseca dependentia causæ ab alio non impedit, quin illa sit principalis in suo genere, ut patet in forma corporca, quæ cû pendeat quoad esse & conservari à materia, producit effectus suos tanquam causa principalis; & in omnibus causis creatis quæ magis pendunt à Deo, quàm accidens à subiecto; nec tamen negari mento potest quin se habeant, ut causas principales respectu propriorum effectuum.



## ARTICVLVS III.

*De causa efficiente increata.*

**P** Ræmoneo 1. ab omnibus hic supponi  
 contra Athos: Deum existere, itemque res  
 omnes ab eo initio mundi fuisse creatas,  
 & facultatibus ad agendum necessariis orna-  
 tas. Ex quo fit vt saltem remotè & mediatè  
 ad omnes causarum secundarum effectus con-  
 currat. Sed dubium est, an etiam proximè  
 & immediatè influat in omnes operationes,  
 & effectus qui ab agentibus creatis oriun-  
 tur.

Præmoneo 2. dupliciter intelligi posse Deum  
 concurrere cum agentibus naturalibus, quan-  
 do operantur, primo ita vt influat intimè in  
 eorum operationes, sicque eadem v. e. cale-  
 factio procedat immediatè, tum ab igne, tum  
 à Deo. Secundo, ita vt in ipsis causis secun-  
 dis operetur aliquid, quo eas moueat & ap-  
 plicet ad agendum, quoties operantur. Et  
 quidem prior concursus dicitur simultaneus,  
 quia exiit etur eodem momento quo causa  
 secunda simul cum Deo operatur; posterior  
 vero dicitur præuius, & vulgò præmotio Phy-  
 sica vocatur, quia actionem præcedit, &  
 est causa quòd fiat, iuxta eos qui talem in-  
 fluxum admittunt. Est ergo difficultas an  
 Deus non tantum primo; sed etiam secundo  
 modo concurrat cum causis creatis ad earum  
 operationes.

Respondet & dico 1. Deum concurrere immé-  
 diatè concursu illo simultaneo, ad singulas operatio-  
 nes rerum creatarum. Ita omnes communiter

contra Durandum, probaturque 1. Ex Scriptura sacra 1. ad Corinthi ap. 3. *Neque qui plantat est aliquid, neque qui rigat; sed qui incrementum dat Deus.* Actos. 17. *In ipsi vivimus, movemur, & sumus.* Ioan. 5. *Pater meus vsque modo operatur, & ego operor.* quibus verbis videtur Augustinus s. de Genesi ad litteram cap. 20. ad eos refellendos qui docebant, Deum quidem fecisse mundum; cætera verò subinde à mundo fieri iussu & ordinatōne Dei, eo minimè operante: simulque ad ostendendum Deum non modò magna & præcipua; sed etiam terrena & infima operari.

Nec dicas verba allata posse intelligi de concursu Dei mediato, hoc enim manifestè absurdum est, cum ij quos refellit Augustinus, talem concursum non negarent; & prædicta testimonia præsentem Dei operationem perspicue innuant. Et sanè quid absurdius dici posset quam Deum dare omnibus rebus incrementum, & operari vsque modò, si nihil in his inferioribus operatus esset, ex quo mundus factus est? Nonne similiter dici posset Adamum vsque modo operari, & ad generationem omnium hominum concurrere?

Probatur 2. nam non est potior ratio cur agens pendeat à Deo quoad entitatem, quàm quoad actionem, cum tam hæc, quàm illa sit ens per participationem: at si entitas agentis pendet intrinsecè ab actu: & immediato influxu Dei, ut omnes fatentur; ergo & actio illius. Imò cum actio sit accidens, ea multò magis videtur agere influxu causæ primæ conservantis, quàm substantia, quæ cum sit ens per se, ut sic, minùs videtur dependens ab alio.

Probatur 3. nam si Deus non concurrat per

le ad actionem, ergo nec ad rem quæ fit, cum non sit nisi modalis distinctio inter utramque v. c. inter, actionem, & calorem per eam productum, neque concipi possit quod calefactio fiat sine Dei cooperatione, & calor ipse ea indigeat. Quare cum calor productus egeat inamo influxu Dei conservantis, idem de actione qua producitur calor, sentiendum est. Confirmatur, nam si ex mente Aristotelis; aliorumque Philosophorum sol & homo generant hominem, à fortiori dicendum est Deum ad hominis, & quarumcunque aliarum rerum generationem concurrere.

Obiicies 1. si Deus concurrat cum agentibus creatis, vel concurrunt eadem actione, vel diversa; non eadem, cum diversæ causæ non possint eandem actionem profunderè non diversâ, quia diversarum actionum non potest idem esse terminus. Respondeo Deum & causam secundam influere eadem actione, diversimodè spectata. Nec refert quod diversâ sint agentia, cum enim vnum alteri sit essentialiter subordinatum, eadem realis actio ab utroque profuere potest; ut eadem scriptio à manu, & à calamo.

Obiicies 2. causa secunda habet vim agendi effectui adequatam, ut cum ignis producat ignem, homo hominem, ergo non indiget ad agendum consortio primæ causæ; sequela patet, quia tunc tantum causa indiget auxilio alterius concause, cum non habet sola vim adequatam effectui; ut cum duo equi simul iunguntur ad trahendum pondus, quod neuter seorsim tollere potest. Respondeo ad antecedens, causam secundam habere vim adequatam in suo genere; unde negatur consequentia, quia etsi inde sequatur eam non in-



digere conſortio alterius cauſæ creatæ ad agendum, non tamen ſequitur non indigere influxu primæ cauſæ. Et ad probationem dicimus, rursus tantum cauſam creatam indigere auxilio alterius concauſæ creatæ, quando non habet vim adequatam effectui: indigere tamen conſortio diuino, etiamſi talem vim habeat; quia cùm eſſentialiter ſit primæ cauſæ ſubordinata, nihil ſine illa operari poſteſt.

Obiicit 3. illud amplectendum eſt quod maiorem dicit in Deo perfectionem; ac ſententia quæ docet Deum poſſe tribuere cauſis creatis vim agendi ſe ſolis, maiorem ponit in Deo perfectionem, ergo illa ſententia amplectenda eſt. Reſpondeo 1. quauis hoc totum gratis concederetur, inde non eſſe conſequens Deum de facto non concurrere ad operationes cauſarum ſecundarum: cùm non ſit neceſſe vt Deus ſemper faciat quidquid maiorem in illo arguit perfectionem, vt vel ex eo manifeſtum eſt, quòd alios mundos longè iſto perfectiores creare potuerit, vt fateantur omnes Theologi.

Reſpondeo 2. minorem negandam eſſe; nam ſicut non eſſet maioris perfectionis in Deo, quòd creatura poſſet ſine illo exiſtere, ita nec quòd poſſet independēter ab illo operari. Imò hinc valde minueretur abſolutum illud dominium quòd Deus habet in res omnes creatas.

Obiicit 4. Deus concurrit immediatè ad omnes actiones creaturarum, ergo & ad actus malos creature rationalis; ac hoc abſurdum eſt, quia alius Deus eſſet auctor peccati. Reſpondeo negando minorem, & ad probationem illius dicimus, ideo Deum non eſſe cauſam peccati, quia non impellit ad illud, & ex

modo quo concurrat ad illius entitatem, ea non habet rationem peccati: exhibet enim tantum concursum quem exmanere primæ causæ concedere tenetur, quoties homo ad malum propria sponte & libere deflexerit, ut latius diximus in variis tractatibus Theologicis, & iterum in Idea Ethicæ inculcabitur.

Dico 2. Deum non præmanere causas naturales ad agendum influxum quendam reali & Physico in ipsi recepto. Ita omnes communiter Contra recentiores Thomistas. Probatur 1. quia talis præmotio est superflua: cum enim causæ secundæ sint sufficienter constitutæ, & determinatæ in actu primo ad agendum per vires naturales effectui proportionatas, nihil aliud expectant à Deo ad operandum, quàm influxum simultaneum quo cum illis intimè concurrat ad earum operationes. Et sanè per se ridiculum est existimare, ignem v. c. qui ex natura sua calidissimus est, adeoque ut sic intrinsecè determinatissimus, ut ita loquar, ad producendum calorem, & ignem in subiecto apto, indigere motione aliqua Dei in eo recepta, qua præmoneatur & prædeterminetur ad comburendam stupam debitè sibi approximata.

Probatur 2. quia intelligi non potest quid sit illa entitas quæ ponitur in causis secundis, præviæ ad earum operationes: vel enim est actus primus, vel actus secundus, non enim datur medium; at non est actus secundus seu actio, cum potius detur ad actionem elicendam, adeoque tanquam quid ab illa distinctum. Neque etiam actus primus, quia actus primus nihil est aliud quam vis agendi, seu potentia quædam ad agendum necessaria, quæ nequit esse quantitas, nec relatio, nec vlla

alia entitas realis præter quantitatem aliquam essentialiam ab actione realiter distinctam. At eiusmodi qualitas, aut quæcumque sit alia virtus, cum sit creatura, non magis potest agere sine præmotione Dei, quam ignis, & alia agentia creata. Vnde de hac illius præmotione iterum inquireretur, an sit actus primus, vel secundus. Neque res in infinitum abibit. Quod ut caueatur, omnis præmotio ab agentibus naturalibus ableganda est, satendûmque concursus Dei simultaneum ad eorum actiones sufficere.

Neque dicas non esse parem rationem in præmotione, ac in qualitatibus rerum naturalium; quia cum sit actualis præmotio, non indiget alia præmotione, qualitates verò rerum naturalium cum non sint præmotiones, indigent præmotione. Hoc enim est ludere verbis, quia quod qualitas illa dicatur præmotio, id non impedit quin sit virtus aliqua agendi creata, quæ necessario & essentialiter debet pendere ab influxu causæ primæ ut agat, sicut negari non potest quia ab ea pendeat ut sit; eo modo quo ex mente Auerlariorum, impulsus ille quo lapis ex communi sententia, mouetur sursum, pendet ab influxu Dei, etsi sit quædam actualis præmotio.

Probatür 3. nam si præmotio illa requiritur in causis necessariis, ob dependentiam quam habent à prima causa, ea etiam poni debet in causis liberis ad omnes earum operationes; cum hæ non minus pendeant à causa prima quam operationes agentium naturalium. At hoc sane dici non potest, quia etsi in actibus bonis vulgo ab omnibus concedatur aliqua præmotio quæ quoad entitatem sit realis & Physica, eam tamen in actibus prauis admit-

tere nefas putamus; cum impossibile sit concipere Deum non esse proprie, directe, & primario causam peccati, si voluntatem creatam præmouet ad illius entitatem, ut sæpe obseruauimus, maxime in Suanis concordia disput. 2. sect. 6. & 7.

Obiicies 1. causa secunda non mouet nisi mota à prima ex 7 & 8. Physicorum. Ergo requiritur præmotio ex parte Dei ad singulas actiones creaturarum. Respondeo antecedens nihil aliud significare quam causas secundas non agere nisi dependenter à prima, ad quod sufficit concursus simultaneus. Et quamuis ex mente Arist. aliquid præuium in causis ipsis receptum admittendum esset, sufficeret virtus agendi us indita, ut ex eo patet quòd ex sententia illius, grana & leuia dicuntur moueri à suis progenitoribus; non quòd præmotionem aliquam ab eis recipiant, quoties in propria loca tendunt: sed quia vim se ad propria loca mouendi ab eis puncto generationis acceperunt.

Obiicies 2. creaturæ magis dependent à Deo quoad modum agendi, quàm instrumenta ab artifice; at hæc indigent præmotione ad agendum, ut patet in penicillo, calamo, serra, &c. Ergo & illæ. Respondeo maiorem falsam esse in sensu arguentium, cum enim causæ secundæ non sint proprie instrumenta Dei, eò quòd habent vires proportionatas effectibus quos producant, non est necesse ut quoad modum agendi, magis vel æque dependeant à Deo quàm instrumenta ab artifice. Quare etsi instrumenta præmoucantur ad agendum, non sequitur quòd etiam ipse à Deo promoueri debeant. Et sanè absurdum est existimare ignem, qui ex naturali impetu tendit ad gene-

rationem ignis, lapidem quod intus esse incalidum ad notum diorsum. Ergo per promotionem Dei ad actus secundos tantopere connaturalis, ac indiget instrumentum promotionis artificis, ad opus ad quod nullam habet propensionem naturalem.

Obiicies 3. si causæ secundæ agerent sine prævia Dei motione, iam non agerent ut causæ secundæ; sed ut primæ; a hoc repugnat, ergo & illud. Respondeo maiorem falsam esse, quod enim quod agit dependenter ab alio, non agit ut prima causa, etsi in se nihil recipiat: at causæ secundæ agunt dependenter à Deo: cum sine intimo illius influxu operari non possint; ergo non agunt ut causæ primæ, sed ut secundæ. Confirmatur ad hominem, nam hinc sequeretur qualitatem promouentem quam Aduersarij constituunt, esse causam primam, cum non agat dependenter ab alia promotione.

Obiicies 4. actus secundus est nobilior primo, ergo non potest causa se reducere ab actu primo ad secundum, nisi per nouam entitatem qua de nouo actuetur & perficiatur. Sequela perspicua videtur: antecedens ostenditur, quia actus primus includit aliquam potentiam quam actus secundus non dicit. Respondeo 1. negando antecedens, & ad illius probationem dico, actum primum includere potentiam effectiuam actus, quæ absolute actu perfectior est, ut intellectus intellectione, visus visione, &c. Respondeo 2. antecedente gratis admissio, negando consequentiam nam entitas illa de nouo adueniens esset quidem actus primus, qui etiam esset ignobilior actu secundo, ac proinde egeret noua actiualitate ad eum eliciendum, sicque

res in infinitum abiret. Quare et si causa secunda esset simpliciter imperfectior actione, non oporteret in ea fingere aliquam præmotionem; sed sufficeret concursus Dei ad actionem intrinsecus, modo antè dicto.

#### ARTICVLVS IV.

##### *De causa determinationis effectuum.*

**P**æramoneo 1. varias esse causas quæ possunt ex se producere plures effectus diuersæ speciei, vt capite precedenti ostendimus. Dubitatur autem vnde oriatur quòd eiusmodi causæ producant potiùs effectum huius quàm illius speciei.

Pæramoneo 2. cum quælibet causa quæ potest producere effectum certæ speciei, possit plures numero effectus producere, dubitari vnde oriatur quòd hic numero effectus potiùs quàm ille, ab ea producat; cur v. c. ignis hunc numero ignem producat potiùs quàm alium, quem æquè potest ex se producere, & qui in virtute illius continetur.

Respondeo & dico 1. *Non esse recurrendum ad causam primam, vt reddatur ratio quare causa secunda habeant potiùs effectum vnius speciei quàm alterius.* Probatum manifestè, nam in primis materia cum ex se possit recipere omnes formas; ad talem specie determinatur ab agente, & à dispositionibus præuiis quarum vi ex illa educitur; vt ab igne ad concipiendam formam ignis, ab animali ad recipiendam formam animalis, &c.

Deinde quare sol potiùs producat ex putri materia ranam, quàm murem, causa huius  
rei

rei sumitur ex parte materię, quę disposita est ad formam rancę, non muris. sicut etiam eadem causa determinatur ab equo ad producendam equum, & leone ad leonem generando. Quod dictum sit, supponendo communem sententiam alibi expendendam, de productione eiusmodi effectuum à sole.

Rursus ex occurſu obiectorum oritur quòd fiat actus vitalis huius aut illius speciei; vt occurſus obiecti visibilis, vel audibilis est causa quòd homo videar vel audiar: siquidem non potest exerceri nisi visio circa obiectum visibile, nec nisi auditio circa audibile. Ex quibus sufficienter colligitur determinationem effectus quoad speciem, à rebus creatis accipiendam esse, neque in Deum refundi debere. Maxime quia Deus paratus est ad concurrendum ad hunc vel illum specie effectum, iuxta causę secundę exigentiã; sed maior est difficultas de determinatione effectus quoad individuum: pro quo

Dico 2. *Neque etiam quoad hoc ad Deum recurrendum est.* Probatnr 1. quia si Deus me determinat ad hunc numero actũ amoris, non sum liber in eo eliciendo; sequela patet: nam quę ratio est cur cùm non sim liber ad speciem actus, si Deus me ad illam determinat, vt ij fatentur qui specie actus in Deum refundere non audent, sum tamen liber ad illius individuationē, ex hypnthesi quòd Deus ad illã me determinet? utrobique sanè est paritas. At nonne absurdum est affirmare hunc numero actum non esse mihi liberũ, cùm hinc apertè sequatur me nihil agere libere, eo quòd omnis actus qui fit est talis numero: sequatur etiam me non magis mereri vel demereri per actum quem elicio, quàm per illum quem nunquam eliciam?

Metaph.

L

Probatur 2. refellendo modum quo talis determinatio fieri dicitur; qui enim eam admittit, docent Deum videndo causam secundam esse veluti in proximo ad eliciendum actum certæ speciei, & aliunde esse indifferentem ad hunc vel illum numero actum intra illam speciem, determinare efficaciter talem concursum in individuum potius quam alium. At profectò modus iste non caret difficultate, tum quia cum gradus specificus non sit quid distinctum à numero, nisi per nostros conceptus, ut iidem auctores sentiant; non potest intelligi quòd causa secunda sit determinata ad speciem actus, & non ad individuum illius, aut quòd Deus qui res cognoscit ut sunt, vnam rationem videat sine alia. Tum quia cum non fiat actus nisi singularis, non potest Deus determinare ad individuationem actus, quin simul determinet ad illius exercitium, adeoque quin tollat libertatem exercitij.

Confirmatur: nam etsi gratis concedatur Deum videre causam secundam velut in proximo ad agendum modo dicto, nondum tamen videt eam actu agere; cumque in eo instanti decetuat eam determinare ad individuationem actus, hinc manifestè sequitur eiusmodi determinationem precedere exercitium actus, sicque usum libertatis tollere; cum ea determinatione posita, nō possit actus non fieri,

Probatur 3. nam quamvis opinio nostræ opposita minimè noceret libertati, adhuc tamen non satis videretur consentanea divinæ sanctitati: quia si Deus voluntatem peccatoris determinat ad individuationem actus, sequitur aperte Deum esse causam primariam & directam talis numero peccati, imò omnium peccatorum quæ fiunt, cum nullum fiat peccatum, nisi in indi-



viduo. Hoc autem, ut verum faciat nobis probati non potest. Et sane quis credat valde consentaneum esse diuinę bonitati, & muneri primę causę, ut cum quis paratus est ad patrandum adulterium, Deus illum determinet ad peccandum cum hac foemina; & similiter quando quis iaculatur sagittam, Deus eam dirigat ut non hostem, sed amicum, vel parentem iaculatoris interficiat?

Dico 3. *Quid talis actus in indiuiduo fiat potius quam alius, id ex variis circumstantiis repetendum esse.* Sequitur ex dictis; nam cum ea determinatio non possit sumi à Deo, ut ostensum est, oportet ut ex circumstantiis petatur; cum nihil aliud super sit unde sumi possit.

Confirmatur: nam quod ignis producat hunc numero calorem, hoc ex eo commodè peti potest, quod operetur tali loco, & tempore, & maxime circa tale subiectum eo modo dispositum, alium producturus si in aliis circumstantiis, & circa aliam materiam operatus esset. Cum enim ista iuuent ad productionem caloris non video cur non etiam possint iuuare ad productionem talis caloris: cum non producat calor nisi indiuiduo, & ratio specifica caloris non distinguatur a numerica, ut dictum est.

Quod rursus suadetur; quia omnes concedunt eundem numero effectum semel productum non posse iterum naturaliter produci. Hoc autem vix potest defendi in sententia quam impugnamus, quia iuxta illam productio indiuidui à solo Deo dependet; at nemo negat quin possit Deus eundem numero effectum reproducere. In sententia vero nostra sufficiens causa illius impossibilitatis traditur, quia tot circumstantiæ occurrunt ad productionem

talibus individui, ut ex omnes simul nunquam alius contingere possint: quo fit ut reproductio eiusdem effectus sit naturaliter impossibilis.



## C A P V T VII.

De causa finali, & quibusdam  
causis minùs propriis.

### A R T I C V L V S P R I M V S.

*De ijs quæ spectant ad causam finalem.*

**Q**uaritur 1. an finis sit causa vera & realis. Respondeo 1. si strictè loqui hac in re velimus, finem non videri dicendum causam physicam & realem. Quia cum non existat realiter quando causat, non potest per se habere influxum realem & physicum: at illa non est propriè causa physica & realis, quæ per se non habet influxum realem & physicum. Confirmatur exemplo aliarum causarum, quæ ideo vocantur causæ reales & physicae, quia per se realiter influunt in effectum, quolibet in suo genere.

Respondeo 2. non propterea tamen recedendum à communi sententia quæ finem ponit inter causas veras & reales; tum quia Aristoteles assignat quatuor genera causarum, haud dubiè realium & physicarum, in quibus est finis; tum quia ea potest dici causa realis, quæ quovis modo habet actum causandi realem, esto entitatiuè seu materialiter non sit ens reale: at finis habet actum causandi realem, quatenus efficiens realiter operatur propter

finem, & ex mouione finis, vt ex postea dicendis clariùs intelligetur. Tum quia ea est vera causa & realis à qua effectus verè & citra mentis operam dependet: at effectus dependet hoc modo à fine, cum finis sit *id cuius gratia aliquid fit*, ex 2. physic. cap. 3. tex. 29. vt sumptio medicinæ reipsa dependet à sanitate sperata.

Quæritur 2. an finis causet secundum esse reale, an vero secundum esse intentionale. Respondeo causare secundum esse reale; probatur; nam finis causat secundum illud esse quod agens vult obtinere, at agens non vult obtinere esse finis intentionale; sed esse illius reale: ergo finis causat secundum esse reale. Major perspicua est in ægroto qui non mouetur à sanitate, ad sumendam portionem, nisi secundum illud esse quod per portionem assequi intendit. Minor etiam est manifesta in eodem ægroto, qui per sumptionem medicinæ non intendit assequi esse intentionale sanitatis, seu cognitionem sanitatis, cum illam iam habeat; sed ipsam sanitatem realem. Quare sanitas eum mouet secundum esse reale, non secundum esse intentionale.

Confirmatur, quia finis mouet secundum illud esse quo obtento agens conquiescit, & censetur finem intentum consecutus: at ægrotus non quiescit, obtenta sanitate, secundum suum esse intentionale, seu obtenta cognitione sanitatis; sed ea obtenta secundum esse reale, neque aliàs finem suum consequutus censetur; ergo finis mouet secundum suum esse reale, non secundum intentionale.

Obiicies 1. agens mouetur à fine ad consecutionem illius secundum entitatem realem, quo ipso realis entitas finis est effectus non modo cause efficientis, sed etiam finalis.

L. iij

Ergo si finis secundum idem suum esse reale mouet agens, sequitur finem esse causam & effectum in ipso secundum suam entitatem realem. Respondeo id verum esse sub diuersa consideratione, qua ratione absurdum nemini videri debet: entitas enim sanitatis vt futura & absens, mouet ægrotum ad sumendam potionem tanquam medium necessarium quocandem illam sanitatis entitatem producat, & realiter præsentem exhibeat.

Obiicies 2. nihil causat nisi secundum esse quod habet, dum causat; at finis dum causat, nullum habet esse præter intentionale: ergo causat tantum secundum esse intentionale. Respondeo maiorem falsam esse in causa finali, quia cum causet agens mouendo ad sui productionem, necesse est vt moueat antequam sit actus, adeoque secundum esse quod non habet: quare sufficit quod illius esse sit futurum. Imo etsi futurum nunquam sit, mouere potest dummodo speretur futurum; vt patet in ægrotò qui mouetur ad pharmaca sumenda à nunquam obtinenda sanitate.

Obiicies 3. intellectus mouet voluntatem per modum finis, ex S. Thoma 1. p. q. 82. art. 4. id est finis vt cognitus mouet voluntatem; adeoque secundum esse intentionale, non secundum esse reale. Respondeo negando consequentiam, intellectus enim mouet voluntatem per modum finis, quatenus ostendit illi bonitatem obiecti à qua ad amandum allicitur. Vnde tantum sequitur cognitionem finis esse conditionem necessariam vt causet, non autem esse id quod causat, seu quod mouet agens ad operandum.

Queritur 3. quomplex sit causalitas finis, & qua in se constituenda sit.

Respondco & dico 1. *Duplicem assignari posse finis causalitatem, aliam in actu primo, aliam in actu secundo.* Prior causalitas nihil est aliud quam ratio illa motiua qua finis potest agens impellere ad agendam, seu bonitas finis; vt in sanitate causalitas in actu primo est id quo sanitas potest egrotum mouere ad sumendam potionem amaram, id est bonitas ipsius sanitatis: sic enim finis constituitur in actu primo potens ad causandum in suo genere, seu ad mouendum efficiens vt illius gratia operetur.

Posterior verò causalitas seu actualis causalitas consistit in ea motione qua finis de facto monet agens ad operandum: hac enim motione posita, finis concipitur iam vt actu causans suum effectum; v. c. sanitas est actu causa finalis respectu egroti, cum illum actu mouet ad sumendam potionem, vel ad eam optandam.

Obiicies. Deus est finis beatorum, nec tamen eos mouet ad operandum, cum ipsum possideant. Respondco 1. quod iam dictum est de motione finis, debere praesertim intelligi de fine absente & obtinendo; ille enim propriè mouet & trahit ad sui assecutionem. 2. id etiam aliquatenus competere Deo respectu beatorum; quia illos continuo mouet & excitat ad actus beatificos, per quos ab eis possidetur.

Dico 2. *Actualem causalitatem finis non esse quid reahiter distictum ab actione agentis qua fit propter ipsum.* Probatnr: quia actualis causalitas finis est id quo agens mouetur ad agendum; at agens non mouetur ad agendum nisi quatenus actionem elicit; ergo actio agentis est ipsa causalitas finis.

Confirmatur nam qui quid finxeris ex parte finis ante operationem agentis, certè in eo prioriterum erit ducere nihil fieri propter finem;

ergo verum erit finem actu nondum causare : non enim intelligitur finis causare, nisi quatenus aliquid fit illius gratiâ. Contra verò statim atque agens operatur, concipis aliquid fieri propter finem, & finem actu causare. Quare omnino dicendum est actualem finis causalitatem non esse quid realiter distinctum ab operatione agentis, quæ sit propter illam.

Nec refert quod dici solet, finem esse causam primam per quam mouetur agens ad operandum; hoc enim verum est iuxta conceptum nostrum, quia cum agens non operetur nisi propter finem, causalitas finis videtur prior causalitate agentis; cum tamen à parte rei sit vnicâ & eadem, sub diuersa ratione. Eadem quippe actio qua agrotus operatur sanitatem, est efficiens à voluntate agroti, & motiue à bonitate sanitatis per intellectum ei representatâ.

## ARTICVLVS II.

### *De causa instrumentali.*

**P**remoneo 1. omnem causam alteri vt principali subordinatam posse dici aliquo modo instrumentalem, vt sunt dispositiones respectu materiæ, & fines intermedij respectu vltimi; sumi vero magis propriè instrumentum pro causâ alteri subordinata in genere causæ efficientis, quo modo calor est instrumentum ignis ad generandum alium ignem.

Premoneo 2. instrumenti sic sumptum assumi ad attingendum efficienter effectû vires illius superantē, & causæ principali proportionatum; vt manifestum est in exemplo alla-

to caloris, qui cum sit accidentis, assumitur ad productionem substantiae ignis, ut supra diximus. His positis

Queritur 1. an sit de ratione instrumenti, ut non moueat nisi motum à causa principali per aliquid reale in eo receptum. Respondeo negatiue, ex communi sententia, contra Thomistas; uam etsi id interdum ita fiat, nempe in instrumentis artis, ut cum pictor mouet penicillum ad pingendum; non tamen generatum est necessarium ad rationem instrumenti, ut patet, quia ignis per calorem, ut per naturale instrumentum, producit ignem, neque probabiliter dici potest ignem calori imprimere aliquam motionem, qua eum eleuet ad producendum ignem. Eò vel maxime quia cum calor sit per se naturalis virtus ignis, sufficienter est proportionatus in suo genere ad producendam formam ignis, & quauis alia virtus ad hoc est superflua: alioqui pari iure dici posset ad hanc virtutem prerequisite aliam, & sic in infinitum.

Confirmatur: nam non raro instrumentum operatur, causa principali non existente, à qua proinde moueri non potest, ut cum mortuo animali, generatur fetus ex semine ab illo deciso. Potest etiam ignis extinguì paulò antequàm alius generetur per dispositiones in subiecto aliquo ab eo productas; quo casu calor ignem generans ab igne extincto realiter moueri non potest, ut perspicuum est.

Obiicies 1. instrumentum non agit nisi ut eleuatum à causa principali; at non potest eleuari nisi in se motionem aliquam virtuosam recipiat. Respondeo 1. hoc argumentum non satis coherere cum sententia communi Thomistarum qua censent substantiam non esse

per se immediatè operatiuam ; illa enim motio instrumenti ab ipsa substantia causæ principalis immediatè profluere debet.

Respondeo 2. Instrumentum eleuari ad aliud nihil esse quàm agere in virtute causæ principalis, & hoc sumi intransiuiuè, vt sensus sit, instrumentum esse virtutem causæ principalis per quâ effectus sibi proportionatos producit.

Obicies 2. Instrumenta artis indigent præua motione, cur non & alia? Respondeo esse manifestum discrimen, nam serra v. c. nullam ex se habet vim effectiuam ad scindendum lignum, adeo vt etiam dum actu concurrit ad scissionem, non tam videatur se habere efficienter ad illam, quàm subiectiuè, nempe sustentando impulsu agentis à quo fit scissio. Quare mirum non est quod eiusmodi instrumenta disticta assumi debeant, & moueri ab artifice ad effectus artis producendos. Calor verò est virtus naturalis ignis, quæ habet vim intrinsecam adequatam & principalem ad producendum calorem sibi similem, inadequatam vero & instrumentalem ad producendum ignem.

Queritur 2. An instrumentum necessario debeat habere aliquam operationem propriam, antecedenter ad eam quam elicit virtute causæ principalis.

Respondeo negatiuè, ex communi sententia, contra eorundem auctores, qui entia & motiones multiplicant sine necessitate. Probat, nam quamuis in causa instrumentali proprie dicta admittenda sit vis quædam & aptitudo ad effectum producendum, non tamen apparet cur debeat habere actionem aliquam propriam, quæ antecedit actionem qua operatur vt instrumentum; cum neque in ca-



## LIBER SECVNDVS. 277

Jore quo producitur ignis ; neque in plectro & alius instrumentis duplex illa actio distingui possit. Et scilicet quæritur est alia actio caloris magis propria quàm caliditas ? at hæc ipsa quoque est per quam disponitur subiectum ad productionem ignis , sicque calor elicit actionem illam ut instrumentum ignis.

Confirmatur exemplo instrumentorum artificialium , quæ non efficiunt aliquid proprium , antequam moueantur à causa principali : serra enim non habet effectum aliquem præuim ad scissionem , nec calamus ad scriptionem : tunc autem operantur ut instrumenta , cum non agant nisi mota à causa principali.

Vnde refelluntur qui dicunt duos hic esse distinguendos effectus , nempe in actione serræ scissionem , & formam cathedræ , vel scamni , & priorem effectum esse proprium serræ , posteriorem vero artificis. Cum enim serra non scindat , nisi moueatur ab agente principali , hinc perspicuum est eam non scindere nisi ut causam instrumentalem , & scissionem esse proprium effectum causa principalis , ex quo alius præcipue intentus reluit , nempe figuræ rei artefactæ.

### ARTICVLVS III.

*De causa exemplari seu ideali.*

**P**Ramoneo 1. Nomine exemplaris seu ideæ vulgo intelligi formam illam intellectualem , ad cuius similitudinē agens per intellectum intendit producere aliquem effectum externam. Quo sensu dicunt Theologi Deum

L vj

producere hominem iuxta ideam hominis, quam in mente habet; & constar pictorem effingere imaginem, iuxta illius exemplar quod mente concepit.

Praemonito 2. Exemplar seu ideam communiter definiri, *Firmam quam effectus imitatur ex intentione agentis intellectualis*, quasi diceretur exemplar esse imaginem ad cuius similitudinem agens intellectuale intendit producere effectum. Verum ut hoc clarius percipiatur, duæ difficultates proponendæ sunt.

Queritur 1. in quo propriè consistat ratio ideæ seu exemplaris, an in conceptu formali qui aliud nihil est quam actualis intellectio, seu formalis representatio rei faciendæ; an verò in conceptu obiectiuo, seu in obiecto cognito & per actualem cognitionem representato, quod dicitur esse obiectivè in mente. Quod si dicatur ideam esse conceptum obiectivum, dubitatur rursus an id intelligatur de ipso opere faciendo, an autem de quodam alio obiecto ad cuius imitationem opus faciendum sit.

Respondeo & dico 1. *Præterea quæstionem magis videri de nomine, quam de re.* Cum enim omnes admittant duos illos conceptus in agente intellectuali, tota dubitatio eo voluitur, cuiusnam ex illis nomen ideæ seu exemplaris potius tribuendum sit.

Et forte ad conciliandas sententias oppositas, congruentius dicemus duplicem admittendam esse ideam, aliam formalem, aliam obiectivam. Siquidè effectus producitur tum ad similitudinem conceptus formalis, non quoad esse, sed quoad representationem; quatenus opus eo modo fit quo per actualem cognitionem & speciè expressam representatur: tum ad similitudinem conceptus obiectivi; quia artifex

intendit assimilare opus obiecto quod illius menti obuersatur.

Patendum tamen ideam seu exemplar magis proprie sumi hoc posteriori modo; quia nomine exemplaris solet intelligi obiectum aliquod, ad quod respiciens artifex conatur effingere opus illi simile; ut cum pictor intuendo imaginem Regis, aliam ei similem efformat. Hocque videtur magis consentaneum scripturæ, cum ait Exod. 25. *Intue & fac secundum exemplar quod tibi in monte monstratum est.* Ut autem satisfiat posteriori difficultati,

Dico 2. *Exemplar non esse obiectum ipsum quod faciendum est; sed aliud ad cuius imitationem fieri debet.* Probat 1. nam cum pictor intuens Regem, effingit imaginem illius, dici non potest illius exemplar esse imaginem quam pingit; sed Regem ipsum ad cuius imitationem effingere conatur imaginem.

Confirmatur: nam opus censetur rectè factū, quando est conforme suo exemplari; at imago regis non censetur rectè facta eo quod est sibi conformis, sic enim nullus artifex in effigendo suo opere errare posset; cum nullum opus quantumlibet imperfectum, possit non sibi esse plane consentaneum; sed quatenus ipsum Regem perfectè representat.

Probat 2. Nam si exemplar esset opus ipsum quod fieri debet, sequeretur ideas diuinas non esse intra Deum; sed in rebus ipsis ab eo creabilibus, quas proinde teneretur intueri, ut ad earum similitudinem istas procrearet. Hoc autem etsi à nonnullis admittatur, diuinæ perfectioni non sat. videtur consentaneum, adeoque à nobis reiectum est in Theol. spec. l. 1. c. 12. ubi ostendimus, ideas diuinas non esse res ipsas factibiles; sed essentiam Dei ut variè immutabilem à creaturis.

Quæritur 2. Ad quam causam exemplar reducendum sit. Respondeo videri reducendum ad causam efficientem. Ratio est, quia ita se habet idea operis ad artificem, sicut forma naturalis ad agens quod constituit, at hæc spectat proprie ad principium effectivum, ergo & illa ad idem principium reduci debet. Probatur maior: nam sicut agens naturale constituitur per formam, ita & agens artificiale per ideam; & sicut illud intendit producere effectum sibi similem quoad formam, ita & hoc quoad ideam; adeoque hæc spectat ad causam efficientem.

Confirmatur: nam ars est habitus effectivus per modum dirigentis & regulantis; ergo & idea, cum ad artem pertineat, ad causam effectivam reduci debet.

Obicies. Idea ut est præcisè quid imitabile ab ipso effectu artificioso, habet tantum rationem causæ formalis; esto quatenus est principium operandi in artifice, ad causam effectivam reduci debeat. Respondeo antecedens falsum esse, cum id quod non informat aliquid, neque est pars illius intrinseca; sed est omnino illi extrinsecum, nullo modo nisi abusive illius forma dici possit. Quod vero effectus fiat ad illius imitationem, id non sufficit ad rationem causæ formalis; quin potius spectat ad rationem causæ effectivæ, eo quod causa efficiens intendit producere effectum sibi similem.

Instabis, id quod tribuit speciem alicui est forma illius; atqui exemplar tribuit speciem effectui, ergo est forma illius. Respondeo distinguendo maiorem, quod tribuit speciem intrinsece concedo, extrinsece nego: at exemplar non tribuit speciem effectui priori modo; sed tantum posteriori, quatenus artifex

eo informatus producit effectum illi similem,  
adeoque in tali specie.

## ARTICVLVS IV.

*De casu, fortuna & fato.*

**Q**UÆRITUR 1. An & quid sit casus. Respon-  
deō per casum hic intelligi, *Effectum*  
*aliquem insolitum ex causa naturali, præter*  
*inclinationem illius erunt.* Quo sensu dari casum  
dubitari non potest, cum multa eo modo eue-  
niant, ut quando tegula decedens prætereun-  
tem lædit. Ille enim effectus est de raro con-  
tingentibus, & est præter inclinationem nati-  
vam tegulæ decedentis, aut venti eam impel-  
lentis; unde læsio illa est effectus per accidens,  
& casualis respectu tegulæ, & tegula est cau-  
sa per accedens illius læsionis.

Vbi nota effectum casualem reperiri in rebus  
respectu causarum creaturarum, non autem res-  
pectu Dei, ut diximus lib. 1. Theol. spec. c. 18.  
Quia etsi effectus aliquis possit subterfugere  
ordinem causæ particularis, non tamen causæ  
vniuersalis, quæ est Deus; cum nihil fiat nisi  
Deo præsciente & volente, aut saltem per-  
mittente. Unde multo minus casus admitten-  
dus est in iis quæ immediate à Deo sunt, quia  
cum Deus sit omniscius, & omnipotens, fieri  
nequit quod aliquid ab eo prodeat præter  
scientiam & intentionem suam. Quare cum  
Deus per se immediate mundum produxerit,  
repugnat quod mundus ex tortuoso atomorum  
concurſu factus fuerit: ut Democritus, & qui-  
dam alij veteres somniarunt.

QUÆRITUR 2. An, & quid sit fortuna. Respon-

deco per fortunam intelligi effectum rare contin-  
 gentem præter intentionem agentis : Quibus ver-  
 his 1. Ad ponitur discrimen inter fortunã & ca-  
 su. 2. Ali plerumq; pro eodem usurpatur, quod  
 casus præcipue spectat ad res naturales, intel-  
 lectu contingentes, fortuna vero ad intellectuales.

Quod autem fortuna eo sensu admittenda sit  
 nimis perspicuum est, cum multa hominibus  
 operantibus eueniant præter eorum intentio-  
 nem, vt si quis fodiens terram, thesaurum in-  
 ueniat. Illi enim fossioni, quæ est opus per se  
 intentum à fossore, adiungitur omnino per  
 accidens, & præter illius intentionem, thesau-  
 ri inuentio. Vnde hæc inuentio est effectus  
 fortuitus & fossor causa fortuita.

Vbi aduerte eos vulgò dici benè aut malè  
 fortunatos, quibus incogitantibus bona aut  
 mala eueniant. Verùm etiã effectus illi dicuntur  
 fortuiti respectu causarum secundarum, non  
 tamen respectu Dei, cum præter cognitionem  
 & dispositionem eius non eueniant. Quare in  
 illius providentiam dispensatio illa bonorum  
 aut malorum referenda est, non in Deam illam  
 fiditiam, quam antiqui fortunam appellarunt.

Queritur 3. An, & quid sit fatum. Respondeo  
 nomine fati ab antiquis Philosophis intelligi  
 causam aliquam casui & fortunæ omnino op-  
 positam, quæ scilicet res omnes fiant ex abso-  
 luta determinatione & necessitate, ita vt im-  
 possibile sit aliter euenire, adeoque tollatur  
 omnis effectuum non modo libertas, sed etiam  
 contingentia : vel certam aliquam dispositio-  
 nem & ordinem in causis rerum constitutum,  
 quo fiat vt omnia inuitabili necessitate eue-  
 niant. Hanc autem causarum ordinationem &  
 necessitatem alij in ipsarum naturam, alij in  
 influxus astrorum, alij in voluntatem Dei, vel

necessario, vel efficacissime operantem testebantur.

Verum hæc opinio ut veræ Philosophiæ, ac fidei opposita ab omnibus Catholicis communiter reuocatur, cum planè destruat libertatem hominis, & consequenter rationem omnem virtutis & viuij, meriti & demeriti, præmij & supplicij tollat. Pessimè etiam sentit de Deo, quatenus supponit eum agere ad extra, ex necessitate nature: si enim nos homunciones præditi sumus libertate ad agendum, vel non agendum, quæ sanè magna est perfectio, quanto magis Deus omnium creator, ensque absolutissime perfectum in omni genere, agendi vel non agendi libertate potitur? quæ de re aliquid diximus in Theol. specul. ubi de voluntate Dei. Ineptè quoq; supponit astra, cum sint agentia corporea, influere directè in voluntatem vestram quæ est potentia spiritualis, eamque ad vnâ partem immobiliter determinare, de quo in Idea Ethicæ aliquid fortè dicitur.

Quare fatum in eo sensu reiciendum est tanquam impium & hæreticum; admittendum verò si sumatur pro dispositione in rebus creatis à Deo posita, qua fit ut causæ naturales effectus suos naturaliter & necessario, causæ verò contingentes & liberæ effectus suos contingenter & liberè, infallibiliter tamen operentur. Cum enim res omnes creatæ subsistent providentiæ Dei, hæcque sit certa & immobilis, fatum eo sensu admittendum esse perspicuum est. Ne tamen detur occasio errandi, nomine providentiæ, aut voluntatis Dei, potius quàm fati utendum est.

CAPT VILL.

## De ente rationis.

## ARTICVLVS PRIMVS.

*De existentia, & natura entis rationis.*

**P**razmoneo I. cū Metaphysicā ager per se de ente reali, ad eam quoque īpestare agere de ente rationis, per reductionem ad ens reale; adeoque illius existentiam, naturam, & causas īvestigare, quod in hoc capite exequemur.

Præmoneo 2. Nōmine entis rationis non hic intelligi aliquid realiter existens in ratione seu intellectu, quomodo species intellectuales & scientiarum habitus dici possunt entia rationis; neque aliquid ab intellectu realiter productum, quomodo actus intellectus, & opera externa ex artis directione facta, entia rationis appellari possunt; sed aliquid quod existit tantum obiective in intellectu, ita ut nullam habeat vel habere possit realem existentiam extra intellectum, sed tantum habeat existentiam, quam vocant obiectivam, in ipso intellectu. Hoc enim propriè intelligitur nomine entis rationis, cum de eo sine alia declaratione agitur, siue in Metaphysica, siue in aliis scientiis. His præmissis,

Quæritur I. an detur ens rationis in sensu jam explicato. Respondeo affirmatiuè, ex communi omnium sententia, quæ in manifesta



experientia fundatur. Quod licet enim multa  
 entia rationis mente effugimus, quæ nullum  
 aliud esse habent quàm obiectiuum, vt cum  
 concipimus cæcitatem, tenebras, aliasque pri-  
 uationes in modum cuiusdam formæ realis  
 subiecto inexistētissimam. Metætas, & te-  
 nebræ suo modo rebus conueniant. tri men-  
 tis operationem, non tamen in ratione formæ  
 posituæ, vt ab intellectu concipiuntur. Con-  
 cipimus etiam Cerberum tripitem, hydram,  
 chimeram, aliæque impossibilia quæ nullum  
 habent esse præter obiectiuum in mente concip-  
 ientis.

Obiicies 1. quidquid est, debere prius esse  
 quàm cognosci, adeoque ens rationis nullo  
 modo esse, cum non sit antequam cognosca-  
 tur. Respondeo antecedens verum esse de eo  
 quod existit independentē à cognitione, non  
 autem de eo quod per cognitionem accipit  
 esse, quale est ens rationis.

Quod si iniques, omnem cognitionem sup-  
 ponere obiectum circa quod vertatur: Res-  
 pondeo id verum esse de obiecto per se, vel  
 per speciem sui ad cognitionem concurrente,  
 non autem de eo quod non cognoscitur nisi  
 per species alienas; fieri enim potest vt tale  
 obiectum non existat, nisi per operationem in-  
 tellectus eiusmodi species sic disponentis, vt  
 ex repræsentent tanquam existens aliquid  
 quod verè non existit, nec existere potest; vt  
 cum per species hirci & cerui concipit hirc-  
 ceruum, ad modum vnius animalis ex hircō &  
 ceruo compositi.

Obiicies 2. terminum cuiusque actionis rea-  
 lis debere esse realem, ac proinde ens rationis,  
 quod est terminus intellectus realis, esse  
 aliquid reale. Respondeo antecedens verum.

esse de termino intrinseco actionis realis & productivæ, quomodo per intellectionem producitur species expressa seu verbum mentis, quod est aliquid reale; non autem de termino illius extrinseco, quale est ens rationis per speciem illam expressum & repræsentatum. Ad eum modum quo terminus picturæ internus est realis, nempe imago à pictore efficta; at verò terminus externus potest esse non realis, & fictitius, ut cum pictor varia monstra impossibilia effingit.

Obicies 1. relatio rationis creatoris, Domini, & similes competunt Deo citra operationem intellectus, ergo saltem concedendum est aliqua entia rationis existere independentem ab intellectu cogitante. Respondeo falsò supponi Deum esse creatorem, & dominum per relationem rationis; illæ enim sunt potius denominationes reales extrinsecæ ex co-summptæ, quod Deus creaturas realiter produxit, & in eas summum habet imperium. Quod si fingatur Deum per relationem rationis referri ad creaturas, iam eò ipsò talis relatio constituitur per intellectum, cum nequeat esse relatio rationis, nisi per opus rationis.

Queritur 2. verum ens rationis sit aliquo modo in rebus, siue per operationem intellectus, siue independentem ab illa. Sententia communis est negativa, quæ ut clariùs intelligatur.

Respondeo & dico 1. *Ens rationis omnino pendere ab operatione intellectus, ita ut neque quoad essentiam, neque quoad existentiam sit independentem ab intellectu.* Ratio est, quia non modò de existentia; sed etiam de essentia entis rationis est ut pendeat ab intellectu: tum quia debet esse proportio inter essentiam quamcunque &

existentiam ad quam dicit ordinem; quare cum ens rationis pendeat ab intellectu, quoad existentiam, ab eo etiam pendere debet quoad essentiam. Tum quia si ens rationis non penderet ab intellectu, quoad suam essentiam, ut aliqui existimant, eatenus non esset ens rationis; sed verum ens reale, sicut est essentia hominis, vel equi nondum existentis; hoc autem communi Philosophorum sensui repugnat, & per se statim absurdum apparet.

Dico 2. *Ens rationis non esse in rebus extra intellectum: sed tantum in intellectu.* Probatum, nam si est in rebus, non est in illis nisi dependenter ab operatione intellectus, cum non nisi ab intellectu produci possit; at quod eo modo non sit in rebus inde patet, quia propter nostrum intelligere nihil ponitur in re, ut aiunt vulgo Philosophi; & per se ridiculum est existimare, quando concipimus Deum & Creatorem; ex vi talis conceptus Deo imprimi relationem rationis ad creaturas. Confirmatur: quia non potest intelligi quod ex vi intellectus nostri aliquid resultet in Deo, aliove subiecto, quin id sit forma aliqua realis, ut pote exigens subiectum reale cui inexistat.

Obiicies: vel ens rationis nullibi est, vel est subiectivè in intellectu aut in rebus; at primum dici non potest, quia cum ens rationis dicitur formari ab intellectu, alicubi esse debet secundum esse quod habet: non etiam secundum, quia ens rationis dicitur esse in intellectu obiectivè tantum; ergo tertium admitti debet. Respondeo ens rationis alicubi esse, non quidem subiectivè propriè loquendo, quia quod est in aliquo subiecto, est accidens reale; sed tantum obiectivè, nimirum in intellectu qui concipiendo chimeram quæ non

est, ac si esset, censetur illi tribuere quandam existentiam obiectiuam, quatenus illam sibi ut existentem obicit.

Ex quo patet, ens rationis non esse conceptum mentis à quo effingitur; sed obiectum illius. Nec refert quod nihil sit nisi per conceptum; inde enim non sequitur nihil esse præter conceptum; cum conceptus dicat actionem realem ab intellectu productam, & in eo subiectiue receptam, ens vero rationis sit obiectum eiusmodi actionis, à qua prouide distingui debet ut quid fictitium ab ente vero & reali.

Queritur 3. quid sit ens rationis. Respondeo esse obiectum ab intellectu effictum, seu non ens conceptum ab intellectu per modum entis. Patet ex dictis, ens siquidè rationis nullibi habet aut habere potest esse subiectiue; sed tantum potest representari intellectui, ac si verè existeret, adeoque potest tantum habere esse obiectiuum per intellectum. Vnde illud non est propriè ens rationis quod concipitur ut existens, etsi non existat, si verè possit existere: quia ut supra aduertimus, essentia rerum includantur intrà ambitum entis realis, etiam quandiu sunt in statu possibilitatis, seu antequam actu existant: requiritur ergo ad ens rationis propriè dictum ut aliter nō existat, nec existere possit quàm obiectiue in intellectu. Quò fit ut quando concipio Antichristum futurum, non effingam ens rationis; quia etsi Antichristus non sit actu in rerum natura, potest tamen realiter & extra intellectum existere, & obicitur meo intellectui secundum illud esse possibile à quo denominatur ens reale. Quare per accidens est respectu illius, quod ab intellectu concipiatur, cum tamen vice

versa, totum esse entis rationis ab intellectu essentialiter pendeat; quatenus nullum habet esse siue actuale, siue possibile in rerum natura, sed tantum esse obiectiuum per conceptionem intellectus.

## ARTICVLVS II.

*De causa efficiētia entis rationis.*

**Q**Varitur 1. a qua potentia fieri possit ens rationis. Quod vt intelligatur,

Notandum 1. hic non agi de ente rationis strictē sumpto, iuxta notionem vocabuli; cū enim ens rationis dicatur à ratione, & ratio ad solum intellectum spectet, hinc sequitur ens rationis in eo rigore vocabuli non posse fieri nisi ab intellectu. Dubitatur ergo an ens rationis late sumptum pro ente ficto, & distincto ab ente reali, possit effingi ab omnibus potentiis animæ; præsertim ab appetitu, & à sensibus: quod enim ab intellectu formari possit, in dubium minimè vocatur.

Notandum 2. cū inquirimus causam à qua ens rationis fit, non agi de causa effectiua propriè dicta; quia cū ens rationis non sit verum ens, non potest habere veram causam efficientem, neque propriè fieri. Debet ergo questio intelligi de causa efficiente impropria, quæ scilicet tribuat enti rationis illud esse obiectiuum quod habet; quibus prænotatis,

Respondeo & dico 1. *appetitum non facere propriè ens rationis.* Ratio est, quia ens rationis fit eò ipsò quo quod non est ens effingitur per modum entis; at talis fictio non potest cadere in appetitum, quia rem aliter effingere

quàm sit, non spectat nisi ad potentiam cognoscitivam; cum ea sola possit rem aliter concipere quàm sit, eique tribuere quoddam esse obiectivum quod a parte rei non habet.

Confirmatur: nam appetitus ex se est potentia cæca, quæ obiecta in quæ fertur, non fingit; sed eo modo illa amplectitur, quo ipsi ab intellectu vel phantasia representantur. Quare etsi voluntas feratur in rem aliquam aliter quàm sit, v. c. in obiectum tanquam bonum quod reuera bonum non est; illè error referri debet in intellectum, qui obiectum aliter representat quàm sit: non autem in voluntatem, quæ cum non sit facultas cognoscitiva, bonum à malo discernere non potest.

Dico 2. *nulum sensum sine externum, sine internum posse efficere ens rationis.* Probat, quia quamvis possint sensus obiecta percipere aliter quàm sunt, non tamen aliter quàm absolute esse possint, ut patet, nam si v. c. visus rem in aqua tanquam fractum percipit, non repugnat absolute quin re vera fractus sit; & si imaginatio montem aureum effingit, nil vetat quin mons aureus à Deo possit creari, id est ingens auri moles instar montis; at non proprie fingitur ens rationis, quando aliquid concipitur aliter quàm sit, si possit esse eo modo quo concipitur: nam alias concipiens res possibiles, ut rosam in hieme, efficere ens rationis, quod dici non potest; sed quando res concipitur aliter quàm sit, aut esse possit.

Quod si dicas chimeram posse effingi ab imaginatione, etsi nec sit realiter, nec esse possit. Respondeo chimeram effingi ab imaginatione quoad figuram tantum externam, quomodo esse potest; nil enim vetat quod

Deus

Deus producat animal aliquod. Il quod exet in tale fit quale ab imaginatione fingitur. Quare chimeta eo modo non est proprie ens rationis, sed quatenus effingitur tanquam quoddam animal substantialiter constans ex diuersis essentis, vt fingitur ab intellectu; quomodo neque est, neque esse potest.

Dico 3. *Solum intellectum efficere ens rationis, modo praedicto acceptum.* Sequitur ex resolutionibus praecedentibus, cum nulla alia illius causa veluti effectiua assignari possit. Hoc autem ita intellige, vt ens rationis non aliter fiat ab intellectu, quam per formalem conceptionem qua obiectiue representatur tanquam ens quod non est ens. In eo enim consistit ens rationis, quod sit obiectum à mente effectum; non potest autem effingi, nisi per actualementem cognitionem, ac proinde non alia est admittenda operatio intellectus qua producat ens rationis, quam illius intellectio. Ad maiorem autem horum intelligentiam,

Nota 1. ens rationis dupliciter posse ab intellectu cognosci, primo per cognitionem directam, vt cum concipio directè chimetam tanquam animal aliquod possibile, vel existens; secundò per cognitionem reflexam, cum scilicet cognosco me concipere chimetam. Ceterum ens rationis non fit proptiè per posteriorem cognitionem, quia potius tunc cognoscitur vt iam factum; sed per priorem.

Nota 2. à nonnullis dubitari, an per tres vulgares mentis operationes possint fabricari entia rationis: cui difficultati respondeo affirmatiue; quia per primam possum simpliciter apprehendere vt ens, quod ens non est; per secundam possum iudicare aliquid esse ens, quod non est ens, aut vice versa; per ter-

Metaph.

M

nam possum ex præmissis concludere aliquid sequi ex alio, quod verè ex eo non sequitur, adeoque his omnibus modis possum effingere entia rationis.

Nota 3. ens rationis duobus modis; & illas operationes fieri posse vel affirmatiue vel negatiue; affirmatiue tribuendo rei aliquid quod ei non conuenit, negatiue illi denegando aliquid quod ei verè & necessariò cõuenit: priori modo fingitur ens rationis, cum quis iudicat tenebras esse quandam nigredinem aëri affusam, posteriori vero cum quis existimat Deum non esse, vel hominem non esse animal.

Quæritur 2. an ens rationis ab intellectu siue diuino, siue Angelico fieri possit.

Respondeo & dico 1. *non posse fabricari ab intellectu diuino, & propriè loqui velimus.* Ratio est, quia nulla imperfectio cadit in Deum; at magna sana est imperfectio effingere ens rationis; ergo id Deo tribui non debet. Minor ostenditur, quia tunc fit ens rationis cum aliquid concipitur aliter quàm sit; at magna est imperfectio rem ita concipere: ergo modus ille concipiendi in Deum cadere nequit, ideoque nec fabricatio entis rationis.

Confirmatur: nam cum Deus infinita vi intelligendi polleat, non modo omnia cognoscit, sed etiam perfectè comprehendit quidquid ad eorum essentiam, proprietates, & alia adiuncta pertinet; quare non potest res aliter cognoscere quàm sint, & consequenter nullum ens rationis effingere potest.

Obiicies: Deus nouit ens rationis effectum ab intellectu humano, cum sciens & volens concurrat ad quæcunque illius cognitionem, ac proinde ignorare non possit quod ab illo cogitante effingitur; ergo etiam Deus facit ens



rationis : sequela patet , quia ens rationis fit eo ipso quo cognoscitur. Respondent aliqui negando antecedens: sed immerito, tum propter rationem iam allatam , tum quia cū sit imperfectionis res aliter cognoscere quā sit, magna tamen est perfectio, intelligere rem aliter cognosci ab alio quā sit; quia sic & cognitio fallā cognoscitur vt est , & obiectum per eam repræsentatum cognoscitur etiam vt est ; quod sanè non exiguam perfectionem indicat , ac proinde in Deo admitti debet.

Respondeo igitur 2. cum communi sententia, negando sequelam , & ad probationem illius dico, Deum non efficere ens rationis, et si illud cognoscat quod à nobis fingitur : quia ens rationis fit tantum per eam cognitionem qua fingitur , non autem per eam qua vt fictum agnoscitur, vt patet ex dictis. Hæc enim posterior cognitio cum sit vera, & nullam fictionem contineat, non potest esse entis rationis effectiua ; sed ea tantum qua fingitur per modum entis, quod non est ens , nec esse potest. Et in idem redit quod aliquid dicunt, ideo Deum non efficere ens rationis, quando à nobis effectum cognoscit , quia illud non cognoscit practice sed duntaxat speculative. Fateor tamen questionem istam magis ad modum loquendi spectare, quā ad rem ipsam.

Dico 2. *Angelum non posse fingere entia rationis quoad res naturales, quarum clarā & perfectam habet notitiam , posse tamen quoad res supernaturales.* Prior pars probatur, quia cū Angelus clarè & intuitivè penetret res omnes naturales , non potest falli in earum cognitione, ideoque non potest excipere per modum formæ positivæ, nec tenebras per modum

nigredinis percipere; sed singula cognoscit ut sunt à parte rei.

Posterior ostenditur: nam cum supernaturalia non sint nota Angelis sine peculiari Dei revelatione, dubium non est quin possint circa illa hallucinari, & aliter de rebus sentire quàm sint; quomodo deceptus est dæmon, iudicando Christum non esse Deum; sed merum hominem.

Idem dicitur communiter de futuris contingentibus, ab hominum nativa libertate pendentibus, cum possit Angelus existimare aliquid eiusmodi futurum, quod vere futurum non sit. Verùm hæc deceptio non sufficit nisi ad fingendum ens rationis improprie & late sumptum, quia si agatur de ente rationis strictè sumpto, quale antè descriptum fuit, non facile intelligitur illud ab Angelo fabricari posse; quia ut eiusmodi ens rationis ab illo fieret, necesse esset ut tanquam futurum iudicaret, quod neque unquam euenturum esset, neque euenire posset. At non satis constat Angelum posse eiusmodi assensum elicere, cum vires naturales humanæ libertatis perfectè penetret, adeoque sciat quidquid ab illa prodire potest; & aliunde in rebus non satis sibi perspectis præcipitem sententiam ferre non soleat, ut vulgò tradunt Theologi in tractatu de Angelis.

### ARTICVLVS III.

#### *De diuisionibus entis rationis.*

**E**NS rationis primò diuidi solet in fundatum & non fundatum; fundatum dicitur

illud quod fit cū aliquo fundamento in re, ut cū cæcitatem qua visus destruitur, concipimus per modum alicuius qualitatis noxiæ oculo inhærentis. Licet enim quod ita cæcitatem concipiamus, id oriatur ex imbecillitate nostri intellectus, eo tamen defectu posito, est etiam aliquod fundamentum ex parte rei seu subiecti, fingendi aliquam qualitatem in oculo, quæ verè in eo non est.

Non fundatum vero dicitur illud quod fit ex mera intellectus libertate, ut chimæra, hircoceruus, &c. nihil enim est in rebus quod tribuat occasionem intellectui coniungendi in vnam, duas aut tres naturas specie distinctas; & qua facilitate mens connectit vnam partem substantiæ cerui cū parte substantiæ hirci, eadem posset ex boue & equo, ex leone & asino monstrum aliquod compingere.

Eodem modo intellectus creditur facere ens rationis non fundatum, cū profert aliquam propositionem identicam, qualis est illa, Deus est Deus, quia nullum est fundamentum distinctionis, quàm inter attributum & subiectum talis propositionis constituit. Hinc autem trahi solet vulgaris distinctio rationis ratiocinatæ & rationis ratiocinantis, quarum prior dicitur quæ sit enim aliquo fundamento, posterior verò quæ fundamento destituitur. Verùm hæc doctrina attemperanda est iuxta superius à nobis dicta, de distinctione illa rationis ratiocinatæ, & rationis ratiocinantis.

Secundò, potest diuidi ens rationis in ens rationis primæ, & secundæ intentionis; ens rationis primæ intentionis est id quod per se primò effingitur, ut cū concipio hircoceruum: ens autem rationis secundæ intentionis est, id quod rei iam cognitæ affingitur, siue

res illa sit realis, ut cum dico in illa propositione, Petrus est homo, Petrum habere rationem subiecti; sine fictitia, ut cum dico, in illa propositione, chimera est animal, chimera esse subiectum. Quod enim Petrus & chimera induant rationem subiecti, id à parte rei nihil est; sed ab intellectu fingitur, ac si esset forma aliqua realis Petro ac chimera adueniens.

Atque hæc entia rationis secundæ intentionis fundata in præcedenti cognitione reali, frequenter usurpantur à Logicis, suntque valde utilis ad directionem trium mentis operationum; cum sine subiecto, prædicato, antecedente, consequente, genere, specie, aliisque notionibus Logicis à mente effectus, quæ in Logica tractantur, commodè intelligi, & ad praxim deduci non possint.

Tertio, ens rationis diuiditur à nonnullis in relationem, priuationem, & negationem; quod ut intelligatur aduerte 1. per relationem intelligi respectum quemdam rationis per mentem alicui rei affectum, respectu termini ad quem à parte rei nullo modo refertur; ut cum concipimus Deum quatenus creatorem, directe intrinsecè respectum quemdam ad creaturas; & parietem, quatenus visum refertur intrinsecè ad oculum videntis.

Aduerte 2. priuationem & negationem duobus modis accipi posse, primò ut sunt mera priuatio & negatio alicuius formæ, secundò ut concipiuntur ab intellectu per modum alienius formæ positivæ: hoc autem posteriori sensu dici entia rationis, non autem priori, cum sic rebus citra omnem mentis fictionem conveniant; ut cæcitas oculo, & negatio lapidis homini.

Aduerte 3. denominationes extrinsecas à nonnullis inter entia rationis constitui, & reduci ad relationem rationis; sed male, quia etsi possimus fingere aliquem respectum rationis in pariete viso, ad oculum videntem, & in Deo ad creaturas; sed etiam hoc respectu, & nemine cogitante, paties denominatur realiter visus, & Deus dicitur realiter creator. Quia etsi visio non sit nisi in oculo, sicque illam solum realiter denominet videntem; cum tamen realiter tendat ad parietem tanquam ad suum obiectum, hinc illum etiam realiter denominat visum, non quidem intrinsecè, cum ei non insit; sed extrinsecè. Et similiter licet creatio non sit in Deo, sed in creatura, sicque illam tantum denominet intrinsecè creatam; quia tamen realiter à Deo procedit, hinc fit vt illum denominet realiter, extrinsecè tamen creatorem; neque ad has denominationes opus est vlla fictione intellectus.





# LIBER III.

## DE SPECIEBUS primariis entis.

*Hoc tertio libro agendum est de principis & immediatis veluti speciebus entis, nimirum de substantia, & accidente: & consequenter de qualitate, relatione, aliisque accidentibus predicamentalibus, excepta quantitate, cuius consideratio commodius in Physicam reiciendâ videtur.*

### CAPVT PRIMVM.

De substantia secundum se.

#### ARTICVLVS PRIMVS.

*De quidditate substantiæ.*



Alij sunt dicendi modi de quidditate & essentia substantiæ, quod indicio est naturam substantiæ parùm Philosophis esse perspectam, & quæ de ea subiicimus parùm esse certa. Neque id mirum videri debet,

quia cum tota cognitio nostra pendeat à sensibus, & sensus non nisi accidentia percipiant, difficile est perspicue cognoscere quidnam sit illud ens insensibile, quod accidentibus subsistere concipimus. Eo vel maxime quia in vestiganda etiam natura ipsarum rerum sensibilibus plerumque circutimus, ut manifestum fiet ex toto decursu physice.

Communis sententia est, quidditatem substantiæ in eo consistere quod sit *ens per se existens*, id est independenter à subiecto inhaesionis; quomodo substantiæ definitio aptari potest omni substantiæ, & distinguit substantiam ab accidente; cum nulla sit substantia quæ subiecto inhaereat ad modum accidentis.

Hic autem queritur, an esse seu existere per se sit aliquid entitati substantiæ superadditum. Responsio communis est negativa: quia cum in eo constitui soleat essentialis ratio substantiæ, ut per se existat, hoc quod est existere per se non debet esse aliquid superadditum entitati substantiæ; sicut esse rationale non potest esse aliquid additum quidditati hominis.

Confirmatur: nam si esset aliquid superadditum, posset diuinitus separari à substantia, & ita substantia non existeret per se; & consequenter nihil impediret quin posset inhaerere alteri tanquam subiecto inhaesionis, ad modum accidentis, quod sane dici non potest.

Obiicies 1. esse in alio est modus superadditus accidenti; ergo & esse per se est modus superadditus substantiæ. Respondeo non sequi, & ratio discriminis à posteriori ex eo deprehendi potest, quia cum ex fide constet accidens posse actu separari à subiecto, hinc manifestum est esse in alio esse modum quemdam

distinctum ab entitate accidentis: at verò cum neque ex fine, neque aliunde sufficienter nobis constet, substantiam posse esse in alio, ut in subiecto inhaesionis, hinc merito concluditur modum essendi per se non distingui à substantia.

Obiicies 2. *existere per se nihil aliud esse quam subsistere, substantiam verò non subsistere per suam entitatem; sed per modumquemdam illi superadditum, ut patet in humanitate Christi quæ fuit priuata propria subsistentia.* Respondeo existentiam per se distingui à subsistentia, ut ex eo colligitur, quòd humanitas Christi non erat in Verbo ut in subiecto inhaesionis; sed tantum ut in termino à quo perficiebatur in ratione suppositi: quare etsi per propriam entitatem non subsisteret; sed per subsistentiam Verbi supplementem defectum subsistentiæ illius naturalis, vi tamen propria existeret per se.

Obiicies 3. *si substantia existit per seipsam sine ullo modo superaddito, sequitur eam existere per suam essentiam; at hoc repugnat; quia solus Deus est ens existens per suam essentiam.* Respondeo substantiam quamcunque existere per suam essentiam, ita ut non sit distinctio realis inter essentiam & existentiam substantiæ: Vnde Deus non tantum eo sensu est existens per suam essentiam; sed alio longè diverso qui nulli creaturæ competit, quatenus nempe non modo existentia Dei est idem cum essentia illius; sed etiam est de conceptu essentiae Dei quod actu existat; adeo ut nequeat concipi Deus, quin intelligatur actu existens. At verò etsi creaturæ existentia & essentia realiter non distinguantur, non tamen est de



eamm essentia quod existant; sed possunt adæquatè quoad totam essentiam concipi, abstrahendo ab actuali existentia, ut alibi observatum est.

Obiicies 4. idem est existere per se, ac non esse in alio; at non esse in alio negatio, quam Deus potest amovere à subiecto, adeoque efficere ut substantia non existat per se. Respondeo maiorem falsam esse; esse enim per se dicit modum positivum existendi independentem à subiecto inhaesionis. Cum enim substantia adæquatè sit ens reale & positivum, non potest ratio illius essentialis constitui per negationem; sed tantum per aliquid positivum, esto interdum à nobis alio modo declararetur, quia non percipimus res ut sunt, & de iis loquimur prout eas percipimus. Et quamvis daretur esse per se dicere negationem, inde non posset efficaciter colligi eam negationem posse à substantia tolli; quia etsi negationes quæ sequuntur aliquod accidens commune rei, possint ab illa auferri, non tamen quæ illius essentiam sequuntur; ut patet in negatione equi, lapidis; aliardmque rerum quæ ab essentia hominis tolli non potest; quia de ratione intrinseca hominis est ut non sit equus, nec lapis, &c.

## ARTICVLVS II.

*De subsistentia quæ competit substantia.*

**D**Vo hic quæri possunt, primò an substantia non modò per se existat; sed etiam subsistat. Secundò an subsistentia addat

aliquid positivum supra entitatem substantiæ.

Respondeo & dico 1. Negari non posse quin natura substantialis exigit ex se propriam subsistentiam, per quam dicatur ens subsistens. Probatur tum ex communi usu loquendi, omnes enim aliquo sensu agnoscunt subsistentiam in rebus, cum plerumque nominibus subsistentiæ, subsistentis, suppositi, hypostasis, personalitatis utantur; neque putent ea omnia esse vanas voces nihil significantes, ut nimis perspicuum est.

Tum quia in Deo ponuntur tres substantiæ, per quas tres personæ diviniæ constituuntur, ut fides docet; ergo cum etiam in creatis sint personæ, ab iis ratio subsistentiæ excludi non potest. Et idem dicendum de aliis substantiis, quibus ratio personæ non competit; quia cum personalitas nihil sit aliud, quam id quo natura intellectualis subsistit; cum etiam aliæ naturæ non intellectuales subsistant, negari non potest quin ratio subsistentiæ etiam iis competat.

Tum maximè quia ex fide constat, naturam humanam in Christo subsistere per subsistentiam Verbi; hinc autem Theologi colligunt humanitatem ex se esse capacem propriæ subsistentiæ, eamque naturaliter exigere; sed propter unionem ad Verbum fuisse in Christo divinitus impeditam. Ergo negari absolute non potest dari quandam subsistentiam in natura, per quam res subsistant. Quod si nonnullis substantiis id conceditur, nulla est ratio cur aliis denegetur, cum omnes ex se æqualiter postulent modum completum subsistendi, & habere rationem suppositi infra declarandam.

Dico 2. Subsistentiam esse modum quoddam

*positivum natura superadditum, & ab ea distin-*  
*ctum.* Probatur: nam vel subsistentia nihil ad-  
 dit supra naturam, vel aliquid addit; prius  
 repugnat fidei, quia si subsistentia nihil ad-  
 deret supra naturam, aperte sequeretur Ver-  
 bum, assumendo humanitatem in Incarnatio-  
 ne, assumpsisse etiam subsistentiam huma-  
 nam, cum totam & integram humanita-  
 tem assumpsisset; at de fide est Verbum non  
 assumpsisse subsistentiam naturæ humanæ;  
 quia cum subsistentia naturæ intellectu-  
 alis idem sit ac personalitas, sequeretur Ver-  
 bum assumpsisse personam humanam, sic-  
 que duas esse personas in Christo, quod Ne-  
 storianum & planè hæreticum est, ut dixi-  
 mus in Idea Theolog. Speculat. libro 2. cap.  
 11. Fateri ergo debemus necessariò subsisten-  
 tiam aliquid addere supra naturam, quid-  
 quid illud sit.

Rursus, si subsistentia dicit aliquid su-  
 pra naturam, vel illud distinguitur tan-  
 tum per rationem à natura, vel negativè  
 dumtaxat, vel modaliter; non tantum per  
 rationem; quia si natura & subsistentia sunt  
 idem realiter, fieri nequit, esto per ra-  
 tionem distinguantur, quod unio termine-  
 tur ad unam, & non terminetur ad aliam;  
 cum unio non se habeat ad modum in-  
 tellectus nostri qui potest per, conceptus  
 inadæquatos unum præscindere ab alio,  
 cum quo perfectè identificatur; sed phy-  
 sic attingat & coniungat rem, ut est in sei-  
 psa. Quare hinc sequeretur unionem Ver-  
 bi terminatam ad humanitatem Christi,  
 fuisse quoque terminatam reipsa ad illius  
 subsistentiam, sicque personam humanam  
 fuisse à Verbo assumptam simul cum humani-

tate; quod a fide Catholica alienum est.

Non etiam negativè duntaxat, tum quia si subsistentia nihil aliud esset formaliter quàm negatio unionis cum altero supposito, ut aliqui existimant, frustra à Concilio tanquam dogma fidei determinatum esset, humanitatem à Verbo assumptam carere propria subsistentia; cum intellectus terminis, vel ipso lumine naturæ perspicuum sit, naturam Verbo unitam non habere negationem unionis ad Verbum.

Tum quia subsistentia est complementum, terminus, & ultima perfectio naturæ; at ista non haberet si esset mera negatio existendi in alio supposito, ut per se notum videretur. Ergo dici non debet rationem formalem subsistentiæ in negatione consistere. Confirmatur; nam vel est in natura aliquod fundamentum talis negationis, vel nullum; at hoc posterius dici non potest, quia aliis non magis substantiæ tribui deberet subsistentia, quàm accidenti: posterius ergo verum est, adeoque in subsistentia est aliquid positivum ratione cuius illi competit negatio unionis cum alio, & hæc vocari debet subsistentia; siquidem non alio titulo res exigit non esse in alio supposito, nisi quia subsistit per se, seu per propriam subsistentiam.

Tum quia suppositum concipitur ab omnibus ut ens unum per se & unius naturæ; at natura constituitur in ratione suppositi per suam subsistentiam, quæ si esset negatio, perfectio non constitueret cum natura unum ens per se; sed unum tantum per accidens, ut perspicuum est: Ergo absolute negandum est subsistentiam formaliter in negatione consistere.

Vnde concludo subsistentiam esse modum quendam naturæ creatæ superadditum, & realiter ab ea distinctum, ita ut etsi non possit subsistentia existere sine natura, cum sit terminus illius intrinsecus, possit tamen natura diuinitus existere sine propria subsistentia; ut patet in humanitate Christi quæ per unionem ad Verbum propria subsistentia priuata fuit. Neque maior distinctio ponenda est inter naturam & subsistentiam, cum natura sine subsistentia sit integra in ratione naturæ, tantumque illi desit aliquod complementum connaturale, quod per entitatem quamdam modalem sufficienter habere potest; eo quod subsistentia nihil aliud est quam modus quidam quo substantia existit in se independenter ab alio supposito; sicut inherencia accidentis non distinguitur nisi modaliter ab accidente, eo quod dicit tantum modum quo quo accidens existit in alio.

Obiicies 1. non sunt multiplicandæ entitates sine necessitate; at nulla est necessitas ponendi in natura modum distinctum per quem subsistat, cum subsistere nihil sit aliud quam existere per se, & natura per seipsam existat per se, ut ante ostensum est.

Respondeo negando maiorem & illius probationem, quatenus existentiam per se cum subsistentia confundit. Natura enim potest existere per se seu independentet à subiecto inhesionis, etsi non subsistat per propriam subsistentiam: ut patet in humanitate Christi quæ per se existit eo modo, etsi careat propria subsistentia.

Vnde sequitur subsistentiam esse modum non tantum naturæ; sed etiam existentæ per se superadditam, cum ea possit separari;

quemadmodum inhærentia est modus ab accidenti distinctus, cum ab eo diiunctus separari possit.

Obiicies 2. Si substantia esset modus à natura distinctus, sequeretur Verbum non assumpsisse humanitatem integram & perfectam, itemque illius humanitatem perpetuò priuatam manere complemento suo connaturali, ac proinde esse in perpetuo statu violentiæ; quæ & similia admitti non debent. Respondeo ista non esse adeò absurda, quin aliquo sensu admitti possint; nam humanitas quidem non erat integra in ratione suppositi & personæ: quod necessario admittendum est, quia alias duæ essent personæ in Christo, ut dictum est; erat tamen integra in ratione naturæ, cum constaret perfecto corpore, & perfecta anima. Christi etiam humanitas aliquam videtur pati violentiam naturalem, quatenus impeditur ne propriam substantiam effundat; sicut anima rationalis violentiam pateretur, si diuinitus impediretur ne proprium intellectum ex se effunderet, & aqua si impediretur ne frigus ex se emitteret. Absolutè tamen dici potest humanitatem Christi non esse in statu violento, cum defectus propriæ substantiæ per Verbi substantiam infinito nobiliorem suppleatur.

Obiicies 3. Verbum diuinum supplet in Christo defectum substantiæ creatæ; at non potest supplere defectum modi, cum hoc dicat imperfectionem, ergo substantia non est modus; sed potius realitas distincta à natura.

Respondeo substantiam creatam duplicet se habere erga naturam quam afficit; eam enim modificat, & ultimo terminat,

reddendo incommunicabilem alteri supposito: inter hæc autem munera illud est discrimen, quod primum cum immisceat dat imperfectionem, à Verbo non potest suppleri, non enim fieri potest ut Verbum sit modus alicuius nature creata: Secundum vero quia nullam imperfectionem involuit, à Verbo suppleri potest, sicque non opus est ut substantia creata magis quam modaliter distinguatur à natura. Hoc vel maxime quia etsi substantia esset entitas realiter distincta à natura, cum tamen non possit non esse entitas creata, & infinite distans à persona divina, semper arguentibus explicandum superesset, quomodo illius defectus à Verbo suppleri possit. Cæterum hæc omnia possunt lucem accipere ex dictis lib. 2. Theologiæ specul. ubi de Verbo Incarnato.

## ARTICVLVS III.

*De substantia compositi naturalis.*

**C**Um hic propriè sit locus agendi de substantia in genere, quæ quidam est modus substantiæ, ut dictum est, non erit abs re in hoc etiam capite inquirere speciatim de substantiâ rerum materialium, de qua nonnulla difficultas excitari potest. Dubitatur ergo an sicut materia & forma habent, ex communis sententia, proprias existentias, ex quibus coalescit totalis & integra existentia compositi; ita in illis admittendæ sint partiales substantiæ, ex quibus integra compositi substantia resultat; vel potius una simplex substantia

tius per quam partes illius subsistant.

Respondeo & dico 1. *Materiam habere propriam subsistentiam partialem.* Probatnr, tum quia materia accipit esse per creationem; at creatio est subsistentium quia materia est primum subiectum generationis, & formæ materiales ex illius gremio educuntur; ergo ad illam maximè spectat subsistere. Tum quia si materia separaretur à forma, posset separata existere, idque cum continuatione eiusdem influxus, ut suppono ex dicendis in Physica: at tunc subsisteret per propriam subsistentiam; ergo & per eandem subsistit in composito.

Dico 2. *Probabilius videri etiam formam habere propriam subsistentiam partialem.* Probatnr, tum quia proprium est substantiæ ut distinguitur ab accidente, subsistere; at forma de qua agimus est substantia; ergo subsistit, adeoque habet partialem subsistentiam, non secus ac materia. Aliis certè in modo essendi non differret ab accidente, quod nobis durum videtur.

Tum quia compositum, cum sit substantia completa, debet subsistere per subsistentiam completam & adæquatam; at non ita subsisteret per solam subsistentiam materiæ, cum ea sit partialis & incompleta, ac proinde toti composito non satis proportionata; necesse est ergo ut subsistat per subsistentias partiales materiæ & formæ simul unitas, ex quibus una integra & totalis subsistentia coalescat.

Tum quia anima rationalis habet propriam subsistentiam, cum à Verbo sustentari possit etiam à corpore separata, ut in triduo mortis Christi contingit: ergo idem dicendum est de aliis formis substantialibus. Sequela patet, quia cū illæ fiant dependenter à materia, cum



ea tamen constituunt compositum sui statua-  
le, non minus complete subsistens, quam ho-  
mo subsistat per corpus & animam rationa-  
lem. Quare debent habere proprias subsisten-  
tias. Confirmatur, nam si forma careret pro-  
pria existentia, compositum non posset exi-  
stere complete: per solam existentiam mate-  
riæ. Ergo similiter si careret propria subsi-  
stentia, compositum non posset subsistere  
complete per subsistentiam solius materiæ.

Obiicit: forma materialis existit depen-  
denter à materia, ergo non habet propriam  
subsistentiam: sequela patet, quia quod habet  
propriam subsistentiam, per se subsistit; at quod  
per se subsistit, existit independenter ab alio.

Respondet negando consequentiam, & ad  
illius probationem dico, formale minus sub-  
sistentiæ non esse efficere ut res existat inde-  
pendenter à materia; quia si hoc esset, seque-  
retur eo ipso quo aliquid caret propria subsi-  
stentia, illud debere existere dependenter à  
materia, quod tamen falsum est: quia etsi  
materia & anima rationalis priuarentur pro-  
pria subsistentia, non propterea existerent de-  
pendenter à materia. Quare quod forma pen-  
deat à materia, id præcisè non impedit quin  
propriam habeat subsistentiam.

Dico 3. *Non esse ponendam in toto subsisten-  
tiam aliquam simplicem, distinctam à subsistentiis  
partialibus materiæ & formæ.* Probatur, tum  
quia eiusmodi subsistentia esset superflua,  
cum totum non minus possit subsistere com-  
plete per subsistentias materiæ & formæ si-  
mul unitas, quam per earum existentias com-  
plete existat.

Tum quia cum compositum intrinsecè coa-  
lescat ex duabus partibus realiter distinctis,

imo nihil aliud sit quam partes illæ ut videtur, vix concepi potest quomodo per vnā substantiam simplicem completè subsistere possit. Siquidem illa substantia simplex vel esset spiritualis, quod absurdum est, cum agamus de ente corporeo & materiali; vel non posset afficere duas partes realiter distinctas, necque compositum non secundum se totum per illam subsisteret.

Obiicies: subsistere est suppositi, non partium; ergo admittenda est vnica substantia in composito. Respondeo subsistere completè esse suppositi, non partium; vnde non sequitur in composito esse vnā simplicem substantiam; sed vnā ex substantiis partialibus resultantem.

#### ARTICVLVS IV.

*De causis substantiæ, & de formali illius essentiâ.*

**Q**Varitur I. quænam sit causa efficiens substantiæ. Nonnulli existimant eandem causam externam quæ producit substantiam; producere etiam substantiam. Alii vero docent substantiam emanare immediatè ab ipsa substantia & natura cum qua suppositum constituit. Et hoc videtur probabilius.

Tum quia nulla est ratio cur credamus, animam Christi fuisse creatam distincta specie creatione à creatione aliarum animarum; ac esset specie distincta creatio, iuxta sententiam oppositam, quia in aliis animalibus terminaretur intrinsecè ad substantiam, quod

in Christi anima contingere non potuit, cum careat propria subsistentia.

Tum quia cum omnium consensu, nature habeant vim effectivam qua suas passiones producant, anima rationalis intellectum & voluntatem, aqua frigiditatem, & ita de aliis, non videtur deneganda nature similitudo virtus respectu propriæ subsistentiæ. Imo si natura potest ex se effundere entitatem omnino realiter à se distinctam, à fortiori dicendum est non superate vires nature quod modum quemdam suum, quo ultimo completur & terminatur, ex se producere possit.

Nec dicas cætera hæc non esse paria; quia natura quæ suas proprietates producit, est subsistens; at vero antequam suam subsistentiam effundat, non subsistit, adeoque etsi in priori casu possit agere, non tamen in posteriori, quia actiones sunt suppositorum seu subsistentium. Ista enim diversitas nihil sententiæ nostræ officit, quia natura *potest* existit prius ratione quàm subsistat, cum subsistentia sit modus ab ea etiam ut existente realiter distinctus, ut supra ostendimus: hoc autem sufficit ut possit agere, cum vis agendi sit nature, non suppositi, nisi denominatiue, ut infra dicemus.

Quare illud axioma, *actioes sunt suppositorum*, debet intelligi de omnibus actionibus quæ supponunt naturam constitutam in ratione suppositi; illæ enim omnes tribuuntur supposito tanquam toti, ad quod natura & subsistentia spectant in ratione partium. Excipienda tamen est actio illa quæ natura constituitur in ratione suppositi, per effluxum ipsius subsistentiæ ab illa; cum talis actio suppositum præcedat, adeoque illi tribui non pos-

fit. Quomodo nam etsi actiones omnes intellectus animæ rationalis tribui soleant; ea tamen excipi debet quia ipse intellectus effluit a anima; cum perspicuum sit eam ab anima, quatenus est rationalis, vel intellectiva, oriri non posse: Et quamvis aqua ad alios effectus supponatur frigida, non tamen ad ipsam productionem frigiditatis ita supponi debet.

Obiicies 1. Quod tribuit esse, tribuit etiam modum essendi, atqui agens tribuit esse naturæ; ergo & tribuit illi modum essendi. Respondeo distinguendo maiorem, si per modum essendi intelligatur ipsa existentia per se, concedo, si vero intelligatur subsistentia, nego. Nam existentia per se non est quid distinctum à natura, adeoque quæ causa producit unum, producit aliud; at subsistentia est modus naturæ, & existentie superadditus, & ab ea realiter distinctus; qui proinde à natura immediate ~~se~~ <sup>se</sup> habere potest, etsi hæc à causa externa producatur.

Obiicies 2. Agens quod producit accidens, producit etiam inhaerentiam illius in subiecto; ergo etiam agens quod producit naturam, debet illius subsistentiam producere; cum ita se habeat inhaerentia ad accidens, sicut subsistentia ad naturam. Respondeo concessio antecedente, negando consequentiam, & probationem illius; quia illud est discrimen inter accidens & substantiam, quod accidens non existit, nisi inhaereat, adeoque repugnat quod producat propriam inhaerentiam in subiecto; substantia vero existit prius natura quam subsistat; sicque in eo priori potest subsistentiam suam producere.

Ex dictis collige duas actiones requiri in no.

*Ita sententia, ad productionem supposita, quarum alia producatur natura ab agente, alia subsistentia à natura. Cum enim distincta sint agentia, & distincti termini, distinctas quoque esse actiones necesse est. Iuxta sententiam vero oppositam aliqui dicunt, naturam & subsistentiam posse fieri ab agente vnica actione; quia productio tendit ad rem subsistentem, ac proinde ad naturam simul cum subsistentia. Verum cum termini isti sint realiter distincti, & actio non distinguatur realiter à termino qui per illam fit, hinc sequitur reuera esse duas actiones distinctas; præsertim cum possit esse productio nature sine productione propriæ subsistentiæ, ut patet in Christi humanitate. Quia tamen ex natura & subsistentia fit vnicus terminus totalis & completus, hunc dici potest ex duabus illis actionibus veluti partialibus vnâ totalem coalescere.*

*Queritur 2. Quenam sit causa materialis subsistentiæ. Respondeo non aliam esse quàm naturam quam afficit, & cuius est modus; siue enim subsistentia immediate procedat à natura, siue ab agente: cum intrinsecè modifiet naturam, non nisi in illa recipi potest; adeoque natura est causa materialis seu subiectum illius.*

*Quod si dicas fieri non posse quod subsistentia dependeat à natura, cum sit forma qua natura redditur independens. Respondeo id non sequi; nam causa formalis non pro lucit effectum formalem in seipsa; sed in alio, ut albedo non se formaliter albam constituit, sed nixem, aliosque corpora candore affecta; quare etsi subsistentia sit dependens, id non impedit quin per illam possit natura*

independens constitui. Maxime quia id contingit in diuerso genere, subsistentia enim dependet a natura, vt a subiecto; natura vero affecta subsistentia redditur independens a quocunque alio supposito.

Si quis verò inquirat quænam res habeant propriam subsistentiam. Respondeo 1. omnes substantias non modò completas, quales sunt lapis, planta, brutum, homo, Angelus, Deus; sed etiam incompletas, siue essentielles, nimirum materiam & formam, de quibus supra actum est, siue integrantes, vt caput, manus, &c. habere propriam & sibi proportionatam subsistentiam. Proprium enim est substantiæ non modò existere per se; sed etiam subsistere independentè a quocunque alio supposito. Quare nulla est substantia siue creata, siue increata, siue corporea, siue spiritalis, siue totalis, siue partialis cui non competat propria quedam subsistentia.

Respondeo 2. Nullum accidens habere propriè subsistentiam. Ratio est quia subsistentia est modus substantialis, quo scilicet substantia vltimò cõpletur & constituitur in ratione suppositi. Quare cùm accidens non sit substantia, non potest habere subsistentiæ propriè dictam.

Nec dicas accidens saltem separatum habere modum quemdam existendi per se; adeoque subsistere. Antecedens enim in nostra sententia non est verum de modo existendi positiuo; sed tantum de negatiuo. Et quamuis talis modus admitteretur, ille non esset substantialis, ac proinde non esset subsistentia propriè dicta. Vide Ideam Theologiæ Sacramentalis lib. 2. cap. 6. resol. 2.

Queritur 3. quænam sit effectus formalis subsistentiæ.

Respon-

Respondeo & dico 1. *Effectum formalem subsistentia non esse facere naturam per se existentem.* Quia ut suprà ostendimus, subsistentia distinguitur realiter ab existentia, eamque supponit. Confirmatur: quia humanitas Christi posset divinitus à verbo separata, omni que alia subsistentia privata conservari; at tunc sanè existeret per se.

Dico 2. *Effectum formalem subsistentia non esse reddere naturam potentem operari.* Ratio est, quia subsistentia vel complet naturam per modum principij operativi, vel per modum conditionis sine qua non: at neutrum dici potest; non primum, quia subsistentia non est intellectus, nec voluntas, nec calor, nec frigus, &c. Ergo non est principium intellectus, volitionis, calefactionis, frigefactionis, &c.

Non etiam secundum, tum quia non apparet quomodo ad actiones omnes naturæ subsistentia sit conditio sine qua nulla operatio fieret; cum neque sit applicatio agentis ad patiens, neque dispositio necessaria ad effectum, neque aliter explicari possit, quomodo ratio conditionis necessariæ illi competat. Tum quia etsi gratis dateretur subsistentiam esse conditionem ad agendum requisitam, hinc non benè nota fieret ratio subsistentiæ, cum multe sint alie conditiones prærequisite ad agendum, quæ non sunt subsistentiæ.

Dico 3. *Subsistentia effectum formalem, primum & positivum esse constituere naturam ultimo completam, ut sit annus perfecta & terminata quoad suam esse substantialem.* Et inde si quis alium effectum formalem negatam, nempe reddere naturam incommunicabilem alteri supponit.

Hoc non potest aliter probari quam ex ad-  
Metaph. N

rando Incarnationis mysterio, cum ratio substantiæ aliter nobis non innotuerit, & Philosophi antiqui non satis eam perspectam habuerint, vel certe, ut nonnulli existimant, eam prorsus ignorauerint. Cum enim ostensum sit substantiam esse modum quemdam substantialem naturæ superadditum, & ab illius existentia distinctum, nullaque sit ratio cur credamus alium quemdam modum superesse quo natura substantialis compleatur; hunc rectè colligimus substantiam esse vltimum complementum naturæ substantialis, quo est in se modo sibi congruentissimo & perfectissimo.

Deinde cum modus ille in Christi humanitate impoditus fuerit per illius vnionem ad Verbum, inde non obscurè colligitur, substantiam facere ut natura quam modificat & terminat, non possit vniri alteri supposito. Quia si humanitas affecta propria substantia, posset communicari alteri supposito, sanè verbum assumendo humanitatem non impedisset ne propria & connaturalis substantia ex ea prodiret. Cum ergo illius effluxum impediret, ut fides docet, hinc euidenter colligitur proprium esse substantiæ, saltē in creatis, reddere naturam quam afficit, alteri supposito incommunicabilem.





## ARTICVLVS V.

*Quomodo se habeat subjecta ad existentiam, hypostasim, rationalitatem & suppositum.*

**Q**UÆRITUR 1. an subsistentia distinguatur ab existentia. Respondeo distingui ab illa modaliter, tum quia existentia rei non distinguitur à natura illius, ut suprà visum est; quare cum subsistentia distinguatur modaliter à natura, ut iam probatum fuit, sequitur ut eodem modo distinguatur etiam ab existentia. Confirmatur: nam subsistentia est modus quidam existendi, ergo distinguitur modaliter ab existentia.

Tam quia humanitas Christi habebat propriam existentiam, per quam erat eius actu in rerum natura, ut probatum est in Idea Theologiæ speculat. lib. 2. cap. 11. resol. 2. & tamen carebat propria subsistentia, ergo subsistentia distinguitur modaliter ab existentia. Confirmatur, quia Verbum non potuit assumere nisi naturam existentem, & propria subsistentia carentem.

Neque refert quòd existentia per se & subsistentia in vulgari sermone pro eodem usurpentur; non enim propterea confundi debent; nam exacte loquendo, existere per se est existere independentem à subiecto inhesionis, quo modo competit omni substantiæ existere per se; subsistere vero est existere independentem ad alieno supposito, quo modo humanitas Christi non subsistit, etsi ex. stat per se.

QUÆRITUR 2. Cùm subsistentia à quo modo

distinguitur ab existentia, quoniam ordo inter illas ponendus sit. Respondeo cum ordinem constituendum esse inter existentiam & subsistentiam, ut existentia prius competat naturæ, quam subsistentia sit ultima perfectio naturæ adueniens. Probatur ex dictis, tum quia cum existentia non distinguatur a natura, subsistentia vero ab ea distinguatur realiter, minori saltem realitate, seu tanquam modus a re, hinc perspicue sequitur subsistentiam supponere existentiam, & esse illa posteriorem: cum prius illud sit quod identificatur cum natura, quam id quod ab ea realiter distinguitur.

Tum quia per existentiam res est, & per subsistentiam redditur incommunicabilis alteri supposito; et prius est quod res sit, quam quod sit incommunicabilis alteri supposito, cum non possit esse incommunicabilis, nisi sit. Tum quia non potest aliquid subsistere quin existat, potest tamen aliquid existere, etsi non subsistat per propriam subsistentiam, ut constat in humanitate Christi: ergo subsistentia supponit existentiam tanquam priorem.

Obiicies 1. Existere & operari sunt suppositorum: dicimus enim hominem existere, loqui, ambulare, &c. Ergo natura prius constituitur in ratione suppositi, quam existentis, vel potentis operari. Respondeo non sequi, nam homo non existit, nisi præexistat natura & subsistentia ex quibus componitur; sicut non existit homo, nisi illius corpus & anima præexistent: Existentia tamen tribuitur supposito, quia natura & subsistentia sunt partes ex quibus suppositum tanquam totum, & quid perfectius coalescit; & quod partibus competit, toti ad cuius compositionem

destinatur, tribui solet. E idem de operatione postea dicetur.

Obiicies 2. Dum concipio Petrum secundum sua essentialia duntaxat, in eo conceptu includitur Petri subsistentia, non autem illius existentia: Ergo subsistentia intinuat est coniuncta essentiae quam existentia. Respondeo distinguendo antecedens, nam non contispis Petrum secundum sua essentialia, nisi concipias illum ut potentem existere in ratione hominis, quare sicut Petrus nequit esse habere rationem hominis, nisi existat, ita neque potest concipi sub tali ratione ut possit esse, nisi præconcipiatur ut possibiliter existens, cum aperte repugnet id posse esse hominem, quod esse non potest.

Quæritur 3. Quodam sit discrimen inter subsistentiam, hypostasim, personalitatem, & suppositum. Respondeo isti parum inter se differre; nam in primis et si nomen hypostasis olim idem esset ac substantia, adeoque Patres antiqui non ponerent eo sensu in Deo nisi unam hypostasim seu substantiam, postea tamen apud Græcos & Latinos vox illa sumpta est pro subsistentia & persona, ita ut in Deo tres hypostates, id est tres subsistentiae, seu personæ constiterent.

Deinde personalitas idem est reipsa ac subsistentia; connotando tamen naturam intellectualem quam modificat; ita ut cum modus ultimus quo substantiæ non intellectuales perficiuntur in ratione suppositi & subsistentis, retineat nomen subsistentiæ: in rebus tamen intellectualibus modus subsistendi non modo dicatur subsistentia, sed etiam personalitas.

Rursus suppositum est nomen concretum, significans naturam cum subsistentia, seu

compositum ex utraque, definiturque communiter *substantia singulari, circumscribitur, & incommensurabili*. Quod si illud suppositum sit in natura rationali, dicitur persona. Unde dicimus suppositum non personam lapidis, plantæ, equæ, bovis, &c. dicimus tamen suppositum & personam naturæ intellectuales, nempe hominis, Angelus, & Dei.


Hic autem inquit potest, quo sensu dicamus utque actiones esse suppositorum. Respondeo 1. id non debere sic intelligi ut actiones ab ipso supposito, seu a sua subsistentia qua natura constituitur suppositum, effectivè procedant: modus enim substantialis quo res existit, non est vis intelligendi, volendi, loquendi, aliarumque operationes naturales eliciendi; ac subsistentia est talis quidam modus, ergo: non est vis agendi, adeoque non potest totam ex ea & natura compositum, habere vim agendi ratione illius.

Confirmatur: nam etsi subsistentia creata non esset in Christi humanitate, ea tamen omnes operationes humanas, quæ ab aliis hominibus eliciuntur, patrare poterat; ac non poterat illas elicere, nisi haberet intra se principium earum elicitionum. Quare actiones non a se debent tribui supposito, ut per se effectivè ad illas procedant.

Obiicies, si subsistentia non influit in actiones, ergo operationes humanitatis Christi non pendebant à verbo, adeoque non habebant dignitatem infinitam, ut Patres, & Theologi communiter docent. Respondeo cum distinctione: non pendebant à Verbo Physicè, concedo moraliter, nego. Verbum enim unitum humanitati illius opera infinite significabat, etsi ea non eliceret: sicut gratia quæ est in qui-

ma, dignitatem aliquam confert operibus virtutum moralium, etſi ab ea effectiue non proficiſcantur.

Reſpondeo 2. Actiones dici ſuppoſitorum denominatiue, quia cum ſuppoſitum ſit totum ex natura & ſubſtemia compoſitum, & actiones quæ eliciuntur ab aliqua parte, tribuantur toti, hinc ſit vt actiones dicantur eſſe ſuppoſitorum denominatiue, non vero effectiue ſeu elictiue. Confirmatur ex communi vſu loquendi: nam homo dicitur diſcurrere, videre &c. etſi non diſcurrat niſi per animam, nec videat niſi per oculos.



## C A P V T I I.

De Accidente ſecundum ſe.

### A R T I C V L V S P R I M V S.

*In quo conſiſtat ratio accidentis.*

**P** Ræmonco 1. Accidens ſumi poſſe Logice, & Metaphyſice, & priori modo com-  
plecti quidquid eſt extraneum alicui, etiam in ſe ſit ſubſtantia, quomodo veſtis accidentario competit homini, etſi in ſe ſit ſubſtantia: Poſteriori verò dici tam cum de accidentibus, quatenus ſint entia quædam realia, à ſubſtantiâ conditiua; quo ſenſu hic agimus de accidente ſecundum ſe ſpectato.

P Ræmonco 2. Non eſſe hic inquirendum, an detur quicquid accidens à ſubſtantiâ diſtinctum, cum perſpicuum ſit aliquod eiuſ-

modi accidens existere, ut patet ex rerum alterationibus, cum v. c. eadem aqua ex calida fit frigida; sensu enim exprimur in ea vicissitudinem illam caloris & frigoris, etsi eadem aqua substantialiter remaneat. Quare dubitati non potest, quin calor & frigus sint accidentia realiter ab aqua distincta. Et confirmatur efficaciter ex speciebus Eucharisticis, quæ aliud nihil sunt quàm accidentia realia à substantia panis & vini, quæ per consecrationem destructa est, separata, adeoque ab illa realiter distincta.

Quæritur ergo in primis in quo consistat formalis & quidditativa ratio accidentis, seu quid sit accidens. Respondeo accidens communiter definiri *ens in alio*, seu *ens inherens alteri*. Et quidem quod sit ens, probatur ex communi divisione entis in substantiam & accidens; ibi enim ens sumitur pro vero ente reali, adeoque membra illius diuidentia non nisi de vera entitate reali intelligi possunt.

Nec refert quòd accidens interdum dicitur non tam ens, quàm entis ens; non enim id dicitur quod verè & realiter non sit ens; cum aqua v. c. realiter sit frigida, & per calcificationem amissa frigiditate, realiter fiat calida, adeoque & calor & frigus sint entitates reales à conceptu nostro independentes, & à substantia realiter distinctæ. Id ergo tantum indicat ens dici analogicè de substantia & accidente, & rationem entis competere accidenti dependenti à substantia: quemadmodum ipsa substantia est ens dependenti à Deo, & eatenus entis ens vocari potest, etsi à parte rei veram entis rationem participet.

Quod verò accidens sit ens in alio, seu alte-

ri inhærens probatur, quia cum distinguatur à substantia, quæ est ens existens per se, seu independentè à subiecto inhæſionis, debet consequenter esse ens existens in alio, seu alteri inhærens; cum quidquid non existit in se, debeat in alio existere, neque aliquid medium inter hæc duo obtingere possit.

Obiicies: ea non est ratio essentialis accidentis, quæ competit formæ substantiali materiali; ac esse in alio tanquam in subiecto, competit formæ substantiali materiali: ergo ea non est propria & essentialis ratio accidentis.

Respondeo essentialem rationem accidentis non esse præcisè quòd sit in alio, cum substantia partialis sit in alio ut in toto, & totalis ut in supposito; nec quòd sit in alio ut in subiecto, quia formæ prædictæ, & modi substantiales sunt quodammodo in subiecto; sed quòd sit in eo, ut in subiecto inhæſionis, quomodo nulli substantiæ competit esse in alio; sed tantum accidenti.

Instabis: formam materiale[m] dependere à subiecto in fieri & in conservari, non minùs quàm accidens; adeoque illi inesse tanquam in subiecto inhæſionis. Respondeo non sequi: nam subiectum inhæſionis illud dicitur cum quo forma ei inexistens non constituit vnum per se; ac forma substantialis, etsi dependeat in esse & conservari à materia, constituit cum illa vnum per se; ac proinde non est in illa ut in subiecto inhæſionis; sed ut in subiecto quod vocant informationis.

Quòd si virgeas, gratis dici per formam constitui vnum per se, cum æquè ac accidens pendeat quoad esse & conservari à subiecto: Respondeo id àne fundamente virgei, quia cum

matetia & forma substantialis sint eiusdem ordinis; maior ratio est cur ex his fiat vnum per se, quam ex subiecto & accidente. Quemadmodum ex genere & differentia fit vnum per se non autem ex genere & passionibus accidentariis ei adiunctis; esto ipsa differentia eodem modo concipiatur aduenire generi, quo passiones accidentariæ illi adveniunt.

Quæritur 2. quomodo inherere alteri sit formalis ratio accidentis. Quod vt intelligas, aduerte duobus modis concipi posse accidentis essentiam consistere in inhaerentia, seu vnione cum subiecto, primò aptitudinaliter ita vt possit inherere subiecto, & habere inclinationem naturalem ad illi inexistendum, sit de essentia accidentis; secundò actualiter, ita vt non possit accidens existere nisi actu subiecto inhaereat. Dubitatur ergo quoniam ex his modis inherere subiecto sit de essentia accidentis.

Respondeo & dico 1. *non esse de essentia accidentis quid actu inhaereat subiecto*. Ita omnes Catholici contra Philosophos paganos, qui solo rationis lumine ducti, existimabant accidentis essentiam consistere in actuali illius inhaerentia ad subiectum, ita vt nullo modo extra illud conservari possit. Verùm hic error apertè reiecitur ex fide Catholica, quæ docet accidentia panis & vini conservari in Eucharistia post consecrationem, sine vilo subiecto substantiali; hinc enim euidenter colligitur actuali inhaerentiam non esse de essentia accidentis, cum repugnet rem aliquam per vllam potentiam existere sine eo quod ad illius essentiam pertinet.

Nec reuertitur quòd qualitates panis & vini inhaereant quantitati: nam saltem fatendum est quantitatem eis suppositam in nullo esse subie-



sto, cum illa prius immediate inhereret substantiæ, quæ per consecrationem destructa est. quare non est de essentia quantitatis, quod actui subiecto inhaereat. Imo idem concludendum est de omnibus aliis accidentibus realiter à quantitate distinctis: quia sicut quantitas ideo potest diuinitus separari à substantia, quia ab illa realiter distinguitur; ita qualitates, & alia accidentia, si quæ sunt, quæ realiter à quantitate distinguantur, ab ea diuinitus separari possunt, cum nulla sit ratio discriminis ob quam id à Deo fieri non possit.

Loquor de accidentibus realiter distinctis; nam accidentia quæ sunt modi, qualia sunt actio, passio, figura & similia, cum non sint entitates à subiecto distinctæ, ut res à re, non possunt per ullam potentiam existere sine illo. Ut enim patet ex dictis libro precedenti, illud discrimen ex communi sententia, constituitur inter duas res, & inter modum & rem; quod duæ res dicuntur entitates realiter distinctas, & mutuò separabiles saltem per virtutem diuinam; quomodo quantitas ex dictis potest separari à substantia, & hæc à quantitate: at verò modus est plusquam per mentem, adeoque realiter distinguitur à subiecto quod modificat, non tamen est entitas ab illo realiter separabilis ex parte ipsius modi, licet sit separabilis ex parte subiecti; ita quidem ut subiectum possit existere sine modo, ut accidens sine inherencia, non tamen modus sine subiecto, ut inuerentia sine accidente.

Dico 2. *Inherentiam ipsi rationalem esse de essentia accidentis.* Probatur, nam cum ex consensu omnium Philosopherum, diuisio entis in ens per se, & ens in alio, sit diuisio entis in substantiam & accidens, oportet quod sicut ratio

substantiæ consistit in modo essendi per se, ita ratio accidentis consistat in modo essendi in alio. Hoc autem non potest nisi dupliciter intelligi, nempe vel actu, vel aptitudine; quare cum ostensum sit rationem accidentis non in eo positam esse quod actu inhaereat subiecto, sequitur eam in propensione naturali & aptitudine ad inhaerendum subiecto constituendam esse. Confirmatur: quia aliis immerito nomen accidentis impositum esset enti de quo agimus; siquidem non debet accidens vocari, nisi per ordinem ad aliud cui accidere, seu inhaerere potest.

Obiicies 1. accidens secundum se est ens absolutum, ergo posse inhaerere alteri non est de essentia illius: sequela patet, quia relatio non est de essentia entis absoluti; atqui illi aptitudo ad inhaerendum est relatio, cum dicat ordinem ad aliud. Respondeo distinguendo antecedens: accidens est ens absolutum, ita ut non dicat ex se relationem categoricam, concedo; ita ut non dicat relationem transcendentalem, nego. Vnde negatur consequentia, & ad illius probationem dico inhaerentiam aptitudinalem non esse relationem categoricam; sed transcendentalem, quæ in essentia accidentis, ut accidens est, intimè imbibitur.

Obiicies 2. accidentia panis & vini post consecrationem habent modum positivum per se existendi, cui repugnat inhaerentia; imò similis modus potest communicari omnibus aliis accidentibus, ergo inhaerentia aptitudinalis non est de essentia accidentis. Sequela patet, quia fieri nequit quod eidem entitati conveniat essentialiter aptitudo ad inhaerendum, & quod in tali statu constitutur ut ei repugnet inhaerentia. Respondeo 1. maiorem falsam esse,

ut alibi diximus, & patebit ex art. sequenti. 2. ea grati admiffa. inde non fequitur uol infer-  
tur; quia etfi accidens ſeparatum haberet mo-  
dum poſituum per ſe exiſtendi, id non impe-  
diret quin accidens eo affectum ſecundum ſe  
digeret aptitudinem ad inherendum ſubiecto;  
ſicut aqua dicitur intrinſecè ordinem ad frigidi-  
tatem, etiam cum actu calida eſt; & anima  
rationalis dicit ordinem ad corpus, etiam cum  
extra illud exiſtit.

Obiicies 3. non poteſt aliquid intelligi ſine  
eo quod eſt de eſſentia illius; at poteſt acci-  
dens intelligi ſine ordine ad ſubiectum. ergo  
ordo ad ſubiectum non eſt de eſſentia acci-  
dentis. Maior perſpicua eſt, probatur minor,  
quia quantitas conſideratur à Mathematico,  
ſine vilo ordine ad ſubiectum. Reſpondeo ma-  
iorem veram eſſe de eo quod intelligitur con-  
ceptu adequato & explicite; non autem de il-  
lo quod concipitur inadæquate & implicite,  
quomodo quantitas concipitur à Mathemati-  
cis, ut eſt quædam extenſio, abſtrahendo à  
quacunque materia. Quare id non obſtat quin  
à parte rei ordo ad ſubiectum ſit eſſentialis  
quantitati, etſi id à Mathematicis non conſi-  
deretur, quia nihil facit ad eorū inſtitutum. Si  
enim definitio accidentis reperatur à Meta-  
phyſico, ille dicet ex Ariſt. accidens eſſe entis  
ens, vel ens in alio, vel aliquid ſimile inclu-  
dens neceſſariò ordinem ad ſubiectum; & con-  
ſequenter hanc definitionem quantitati, qua-  
litati, aliſque omnibus accidentis ſpeciebus  
adæquate, & explicite ſpectatis competere  
affirmabit.

## ARTICVLVS II.

*De accidente et actu inherente, & separato.*

**Q**UÆRITUR. quid sit accidens actu inherere subiecto, seu quid sit illa actualis inherencia. Respondetur negari non posse quod actualis inherencia addat aliquid reale supra entitatem accidentis, ut ex eo manifestum est, quod accidens à subiecto separatim habet totam suam entitatem, sine actuati inherencia: quemadmodum substantiam addere aliquid reale supra naturam ex eo conuenient, quod humanitas Christi retinet totam suam entitatem, quare ipsa natura est; etsi careat propria substantia. Et quoad hoc non est difficultas.

Dubitarur autem in quo genere constituenda sit actualis inherencia. Quia in re certum est inherentiam non distingui maiori realitate, seu tanquam rem à re, ab accidente; quia si hoc esset, actualis inherencia indigeret alia inherencia actuati ad inexistendum subiecto, & hæc ab alia. sicque progressus fieret infinitus, quod repugnat. Quare dicendum est inherentiam distingui tantum minori realitate, seu modaliter ab accidente, & nihil esse aliud quam modum unionis, quo accidens inexistit subiecto; sicut substantia est modus quo natura ultimo completur in se & terminatur.

Sunt tamen inter illa observanda quedam discrimina, primum quod substantia supponit naturam existentem, ac inherencia non supponit accidens existens; quia cum accidens

fit entus ens, non prius existit quam alteri in-  
hæreat. & quamvis esse in genere prius sit  
quam inesse, non tamen in ipso, ut est tale  
esse seu accidentale; hoc enim intrinsece est  
esse in alio.

Secundum, quod subsistentia est ultimus na-  
turæ terminus quo est in se, & potentia vero  
non est terminus accidentis, sed est nexus quo  
realiter coniungitur substantiæ tanquam sub-  
iecto, & termino ad quem dicit ordinem &  
respectum transcendentalem.

Neque dicas unionem supponere partes  
uniendas, adeoque inhaerentiam supponere ac-  
ciciens, & subiectum cui unitur, contra iam  
dicta. Tunc enim unio supponit partes unien-  
das, quando per illam non fiunt partes unien-  
das; at per actualem inhaerentiam fit accidens  
in subiecto; quare etsi illa supponere debeat  
subiectum, non tamen accidens.

Tertium, quod subsistentia immediate fluit  
à natura, inhaerentia vero non fluit ab acci-  
dente; quia cum accidens non sit, nisi inhæreat,  
inhaerentia videtur quodammodo prior acci-  
dente, adeoque non potest ab illo emanare.  
Eo vel maxime quia cum esse accidentis sit  
in esse seu inhærare, si inhaerentia fluere ab ac-  
cidente, sequeretur accidens sibi esse causam  
existendi, quod dici non potest. At neque di-  
cendum est inhaerentiam efficiunt pendere à  
subiecto accidentis receptivo; quia recipere  
formam aliquam est eam pati, seu exercere  
causalitatem passivam erga illam; quare di-  
cendum est modum inhaerentiae esse effectivum  
à causa efficiente, à qua accidens producit in  
subiecto, & materialiter à subiecto in quo pro-  
ducitur.

Quantum, quod subsistentia recipitur in na-

tura subsistente; inhaerentia vero non recipitur in accidente inhaerente; sed in subiecto cui inhaeret: quia si accidens modum illum in se reciperet, accidens prius esset quàm inesset, & per inhaerentiam esset in se, non in alio; quod repugnat. Quare cùm per inhaerentiam accidens formaliter constituitur in subiecto, necesse est ut inhaerentia in ipso accidentis subiecto, simul cum accidente recipiatur.

Confirmatur: quia cùm per inhaerentiam accidens accipiat esse in subiecto, & ab illo tanquam à causa materiali dependeat; oportet ut modus ille veluti mediet inter subiectum & accidens, tanquam causalitas illius materialis, adeoque sit natura prior accidente: quò fit ut in illo recipi nequeat, sed in subiecto è quo educitur.

Quæritur 2. quomodo accidens existat separatum à subiecto, ut in Eucharistia. Nonnulli existimant accidenti separato tribui modum quemdam existendi positivum; alii vero sentiunt accidens posse conservari extra subiectum sine tali modo, quod nobis videtur probabilius, tum ob rationes in Idea Theologiae sacram. lib. 2. cap. 6. allatas, tum quia accidens separatum non indiget modo positivo per se essendi, nisi ut constitutur existens independentem à subiecto; at illo non indiget ob eum finem, cùm per specialem Dei influxum possit conservari independentem à subiecto. Tum quia accidens separatum existit independentem à quocunque modo; ergo à nullo potest accipere independentiam à subiecto. Antecedens probatur, quia accidens prius existit, quàm modum aliquem novum accipiat; sequela patet, quia accipere independentiam à subiecto nihil est aliud, quam accipere exi-

stentiam sine vilo ordine ad subiectum.

Obicitur, accidens sine modo superaddito existens, esset tantum negativè à subiecto independentens; quare ut positivè à subiecto esset independent, deberet illi superaddi modus quidam positivus. Verùm hoc refellitur; nam modus positivus, cum non sit formalis negatio dependentiæ, non aliter facit ut accidens sit independent à subiecto, quam quia ex eo sequitur talis independentia; ac similiter influxus quo accidens conservatur diutius extra subiectum, est entitas, quædam positiva ex qua sequitur independentia accidentis à subiecto. Ergo præter hunc influxum alius modus est superfluous.

Obicitur 2. Sicut datur modus positivus essendi in alio, ita dari potest modus positivus illi oppositus, qui competat accidenti. Ergo cum magis congruat statui accidentis separati, illi denegandus non est. Respondeo dari quidem modum oppositum modo essendi in alio, nempe modum positivum existendi in se, non quidem qui competat accidenti; sed substantiæ. Neque verum est modum illum magis congruere accidenti separato, cum dicatur oppositus modo illius existendi connaturali. Quare sicut melius est aquæ, etiam calenti connaturali frigiditate, non esse calidam, quam calore perfusam esse; ita congruentius est accidenti, etiam privato actuali inhaerentia, non existere per modum existendi positivum, quam sic existere.

## ARTICVLVS III.

*De diuisione accidentis.*

**Q**UÆRITUR 1. Vtrum accidens in communi immediatè diuidatur in quantitatem, qualitatem, aliâque accidentia categorica.

Respondéo 1. Diuisionem illam non esse ita immediatam, quin potuerint aliæ tradi magis immediatæ in membra pauciora, quæ vltcrius in nouem accidentia prædicamentalia subdiuiderentur. Hoc patet, quia potest accidens diuidi in corporeum & spirituale; certum enim est dari quædam accidentia corporea, vt colores, sapores, &c. alia spiritusalia, vt operationes, & habitus animæ: cûque diuisio est adequata, cû nullum sit accidens quod non sit corporeum, aut spirituale.

Potest etiam accidens diuidi in illud quod est propriè forma realis inhaerens substantiæ, & illud quod est tantum quidam modus illius: non enim dubium est quin hoc genus accidentis decur: quantitas enim & qualitas sunt formæ reales substantiæ inhaerentes, & ab ea realiter distinctæ, actio verò & passio sunt quidam modi eam afficientes. Et rursus, quod hæc diuisio sit adequata inde constat, quia nullum assignari potest accidens quod non se habeat altero ex his modis, respectu subiecti, nempe vel vt forma realis et inhaerens, vel vt modus quidam illud afficiens. Mirro alias plerasque diuisiones immediatas quæ à nonnullis afferuntur.

Respondéo 2. diuisionem vulgarem in no-



uem ac identium categorias ad prædictis commodiorum & doctrinae gratia retinendam. Probat 1. quia prædictæ divisiones non sunt propriae accidentis, sed entium genere competunt, & eorum solæ. Siquidem omnia vel est corpus, vel spirituale; vel res, seu res, vel modus; & dem de omni substantia affirmari potest: at vulgaris divisio accidentis in novem categorias soli accidenti competit.

Probat 2. Quia illa est magis probanda divisio accidentis, quæ utilior est ad ordinandam & distinguendam summa genera ac identium; at divisiones prædictæ illare ad hoc non conducunt, cum v. c. sub eodem genere qualitatis includantur accidentia corporea & spiritualia, res & modi. Divisio vero vulgaris sit per genera accidentium prædicta diuersa quare simpliciter reliquis est præferenda, cum longe utilior sit ad assequendam cognitionem omnium accidentium.

Nota tamen divisionem vulgarem accidentis in novem prædicamenta non esse divisionem accidentis, Aristoteli semper, quod scilicet cum substantia adæquatè dividit ens. Cum enim ens dividitur in substantiam & accidens, ens sumatur pro vera entitate reali, quæ proinde non potest dividi nisi in membra realia, seu in substantiam realem, & accidens reale: at accidens reale non dividitur in novem prædicamenta accidentis, cum inter accidentia categorica nonnulla reperia sint quæ proprie non sunt entia realia, sed tantum quedam denominationes extrinsecæ, ut esse venturum, esse in tempore.

Quæritur 1. Vtrum divisio accidentis in novem genera prædicamentalia, sit univoca.

Respondeo & dico 1. *Accidens in tota illa amplitudine non esse vniuersum.* Ratio est, quia accidens propriè sumptum dicit aptitudinem ad inharendum subiecto: at quamuis aliqua accidentia prædicamentalia inhæreant subiecto, puta quantitas, & qualitas, non tamen omnia; cum nonnulla consistant in quadam denominatione extrinseca, ut dictum est. Quare ratio accidentis non potest illis omnibus vniuocè conuenire; sed ad summum analogicè, propter quandam similitudinem quam habent denominationes extrinsecæ cum veris accidentibus; eo quod videntur subiecto inhære, etsi non inhæreant.

Verùm hic difficultas occurrit, an accidens dicatur vniuocè saltem respectu accidentium prædicamentaliū, quæ sunt res & formæ à subiecto realiter distinctæ, v. c. respectu quantitatis & qualitatis quæ etiam inter se realiter distinguuntur, ut ex sententia probabiliori hic supponimus.

Dico 2. *Accidens dici posse vniuersum respectu quantitatis, & qualitatis.* Ratio est, quia ex vna parte quantitas & qualitas sunt entitates reales à substantia, & inter se realiter distinctæ; & ex alia possumus ab illis abstrahere communem rationem accidentis realis & physici, quæ illis ex æquo conueniat.

Nec refert 1. Quod qualitas inhæreat quantitati, eamque supponat: talis enim suppositio se habet veluti per accidens & materialiter, cum non competat quantitati vniuersim respectu omnium qualitarum; siquidem dantur innumere qualitates spirituales à quantitate omnino independentes; & præterea quantitas præcedit in ratione potètiæ passivæ; qualitas vero ei aduenit in ratione actus; quò fit

ut ratio accidentis non possit. dici nobiliori modo de quantitate, quam de qualitate.

Nec refert 2. Quod qualitas sit nobilior quantitate, ob rationem iam tactam; non enim id sufficit ut accidens dicatur de illis analogicè; quia responderi potest maiorem illam perfectionem non competere qualitati, quatenus accidens est; sed quatenus tale accidens, seu ratione propriæ differentię, quod yniucationem non impedit.

#### ARTICVLVS IV.

##### *De productione accidentium.*

**D**Imissa ad Physicam productione formarum substantialium, inquirendum est hoc loco qua ratione formę accidentales producantur, an per veram creationem, an vero per educationem à subiecto.

Respondeo formas omnes accidentales educi à subiecto in quo recipiuntur. Ratio est, quia illud educitur à subiecto aliquo, quod sit dependenter ab illo; ac formę omnes accidentales fiunt dependenter à subiecto in quo recipiuntur, ergo educuntur ex illo. Maior probatur ex discrimine quod reperitur inter creationem & educationem: creatio enim fit independenter à subiecto, educatio verò dependenter ab illo, ac si quodammodo res ab illo extrahatur, cū creatio fiat ex nihilo. Minor ostenditur, quia omnes formę accidentales inhaerent subiecto, nec extra illud naturaliter conservari possunt; quod manifestum indicio est eas fieri dependenter à subiecto, ac proinde ex illo educi,

Atque hæc assertio procedit non modo de productione caloris, frigoris, aliarumque qualitarum, siue primarum, siue secundarum quæ physica & reales appellantur; sed etiam de productione specierum intentionalium; quia licet non habeant contrarium, & ab obiecto conservari debeant, id non impedit quin fiant dependenter a subiecto in quo recipiuntur, v. c. ab aëte vel ab oculo, quod ad veram educationem sufficit.

Procedit etiam de formis artefactorum, ut de forma catedræ, vel statuæ: illæ enim non sunt ex nihilo, sed ex præsupposito subiecto, ad earum productionem passivè concurrente. Nec refert quòd subiectum non concurrat ad illas formas per potentiam naturalem; sed per obedientialem; nam quovis modo hæc potentia vocetur, certum est formas artificiales ab illius concursu passivo pendere quoad fieri & conservari; quod sufficit ad veram educationem.

Procedit quoque de qualitatibus spiritualibus tam naturalibus, cuiusmodi sunt habitus scientiarum & virtutum acquisitarum, quàm supernaturalibus, quales sunt gratia sanctificans, & virtutes infusæ. Illæ enim omnes cum vera sint accidentia, fiunt dependenter ab anima, & extra illam naturaliter conservari nequeunt. Quare verè ex illius potentia passiva educuntur, aut naturali, si sint qualitates naturales; aut obedientiali, si sint supernaturales, esto hæc communiter dicantur infundi, vocenturque qualitates infusæ, ut distinguantur à qualitatibus ordinis naturalis.



## CAPVT III.

De qualitate.

## ARTICVLVS PRIMVS.

*De essentia qualitatis.*

**Q**ualitas ab Aristotele describitur, ut patet ex Logica: *Id a quo denominamur quales, quæ descriptivæ ut melius intelligatur.*

Observandum 1. Nomen qualitatis valde improprie tribui accidentibus aliorum prædicamentorum, cum si quæras, qualis sit homo, non bene respondeatur eum esse quantitate præditum, aut aliò referti, aut agere, aut pati, aut stare, vel sedere, aut esse in loco, aut in tempore, aut esse vestitum; sed esse album, aut nigrum, calidum aut frigidum, &c. Quo fit ut propriè non denominemur quales ab ullo accidente, præterquam à qualitate, quæ ideo rectè describitur accidens à quo denominamur quales. Verùm quia hæc descriptio non satis explicat naturam qualitaris,

Observandum 2. Varias à variis excogitatas fuisse qualitatis definitiones, quibus illius essentia distinctius exprimeretur. Quidam illam sic definiunt: *Qualitas est accidens absolutum per se primo inditutum ad intrinsecè ornandam & perficiendam substantiam, tum in existenda, tum in agendo.* Verùm hæc definitio reiecitur, cum æquè bene aut melius comperat quantitati, quàm colori aut figuræ.

Alij sic, *Qualitas est acc. dens absolutum à quantitate distinctum*. Sed contra: nam similiter dici posset, quantitas est accidens absolutum à qualitate distinctum. Et præterea, ex communis sententia nonnulla ex vicinis prædicamentis sunt accidentia absoluta à quantitate distincta.

Alij sic, *Qualitas est accidens entitativum absolutum, subiectum ad medium substantiale formæ determinant*. Ac neque satis intelligitur qua ratione hæc definitio omnibus qualitatibus conveniat, aut non æquè multis aliis accidentibus aptari possit.

Alij sic, *Qualitas est accidens proveniens à formâ esse quædam*: ubi per formam intelligitur pars altera compositi physici. Sed quomodo potest hæc definitio competere formæ & figuræ, quæ sequuntur quantitatem, adeoque & ipsam materiam, non formam. Itémque qualitatibus naturalibus Angelorum & animæ rationalis, vel iis quæ ipsis divinitus infunduntur?

Alij alias definitiones qualitatibus excogitarunt; sed quia prædictis non videntur accuratiores, iis supersedemus. Vnde colligitur essentiam qualitatibus secundum se adeo esse reconditam, ut nondum satis perspicuè ab ullo Philosopho tradita fuerit.

## ARTICULVS II.

*De prima specie qualitatibus, quæ est habitus et dispositio.*

**C**VM Aristoteles doceat, ut vidimus in Logica, illud esse discrimen inter habitum &

& dispositionem, quod habitus est difficile mobilis à subiecto, dispositio vero ab eo facile amoveri potest; debetur solet aut hoc discrimen sit essentialè, ita ut habitus & dispositio præcise ut talia sunt, duas species qualitatis essentialiter distinctas constituent. Ut autem status huius questionis intelligatur,

Observandum est duobus modis concepisse qualitatem aliquam esse difficile aut facile mobilem à subiecto, primo ex natura sua, secundo ex conditione subiecti in quo reperitur: priori modo scientia est difficile mobilis eo quod generatur per demonstrationem qua convincitur intellectus; opinio vero est facile mobilis, quia generatur per rationem probabilem, quæ facile alia probabiliori tolli potest. Posteriori modo scientia ex motu alia-ve causa accidentaria interdum facile amittitur; contra vero opinio in animo præteritis firmas radices ponit, ut constat experientia. Quo posito

Respondeo & Dico 1. *Habitus ex natura sua difficilem à subiecto specie distinguit à dispositione, quæ ex natura sua à subiecto facile amoveri potest.* Probatum manifestè; nam ea specie distinguuntur quæ ex natura sua postulant conditiones essentialiter distinctas: at habitus & dispositio quæ se habent modo iam dicto, postulant ex natura sua conditiones essentialiter distinctas nempe esse difficile, & facile mobilem à subiecto; ergo specie distinguuntur. Confirmatur. nam esse qualitatem difficile & facile mobilem à subiecto non minùs sunt opposita, quàm esse animal rationale & irrationale: quare si hæc differentia essentialis & specificam inferunt, ita & illa.

Obijcies 1. Ex Arist. cap. 8. libri Categor. Metaph. O

habitu & affectionem esse vnam speciem qualitatis. Respondeo habitu & affectionem p se dici vnam speciem qualitatis, scilicet sic alternam, quia in ea conueniunt; eo modo quo Porphyrius ait c. 2. suæ Introduc. plures homines speciei participatione esse vnum hominem.

Obiicies 2. Ex eodem Arist. ibid. affectionem quæ longinquitate temporis quasi naturalis eu sit, aut difficile amoueri potest, vt pote iam habitum effectam, merito habitum appellari. Respondeo affectionem diuturnitate temporis radicatam & firmatam fieri habitum non essentia; sed statu; quia tunc se habet ad modum veri habitus: sicut vice verâ habitus quando facile ob conditionem subiecti amoueri potest, habet statum seu modum affectionis, quamuis tamen essentialiter sit habitus, vt non obscure indicat Aristoteles, cum loco citato expresse numerat inter habitus diuturniores & permanentiores, scilicet ex natura sua, scientiam licet modicam.

Dico 2. *Habitu ex sola conditione subiecti difficile mobilem, non differre specie à dispositione quæ ex natura sua à subiecto facile auelli potest.* Ratio est quia dispositio ex se facile mobilis potest diuturnitate temporis, vel per actum multiplicationem adeo radicari in subiecto, vt ab eo ægre amoueri possit; ista autem maior radicatio est extra essentiam qualitatis, ac proinde non potest constituere discrimen essentialiter inter dispositionem & habitum ex ea procreatum; sed tantum accidentale.

Ex quo intelligitur calorem febrilem, qui initio languidus est, & facile amoueri potest, si successu temporis adeo inualescat, vt difficile expelli possit, non mutari in aliam spe-



eiem; sed accidentario tantum perfici intra eandem speciem, cum non habeat statum illum permanentem ex natura sua; sed ex variis circumstantiis quibus subiectum afficitur.

## ARTICVLVS III.

*De secunda specie qualitatis, quæ est naturalis potentia, & impotentia.*

**C**irca hanc speciem qualitatis duo inquiri solent, 1. quæ ratione distinguatur ab habitu & dispositione. 2. An potentia speciei distinguatur ab impotentia sibi opposita, quatenus hæc significat vim positivam quæ aliquid difficile agit aut resistit, non autem meram negationem aut priuationem potentie.

Respondco & Dico 1. *Potentiam naturalem & impotentiam specie distinguere ab habitu & dispositione.* Probat, quia potentia naturalis est data ad operandum simpliciter, ita ut sine illa, operatio fieri nullo modo possit; habitus vero naturalis ordinatur ad facile operandum, ita ut sine illo fieri possit operatio, etsi non ita perfecte ac cum illo. Deinde potentia naturalis est data à natura, habitus vero naturales propriis actibus comparantur; quæ discrimina distinctionem specificam inter potentiam & habitum euidenter ostendunt.

Quo loco aduerte hæc intelligi de habitibus naturalibus: id quod spectat ad supernaturales & per se infusos, Aristoteli ignotos, quos Catholici omnes admittunt, ij dant simpliciter potentiam agendi supernaturaliter, ita ut nullo modo sine illis operatio supernaturalis fieri possit, nisi eorum defectus per alia actualia

suppleatur. Illi etiam nequeunt propriis actibus physice produci; sed à Deo solo immediate produciuntur, nobisque infunduntur.

*Ratio 2. Impotentiam sumptam pro forma positivâ potentia opposita, qua aliquid agre operari, aut resistere potest, specie à potentia distinguit. Ratio est, quia quemadmodum habitus ex natura sua difficile mobilis à subiecto, specie distinguitur à dispositione facile mobili, ut supra ostensum est; ita potentia facile agendi, aut resistendi specie distinguitur ab impotentia opposita, qua quid difficile operari aut resistere potest. Isti enim actus oppositi & specie diversi evidenter indicant potentias oppositas & specie distinctas; qua ratione durities ferri per quam divisioni fortiter resistit, specie distinguitur à mollitudine cere, qua debiliter divisioni resistit.*

Obiicies 1. Facile aut difficile operari ad eandem specie potentiam spectat, ut patet in potentia videndi quæ in iunene facile, & in senē difficile operatur, etiam nemo dubitet quin sit eiusdem speciei. Ergo cum potentia & impotentia non aliter distinguantur quim penes facultatem facile aut difficile operandi, vel resistendi, hinc sequitur inter eas non esse distinctionem essentialē seu specificam. Respondeo antecedens verum esse quando impotentia sumitur pro potentia debili & remissa, ut in exemplo allato; falsum autem, quando sumitur pro forma positiva potentæ opposita, qua res ex natura sua difficile operari vel resistere potest, ut hic sumitur: sic enim facile aut difficile operari arguunt distinctionem specificam, ut probatum est. Et sanè per se ridiculum est existimare, non maius esse discrimen in ra-

tione potentia & impotentia resistendi, i. ut duritiem ferri, & molliem ceræ, quam inter visum senis, & visum iuuenis in ratione videndi. Quare etsi hæc non distinguantur nisi accidentario, hinc minimè sequitur illa non distinguui inter se specie.

Obiicies 2. Potentia non distinguuntur specie, nisi per actus & obiecta, sed potentia & impotentia ut hic de his agimus, ordinantur ad eundem actum, ergo sunt eiusdem speciei. Confirmatur, quia non differunt nisi ut sunt principium perfectum & imperfectum quod non nisi differentiam accidentalem arguit. Respondet minorem falsam esse; nam ex natura sua fortiter agere aut resistere, & ex natura sua debiliter agere aut resistere, sunt actus diuersæ speciei, adeoque principia essentialiter distincta arguunt. Unde ad confirmationem dicimus principium perfectum & imperfectum non nisi differentiam accidentalem arguere, quando eadem potentia quæ ex se est principium perfecte agendi, ita debilitatur vel impeditur ut non nisi imperfecte agere possit: Inferre vero discrimen essentiali, quando impotentia dicit formam aliquam positivam potentia oppositam, quæ res ex se non nisi cum difficultate operari aut resistere potest.

## ARTICVLVS IV.

*De potentia obedientiali.*

**P**Ræmoneo 1. Duplicem assignari posse potentiam, aliam actiuam, aliam passiuam:

O n)

actiua ea dicitur quæ tendit ad aliquid efficiendum, qualis est potentia calefactiua in igne ad calorem producendum; passiuæ verò quæ ad aliquid recipiendum ordinatur, quomodo in pariete est potentia passiuæ ad recipiendam albedinem.

Præmonco 1. Potentiam actiuam duplicem esse, aliam naturalem, aliam supernaturalem seu obedientialem. Naturalis dicitur quæ agit consentaneè ad suam naturam, & effectum sibi proportionatum producit; ut est prædicta vis calefactiua in igne ad calorem producendum. Supernaturalis verò ea est quæ respicit effectum vires illius naturas excedentem, quemque cum concursu Dei, ex communi lege sibi debito, producere non potest. Vnde iam vulgo dicunt potentia obedientialis actiua, quia elicit actum aliquem superioris ordinis, non ex propria & connaturali virtute; sed quatenus perfectè subditus est imperio Dei, eique obedit ad nutum, ut per eam faciat quidquid libuerit. Qua ratione intellectus & voluntas hominis censentur agere per potentiam obedientialem, quatenus actus virtutum per se infusarum & supernaturalium eliciunt.

Præmonco 2. potentiam etiam passiuam duplicem esse, aliam naturalem, aliam supernaturalem seu obedientialem. Naturalis est quæ forma aliqua connaturalis, recipitur, ut cum paries recipit in se albedinem; supernaturalis verò seu obedientialis ea dicitur, quæ res in se recipit formam aliquam ordinis supernaturalis; ut cum anima rationalis, quæ est ordinis naturalis, recipit in se gratiam iustificantem, quæ est ordinis supernaturalis. Est autem difficultas, qua ratione pe-

# LIBER TERTIVS. 119

tentia actiua obedientialis in rebus admit-  
tenda sit, an tantum ad certos effectus limi-  
tata, an vero generatim ad quoscunque effe-  
ctus: ita ut Deus possit per quamcumque en-  
titem quemlibet effectum producere. Du-  
bitari etiam potest quidnam sit illa potentia,  
& utrum ad prædicamentum qualitatís per-  
tineat.

Respondeo & dico 1. Probabilium videri  
non esse ponendam in rebus potentiam obedientialem  
actiuam in tota illa latitudine; sed tantum cum  
quodam restrictione & limitatione. Probat 1.  
Quia cum omnis causa efficiens siue princi-  
palis, siue instrumentalis debeat effectum  
quem producit attingere, seu verè & physice  
ad illius productionem concurrere, in ea debet  
necessario reperiri virtus aliqua saltem inchoa-  
ta, & remota ad talem effectum: quia aliàs  
cum verè non causaret, illiusque productio in  
solum diuinum influxum referenda esset. At  
non potest solidè dici in qualibet re etiam mi-  
nima & imperfectissima, esse virtutem inchoa-  
tam & remotam ad productionem cuiuslibet  
effectus; quænam enim est eiusmodi potentia  
v.g. in palea ad producendum Angelum, vel  
lumen gloriæ?

Confirmatur: nam quæ eleuati solent ad ef-  
fectus aliquos supernaturales producendos,  
habent vim aliquam inchoatam ad illos: ut  
patet in intellectu & voluntate quæ cum sint  
potentiæ vitales, eleuantur diuinitus ad eli-  
ciendos actus visionis, & amoris diuini, qui  
non nisi à potentiis vitalibus profluere pos-  
sunt; quia sunt actus intrinsecè vitales. Ergo  
cum similis potentia in rebus omnibus non  
obseruetur, in ordine ad omnes effectus, fru-  
stra sit & sine fundamento in his admittitur.

Probatur 2. Quia si in rebus omnibus est potentia obedientialis inchoata & innata, ut volunt Aduersarij, ad omnes effectus producendos; inde sequitur in igne esse potentiam innatam ad producendam aquam, in aqua ad producendum ignem, in calore ad frigus producendum, in frigore ad producendam calorem, & ita de aliis; at hoc absurdum videtur, cum quia sic in re qualibet esset virtus actiua inchoata & innata tendens per se ad sui destructionem; quod probabiliter affirmari nequit, cum res quilibet per se tendat naturaliter ad sui conseruationem. Tum quia virtus illa innata esset naturalis, cum tendat ad effectum naturalem & commensuratum, adeoque immerito diceretur supernaturalis, aut obedientialis.

Confirmatur, nam ideo ponitur in intellectu & voluntate potentia obedientialis actiua respectu actuum virtutum infusarum, quia actus illi sunt intrinsecè ordinis supernaturalis. Ergo cum ignis, aqua, calor, frigus, & similia sint entia merè naturalia, si ea per quandam potentiam innatam, qualis est ex communi sententia, obedientialis, se mutuo producere possunt, dicendum est illam potentiam esse Empliciter naturalem.

Probatur 3. Quia ratio præcipua cur potentia obedientialis actiua in tanta latitudine inuecta est, sumitur, ex Sacramentis nouæ legis, quæ cum ex se sint res quædam materiales & infimi ordinis, non aliter videntur producere gratiam sanctificantem quam per illam potentiam obedientialem: Verum hæc ratio, etsi magis vim habeat contra illos qui ponunt in Sacramentis causalitatem Physicam ref-

pectu gratiæ; in nostra tamen sententia nullus est momenti; cum existimemus Sacramenta non producere gratiam Physicè; sed tantum moraliter, ut breuiter ostendimus in Idea Theologiæ Sacrament. lib. 1. cap. 6. resolut. 2. & fusè in alio tractatu de Sacramentis 1. p. disp. 8. sect. 4. & 5.

Obiicies 1. S. Thomam ponere in rebus creatis potentiam obedientialem actiuam.

Respondeo admittere quidem, non generalem & illimitatam ad omnes effectus quantumuis extraordinarios & supernaturales; sed determinatam ad nonnullos effectus qui vires naturales & cōmunem concursum excedunt. Id patet manifestè ex prima parte quæst. 47. articulo 7. Vbi S. Thomas docet nullam creaturam assumi posse tanquam instrumentum ad creationem. Si enim existimaret Deum per quamlibet creaturam posse quemlibet effectum producere, consequenter fateretur creaturam posse à Deo assumi tanquam instrumentum ad creationem, quod tamen necesse est.

Obiicies 2. Accidens eleuatur ad productionem substantiæ, ad quam nullam habet proportionem; ergo similiter omnia possunt eleuari ad omnes effectus. Respondeo 1. hoc posse retorqueri, quia cum accidens naturaliter concurrat ad productionem substantiæ, sequeretur omnia ab omnibus naturaliter fieri posse.

Respondeo 2. Negando sequelam, & ratio discriminis est, quia cum accidens sit naturale instrumentum substantiæ, non mirum est quod virtute illius similem substantiam producere possit; at nihil tale reperitur in rebus omnibus ad producendos

quoscunque effectus supernaturales, ut perspicuum est.

Obiicies 3. in rebus omnibus est potentia passiva obedientialis ad omnes effectus, ergo & activa. Respondeo 1. Antecedens negari posse, quia satis incredibile videtur quod Angelus possit in se recipere albedinem, cum certum sit eum dealbari non posse; aut quod gratia sanctificans possit inherere lapidi, cum nequeat illum Deo formaliter gratum efficere. Quo enim fundamento dices formam aliquam recipi posse in subiecto, cui effectum suum formalem primum communicare nequit? Respondeo 2. Etiam dato gratis antecedente, consequentiam negari posse; quia ad agendum potest maior quædam proportio requiri quam ad recipiendum; cum nobilius sit per se loquendo, agere quam recipere.

Dico 2. *Potentiam obedientialem activam non spectare ad Categoriæ qualitatis.* Ratio est, quia ex communi sententia, eiusmodi potentia non distinguitur re ipsa ab entitate rei quæ eleuatur, per concursum Dei extraordinarium, ad effectum aliquem ordinis supernaturalis producendum: at non tantum qualitas; sed etiam res quædam aliæ possunt eleuari ad aliquid producendum ordinis supernaturalis. Ergo potentia obedientialis activa non spectat, saltem secundum totam, suam latitudinem, ad prædicamentum qualitatis.

Confirmatur: nam ita aliquo modo se habet potentia obedientialis activa ad prædicamentum qualitatis, quo se habet relatio transcendentalis ad prædicamentum relationis; at relatio transcendentalis non ponitur in prædicamento relationis; sed per alia prædi-



caſſenta vagatur: ergo ſimiliter.

Vnde reſelluntur qui dicunt, potentiam obedientialem aſſivam daſſe quantitatem aliquam ſupernaturalem rei ſuperadditam: hoc enim non poteſt intelligi, ut putant, de qualitate Phyſica, cum hæc ſit vnus prædicamenti; ſed de Logica, quatenus omnis virtus agendi qualitas interdum nominatur. Eò vel maxime quia ſi ad eliciendum aliquem aſſum ſupernaturalem, aut ad recipiendam aliquam formam ſupernaturalem, neceſſaria eſſet qualitas aliqua ordinis ſupernaturalis; eodem modo requireretur prior aliqua qualitas ſupernaturalis ad illam recipiendam, & ita daſſetur progreſſus infinitus a nemine admiſſus.

Reſelluntur etiam qui conſtituunt potentiam obedientialem aſſivam, in mera non repugnantia efficiendi aliquid ſupernaturale. Cum enim non repugnantia ſit negatio, & negatio nullam vim agendi habeat, impoſſibile eſt quod potentia obedientialis aſſiva conſiſtat in non repugnantia; ſed entitatem aliquam poſitivam neceſſario inuoluere debet, eamque indiſtinctam à re quæ dicitur eleuari ad producendum effectum aliquem ſupernaturalem.



## ARTICVLVS V.

*De tertia specie qualitatis, quæ est patibilis qualitas, & passio.*

**Q**Uæritur t. an passio sit vera qualitas, & ratio dubitandi est, tum quia Aristoteles categor. c. 8. negat esse qualitatem; tum quia illud non est vera qualitas, à quo res non denominantur quales; atqui ex Arist. ibid. à passione non denominamur quales: ergo passio non est vera qualitas.

Verùm quòd passio sit vera qualitas, satis ostendit Aristoteles eodem cap. his verbis, Tertium genus qualitatis sunt patibiles qualitates, & passionēs, ut dulcedo, amor, acerbitas, & quæcunque sunt in eodem genere. Item calor, frigus, albor, nigror; has igitur esse qualitates perspicuum est. Ita ille. Vt autem intelligas quo sensu Aristoteles negauit passionem esse qualitatem,

Nota qualitatem duplicem hęc communiter assignari, alteram quæ est qualitas secundum rem, & simul secundum modum; alteram quæ est qualitas secundum rem duntaxat, non autem secundum modum: & quidem qualitatem prioris generis esse illam quæ & in se est qualitas, & à qua res denominantur quales; posterioris vero illam à qua, etsi in se verè sit qualitas, res non denominantur quales absolute & simpliciter.

Atque hac distinctione soluitur obiectio ex Aristot. proposita: quando enim negat subiectum denominari quale à passione, tamve esse qualitatem; non est sensus eam non esse qua-

litatem secundum rem, vel subiectum ab ea nullo modo quale denominari; satis enim constat ruborem ex erubescencia ortum esse reipsa qualitatem, & eo affectum dici quodammodo rubrum. Est ergo sensus eam non esse qualitatem secundum modum, quia ab illa subiectum non denominatur absolute & simpliciter quale.

Quæritur 2. Quo sensu Aristoteles dicat, colores non dici qualitates patibiles, quod in sensibus passionem efficiant; sed quia à passionibus producti sunt; cum color afficere videatur visum, eodem modo quo mel afficit gustum, & calor tactum. Respondeo qualitates duobus modis posse agere in sensum, primo realiter in eo producendo qualitates similes, ut cum manus realiter calcfit, aut refrigeratur; secundo intentionaliter per emissionem specierum intentionalium, qua ratione colores agunt in visum: & ob hoc discrimen Aristotelem dixisse colores non efficere passionem in sensibus, scilicet ad modum aliarum qualitatum; vel quia cum species intentionalis sit qualitas submissima, per eam secundum se spectati oculus levissimè, planèq; insensibiliter afficitur. Vel quia si graviter afficitur, ut interdum contingit, ex diebus in phisicis, sunt alie qualitates quæ sensus gravius offendunt.

Quæritur 3. An patibilis qualitas & passio distinguantur inter specie: Responso communis est non distinguui, quia per accidens est v. e. ad ruborem ex se, quod cito transeat, aut diu perseveret in subiecto: neutrum enim ex natura sua exigit; sed tantum ex accidentaria quadam subiecti cui inhaeret conditione; per se verò tantum postulat vel ut passionem cau-  
set, vel ut ex ea causetur.

## ARTICVLVS VI.

*De quarta specie qualitatis, forma nempe  
& figura.*

**Q**uæritur 1. Quid per formam & figuram hoc loco intelligatur.

Respondeo 1. Hoc valde incertum esse; nam quamvis satis constet hic non agi de forma substantiali, nec de accidentali in tota sua latitudine, dubium tamen manet qua ratione forma & figura quantum speciem qualitatis constituent, & inter se distinguantur. Quidam enim existimant formam & figuram pro eodem sumi, alij putant formam significare pulchritudinem, figuram verò sumi pro terminatione quantitatis: Alij dicunt formam spectare ad res animatas, figuram verò ad inanimatas. Alij docent figuram esse nudam terminationem quantitatis, formam verò esse artefactorum. Alij tandem arbitrantur figuram esse, rerum Mathematicarum, formam verò aliorum omnium rerum, siue sint animatae, siue inanimatae; siue naturales, siue artefactæ. In tanta autem opinionum varietate,

Respondeo 2. Eos magis accedere ad mentem Aristotelis, qui docent 1. formam & figuram non pro eodem sumi. 2. figuram habere locum tantum in Mathematicis, formam verò in reliquis. Vtrumque enim non obscure colligitur ex ipso textu Aristotelis, quatenus refert in primis varias figuras Mathematicas à quibus ait res denominari quales, tum vero addit hæc verba; *sed & secundum firmam*

quumquodque dicitur quale, nam additio ista evidenter ostendit formam esse quiddam distinctum à figura; & exempla sumpta ex solis Mathematicis ad probandum, a figura res denominari quales, perspicue innuunt figuram ex mente Philosophi, non nisi in Mathematicis locum habere; ac proinde formam ad alia omnia esse extendendam.

Queritur 2. An forma & figura inter se specie distinguantur. Respondeo negativè, quia de ratione istius qualitatis est; quod extrinsecè terminet subiectum, est autem ista omnino accidentarium, quod subiectum ab ea terminatum sit Mathematicum, aut naturale, aut artificiale: adeoque ex ea diversitate non potest oriri discrimen specificum inter figuram, quæ res Mathematicas terminat, & formam quæ res alias.

## ARTICVLVS VII.

*Due dubitationes expenduntur.*

Prior dubitatio est, an raram & densam, itemque asperam & lævem ad qualitatis categoriam spectent. Aristoteles aperte id negat in categoriæ cap. de qualitate, aitque ea potius ad partium positionem spectare. Rationem affert sumptam ex prædictorum definitione: densam enim dicitur, *Cum partes sibi invicem propinque sunt*; raram autem *cum partes a se invicem distant*: Et lævem illud est, *cum partes in rectum quidammodo posite sunt*, asperam verò, *cum pars alia eminet, alia superatur*.

Verum hæc sententia non caret difficultate,

tum quia ex A. II. 7. Physic. cap. 2. perspicuè colligitur rarum & densum esse qualitates, & pertinere ad tertiam speciem qualitatis, quia sensu percipiuntur: tum quia probabile non est rarum & densum, asperum & læve, cum sint modi rei affixi, siue loco moueatur, siue non, spectare ad Categoriā situs, quæ dicit certam positionē partium ad locum; tum quia cū Aristoteles curuitatem & rectitudinem ponat in quarta specie qualitatis, similiter videtur asperum & læve ad eandem reducenda esse; cum in re aspera curuitas, & in læui rectitudo conspiciatur.

Et iuxta hanc oppositionem, quæ est cōmunior, dici potest primò, cū Aristoteles priori loco prædicta refert ad positionē partium, verisimile esse eum per talem positionē intelligere positionem partium quantitatiuam, de qua egit capite de quantitate; cū quanta diuisit in ea quæ situm & positionem partium inter se habent, alia quæ non habent, ut vel ex eo probatur, quod definitiones rari & densi, &c. quas affert, nihil aliud quàm positionem seu certum ordinem partium significare videntur. Secundo, illo loquendi modo eum tantum velle innuere, prædicta ut ab eo sunt definita, pertinere ad quantitatem tanquam quosdam modos illius. Hæc tamen, ut verum fatear, difficultate non carent, quæ melius percipietur ex aliis dicendis de raritate & densitate.


Posterior dubitatio est, an pondus sit species qualitatis. Nonnulli putant esse speciem quantitatis; sed communis sententia illud ad qualitatem reducit: primo quia pondus nihil est aliud quàm grauitas corpus deorsum impellens; corpus autem impellere non est munus quantitatis; sed qualitatis. Siquidem grauitas

& leuitas sunt in eodem genere; at perspicuum est leuitatem non esse quantitatem, sed qualitatem qua corpus sursum pellitur. ergo similiter grauitas est qualitas qua corpus deorsum trahitur.

Secundò : quia si grauitas esset quantitas, quò maior esset quantitas, eo semper maior esset grauitas; quod tamen falsum est; cum non raro quæ minoris sunt molis, sint grauiora, vt patet in metallis & lapidibus cum lana & gossipio collatis.

Obricies, æquale & inæquale esse proprietates ponderis, & etiam quantitatis; vnde sequitur pondus esse quantitatem. Respondeo vt in ponderibus non est propriè quantitas molis, sed virtutis: ita in illis non esse æqualitatem & inæqualitatem molis; sed virtutis, quæ in eo consistit vt in vno sit maior vis impulsus, quàm in alio: quo fit vt pondera potius debeant dici similia aut dissimilia, quàm æqualia vel inæqualia; adeoque spectent ad equalitatem, non ad quantitatem propriè dictam.





## CAPVT IV.

De variis oppositionibus rerum.

## ARTICVLVS PRIMVS.

*Observationes circa opposita.*

**C**VM res inter se opponantur maximè ratione qualitatũ, non immerito hic nonnulla de oppositis in Logica præterniſſa, ſubiicienda duximus, quibus quæ de qualitate in genere dicta ſunt, & quæ infra de habitibus addentur, clariora euadent. Itaque cùm ibi dictum ſit, quatuor modis res inter ſe opponi, nempe relatiuè, contrariè, priuatiuè, & contradictoriè, iam

Aduertendum 1. quæcunque relatiuè opponuntur idipſum, quod ſunt oppoſitorum dici, vt patet ex dictis vbi de relatione: at contraria non dicuntur ad ſe inuicem, neque enim bonum dicitur mali bonum; ſed contrarium: nec album nigri album, ſed contrarium.

Aduertendum 2. contraria dici, quorum alterum neceſſe eſt in iis ineſſe, in quibus natura comparatum eſt vt inſint; atque inter hæc contraria non datur medium, v. c. quia morbus & ſanitas naturaliter inſunt animali, neceſſe vt alterum ei inſit, nec datur ſtatus medius. [Item quia] par & impar tribuuntur numero, neceſſe eſt quemcunque numerum vel eſſe parem, vel imparem.



Sunt tamen aliqua contraria quorum non est necesse alterum inesse, & in his datur medium, vt patet in albedine, & nigredine: nam etsi naturaliter insint corpori non tamen necesse est vt omne corpus sit album, aut nigrum, cum aliquod possit esse rubrum, aut flavum. Et similiter inter primum & improbum datur medium, si hæc spectentur secundum habitum, nempe homo qui habitu virtutis & vitij caret: ille enim neque probus, neque improbus eo sensu dici debet.

Ex quo intelligis quædam media nomine proprio explicari, quia consistunt in quibusdam formis positivis quæ participant de utroque extremo; alia vero non nisi per negationem utriusque extremi explicari, quia in eiusmodi negatione consistunt.

Advertendum 3. privationem & habitum circa idem aliquid esse, vt visus & cæcitas circa oculum, unde distinguitur hæc oppositio ab aliis, quia non est necesse vt alix sint in eodem specie & numero subiecto: ac privatio & habitus versantur circa idem aliquid, id est circa idem specie & numero subiectum, vt visus & cæcitas circa eundem oculum.

Vt autem aliquid dicatur privatum habitu, duo requiruntur. 1. vt subiectum sit capax habitus; quare lapis non potest dici cæcus, cum aptus non sit ad videndum. 2. vt non habeat habitum quando à natura habere debet, quo fit vt non vocemus edentulum quod non habet dentes, & cæcus quod non habet visum, sed quod non habet quando à natura habere debet. Nam nec infantes ab ortu dentes habent, nec catuli visum, non tamen illi edentuli, aut isti cæci dicuntur.

Advertendum 4. privantia distingui à rea-

vis, quia relata id quod sunt alterius esse dicuntur, at hoc non convenit privantibus, nam visus non dicitur cæcitatibus visus, nec cæcitas visus cæcitas, sed tantum visus privatio.

Aduertendum 7. priuantia distingui etiam à contrariis siue immediatis, siue mediatis; ab illis quidem, quia na se habent ex supradictis, ut semper necesse sit alterum inesse subiecto ad recipiendum apto; at potest dari subiectum ex se capax privationis & habitus, utroque tamen carens, ut catulus ante nonum diem, qui nec videns, nec cæcus est: ab istis etiam, quia nunquam necesse est ut alterum eorum sit in subiecto, nisi insit à natura; paries enim qui ex se habet aptitudinem ut sit albus aut niger, potest esse semper rubeus aut ceruleus; at priuantium alterum debet semper esse in subiecto post tempus à natura præstitutum, ut visus aut cæcitas in catulo post nonum diem.

Aliud est discrimen inter priuantia & contraria, quod pleræque contraria se mutuò expellunt e subiecto: nam quod est album, potest nigrum fieri, & quod est frigidum, calefieri, & vice versa: at in priuantibus aliter res se habet; nam etsi ab habitu ad privationem mutatio fiat, non tamen à privatione ad habitum fieri potest. Neque enim qui cæcus factus est rursus aspexit, nec calvus comam recepit. Atque hinc sumitur vulgatum illud axioma, à privatione ad habitum non datur regressus. de cuius intelligentia articulo 7. agitur.

Aduertendum tandem contradictoriè opposita illud maximiè proprium habere, quod alterum eorum de quacunque re siue existente, siue non existente verè dicitur: nam quidquid est aut non est, videt aut non videt, legit aut non legit, calidum est aut non calidum, &c.

at idem non habet locum in aliis oppositis,  
quia non quidquid est, est pater aut filius, al-  
bum aut nigrum, videns aut cecum.

## ARTICVLVS II.

*Nonnulla dubitatione proponuntur circa  
oppositiones prædictas.*

**Q**Uæritur. 1. an oppositam sit genus res-  
pectu prædictorum quatuor opposito-  
rum, seu an prædicetur de illis vniuocè,  
an vero tantum æquiuocè, aut analogicè.

Respondeo & dico 1. *non dici de illis æqui-  
uocè.* Siquidem ea non sunt æquiuoca, quæ in  
nomine & ratione per nome : signifiata con-  
ueniunt; atqui prædicta quatuor opposita con-  
ueniunt in nomine & ratione oppositorum;  
ergo non sunt æquiuoca. Maior perspicua est  
ex dictis de æquiuocis in Logica; minor verò  
suadetur; nam & nomen oppositorum con-  
uenit relatis, contrariis, priuationibus, & contra-  
dicentibus; omnia enim communiter vocan-  
tur opposita; definitio etiam oppositorum illis  
competit: nam opposita definiuntur *que simul  
esse non possunt*: non posse autem simul esse  
prædictis omnibus oppositorum speciebus  
conuenit, vt perspicuum est.

Dico 2. *non etiam dici vniuocè, sed tantum ana-  
logicè secundum magis & minus.* Probat, quia  
en maior est oppositio inter aliqua, quo minor  
est naturæ cōuenientia inter illa; atqui minor  
est naturæ cōuenientia inter ens & non ens,  
quàm inter ens & priuationem entis; & minor  
inter eas & priuationem entis, quàm inter duo

e una absoluta : & minor inter duo entia absoluta , quam inter duo relativa , ut facile consideranti patebit : ergo maior est oppositio inter contradicentia , quàm inter priuatiua ; inter priuatiua , maior quàm inter contraria , & inter contraria maior quàm inter relativa .

Quæritur 2. an diuisio prædicta oppositorum sit adequata . Respondeo affirmatiuè , quod probatur , quia omnis oppositio vel est inter duo entia positiua , vel inter ens & non ens ; si est inter duo entia positiua , vel ea sunt absoluta , quomodo constituitur oppositio contraria ; vel respectiua , quomodo constituitur oppositio relativa . Quod si oppositio reperitur inter ens & non ens , vel ea est inter ens & negationem entis , quomodo constituitur oppositio contradictoria ; vel est inter ens & priuationem entis , qua ratione constituitur oppositio priuatiua .

Obiicies , disparata cum essentialis & definitionibus differant , nec eidem possint competere , inter opposita reponenda esse , ut homo & lapis ; sicque prædictam diuisionem non esse adequatam . Respondeo oppositionem interdum late sumi pro quacunque repugnantia in vnum conueniendi ; quomodo complectitur disparata substantiarum completarum quas repugnat eidem competere : propriè vero sumi oppositionem pro repugnantia cum certo termino , ut patet in quatuor membris propositis : nam in non positiuis vna forma repugnat vni tantum negationi , aut priuationi ; ut lapidis non lapidi , & tenebræ luci : in positiuis verò vnum opponitur tantum alteri , ut calor frigori , & pater filio ; qua ratione disparata non sunt opposita , quia non habent determinatam oppositionem cum certo termino ; sed

generalem cum rebus infinitis à quibus essentialiter differunt; ut lapis cum homine, equo, aliisque omnibus entibus quæ non sunt lapides.

## ARTICVLVS III.

*De regressu à priuatione ad habitum.*

**Q**UÆRITUR 1. quo se sit dicat Arist. à priuatione ad habitum non dari regressum, seu illum qui forma aliqua priuatus est, non posse iterum illam recipere. Respondeo hoc communiter explicari, adhibita distinctione; nam interdum quis priuatur actu duntaxat. ut qui dormit, priuatur actuali visione, interdum vero potentia agendi, ut cæcus priuatur videndi facultate. Quando priuatio contingit tantum priori modo, tunc aiunt certum esse à priuatione ad habitum dati naturaliter regressum; siquidem ille qui cum dormitet, actu non videbat, expergefactus iterum videt. Quando autem priuatio posteriori modo aduenit, tunc facientur ad illam viribus naturæ non dati regressum: neque enim cæcus naturaliter visum recuperare potest, neque mortuus vitam. Dico naturaliter; nam quod hæc supernaturaliter restitui possunt, satis constat ex Euangelio, & ex historia Ecclesiastica quibus docemur Christum, Apostolos, aliosque sanctos cæcis visum, & vitam mortuis plerisque restituisse.

Hæc tamen cum aliqua limitatione intelligenda sunt: nam in primis nunquam idem numero actus qui per priuationem fuerat ablati, restituitur; qui enim post somnum videt,

non eandem numero visionem quam antea elicit, sed eandem speciem.

Deinde quod interdum possit fieri naturaliter regressus ad eundem speciem habitum, patet exemplo aquæ quæ ex frigida fit calida, & ex calida iterum frigida, & vice versa. Et, iuxta communem sententiam alibi expendendam, in mixta conuersione aëris in aquam, & aquæ in aërem. Potest etiam fieri ut quis scientiam per morbum amissam, eandem quoad speciem iterum proprio labore comparat. Ex nemo ignorat aërem qui ex lucido fit tenebrosus, iterum redeunte sole, illustrari.

Ex quibus exemplis constat, non modò in contrariis; sed etiam in priuatiuis proprie sumptis dari regressum ad formam amissam. Quod non satis videtur coherere cum mente Aristotelis, qui cap. de oppositis illud ponit discrimen inter contraria & priuatiua, quod in contrariis fieri potest regressus ad formam, non autem in priuatiuis; cum cæcus visum nunquam recuperauerit, nec caluus comam, nec vilus edentulus dentes emiseric: quod intelligendum videtur de priuatiuis, quibus potentia aliqua naturalis destruitur. Verùm clarioris doctrinæ causa.

Queritur 2. an quod semel corruptum est, possit idem numero in integrum restitui, siue spectatis viribus naturæ, siue per ordinem ad Dei omnipotentiam; idque siue res corrupta sit permanens, siue successiua.

Respondeo & dico 1. *rem semel corruptam non posse eandem numero viribus naturæ restitui.* Probatur 1. ex Arist. loco citato, cum ait à priuatione ad habitum non dari regressum, cum enim id intelligat de regressu ad eundem speciem habitum, ut ex dictis manifestè colligitur, inde

inde à fortiori deduci potest, non posse idem numero quod semel corruptum est, viribus naturæ in integrum restitui.

Probat 2. Experientia, quia non videmus res easdem numero quæ perierunt, ad vitam revocari, v. c. eundem hominem, eundem equum; quod similiter de aliis omnibus affirmandum est, etsi discrimen inter illa non adeo clarè observari possit. Confirmatur: nam si idem homo posset iterum viribus naturæ reproduci, fides miraculosæ resurrectionis non parum inde labefacteretur.

Probat 3. Quia nō minùs difficile est quòd res existens prima hora, & non secunda, iterum existat tertia, quàm quòd res occupans primum locum adæquatum, occupet postea tertium similem, etsi non fuerit in medio. At hoc posterius ab omnibus indicatur impossibile, spectatis naturæ viribus. Ergo & illud prius naturaliter impossibile iudicari debet. Atq; hæ rationes satis probabiliter propositū ostendunt: quænam autem vera & intrinseca sit causa huius impossibilitatis adhuc ignotū est.

Obijcies, experientia constat muscā in aqua suffocatam & verè mortuam ad vitam redire, si soli feruido exponatur, aut intra emeris tepidos recondatur. Respond. 1. non satis constare an musca illa verè sit mortua. etsi nobis mortua appareat 2. experientiam illam non ostendere esse eandem numero muscā, sed ad summum esse idem numero corpus, adhuc sufficienter dispositum vt ex eo virtute caloris, distincta anima excitata fuerit.

Dico 2. *Rem corruptam per manentem posse eandem numero restitui per potentiam Dei absolutam.*

Probat 1. Quia ex fide constat, omnes homines post mortem divina virtute resurrectu-

Metaph.

P

res ad vitam in mortalem; ergo ex hoc saltē capite de veritate nostra Propositionis à Catholicis dubitari nequit. uod si iam homo diuinitus redire potest, cur non & alia omnia creata? Nam etsi illius anima non destruat, corpus tamen in vermes & in terram abit; imò ex illius substantia plantæ, anes, pisces & interdum homines nutriuntur. Quare post tot trāsmutationes non minùs operosum est illud in pristinum statum restituere, quam formam lapidis, vel equi corruptam denuò producere.

Probat 2. Nam si Deus non potest rem corruptam producere, repugnantia se tenet vel ex parte Dei, vel ex parte rei corruptæ; non ex parte Dei, cum omnes fateantur eum esse omnipotentem; non etiam ex parte rei corruptæ; cum non sit de essentia illius quod non nisi semel existere possit. Confirmatur: nam si res potest diuinitus existere simul in duobus locis, ut omnes fatentur, cur non etiam poterit eadem virtute existere in duobus temporibus: ita ut sicut non est in medio loco, sed in extremis, ita sit in temporibus extremis, non in medio? Maximè cum res eodem modo se habeat respectu Dei, dum corrupta est, ac antequam primo producta esset. Quare sicut à Deo produci potest, antequam sit, ita & cum esse debet.

Obiiciet aliquis repugnantiam oriri ex parte actionis; quia non potest idem reproduci nisi per eandem actionem, qua primò productum est: at non potest etiam diuinitus restitui actio quæ præterit, cum pendeat à tempore præterito quod restaurari non potest. Respond. maiorem negandam esse, agendo de virtute diuina: cum enim Deus efficere possit ut idem effectus à diuersis causis totalibus, adeòq; per



## LIBER TERTIVS.

110

distinctas actiones & dependentias producatur, ex supradictis; a fortiori potius ipsamet rem primo per vnam actionem productam, iterum per aliam producere. Potest etiam maiori concessa, negari minor; quia etsi detur actionem creaturæ penderē a tempore, non apparet cur non possit Deus extraordinariē talem dependentiam supplere. Et quamvis id non posset, iude non sequeretur non posse Deum quod se solo produxit, iterum postquam interit eadem actione reproducere.

Dico 3. *Esi probabilis sit communis sententia qua statuit, res successivas qua defuerunt, non posse easdem numero diminutis restaurari, id tamen non carere difficultate.* Probatut ex dictis, nam cum repugnantia non se teneat ex parte Dei, debet se tenere ex parte rei successivæ: at hoc non potest solidē probari, cum non sit de essentia rei successivæ ut postquam esse desit, non amplius per ullam virtutem esse possit; nec appareat cur res quæ non est, non contineatur eodem modo in potentia Dei productiva, siue extiterit, siue non.

Obiicies 1. ad præteritum non datur potentia, ergo motus aut tempus præteritum non potest reproduci. Respondeo negando consequentiam: illius enim effecti sensus non est, idem numero tempus quod præteritum est, non posse iterum restitui; sed fieri non posse quin præteritum sit, quod à verissimum est: quia etsi restituantur, semper verum erit illud alias præterisse, sicut verum erit post re'urrectionem, omnes homines etsi tunc viuentes, aliis mortuos fuisse.

Obiicies 2. unitas numerica motus pender ab unitate temporis imaginarij; at hoc semel elapsam restitui non potest, ergo nec illud,

Respondet maiorē negari posse, motus enim constat intrinsecē ex suis partibus successivis, nec dicit essentialiter ordinem ad talem partem temporis imaginarij: quare ex se est indifferens ut primo sit in hoc vel illo tempore imaginario, adeoque postquam desit, æque potest in alio reponi, saltem virtute divina.

Neque refert quod ex Arist. ad unitatem numericam actionis seu motus requiratur unitas numerica subiecti, termini, & temporis, hinc enim nihil aliud inferitur quàm, ut motus sit unus seu continuus requiri unitatem seu continuationem temporis; quod verificari potest in quovis tempore, modo partes illius non interruptantur.

#### ARTICVLVS IV.

*Nonnulla observanda circa proprietates contrariorum ab Arist. assignatas.*

**Q**UINQUE assignantur ab Arist. proprietates cōtrariorum, ut diximus in Logica. Prima est: *quidquid boni contrariatur esse malum*, circa quā observandum 1. ex eo quod Aristoteles ait bonum & malum esse contraria, ut iustitiam & iniustitiam, manifeste colligit malum & iniustitiam esse quid positivum, non autem privationem, ut multi existimant; cum opposita contrariē sint entia positiva, & à privative oppositis distinguantur; ut constat ex supradictis. & omnes fatentur. Hinc autem confirmatur eorum doctrina qui existimant, peccatum actuale commissionis esse quid positivum; quod nobis probabilius vide-

rut, ut diximus olim in Idea Theolog. Moral.  
lis, & infra iterum dicitur in Ethic. 2.

Observandum 2. quod ait Aristoteles, malo  
& bonum repugnare & malum, intelligi de  
bono quod est veluti medium inter duo mala  
extrema; qua ratione avaritiæ repugnant pro-  
digalitas, & liberalitas; sed cum discrimine:  
nam duo illa vitia sunt extremè opposita: vir-  
tus vero media opponitur eorum vbi, quate-  
nùs de alio participare videtur; ut liberalitas  
opponitur avaritiæ, quatenùs ad prodigali-  
tatem aliquo modo accedit, & prodigalitati  
quatenùs ad avaritiam vergit. Vnde quod di-  
citur 10. Metaph. tex. 15. vnum voi contra-  
rium esse, debet intelligi de his quæ sunt dire-  
ctè & extremè opposita.

Observandum 3. bonum non opponi bono,  
sed malo, malum autem non tantum opponi  
bono; sed etiam malo, non quod mala ut ma-  
la sibi inuicem repugnent; sed quia vnum ex-  
cedit, & aliud deficit. Itaque per excessum &  
defectum mala sibi inuicem opponuntur, quia  
modis oppositis a bono deficere possunt; cum au-  
tem unica sit & simplex ad bonum capessen-  
dam via, hinc fit ut non sint oppositæ rationes  
boni, sed unica; adeoque bonum bono non  
repugnet.

Secunda est, si vnum contrarium est in rerum  
natura non esse necesse existere alterum: circa quam  
observandum est, Arist. non satis sibi videri  
constare, cum oppositum tradat 2. de celo  
cap. 3. vbi ex eo quod terra est, probat ignem  
esse; quia dato vno contrarietum, aliud dari  
debet. & ex eo quod terra & igois sunt, pro-  
bat elementa media debere quoque existere:  
quia quodlibet elementum aliquam habet  
cum alio contrarietatem,


Dicendum tamen suo illa loca posse optimè inter se concitari. Nam in priori nihil aliud vult Arist. quàm non spectare absolute ad rationem contrariorum, quatenus contraria sunt. ut vno posito, aliud existat, sicut est de ratione relatorum ut vno existente, aliud quoque existat. In posteriori vero ex eo quod vnum contrarium existit in rerum natura, colligit aliud debet existere; non quia sunt contraria; sed ob perfectionem vniuersi, quæ ex positum ne contrariorum magis elucet.

Tertia est, *Contraria nec posse simul esse in eodem suo et.*, circa quam observandum est eam veram esse, si spectentur contraria in gradibus intensius; non autem si in gradibus remissis. Ipse enim Arist. 4. Meteor. h. cap. 6. docet fieri non posse ut contraria simul insint, nisi aut utrumque aliqua ex parte, aut alterum aliqua ex parte, alterum simpliciter. Et satis constat aquam, dum ab igne incipit calefieri, non statim totam frigiditatem amittere, adeoque calorem & frigus in ea simul reperiri in gradibus remissis.

Quarta est, *Contraria versari circa idem genera aut species subiectum*; circa quam observandum est; non omnia contraria versari circa idem specie subiectum: ignis enim qui calidus est, non potest esse frigidus, & aqua quæ humida est, non potest esse sicca; sed circa idem specie aut genere subiectum. Nam licet ignis non possit esse frigidus, nec aqua sicca; aqua tamen, aer, & terra frigiditatem admittunt, itemque ignis & terra, siccitatem.

Quinta est, *Contraria vel esse in eodem genere, vel in diversi generibus*, circa quam observandum est graue dubium esse, quo sensu dicat Arist. bonum & malum esse genera, nec ta-

men esse in genere: inde enim videtur colligi quodecim esse summa genera, numerum decem vulgarem, & præterea bonum & malum. Verum dimissis variis interpretationibus, quæ cum textu Arist. parum coherent, ea magis videtur probanda quæ docet, Philosophum id dixisse ex mente Pythagoræorum, qui duo tantum rerum summa genera constituebant, nempe bonum & malum.



## CAPVT V.

## De habitibus in genere.

## ARTICVLVS PRIMVS.

*De existentia, & essentia habitus.*

**Q**Uæritur: an quidam habitus admit-  
tendi sint. Respondet affirmatiue, vt  
patet tum ex communi omnium con-  
sensu, tum ipsa experientia; nam cum aliquem  
actum sæpe repetimus, experimur nos longè  
facilius cum postea exercere quàm ante; quod  
manifesto indicio est nos per illam actuum re-  
petitionem, comparasse quandam agendi fa-  
cilitatem ad similes actus inclinantem, quæ  
habitus appellatur.

Consignatur: nam quando potentie natu-  
rales experiuntur difficultatem in operando, &  
postea per varios actus fiunt aptæ ad opera-  
tiones suas facilius exercendas, perspicuum est  
mutationem quandam in ipsis potentiis acci-  
pi

dulē: quia *idem manens idem, aptum tantum est fieri idem*; at ea mutatio non in eo consistit, quod vis naturalis potentia sit intrinsecē aucta, quod eiusmodi augmentum per actū repetitionem fieri non potest. Neque in eo præcisē quod aliquod impedimentum sit amorū; tum quia non potest dici quodnam sit eiusmodi impedimentum, quodvis potentia aliqua facilitatē agendi consequitur. Tum quia aliud est carere aliquo impedimento agendi, aliud assequi positivam facilitatem ad agendum, hoc enim ex illo non sequitur, at experimur nos post actuum repetitionem positivē inclinari ad facilius operandum: quare fatendū est aliquam qualitatem advenire potentiis naturalibus, per quam positivē fieri habiliores ad suas operationes exercendas, & eam qualitatem vocamus habitum.

Obiicies 1. Potentia est principium completum actus qui ab ea procedit, ergo superfluum est habitus qui simul cum ea ad eundem actum concitat. Respondeo ad antecedens, potentiam esse principium completum actus quoad substantiam seu entitatem spectati, non autem quoad modum seu facilitatem agendi, adeoque hoc posteriori titulo requiritur habitus qui tribuat non simpliciter vim agendi, sed facilitatem.

Obiicies 2. Si darentur habitus micuentes difficultatem agendi, sequeretur agentem ex habitu bono minūs mereri quā agentem sine habitu, quia ille minorem in agendo difficultatem experiretur. Hoc autem absurdum est, & communi sensui repugnans. Respondeo negando id sequi, quia meritum non pendet per se ex difficultate operantis; sed maximē ex dignitate & difficultate operis quod elicitur; at quamvis habitus tollat difficultatem

ex parte operantis, non tamen minuit dignitatem & difficultatem operis, adeoque non minuit meritum. Vnde non laudamus eos qui cum difficultate operantur, sed eos qui difficilia aggrediuntur.

Queritur 2. Quid sit habitus. Respondeo esse qualitatem de se permanentem & stabilem, quæ potentia tribuit facilitatem agendi. Hoc patet ex dictis, nam ipsa potentia habet per se sufficientem vim agendi sine habitu, ut vel ex eo manifestum est, quia cum habitus producat per actum multiplicationem, aliquis actus debet necessario præcedere habitum, ac proinde potentia sine habitu absolute agere potest. Quare habitus non potest requiri ut simpliciter necessarius ad agendum; sed tantum ut adiuvans potentiam ad actum cum maiori facilitate eliciendum.

Itaque habitus est in primis in genere qualitaris, quia id quod inest potentia, ei que tribuit agendi facilitatem, est principium actionis; esse autem principium actionis non competit quantitati, ne relationi, nec actioni, aliisque prædicamentis accidentium; sed tantum qualitati.

Nec refert quod habitus dicat intrinsecè ordinem ad operationem; hoc eum non impedit quin sit qualitas, quia ordo ille non est relatio prædicamentalis; sed transcendentalis. Aliis dicendum esset potentias omnes operativas non spectare ad qualitatem, sed ad relationem, quia intrinsecè dicunt ordinem ad proprias operationes.

Deinde habitus est qualitas de se permanens & stabilis; se habet enim ut principium agendi, non ut actus, adeoque non transit cum actione; sed post illam perseverat, ut ex eo

parat; quia post cessationem ab operatione potentia eandem experitur facilitatem, quando rursus se ad opus accingit.

Tandem habitus supponit potentiam agendi, non modo radicalem & remotam; sed etiam formalem & proximam; adeoque eam non confert, sed potentiam præexistentem iuvat ut facilius operetur. Quod intellige de habitibus naturalibus qui per proprios actus acquiruntur: nam supernaturales qui à Deo infunduntur, censentur simpliciter tribuere potentiam agendi supernaturaliter; non quòd soli eliciant actus supernaturales sine consorcio potentiae naturalis, recipiuntur enim in aliqua animæ potentia, & cum ea actum eliciunt; sed quia potentiam eleuant ad simpliciter agendum ita ut potentia hab tu infuso destituta, ne quidem actum imperfectissimum supernaturalem elicere possit, nisi aliunde illius defectus suppleatur.

Obiicies prædictam definitionem non competere sanitati, pulchritudini, aliisque huiusmodi qualitatibus quæ ab Arist. inter habitus numerantur; quia illæ disponunt subiectum in ordine ad se, non autem in ordine ad operationem. Respondeo vel sanitatem & pulchritudinem formaliter consistere in quodam contemperamento qualitarum adeoque potius ad relationem spectare quàm ad habitum; vel si intra habitus reponenda sunt, dicendum eos esse mediatè operarios: quia cum substantia sit propter operationem, omnis habitus bene attenditur ad substantiam. censetur mediatè illam ordinare ad operationem, sicque definitionem allatam iis posse non incongruè aptari.



## ARTICVLVS II.

*De subiecto habituum.*

**Q**Uæritur I. an habitus sint in intellectu & voluntate. Respondeo affirmatiuè, ex communi sententia quæ docet sapientiam, scientiam, fidem, opinionem, &c. esse habitus intellectuales, seu in intellectu constitutos; item iustitiam, fortitudinem, & temperantiam esse habitus morales in voluntate residententes.

Idque comprobatur experientia; nam quando incipimus scientias addicere, aut virtutes morales sectari, multas experimus difficultates ex parte intellectus & voluntatis, quas tandè per multiplicationem actuum superamus; ita vt facile affectus amur propositionibus quas initio falsas existimabamus, & vltro, imò cù magna delectatione actus virtutis antea non parum ingratos eliciamus: ista autem facilitas repetitione actuum inducta, est qualitas quædam habitualis intellectu & voluntate producta, quæ in similes actus inclinatur.

Obiicitur t. habitus requiritur ad determinandam potentiam; at intellectus est ex se determinatus ad suos actus, voluntas verò cùm sit libera & indifferens, non potest ab extrinseco determinari ad agendum, ac proinde nullus habitus poni debet sive in intellectu, siue in voluntate. Respondio habitum exigi ad iuvandâ potentiam, & exenùs determinandâ quoad modum facilius agendi, quæ ratione potest poni habitus in intellectu quia cù sit determinatus ad assensum tum vero clarè ipsi proposito, non tamen ad assentiendum illi tan-

ta facilitate, vt maiori non possit per additionem alienius qualitatis. Potest etiam poni habitus in voluntate, non obstante illius libertate, quia etsi per habitum inclinetur ad actum, non tamen ad illum determinatur; sed ipsa scilicet & habitum ad exercitium actus determinat.

Obiicies 2. non opus esse ponere habitum aliquem in voluntate, eò quod facilitas aut difficultas quam experitur in operationibus suis, sufficienter in iudicium intellectus clarè aut obscurè obiectum ipsi proponentis, re-fundi potest. Respondeo hoc gratis dici, quia cum iudicium intellectus inducat tantum facilitatem aut difficultatem ex parte obiecti, requiritur præterea habitus qui ex parte subiecti amoveat difficultatem, quam habet voluntas ad eliciendum aliquem actum. Eò vel maximè, quia non rarò videmus meliora, probamusque & deteriora sequimur, scilicet ob difficultatem quam voluntas experitur in exercitio alicuius operationis, etsi ab intellectu ipsi vt bona & honesta propouatur.

Instabis: difficultatem quam voluntas ea in re experitur, oriri ex passionibus ad malum eam trahentibus, adeoque sufficere vt habitus aliqui in appetitu sensitivo, qui passionum est sedes, constituantur. Respondeo vndeunque illa difficultas oriatur, id parum interesse; quia cum ipsa voluntas difficultatem sentiat in operando, ipsi necessarius est habitus ad difficultatem illam superandam. Imo seclusa illa difficultate positiua, probabile est voluntatem adhuc esse capacem habitus, quia cum maiori & maiori facilitate agere posset.

Queritur 2. an habitus sint in potentiis sensitivis & vegetativis.

Respondeo & dico 1. *Appetitum sensitivum esse*

*capacem habitus, saltem in homine.* Ita omnes communiter: nam multi existimant virtutes quoddam morales nempe fortitudinem, & temperantiam, esse in appetitu sensitivo; qui verò eas virtutes in voluntate constituunt: existimant quoddam habitus illis proportionatos in appetitu sensitivo reponendos esse, quia de re agitur in Idea Ethicæ.

Idque ea ratione ostenditur, quia potentia illa est capax habitus, quæ initio experitur gravè difficultatem in suis operationibus. postea vero per multiplicem actuum repetitionem magnam in agendo facilitatem experitur; ista enim facilitas de nouo inducta, est habitus per actus repetitos acquisitus. At tale quid contingit in appetitu sensitivo hominum, cum in materia temperantiæ, aut fortitudinis aliquando rationi obstinatè resistat, & post varios actus iteratos illa planè subiacatur quoad eandem materiam; ita ut facile, imo interdum cum magna voluptate id amplectatur, quod ante refugiebat.

Neque dicas, causam huius rei posse referri in variam corporis constitutionem, qua fiat ut appetitus modò in unum obiectum feratur, modo in oppositum: ceteri enim temperamentis ad hoc non parum cōducant, non tamen est totalis causa illius, ut ex eo perspicuum est, quòd etiam temperamēto corporis non mutato, prædicta variatio cernitur in appetitu sensitivo.

Dico 2. *Habitus communiter poni in sensibus hominis internis, non tamen in externis, neque in facultatibus animæ vegetativæ.* Prima pars probatur, quia experientia constat per assuetudinem fieri ut magna facilitas acquiratur in actibus memoriæ & phantasie eliciendis; ita ut non pauci sint qui cum nulla fere vi recordandi

aut imaginandi pollerent, usu & exercitio magnam facilitatem in actibus memoriæ & phantasiæ eliciendi deinceps expetiantur.

Secunda pars ostenditur, quia illæ potentie non sunt capaces habitus, quæ semper quantum est ex se, eodem modo operantur, neque actuum exercitio maiorem agendi facilitatem acquirere possunt: atqui sensus externi eodem modo semper, quantum est ex se, operantur, neque per actuum repetitionem facilitatē agendi comparare possunt; ut patet in visu qui iisdem conditionibus positus, tam ex parte mediij & obiecti, quam ex parte organi, semper æque facile obiectum percipit. Unde si interdum magis aut minus operosē illud intuetur, ea varietas in diversitatem aliquarum ex dictis conditionibus sufficienter reduci potest.

Neque refert quod sensus externi interdum faciliorem aliquam agendi videantur acquirere, ut cū gustus assuevit quibusdam saporibus quos ante repudiabat: hoc enim potest contingere sine acquisitione novi habitus, nempe vel per mutationem apprehensionis, vel etiam per immutationem quandam factam in temperamento lingue.

Tertia pars suadetur, quia facultates vegetatiue sunt ex natura sua determinatæ ut eodem modo operentur, neque per repetitionem actuum maiorem acquirunt agendi facilitatem; ut virtus nutritiva in stomacho residens non in dies accrescat quoad ad facilitatē cibum digerendi, nisi quatenus cibus delicatior sumitur, aut calor internus augeatur, vel aliter homo melius disponitur intrinsecē quoad proprium temperamentum. Unde si quæ maior facilitas successu temporis in cibo dirigendo accedit, ea in aliquam ex his causis, non autem in novum habitum referenda est.

Quæritur 3. an habitus possit produci in membris corporeis, v. c. in manu, aut pede. Respondeo negari non posse quin manus & pedes longo usu acquiritant magnam facilitatem se mouendi lo. aliter, vt patet in cytharædis, & saltatoribus quorum illi magna facilitate digitos, isti pedes mouent. Hoc autem non potest intelligi nisi per aliquam mutationem factam in manibus & pedibus; quia si sola apprehensio sufficeret, sequeretur eos omnes qui artem aliquam callent, posse illius operationes perfecte exercere: quod aperte falsum esse experientia ostendit; cum multi v. c. artem canendi probe sciant speculatione seu mentaliter, non autem practice seu vocaliter, vt ita loquar.

Negari etiam vix potest, quin mutatio facta in manibus & pedibus dicat aliquam entitatem positivam in his receptam, cum nequeat intelligi, quod, per solam alienius impedimenti ablationem, agilitas illa collata sit. Quare si entitas positiva, quæ facultati naturali confert facilitatem agendi dicitur habitus, non video cur agilitas illa manuum & pedum exercitio comparata, non possit habitus inueniri; cum sit qualitas superaddita potentie motrici, tamque bene afficiat in ordine ad operationem facilius eliciendam.

Vnde respondentur qui dicunt, facilitatem non esse in membris exterioribus, sed in intellectu in quo est ars. Nam ars sola in intellectu residens, non sufficit ad exercenda opera artis quæ manu aut pede peraguntur, si membra illa ad id sint recte disposita. Item respondentur qui putant non requiri aliam dispositionem in membris, quin remotionem impedimentorum; non enim amoueri possunt impedimenta, nisi per aliquam dispositionem contrariam, quam ha-

bitum appellamus. Item qui existimant dispositionem superadditam esse qualitatem quandam passivam, qua membra fiant apta ad sequendum voluntatis impetum; constat enim habilitatem in membris productam ea inclinare ad agendum.

Obuciet, ideo requiruntur habitus in appetitu sensitivo, quia non obeit despoticè voluntati; at membra externa illi obediunt eo modo; ergo non indigent habitu. Resp. membra externa obedire despoticè voluntati quoad motum naturalem, non autem quoad motum artificiosum: quia si callens artem citharizandi quoad speculationem, antequam illam excruciet, imperet manui ut exactè cytharam pulset, sane manus tale imperium non exequetur defectu illius agilitatis habitualis quæ non nisi exercitio comparatur.

Quæritur 4. an habitus possint produci in brutis. Respondeo affirmativè, quia cum bruta phantasia, memoria, & appetitu polleant, corpusque flectant ad multa facienda cum facilitate, quæ antea ægrè aut nullo modo præstare poterant, ut patet in psittacis, canibus, equis aliisque animalibus disciplinæ capacibus, nulla ratio est cur ipsis habitus quidam per assuetudinem comparatus denegetur.

Nec dicas sufficere imaginationem, nam licet brutum per imaginationem cognoscat, post tale signum v. c. talem motum edendum esse, hoc tamen non sufficit ad motum inolitum facile edendum, nisi accedat aliquis habitus facilitatem talem motum exercendi tribuens, ut patet à fortiori ex antedictis de homine: nisi quis fortè existimet phantasiam esse longè nobiliorem in bruto quam in homine, quod dici non potest.

## LIBER TERTIVS. 117

Quæritur, an in rebus inanimatis & pure corporeis sint habitus, v. c. in lapide, aut igne. Respondeo negative, nam tota ratio cur ponuntur habitus in nonnullis rebus, est, quia per assuetudinem acquirunt facilitatem elicendi aliquos actus, quos antea non nisi ægrè efficiebant; at res inanimatae eiusmodi facilitatem acquirere non possunt, ut patet; nam si lapis millies proliciatur sursum, aut proprio nutu deorsum feratur, nunquam ex se, siue sursum, siue deorsum moveri poterit maiori facilitate quàm antè moueretur. Et idem dicendum de aliis rebus inanimatis, quia omnes ita determinatae sunt per proprias formas ad certum agendi modum, ut nullam maiorem operandi facilitatem acquirere possint.

---

### ARTICVLVS III.

#### *De causis habituum.*

**E**X dictis colligi potest quanam sint causæ habituum: nam si agatur de causa eorum formali, dicendum est eos produci in potentia ad conferendam illis agendi facilitatem: si de formali, cum ipsi sint qualitates & formæ, non alia querenda est eorum causa formalis, quam illorum quidditas & essentia; si de materiali circa quam, ea est obiectum in quod tendunt; si de materiali in qua, statuendum est nullam esse præter potentiam in qua recipiuntur, ut eam ad agendum iuuent. Denique cum dictum sit habitus per actum repetitionem causari, hinc intelligitur actus ad eorum productionem efficienter cum potenu-

tus concurrere. Verùm cùm reliqua satis perspicuè sūt. hoc vltimum paulo latius expendendum est. Itaque

¶ *Quæritur* Primo, an actus concurrat aliquo modo ad productionem habitus, & quæ ratione.

Respondéo & dico 1. *Actus nostras concurrere aliquo modo ad productionem verum habituum qui à nobis acquiruntur.* Probatúr, quia cùm tales habitus nobis à Deo non infundantur, neque ab vlla causa extrinseca in nobis fiant, necesse est vt à nobis producantur; at non possunt à nobis produci, nisi mediante aliquo actu; ergo debet aliquis actus concurrere ad eorum productionem: prolatúr minor, quia potentia naturalis non producit aliquid nisi mediante productione, at productio est actus.

Confirmatur: tum quia voluntas nunquam acquirit habitum iustitiæ, vel temperantiæ, nisi exerceat actus eiusmodi virtutum; tum quia cùm voluntas possit ex se habere varios habitus, & disparatos, vel oppositos, cur vnum potius acquirat quàm alium, id non potest reduci præcisè in ipsam voluntatem secundum se; sed in illam quatenus exercet actus huic habitui consentaneos, non illi. Vnde Aristoteles 2. Ethic. cap. 1. ait sicut edificando edificatores, citharizando citharædi efficitur, ita iusta agendo iusti, temperata temperantes, fortia fortes euademus. Atque hæc omnia ex iam dicendis, vltèrius confirmari poterunt.

Dico 2. *Actus concurrere efficiunt, seu in genere causa efficiens ad productionem habituum.* Probatúr 1. nam vel habitus producitúr à potentia immediatè & sine actu, vel mediante actu;



at primum nemine admittit, talem omnes  
faciatur potestatem habere, immo  
re habitum; sed ad unum, & eo modo habi-  
tum, ergo secundum verum est, adeo, ut actus  
concurrit in genere causæ efficientis ad pro-  
ductionem habitus. Confirmatur: quia cum  
actus se teneat ex parte causæ vi agentis, di-  
cendum est eum concurrere in genere causæ  
efficientis, non autem in genere causæ passi-  
væ, seu materialis & dispositivæ, ut Durandus  
arbitratur. Vnde

Probat 2. Nam vel actus concurrit tantum  
passivè ad productionem habitus, vel effecti-  
vè; at prius dici nequit, quia quod non requi-  
ritur per modum passivæ dispositionis ad con-  
servationem habitus, non requiritur etiam  
eo titulo ad productionem illius, cum vi-  
deamus, saltem ut plurimum, easdem dispo-  
sitiones quæ requiruntur ad productionem  
alienius formæ, requiri ad conservationem  
illius: atque actus non est dispositio requisita  
ad conservationem habitus, ut ex eo manife-  
stum est, quod habitus conservantur etiam  
in his qui non agunt, ut in dormientibus: ergo  
nec concurrit ut mera dispositio ad produ-  
ctionem habitus. Vnde postèrius dicendum  
est, nempe actus concurrere effectivè ad pro-  
ductionem habitus.

Obicies 1. Si habitus produceretur per  
actum, ad habitum daretur per se motus seu  
actio: at hoc repugnat Aristot. 7. Physic. tex.  
17. Ergo habitus non produceretur per actum.  
Respondeo minorem falsam esse, quia cum  
Aristoteles ait, ad habitum non dari per se  
motum, loquitur de motu alterativo propriè  
dicto, qui terminatur tantum ad qualitates  
tertiæ speciei, quique est successivus & sensi-

bilis; sed non intendit negare ad habitum terminari per se aliquam actionem, cum ipse clare doceat per assuetudinem & actuum repetitionem acquiri. Alias dicendum esset ex illius mente, nullas qualitates præter paribiles, imò nullum aliud accidens verè produci; quod planè ridiculum est, tantoque Philosopho non parum iniuriosum.

Obiicies 2. Si habitus producantur per actus, debent produci per actus immanentes; at hoc dici non potest, quia ex Arist. 1. Ethic. cap. 1. & alias actio immanens nihil post se relinquit. Respondeo actum immanentem nihil post se relinquere in subiecto extraneo; aliquid tamen posse post se relinquere in eadem potentia a qua fluit; ut cum per actus scientiæ generatur scientia habitualis in intellectu.

Obiicies. 3. Actus est causalitas seu effectio, at causalitas seu effectio non concurret per modum causæ efficientis; ergo habitus non pendet ab actu ut à causa efficiente. Respondeo in actu seu actione duo esse consideranda, nempe ipsam actionem, ut est actio, & terminum intrinsecum talis actionis, qui est qualitas aliqua: actio priori modo spectata non est causa efficiens, sed causalitas causæ efficientis; at verò sub posteriori ratione potest esse principium agendi per modum causæ efficientis, sicque habitum producere.

Quæritur .. An ad productionem habitus plures actus concurrere debeant.

Respondeo & dico 1. *Per quemlibet actum habitus produciuntur, aliquid habitus produci.* Probatur, quia si primus actus nihil produceret, nec secundus, nec tertius, nec alii consequenter in infinitum aliquid ex habitu produ-

cerent, a quoque habitus nunquam produceretur: quia cum omnes sint eiusdem speciei, ut supponitur, & æqualem vim agendi habeant, si unus seorsum spectatus nihil efficeret, nulla ratio esset cur alij singulatim & successivè producti habitum generarent: at experientia constat habitum tandem post nonnullos actuum repetitionem generari, ergo fatendum est in singulis actibus esse vim producendi aliquid habitus.

Nec dicas actum secundum, aut tertium posse inchoare habitum, quia inuenit potentiam melius dispositam per unum aut alterum actum. Nam si primus actus nihil efficit in potentia, sequitur potentiam reperiri eodem modo in dispositam sub secundo actu, quo erat sub primo, sicque non esse rationem cur habitus vi illius inchoetur, cum virtute actus primi inchoatus non fuerit. Et idem à pari dicendum de tertio actu respectu secundi, sicque in infinitum. Neque idem est de guttis lapidem excavantibus, nam etsi tantum centesima gutta verbi causâ excavet lapidem, præcedentes tamen eum paulatim emolliunt, eumque ita disponunt ut possit excavatio à centesima gutta inchoari: at in casu proposito nulla inducitur dispositio ab actu primo, quia si aliqua induceretur, hæc aliud nihil esset quàm inchoatio habitus, quod intendimus.

Obiicies 1. Non potest induci habitus nisi superentur difficultates quæ illius introductioni obstant; at difficultates illæ cum frequenter multæ sint & magnæ, non possunt unico actu superari, ergo per unicum actum non potest produci aliquid habitus. Respondeo 1. non semper magnas illas difficultates occur-

tere, ut patet cum per demonstrationem eui-  
dentem, qua convincitur intellectus, genera-  
tur habitus scientiæ: quare saltem tunc non  
repugnat habitum, etiam in statu satis per-  
fecto, vnico actu generari.

Respondeo 1. Etsi difficultates occurrentes  
non possint totaliter vnico actu superari, posse  
tamen vtcunque debilitari, & secundum ali-  
quam sui partem tolli; ad hoc autem requi-  
ritur ut aliqua pars habitus oppositi induca-  
tur. Quare etsi in eo casu non producat  
statim habitus perfectus, producit tamen  
aliqua illius inchoatio.

Obiicies 2. Si per primum actum produci-  
tur aliqua pars habitus, cum ea sit eiusdem  
speciei ac aliæ quæ per similes actus produ-  
cuntur, dici potest absolute cum qui elicit  
vnicum actum temperantiæ, acquirere habi-  
tum temperantiæ, etsi antè esset intemperan-  
tissimus: at hoc & experientiæ repugnat, &  
communi sensui Philosophorum qui post Ari-  
stotelem docent, habitus acquiri per assue-  
tudinem, seu per repetitionem multorum  
actuum. Respondeo consequentiam esse ve-  
ram de habitu temperantiæ quoad essentiam  
spectato: sicut enim aqua etsi intense frigida,  
absolute calorem acquirit, cum primum ab  
igne calefit; ita dici potest intemperantem  
acquirere habitum temperantiæ, statim at-  
que actum aliquem huius virtutis exercet.  
Hoc autem non repugnat Philosophis, quia  
cum dicunt habitum acquiri per actuum re-  
petitionem, considerant habitum secundum  
statum habitus, qui in eo consistit, ut sit in  
gradu intenso, & tribuat potentiæ magnam  
agendi facilitatem; quomodo non acquiri-  
tur ut plurimum nisi per plures actus. Vnde

aliqui, quod producantur per primos actus, vocant dispositionem, non quod possint distinguere essentialiter et à gradibus qui per actus sequentes producuntur: sed quia etsi sit eisdem rationis, non tamen habet statum habitus, cum sit facile mobile à subiecto, nec nisi valde exiguum tribuat facilitatem ad agendum.

Dico 2. *Interdum posse produci habitum perfectum per unicum actum, ut plurimum tamen multos actus requirit ad productionem perfecti habitus.* Vtrumque potest colligi ex antedictis: nam in primis per unicam demonstrationem cuius vis clarè percipitur, generatur habitus scientiæ in intellectu; hoc enim medium est maximè proportionatum ad generandum eiusmodi habitum, & nullum est impedimentum siue ex parte intellectus, siue aliunde quod obstat quominus necessario operetur. Quare sicut lux quia non habet contrarium, producit in instanti, etiam in gradu valde intenso, iuxta vires agentis; ita per unicam demonstrationem generatur habitus scientiæ, etiam in gradu intenso & perfecto; cum causa sit satis efficax ad illum in eo statu producendum, & nihil illius productionem impediat. Idque potest confirmari experientia: nam intellectus noster scientiæ per demonstrationem evidentem acquisitæ, adeo firmiter adhæret, ut ab illius assensu demoveri nunquam possit.

Deinde: non in omnium habituum productione eadem facilitas reperitur: nam in primis, quamvis per medium probabile generetur in intellectu quædam opinio, non tamen quæ habeat statum habitus firmi & permanentem; cum possit adhuc intellectus,

facile in aliam partem flecti vi alterius mediij, æque aut magis probabdis. Et licet per vnum actum virtutis acquiratur aliquis inchoatio virtutis habitualis, non tamen obtinetur illius status perfectus, donec superatæ sint multæ difficultates ex prauis inclinationibus ortæ, quæ completam illius acquisitionem remorantur, vt satis experientia comprobatur. Quare in iis & similibus casibus multa opus est actuum repetitione, vt habitus in statu perfecto produci possit. Et hoc sensu vna hirundo non facit ver, nec vna dies facit hominem beatum, vt sapienter monet Arist. 1. Ethic. cap. 7.

#### ARTICVLVS IV.

*De incremento, & diminutione habituum.*

**Q**Uæritur 1. per quos actus intendantur habitus. supponimus enim ex communi sententia, eos per actuum multiplicationem verè intendi, vt vel ipsa experientia ostēdit, cum eo magis agendi ex habitu facilitas crescat, quo plures & efficiaciores actus illius produciui eliciuntur. Supponimus etiam illud augmentum habituum fieri additione gradus ad gradum, vt constabit ex infrā dicendis vbi de alteratione. Itaque dubitatur per quos actus fiat augmentum habituum, an per intensiores, an per æquales, an etiam per remissiores.

Respondeo & dico 1. *Dubitari non posse quin habitus augeatur per actus intensiores.* Ratio est, quia vel nullus actus habet vim augendi habitum,

tum, vel ea vi tribuenda est maxime actui intensiori, ut per se notum est; at non potest dici, im augeri illi habitum nulli actui competere, cum experientia constet habitus acquisitos actuum multiplicatione augeri. & in dies roborari; ergo dicendum est habitus augeri maxime per actus intensiores.

Confirmatur: nam si calidum ut sex applicetur subiecto cui insint tantum duo, aut tres gradus caloris, in eo vnum aut alterum gradum caloris producat. Ergo similiter si quis habens v. c. habitum temperantiae ut duo, eliciat actum temperantiae intensum ut quatuor aut quinque, eo actui aliquem gradum priori habitui superaddet.

Dico 2. *Probabile est habitum posse augeri per actus quæ aut minus intensi.* Probatur 1. experientia: nam qui v. c. habitum temperantiae in gradu intenso acquisiuit, eundem habitum eliciendo sæpè actus æquè intensos, aut paulo remissiores anget & perficit; ita ut facilius temperantiae operibus vacet quam cum primo habitum acquisiuit. Dico eliciendo sæpè actus æquè intensos. & nam qui post acquisitum habitum raro aut valde remisse illius actus eliciunt, sunt in die minus prompti ad operandum, si que habitus paulatim in iis debilitant, tantum abest ut per eiusmodi actus in iis perficiatur & intendatur, ut ipsa etiam experientia ostendit.

Probatur 2. Quia ex communi sententia, actus est agens æquivocum, adeoque nobilius respectu habitus producti; at illud est discrimen inter agens univocum & æquivocum, quod agens univocum non potest agere supra suam intensiorem, ut ex eo patet, quod duo corpora æquè calida non se ma-

Metaph.

Q

quo calidius; agent vero æquiuocum producit effectum, fortius, ut constat ex hoc exemplo & remissa, quæ si in speculo calidius recipitur, producit calorem valde intensum. Quare actus habitum se intensiorem producere potest.

Quæritur 2. Quomodo fiat augmentum extensiuum habituum. Quod ut intelligas,

Nota habitum dupliciter augeri posse, intensiue, & extensiue; augetur intensiue, quando in se perficitur additione alienius noui gradus, ut cum tribus gradibus temperantiae acquisitæ additur quartus gradus: augetur vero extensiue, quando incipit extendi ad nouum aliquod obiectum; ut cum habitus scientiæ qui fertur in vnâ conclusionem, extenditur ad aliam, & cum habitus temperantiae qui versatur circa cibum, extenditur etiam ad potum. Inquitur ergo quomodo fiat augmentum istud extensiuum habitus, an per additionem nouorum habituum partialium à precedentibus specie distinctorum; an vero sine vlla tali additione, per solam eiusdem gradus primo producti ad alia, & alia obiecta extensionem.

Respondeo & dico 1. *Extensiuum habitus scientiæ ad nouas conclusiones, fieri per additionem aliarum & aliarum habituum partialium, qui simul cum precedenti faciunt vnâ habitum scientiæ per aggregationem, & vnitatē ordinis.* Probatut 1. quia habitus inclinans intellectum ad assentiendum vni conclusioni, non inclinat illum ad assentiendum alteri omnino disparatæ; ergo sicut ad priorem requiritur vnus scientiæ habitus, ita ad posteriorem requiritur alius habitus proportionatus. Antecedens manifestum est, quia habitus inclinans v. c. intellectum ad



# LIBER TERTIUS

117

essent enim huiusmodi, homo esset  
fibilis, non dicuntur quoniam ad affirmandum  
isti, eorum constat ex materia & forma, cum  
vna naturam habeat connexionem cum alia  
unde requiritur nonus habitus a se vel spe-  
cie distinctus. Confirmatur quia cum habi-  
tus acquirantur, ad superandas difficultates  
operandi, ubi sunt diuersae & immo di-  
parae difficultates, ibi habitus diuersi con-  
stituendi sunt.

Probatur 2. Quia vel generatur nonus ha-  
bitus, vel procedens sine vlla additione ad  
alias & alias conclusiones extenditur: at hoc  
posterius dici non potest, cum intelligi ne-  
queat quomodo habitus circa vnā conclu-  
sionem acquisitus, qui nullam dat facilita-  
tem ad alias conclusiones di paratas in-  
telligendas, vt manifesta experientia ostendit,  
se extendat ad illas: Ergo prius affirmari de-  
bet. Et sanè multo rationabilius est fateri per  
actus sequentes, quibus possumus experiri nos  
habere facilitatem circa alias conclusiones,  
generari nouam istam facilitatem, scilicet no-  
uum habitum quo fit vt nullo modo eas  
deinceps concipiamus. Consideratur, nam si  
prioribus actibus habitum scientiae compara-  
ramus circa aliquod obiectum, quomodo poste-  
riorum vt similem habitum adquiremus circa  
aliud obiectum?

Obiicies 1. Non ponitur nisi vna potentia  
visiva ad percipiendum multa obiecta vnde  
quae sunt in capacitate spiritus: Iam vna poten-  
tia habitus sufficit ad multa obiecta percipi-  
enda. Respondetur negando, contra hoc etiam,  
& ratio determinans est, quia cum potentia  
visiva est determinata ab actu, non po-  
test mutari nisi iuxta diuersitatem obiecto

Q

rum; non autem habito producturus per actus, necesse est ut iuxta distinctionem actuum, & obiectorum distincti producantur habitus. Alias non esset ponendus in intellectu nisi unus habitus ad omnia intelligibilia percipienda, quod ne ab arguentibus quidem concedendum puto.

Obicies 1. Unus fidei habitus sufficit ad credenda omnia reuelata, ergo & una scientia ad omnia scibilia cognoscenda. Respondeo non sequi, & ratio discriminis est, quia fides uni tantum motiuo innititur, nempe testimonio diuino: quare qui ex fide aliquid credit ob hoc motiuum, paratus est ob illud aliis omnibus à Deo reuelatis firmiter assentiri; cum Dei testimonium æqualiter verum & certum sit in omnibus: at non omnibus conclusionibus scientiæ assensum damus ex eodem motiuo; sed ex diuersis, ut perspicuum est, quare etsi acquiramus facilitatem ad assentiendum alicui conclusioni, non sequitur quod eandem propensionem experiamur ad assentiendum aliis, maximè si nullam habeant cum illa connexionem.

Dico 2. *Extensionem habituum moralium non fieri per additionem habituum partialium specie à prioribus distinctorum.* Probat, quia cum quis acquisiuit habitum temperantiæ in materia cibi, & postea incipit exercere temperantiæ in materia potus, ad illam extensionem non requiritur nouus habitus à præcedenti specie distinctus; sed idem intensior factus ad id sufficere potest, eo quod vtraque abstinencia, tam in cibo quam in potu à motiuo eiusdem honestatis procedit.

Confirmatur: nam ratio eut ad diuersas conclusiones requiruntur diuersi habitus, ea est

qui per se non corrumpitur. Ergo qui in  
idem est habitus, non corrumpitur. Si temperan-  
tia aliisque virtutibus non corrumpitur, non est con-  
stituendus habitus specie a precedenti distin-  
ctus.

Obicies : multiplicatur habitus ob novas  
& distinctas difficultates. Hic est nona diffi-  
cultas; qui enim facile abstinere potest in  
cibo, non ita facile abstinere potest in potu, &  
vice versa. Ergo ad utramque abstinentiam  
requiruntur distincti habitus. Respondeo non  
sequi, quia difficultas ista, cum non oriatur ex  
diuerso motu; sed ex aliis causis, v. c. ex cor-  
poris temperamento, se habet per accidens &  
materialiter ad productionem habitus; adeo-  
que diuersum specie habitum inducere non  
debet; sed ad summam intentionem aliquam  
habitus precedentis.

Quæritur 3. Quomodo habitus acquisiti mi-  
nuantur, & corrumpantur.

Respondeo 1. non dubium esse quod om-  
nes habitus corrumpantur, quando destrui-  
tur subiectum cui proximè inhaerent, cum  
habitus sit accidens, & non possit accidens  
naturaliter existere sine subiecto inhaerentis,  
vel ad aliud transire. Verum quia habitus qui  
sunt in subiecto spiritali & incorruptibili, eo  
modo destrui non possunt.

Respondeo 2. Habitus destrui per actus, &  
per habitus contrarios, v. c. habitum tempe-  
rantie per actus & per habitum intemperantie.  
Quia ea est natura contrariorum, ut se mutuo  
expellant ab eodem subiecto. Est tamen dis-  
crimen inter illa, quod habitus destruitur  
formaliter per habitum contrarium, sicut fri-  
gus per calorem; quia cum se habeant tanquam  
formæ impossibiles in eodem subiecto, ne-

esse est vera potentia, & virtus, non expellitur, destruitur vero effectus per actum contrarium. Quod si actus hoc est causa effectus habitus contrarii à quo. Iter exponitur; non enim causa effectiva tendit per se immediate ad destructionem ipsius rei; sed tamen ad productionem alius habitus, quæ si ipsa alia sit impossibilis, agens dicitur ipsius destructionem mediatè, & per accidens intendere.

Respondet 2. Habitus non destrui per solam virtutis cessationem. Probatur quia si hoc esset, sequeretur statim atque cessatur ab actu, habitus minui, & ita brevi tempore omnino evanescere: nisi actus illius conservatus renouetur; ad eum modum quo solus, deficiente causa conservante, statim languescit, & post breuem moram omnino deficit. At hoc repugnat experientiæ, cum non raro post satis longam actuum cessationem, habitus antea comparatos in nobis adhuc vigere sentiamus. Quare dici non potest eiusmodi habitus per solam actuum cessationem destrui.

Vnde quando oppositum contingere videtur, dicendum est habitus præcedentis destructionem in aliam causam referendam esse; nempe vel in diminutionem potentie, & consequenter habitus ei inexistentis. Constat enim partes animalis paulatim effluere per actionem caloris naturalis, sicque habitus iis inexistentes paulatim deficere posse; quæ ratione habitus & species quæ sunt in cerebro, successu temporis destrui possunt. Vel in acquisitionem habitus contrarii, sæpe enim cessantibus actionibus certæ rationis oppositi sensum eliciuntur, quibus producantur

## LIBER TERTIUS

non habemus a nobis, nisi in tantum, ut in tantum  
 & habemus copiato, ut in tantum, ut in tantum  
 multiplicatur potestate, ut in tantum, ut in tantum  
 sunt limitatae, non sunt copiato, ut in tantum, ut in tantum  
 habituum quod ad modum, ut in tantum, ut in tantum  
 hementiter inclinentur, ut in tantum, ut in tantum  
 tencia. Quare cum aqua, ut in tantum, ut in tantum  
 bus ad nova objecta virgenter, ut in tantum, ut in tantum  
 nuntur in tantum, ut in tantum, ut in tantum  
 disparata habebant.

## ARTICVLVS V.

### *De causalitate habituum.*

**D**Vbiqum hic occurrit, quomodo habitus  
 inuet potentiam ad actum quem cum  
 illa elicit. Quia in te quatuor sunt dicen-  
 di modi, primus eorum qui existimant cum  
 communiori sententia, habitum concurrere ef-  
 fectiue cum potentia ad substantiam & mo-  
 dum actus. Secundus eorum qui putant ha-  
 bitum concurrere effectiue ad modum seu  
 facilitatem actionis, non autem ad substan-  
 tiam seu entitatem illius. Tertius eorum qui  
 arbitrantur habitum non concurrere effi-  
 ceter sine ad entitatem, siue admodum actus;  
 sed tantum dispositiue seu passiue preparando  
 potentiam ad actum recipiendum. Quartus  
 eorum qui docent habitum nullo ex dictis  
 modis concurrere ad actum; se se habere  
 tanquam rationem agendi, non quidem sim-  
 pliciter necessariam ad agendum; sed quae  
 potentiam inclinet ad facilius operandum;  
 ita ut non tam sit ratio agendi quam ratio  
 promptius agendi. Quo restricti posse videtur

Q. iij

eorum sententia qui aiunt, habitum facilitare ad actum in genere tantum causæ formalis, nimirum informando tantum potentiam, & nihil aliud præstando.

Respondeo & dico 1. *Habitus non se habere tantum dispositivè seu passivè per modum subiecti, ad actum recipiendum.* Probatur 1. ex vulgari illo proloquio: habitibus utimur cum volumus; quod planè indicat habitus dari ad operandum, non autem ad recipiendum; ut iustitia acquiritur ad actus iustitiæ facilius exercendos, temperantia ad actus temperantiæ, & ita de aliis.

Probatur 2. Quia per habitum tribuitur facilitas opposita difficultati quam potentia habitu destituta experitur: atqui potentia non experitur difficultatem quoad receptionem actuum; sed quoad eorum productionem, voluntas. v. c. cum sit potentia spiritualis, omni-moda facilitate recipit in se actum spiritualem iustitiæ, vel temperantiæ ab ipsa productum, non tamen ita faciliè eiusmodi actus producit, eò quòd ad actus oppositos inclinatur & veluti trahitur. Quare per habitum tribuitur facilitas ad operandum, adeoque proprium illius munus non est subiectum dispo-nere ad receptionem actus.

Probatur 3. Quia habitus producitur per actus, & potentiam inclinat ad actus similes his à quibus productus est, ut tradit Aristot. 2. Ethic. cap. 1. & idem vel ipsa experientia manifestè ostendit; cum omnes qui habitum aliquem comparant, per illum inclinentur ad actus similes; imò longe maiori facilitate & delectatione eos efficiunt, quàm ante acquisitionem habitus. Quare satendum est habitus non se habere merè passivè respectu

actum ad eos recipiendos; sed aliquo modo potentiam disponere ad eorum productionem.

Probatur 4. Quia non potest saluari diuiso habituum communiter recepta, in habitus practicos & speculatiuos, si dicamus habitum dari tantum ut disponat subiectum ad actus recipiendos, tum quia actus tam practici, quam speculatiui in potentia recipiuntur, tum quia illi dicuntur habitus practici, qui tendunt ad praxim; speculatiui vero, qui in sola speculatione conquiescunt; at praxis & speculatio sunt operationes, adeoque habitus ad illa tendens non datur ad solam actus receptionem.

☐ Dico 2. *Negari non posse quin habitus aliquo modo concurrat ad agendum.* Patet ex dictis; nam rationes allatae non modo ostendunt habitus non concurrere tantum materialiter & dispositiue ad receptionem actuum; sed etiam inuare potentiam ad actum maiori cum facilitate efficiendum, siueque aliquo modo concurrere ad agendum.

Et confirmatur: nam duplicem possumus concipere inclinationem in potentia aliqua, aliam ad agendum, aliam ad recipiendum. atqui habitus non tribuit inclinationem ad recipiendum, ut ostensum est; ergo dat inclinationem ad agendum. Quod maxime verum esse ostenditur in habitibus potenciarum transcurrenter agentium; cum enim actus non recipiatur in illis, sed in subiecto distincto, hinc manifestum est habitum non disponere potentiam ad receptionem actus.

Est autem difficultas in primis an habitus concurrat effectiue cum potentia ad actum, an tantum per modum cuiusdam rationis, seu

Qy

## M E T A P H Y S I C Æ

concurrentis prædictæ, ad eum modum quo cognitio concurret ad actus voluntatis. Respondeo ex communi sententia, concurrere effectiuè : ut etiam colligitur ex dictis : tum quia uti habitibus ad arbitrium, nihil est aliud quam eos ad operandum applicare cum libet. Tum quia qualitas se tenens ex parte potentie, non ad patiendum; sed ad agendum, debet conferre vim aliquam agendi, ut patet in siccitate quæ calori superaddita, cum iuuat ad calefaciendum. Tum quia non potest intelligi quod agens ut agens, melius nunc se habeat quam prius se haberet, quin addita illi sit vis aliqua agendi, at per habitum agens ut agens, se habet melius quam prius se haberet, cum actus qui antea ab illo non fiebat nisi agere, fiat iam cum magna facilitate & voluptate: ergo per habitum illi est adiuncta virtus quædam actiua qua iuuatur in operatione.

Vnde non sufficit explicare concursum habitus per rationem agendi sine efficientia, eo modo quo explicatur concursus cognitionis ad volitionem : nam cum per cognitionem operantem proponatur voluntati, ea cognitio potest mouere voluntatem moraliter ad alios suos; at habitus nihilim cognoscitiuus non est agens morale sed Physicum pondere suo inclinans ad actum sibi similem : quare non potest concurrere nisi Physicè ad actum potentie in qua existit, eo modo quo grauitas non potest nisi Physicè concurrere ad motum lapidis, quo illum deorsum premit.

Nec etiam sufficit totum habitus officium ad causalitatem formalem redigere, quia præterquam quod potentiam informat, eam insuper iuuat ad actum eliciendum, effectiuè



ad illum ad actum. Etenim si habitus ad actum eliceretur, ut patet ex patetibus, quod non prestatur, quia et causa prima non potest que hanc so man, et potestatem imperfectionem in nobis per experientiam habere; sed in genere, et in se habetur, concurrente nempe, et appetitu ad actum quendam imperfectum, et imperfectionem, quo ad opus perfectum non habetur, et si non temperans finit se incrementum, et ad actum ad actum temperantia.

Dubatur prouterea, quidnam si sit ad quod habitus conferri esse habet, an ratio non modo aliquis actus, vel alius habitus, sed et ipsa essentia actus a potentia producta. Nonnulli putant per habitum conferri ad actum, et ad intentionis supra substantiam actus, et potentia productam.

Sed male: nam et si habitus remanet, et impedimentum sit interdum causa, ut per potentiam iam impetitur maiori conari & habere operetur, non tamen possunt illi remanere, nulli gradus intentionis qui a potentia non efficiantur; tum quia repugnat vi. et aliter gradus cognitionis actualis, vel amittitur, et ab intellectu vel a voluntate. Tum quia potentia etiam a habitu destituta, potest alios valde intensos elicere, & vnde verum a potentia habitu etiam intenso instructa, potest etiam operari. Tum quia habitus ac usus non tribuunt facilitatem simpliciter aliquid operari, sed tantum cum maiori promptitudine & facilitate illud operandi, quod sine illis fieri posset, unde

*Dico 3. Habitum acquisitum non modo tribuere facilitatem & promptitudinem potentia ad agendum, sed etiam efficiendi & realiter concurrere ad ipsam*

*substantiam seu entitate actus.* Probatum ex anti-  
dictis; nam omnia fere quæ allata sunt, siue ad  
probandum habitum non se habere per mo-  
dum dispositionis, præparantis potentiam ad  
receptionem actus; siue ad ostendendum habi-  
tum non se habere tantum per modum ratio-  
nis, aut conditionis, aut formæ informantis,  
sed habere vim aliquam effectiuam in ordine  
ad actum; satis perspicuè concludunt in habitu  
admittendam esse vim aliquam actiuam, quæ  
effectiuè influit cum potentia in ipsum actum  
entitatiuè spectatum, ut intuenti perspicuum  
sit.

Confirmatur: quia cum facilitas quam tri-  
buit habitus, se teneat ex parte potentie, non  
debet considerari ex parte actus modus aliquis  
qui ab habitu produci possit; sed tantum sub-  
stantia & entitas illius, quæ a potentia simul-  
que ab habitu ei inexistente effectiuè & reali-  
ter pendeat. Eò vel maximè, quia potentia ha-  
bitu instructa id ipsū facilius exequitur, quod  
non nisi ægrè se sola præstaret: hoc est actus  
ipse secundum substantiam & entitatem spe-  
ctatus. Ergo etiam habitus concurrens effectiuè  
ad productionem actus, quoad entitatem spe-  
ctati.

Quod adhuc suaderetur, quia cum actus con-  
currat effectiuè ad entitatem habitus, non de-  
bet denegari habitui similis virtus ad produ-  
ctionem actus, non quidem eiusdem; sed al-  
terius similis; ad eum modum quo planta pro-  
ducit semen et simile à quo ipsa producta est.

Obiicies 1. actus intellectus & voluntatis sunt  
vitales, ergo habitus non potest effectiuè ad  
illos concurrere; sequela patet. quia habitus  
est causa non vitalis; at repugnat causam non  
vitalem ad effectum vitalem concurrere effe-

etiam. Respondetur consequentiam secundam esse, & illam pro maiorem; nam ex ea sequitur species intelligibiles & sensibiles communi suarum causarum vitalium, non posse effectum concurrere ad operationes vitales, contra communem omnium sententiam. Inquireretur etiam habitus fidei, spei, & charitatis, non concurrere effectivè ad actus nostros supernaturales; sicque hos actus totaliter otiosi à potentia naturalibus animæ, quod repugnat fidei.

Sicut ergo species intentionalis, etsi non vitalis, potest concurrere cum oculo ad eliciendam visionem; ita habitus etsi in se non sit vitalis, potest cum potentia vitali quam informat, concurrere effectivè ad actum vitalem. Et ratio est, quia quando dux causæ simul iunguntur, ut per modum unius principij totalis aliquem effectum producant, non est necesse ut quicquid est perfectionis in effectu, cuiuslibet ex illis causis seorsum spectans respondeat; ita ut quilibet possit, etiam separata ab alia, cuiusmodi effectum ex parte producere, etsi interdum oppositum contingat. Id patet in exemplis allatis; non enim potest oculus elicere visionem sine specie obiecti, nec species sine visu: Non etiam potest intellectus elicere actum supernaturalem sine habitu, vel auxilio eiusdem ordinis, nec habitus sine intellectu. Et idem dicendum de aliis causis quæ sunt inter se essentialiter subordinatæ in operationibus suis. Quamvis secus dicendum de his quæ talem subordinationem non habent, ut patet in duobus hominibus trahentibus simul animum pondus, cuius partem possent singuli seorsum trahere.

Obiicies 2. si habitus acquisitus concurreret non modo ad facilitatem; sed etiam ad enti-

tatem actus, lequeretur per illum dari facultatem simpliciter operandi, non autem tantum facilius operandi; si que eum non distinguat ab habitibus infusis, qui ex comuni Theologo, um sententia, tribuunt simpliciter facultatem operandi. Respondeo non sequi; nam etsi habitus acquisitus sit causa ut entitas actus facilius fiat, adeoque ad entitatem istam concurrat efficiens, non tamen tribuit potentiam simpliciter operandi; quia potentia posset etiam sine habitu acquisito, quamvis non sine difficultate, eundem actum substantialiter spectatum: producere. At habitus infusus tribuit simpliciter facultatem eliciendi actum simpliciter naturalem, quia potentia naturalis eo habitu disposita nullo modo potest eiusmodi actum producere, nisi deus. Quis habitus per auxilia actus, et eundem ordinis suppleatur, ut non semel dictum est.

## A R T I C V L V S VI.

### *De divisione habituum.*

**H**abitus variis modis dividuntur: primo in infusos & acquisitos; secundo in speculativos & practicos; tertio in virtutes, & non virtutes; quarto in intellectuales, & morales. Verum de hac postrema tantum dicemus, cum sit præcipua, totaque explicatione indigeat, aliquid hic nobis inquirendum est, quæritur 1. quot sint habitus intellectuales. Respondetur quinque vulgò assignari ex Arist. 6. E hic 1. ap. 1. nempe intellectum scientiam, sapientiam, prudentiam, & artem. Quæ divisio non est adæquata, si intelligatur de omnibus

habitus intellectuales, cum ea non includantur fides, & opinio quæ sunt habitus ad intellectum speculatives; sicut nec habitus illi qui facultates dicuntur, quales sunt Ethica, & Grammatica. Quare ad primam est definitio de habitibus intellectuales, ad quas homo vix semper attingit verum, tales sunt habitus, ut proprie virtutes intellectuales dicuntur ex 7. Phy. tex. 17. virtus sit *dispositio perfectiva ad verum*. & nihil sit melius in intellectu quam veritas infallibiliter circa verum. Unde eo sensu fides (scilicet humana) & opinio non per se sunt inter habitus intellectuales, cum id verum perficere possint; nec prædictæ facultates, quia cum agant de rebus omnibus in utramque partem, à vero deficere possunt.

Cæterum quod prædicta definitio sit adæquata, si agatur de habitibus virtutis per se intellectus perficitur, hoc diversimodum ostendi potest. Cum bonum intellectus sit verum simpliciter cognoscere, tunc intellectus est optimè dispositus, quando verum simpliciter cognoscit, ut sumitur ex sancto Thoma 1. 2. 2. art. 1. & 2. ut intellectus vel cognoscit universale, vel singulare, si universale, vel illud est per se & immediate cognoscibile seu ex sola noticia terminorum, & sic habitus intellectus in illud fertur: vel est tantum cognoscibile per medium seu per deductum; quod dupliciter contingere potest, vel ita ut cognoscatur per causas interiores, quomodo attingitur ab habitu scientiæ, vel per causas superiores, qua ratione habitus scientiæ ad illud terminatur. Si vero intellectus cognoscit singulare, ad istam cognitionem iuvatur per habitum præscientiæ, si sit aliquid agibile iuxta rectæ rationis præscriptum; aut per habi-

tum artis, si sit aliquid tactibile iuxta regulas artis, ut infra latius declarabitur.

Quo loco aduertendum est habitus intellectuos à nonnullis non distingui à speciebus intelligibilibus certo modo inter se ordinatis, quod nobis durum videtur; tum quia species se tenent ex parte obiecti, ut supponitur ex Physica, habitus vero se tenent ex parte potentiae, eam ad actum inclinans, & iuuans. Tum quia habitus scientiae acquiritur per actus cognitionis; species verò intellectus concurrent effectiue ad tales actus; ac proinde causant habitum, tantum abest ut cum illo identificentur. Tum denique quia dantur habitus etiam in potentiis, quæ per species non operantur, ut in voluntate; ego frustra supponitur habitus intellectuos non distingui à speciebus intelligibilibus.

Queritur 2. Quid per dictos quinque habitus intellectuales, quibus mens nostra perficitur, intelligi soleat.

Respondet & dico 1. *Nomine intellectus non intelligi ipsam potentiam intellectuam, quatenus bene disponit animam ut assentiatur principijs; sed habitum à potentia intellectuam realiter distinctum, et per varios alios acquisitum.* Probatnr, tum quia Aristoteles intellectum numerauit inter habitus intellectuos, quare sicut scientiam, sapientiam & alios habitus distinguit à potentia intellectuata & intellectu. Eo vel maximè quia 3. de anima tex. 14. docet intellectum nostrum initio esse veluti tabulam rasam in qua nihil est depictum; quod falsum esset, si notitia primorum principiorum ei esset naturaliter indita.

Tum quia etsi intellectus noster naturaliter inclinatur ad assensum primorum principiorum, negari tamen non potest quin viâ & exercita-

tione acquirit maiorem et constantem assentientiam. Quare cum per assuetudinem augetur potentia ipsa intellectus, secundum est in illa produci quemdam habitum, quo magis inclinetur ad assentiendum primis principis : ad eum modum quo pleraque virtutes habituales ponuntur in voluntate, et illa naturaliter in bonum honestum perveniat.

Nota hunc habitum ab aliis intellectualibus supponi, ipsi enim verò sine illo alio posse subsistere. Nam cum per illam cognoscamus veritatem primorum principiorum, à quibus omnium scientiarum veritas dependet, cum ipse ab eis non pendeat, hinc sit posse reperiri perfectum habitum intellectus sine scientia, sapientia, aliisque habitibus intellectualibus; non tamen aliquem ex illis habitibus sine intellectu, ad cuius saltem veritatem reduci possint.

Dico 2. *Nomine scientia proprie intelligi habitum per veram demonstrationem generatum.* De quo in Logica actum est, ubi ostendimus duplicem esse demonstrationem, & per veramque veram scientiam generari, licet non æquè perfectam.

Hic solum adverte, scientiam distingui ab habitu intellectus, quòd cum prima principia sint per se evidenter, intellectum conuincunt, adeoque non indigent probari per aliquod medium notius: et scientia versatur circa conclusiones, quæ non sunt per se notæ, nec intellectum conuincunt: quare assumit principia tanquam medium notius, quo ducatur in earum cognitionem.

Dico 3. *Nomine sapientia varia posse significari.* Primò congenericam plurimarum vel omnium scientiarum in eodem nomine existentem. Secundò excellentiam cuiuslibet scientiæ vel ar-

tit, quem modo Apollonem sapientissimum vocari solet, & Pandarus sapientissimus statutus. Tertio, quia proprie scientiam omnium vocat scientiam; quod sensu Aristoteles Metaphysicam vocat sapientiam, quod sapientiorum Theologiam non agnoscit, cui potiori iure solus sapientiae debetur.

Vbi aduerte 1. varias tradi condiciones sapientiae, quae omnes ad istas quatuor reduci possunt: prima est vt sapientia versetur circa res vt inuersalissimas & altissimas; secunda, vt vniuersalissima rerum principia tradat; quia particularia cuiuslibet obiecti principia in scientiis particularibus tradi debent. Tertia, vt inditum ferat de principijs & conclusionibus aliarum scientiarum, iisque locum aliquam & robur conferat. Quarta, vt sit sui generis, seu vt sit speculativa: quae omnes condiciones Metaphysicae apprime conveniunt, vt ex supradiectis satis intelligitur.

Aduerte 2. Illud esse discrimen inter sapientiam & scientiam, quod scientia strictè sumpta versatur tantum circa conclusiones, sapientia verò ex communi sententia, dicitur versari circa principia & conclusiones, adeoque habet simul rationem intellectus & scientiae: vnde colligi potest sapientiam non esse quintum habitum ab alijs omnino distinctum, eo modo quo intellectus, scientia, prudentia, & ars inter se distinguuntur, sed duos ex illis quatuor habitibus inter se coniunctos.

Dico 4. *Nomine prudentiae intelligi habitum cum vera ratione assumum, circa ea quae homini bona vel mala sunt.* Id est quo dirigitur homo vt rectè iudicet in iis quae sibi agenda, vel non agenda sunt, per ordinem ad rectam rationem. Ex quo patet habitum prudentiae esse in intellectu



practico; *scilicet deliberare & imperare* ad agendum ad *intellectum* pertinet.

Quo loco bene pròde *1<sup>o</sup> 2<sup>o</sup> 3<sup>o</sup>* : *Prudentia* vnum simplicem habitum, iuxta Aristotem *1<sup>o</sup> 2<sup>o</sup> 3<sup>o</sup>* di. *Thoma* 1. 2. c. 77 art. 6. ubi docet post Aristotelem, quod non virtutes ad praxin tantum pertinent, nempe *ethicam* : sed etiam ad intellectum inchoat quod & quomodo in quodlibet agat recte *gen* : observandum hoc *synesim*, quæ iudicat quid agendum sit iuxta legem communem, *Genomen* quæ rectum hoc iudicium de agendis, quando lex communis deficit, & virtutem quam vocant *Præceptivam*, quæ propriè *Prudentia* vocatur, cuius officium est imperare quod agendum est.

Hoc tamen non caret difficultate, tum quia consultare de mediis, & iudicare de illis siue per legem communem naturalem, aut positivam, siue ex æquo & bono, quando leges illæ deficiunt, videntur tantum *Quæritæ* functiones eiusdem habitus. Tum quia non apparet cur necessaria sit in prudentia virtus aliqua præceptiva distincta à iudicio.


Dico 5. *Artem est habitum cum recta ratione effectivum, seu factivum*. Ex quo patet artem versari circa effectum seu factum, quo nomine à *scientiis* nullis intelligitur operatio transiens in extrinsecam materiam, qualis est ars edificandi : Vnde iuxta illorum sententiam, ars distinguitur à prudentia, quod ars versatur circa materiam transentem, prudentia verò circa actiones tantum immanentes.

Verum quia virtutes alie morales, & consequenter ipsa prudentia earum directrix, versantur etiam circa res externas, ut patet in temperantia, liberalitate, &c. dicendum potius videtur ex mente Philosophi, per effe-

tionem intelligi opus quodcumque externum, ut sit præsertim iuxta regulas artis; sit rectitudinem ab æstimatione illius quod hæc coniuncta est cum elezione & rectitudine finis. Quare etsi ars & prudentia in eo coarctantur, quod utraque versatur circa aliquid particulare & contingens, seu quod potest esse vel non esse; in eo tamen discrepant, quod ars inspicit tantum rectitudinem operis, non autem rectitudinem operantis, quæ in morali honestate consistit: contra vero prudentia attendit in suis actionibus rectitudinem moralem, seu bonum ipsius operantis, ut ut nihil præscribat, nisi quod rectæ rationi & honestati est conforme. Atque hoc discrimen non leuiter insinuat in allatis definitionibus artis & prudentiæ: ars enim dicitur simpliciter habitus cum recta ratione effectivus, prudentia vero dicitur habitus cum vera ratione activus, circa ea quæ homini bona vel mala sunt; siquidem nihil homini bonum aut malum est, nisi quod morali honestati consentaneum vel incongruum est.

Vnde S. Thomas 1. 2. q. 57. art. 4. docet ad prudentiam requiri quod homo sit bene dispositus circa finem, quod sit per appetitum rectum; & ideo ad prudentiam requiri virtutem moralem per quam sit appetitus rectus; bonum autem artificialium non esse bonum appetitus homani; sed bonum ipsorum operum artificialium, & ideo artem non supponere appetitum rectum. Hincque colligit magis laudari artificem qui volens peccat, quam qui peccat nolens; magis autem contra prudentiam esse quod aliquis peccet volens, quam nolens; quia rectitudo voluntatis est de ratione prudentiæ, non de ratione artis.

Quæritur igitur, si dicendum sit, habitum esse moralem. Respondetur, quibus moralem habitum assignari non potest moralem, quia est virtus. Actus moralis & liber, quomodo iustitia, temperantia, fortitudo, & vno verbo omnes habentur, sunt boni siquidem, qui resident in voluntate, eamque movent ad liberè operandum, dicuntur habitus morales. Secundo quia actus moralis fit ex illius præscripto seu directione, quo sensu prudentia inter habitus & virtutes morales numeratur, etsi subiectivè sit in intellectu, eoque titulo sit habitus intellectualis, ut dictum est. Verùm de virtutibus moralibus ex professo in Idea Ethicæ, Deo fauente, agendum erit.



## CAPVT VI.

## De Relatione.

## ARTICVLVS PRIMVS.

*Quomodo relatio distinguatur à fundamento.*

**T**Ria hic, ex communi sententia, supponenda sunt, i. accidentia esse duplicis generis: quædam enim ita inherant subiecto, ut non dicant ordinem ad aliud subiectum, simili vel diuerso accidente informatum; alia vero ita subiectum afficiunt, ut simul dicant ordinem ad aliud subiectum simili vel diuerso accidente instructum: & quidem accidentia prioris generis dicuntur absoluta, quo in genere sunt candor niuis, nigre-

do corni, & similia: non enim mix est candida, aut cornus niger per respectum ad aliud; sed per se & in se absolute; accidentia vero posterioris generis dicuntur relativa in quibus numerari solent paternitas, filio, similitudo, & similia.

Supponendum 2. Commune esse omnibus accidentibus dicere *in*, id est inhaerere subiecto; relationem vero non modo dicere, *in*; sed etiam dicere *ad*; quatenus ita inhaeret subiecto ut illud referat ad aliud, quod non ita intelligi debet, ut relatio quatenus accidens dicat *in*, & quatenus tale accidens, seu ut relatio, non dicat *in*, sed *ad*; siquidem relatio ut relatio, est accidens, adeoque etiam ut relatio, debet inhaerere subiecto, eo vel maxime quia alias non posset per illam subiectum denominari relatum. Quare dicendum relationem & ut accidens, & ut tale accidens inhaerere subiecto, sique utroque modo dicere *in*; id tamen non impedire quin relatio ut relatio, essentialiter dicat *ad*, quia ita afficit subiectum ut illud denominet non in ordine ad se, sed per ordinem ad aliud; ut patet in similitudine quæ secundum totam suam entitatem siue communem accidentis, siue propriam talis accidentis, inest parieti albo: illi tamen sic afficit, ut eum denominet simplicem, per ordinem ad alium parietem alium.

Supponendum 3. multa in relatis solere distinguere, in iis enim reperitur respectus, relationum, correlatum, subiectum, extremum, fundamentum, ratio fundandi, & terminus. Ratio est forma illa qua unum refertur ad aliud, v. g. paternitas, & talis similitudo, &c. relatum seu relatum est illud quod ex relatione, & illius subiecto coalescit, ut patet

## LIBER TERTIVS

quod sit hominem & patrem, & quod sit  
 etiam et ipse, etiam de his per se habet  
 comparatur cum alio et tunc est ratio  
 ponder, ut patet quia ratio est per se  
 subiectum est id cui aduenit ratio, et tunc  
 sunt quatuor: vel homo cui aduenit ratio est  
 extremum, et tunc sumitur pro ipso, non  
 ratio tamen pro extrema rationis intelligun-  
 tur, per se correlativa, quia etiam habent relatio-  
 nem velu, mediam: fundamentum est id quod  
 est causa seu ratio quare forte illa, quae dicitur  
 ratio, convenit subiecto, ut fundamen-  
 tum paternitatis est potentia generativa, quan-  
 titas aequalitatis, qualitas similitudinis. ratio  
 fundandi, quae a nonnullis vocatur fundamen-  
 tum proximum, est conditio sine qua ratio  
 non resultat, ut generatio est ratio fundandi  
 relationem paternitatis, & veritas specifica in-  
 ter duo alba est ratio fundandi similitudinem  
 inter illa. Tandem vocamus terminum relatio-  
 nis id ad quod relatum directum & primo re-  
 fertur, ut filius est terminus relationis patris.  
 Est autem gravis difficultas, an verum sit quod  
 supponitur in sententia communis iam relata,  
 nihilum relationem esse accedens aliquid  
 realiter distinctum a suo fundamento, v. c. si-  
 militudinem ab albedine, aequalitatem a quan-  
 titate, & sic de aliis.

Respondeo probabilius mihi semper visum  
 esse, non debere admitti distinctionem rea-  
 lem inter relationem & fundamentum. Pro-  
 batur 1. argumento illo vulgati; sed non pa-  
 rum efficaci: Nam si ratio esset entitatem  
 realiter distinctam ab entitate fundamenti, se-  
 queretur ex eo quod unus patris Latetiae de-  
 alatur, omnia corpora alba & nigra quot, not  
 in toto orbe reperiuntur, novam realitatem

acipere, & aliam deperdere. Quæ innotet  
 tum quod si aliquid mouetur, & non  
 ita sit interea, siue in eo existens, non  
 recipere realitatem aliquam per quam de  
 ordine propinquitatis, vel distantie ad illam,  
 & amittere aliam realitatem per quam antea  
 eam aliter respiciebant. Quis autem sibi per-  
 suadeat, vel ad motum vnius muscæ totum  
 orbem realiter immutari, idque dupliciter,  
 acquirendo nempe vnâ entitatem realem, &  
 aliam deperdendo? Hoc sanè fidem nostram  
 superat, cum talis mutationis nulla causa as-  
 signari possit, neque vllum indicium.

Probatum 2. Nam si relatio est entitas realis  
 à fundamento distincta, & ab illo producta,  
 vt volunt aduersarij; ergo datur inter funda-  
 mentum & relationem relatio causæ & effe-  
 ctus. Hæc autem relatio media inter funda-  
 mentum & relationem, vel dicit entitatem  
 realiter distinctam ab entitate fundamenti,  
 vel non; si dicit entitatem distinctam, hæc  
 etiam cum sit effectus, dicet relationem realem  
 ad fundamentum, sicque dabitur progressus  
 in infinitum à nemine admissus: si vero non  
 dicit entitatem distinctam, idem affirmari de-  
 bet de prima relatione quæ est inter funda-  
 mentum & terminum, vt contendimus.

Probatum 3. Nam præcisa quacunque entita-  
 te intermedia, duo alba eo ipso quod sunt al-  
 ba, sunt inter se similia; ergo similitudo non  
 dicit entitatem aliquam ab vtraque albedine  
 distinctam. Antecedens probatur, nam quid  
 est vnum parietem album esse alteri similem?  
 certè aliud nihil quàm hunc esse album, sicut  
 ille est albus; quod verè dici potest modo  
 vtrique in eodem gradu albus sit, esto ab iis  
 tollatur quæcunque alia realitas ab albedine  
 distincta.

distincta. Consequentia iam facile ostenditur, quia frustra ad similitudinem ponitur entitas ab utroque pari se albo distincta, cum sine illa sint inter se similes.

Nec dicas, duo alba in ea hypothese fore tantum fundamentaliter similia, non autem formaliter; quæ enim formaliter in aliquo conveniunt, non tantum fundamentaliter; sed etiam formaliter sunt similia, cum nulla perfectior similitudo quam inter illa reperiri possit: ac duo alba formaliter conveniunt in albedine, ergo sunt formaliter similia. Confirmatur; nam ut duæ qualitates sint formaliter æquales, nihil aliud requiritur quam ut quælibet tantum habeat quantitatis, nec plus, nec minus quam alia; ac proinde relatio æqualitatis nihil est realiter distinctum ab ipsis quantitativibus.

Probatur 4. Nam sicut est relatio similitudinis inter duas albedines, ita & inter duas albedinum similitudines, inter duas paternitates, inter duas æqualitates, &c. Sed similitudo quæ reperitur inter duas similitudines aliasve relationes, non dicit entitatem aliquam ab ipsis relationibus distinctam; quia alioqui res abiret in infinitum, ergo neque relatio similitudinis inter duas albedines, dicit entitatem aliquam realem ab ipsis albedinibus distinctam.

Obiicies 1. ea distinguuntur realiter, quorum unum potest esse sine alio; sed fundamentum potest existere sine relatione, ut album sine similitudine; ergo relatio distinguitur realiter à fundamento. Respondeo hoc argumentum non concludi, relationem esse formam quandam accidentalem advenientem fundamento, & ab eo realiter distinctam, ut consentiunt aduersarij; sed tantum relationem

non ita adæquate identificari cū solo fundamento, quin ad illius existētiā requiratur etiam terminus; quod nos vtrō concedimus. Album enim per suammet albedinem, sine alia realitate ipsi inhærente, est simile alteri albo; ut tamen dicatur alteri simile, necesse est ut illud existat. Quemadmodum Deus sine vlla entitate sibi adueniente dicitur realiter creator, & conservator Petri; non tamen sine Petro creato, & conservato eiusmodi denominationes habere potest. Itaque ad minorem dicimus, fundamentum quidem solum posse existere sine relatione, non tamen fundamentum simul cum termino: unde ad summum colligitur, relationem adæquate spectatam dicere quid distinctum realiter à fundamento præcise spectato, non tamen à fundamento simul & termino, de quo est difficultas.

Obiicies 2. Non potest eadem res simul intendi & remitti; sed fieri potest ut intendatur fundamentum & remittatur relatio, ut si sint duo alba ut quatuor, & vnum fiat magis album, tunc enim minor erit inter illa similitudo: Contrā vero fieri potest ut remittatur fundamentum, & relatio intendatur; ut si sint duo alba, vnum ut sex, aliud ut quatuor, & duo gradus albedinis ex illo tollantur; tunc enim maior erit inter illa similitudo. Respondeo maiorem falsam esse, de eadem entitate diversimodè spectata, ut hic concipitur; Nam eo ipso quod ex duobus æqualiter albis, vnum recipit plures gradus albedinis, iam illud est magis album quā aliud, adeoque est minus illi simile quā antea, et si inter vtrumque nulla alia mutatio realis advenierit. Contrā verò si ex magis albo tollantur quidam gradus albedinis, eo ipso sine alia mutatione reali,



## LIBER TERTIVS. 185

maior erit inter utrumque similitudo. Confirmatur hæc responsio retorquendo argumentum contra similitudinem, quæ in ratione paternitatis inter duos homines reperitur, fieri enim potest ut pater itas augeatur, & minuatursimilitudo, & e contra illa minuatursimilitudo, & hæc augeatur, ut intuitu peripateticum fiet: & tamen non audent Aduersarij distinctionem realem constituere inter paternitatem, & similitudinem quam fundat cum alia paternitate.

Obiicies 3. Si relatio non distinguitur realiter à fundamento, sequitur relationes omnes, quotquot in re aliqua reperiantur, non modò cum illa identificari; sed etiam inter se, quod tamen videtur absurdum: quia alias sequeretur similitudinem & dissimilitudinem euitari uè non distingui. Respondeo hoc totum à nobis concedi, neque esse absurdum si bene intelligatur: siquidem paries albus per eandem albedinem qua est similis patrii albo, est dissimilis nigro, adeoque similitudo & dissimilitudo non distinguuntur realiter ab albedine, quantum est ex parte ipsius, esto dicant aliquam distinctionem ratione termini. Eo vel maxime quia dummodo maneant duo parietes albi, & vnus niger, quacunque a se entitate sepositi, semper verum erit parietem album esse similem albo, & dissimilem nigro.

Obiicies 4. Quando produciturs secundus paries albus, vel prior recipit de nouo aliquam realitatem vel non; hoc secundum dici non potest, quia sequeretur relationem nihil esse; quod si primum dicatur, ergo relatio distinguitur realiter à patrie cui de nouo aduenit. Respondeo priorem parietem in eo casu nullam nouam realitatem in se reci-

R ij

perre, non tamen inde sequi relationem absolutè nihil esse; sed tantum nihil esse distinctum realiter à fundamento & termino. Nec dicas parietem album accipere de nouo esse respectuum, cum antea haberet tantum esse absolutum: Nam illud idem esse absolutum manens in se realiter immutatum, incipit esse etiam respectuum, eo ipso quòd alius paries dealbatur. Hoc enim præcise sufficit ut primus paries dicatur secundo similis, quia iam est albus sicut ille, cum antea tantum esset albus.

Obiicies tandem hac ratione prædicamentum relationis omnino euerri, quia si relatio est idem cum fundamento, hinc sequitur relationem identitatis non distingui à substantia, nec relationem æqualitatis à quantitate, nec relationem similitudinis à qualitate, & ita frustra dari prædicamentum relationis ab aliis distinctum. Respondeo non magnum esse incommodum si id totum concedamus, eum numerus prædicamentorum sit valdè arbitrarius, ut alibi dictum est. Potest tamen negari consequentia, quia etsi relatio identificetur cum entitantibus aliorum prædicamentorum, id non impedit quin entitates illæ, ut per se dicunt ordinem aliquem & respectum ad alias, prædicamentum ab iis distinctum constituent; sicut actio & passio, etsi Physicè sint una & eadem entitas, constituent duo prædicamenta distincta, iuxta diuersum modum quo considerantur.

## ARTICVLVS II.

*De subiecto relationis.*

**Q**UÆRITUR 1. An relatio identitatis fundetur immediate in substantia. Respondeo affirmatiuè, quod probatur 1. quia sicut vna quantitas per se ipsam fundat æqualitatem cum alia quantitate, & vna qualitas similitudinem cum alia qualitate; ita à pari vna substantia potest per se ipsam fundare relationem identitatis cum alia substantia.

Probatur 2. Duplici exemplo: alterum est rerum omnium creatarum, quæ immediate per suam substantiam dicunt relationem dependentiæ ad Deum; alterum est filiationis creatæ, quæ immediate fundatur in ipsa substantia personæ genitæ; quamuis enim in patre creato sit potentia generatiua, in qua relatio paternitatis al. quo modo dici potest fundari; dici ramen nequit in filio esse quandam potentiam passiuam per quam aptus sit generari, cum substantia illius secundum se sit producta, dicarque ordinem intrinsecum dependentiæ ad principium generans.

QUÆRITUR 2. An relatio possit esse subiectum relationis. Respondeo affirmatiuè. Quod probatur 1. Nam sicut vnum album habet relationem similitudinis ad aliud album, ita paternitas habet relationem similitudinis ad aliam paternitatem: ambæ enim sunt similes, sicut duo alba sunt similia.

Quare sicut prior relatio similitudinis funda-

tur in albedine, quæ est accidens absolutum, ita posterior fundatur in paternitate, quæ est accidens respectuum; sicque vna relatio est subiectum alterius.

Probatur 2. Nam cum ex Arist. 3. Metaph. cap. 17. primum genus relationis fundetur in vnitatem, ut relatio identitatis inter duos homines, & relatio similitudinis inter duas qualitates; sanè sicut Petrus refertur ad Paulum, quia conuenit cum illo essentialiter in ratione hominis; ita vna paternitas refertur ad aliam paternitatem, & vna similitudo ad aliam similitudinem, propter conuenientiam specificam quam habet cum illa.

Obiiciens: si vna relatio fundat aliam, hæc tertiam fundare poterit, sicque res in infinitum abibit. Respondeo hoc argumento valde premi eos qui putant relationem esse entitatem realiter distinctam à fundamento; coguntur enim multiplicare entitates reales in infinitum: in nostra vero sententia progressus ille non habet locum; sicut enim dicimus duo alba esse similia per seipsa, ita & duas paternitates seipsis similes esse profitemur.

Quæritur 3. An sint in Deo relationes reales respectu creaturarum, v. c. relationes creatoris, conseruatoris, & domini. Respondeo 1. in communi sententia quæ relationem distinguit realiter à fundamento, negandum esse nomina creatoris, conseruatoris, & similia dicere relationem realem in Deo, respectu creaturarum existentium. Ratio est manifesta, quia, iuxta illam sententiam, sequeretur Deum recipere in tempore entitatem aliquam realem, adeoque realiter componi & mutari; quod plane repugnat diuinæ simplicitati, & immutabilitati.

Neque dicas cum Gilbert. Porro, si relationem predictam, etsi realem, & realiter distinctam à Deo, non ponere compositionem aut mutationem in illo, quia non inhaeret illi, sed ei assistit: hoc enim gratis confictum est, quia si relatio illa est accidens, ea debet connaturaliter inhaerere alicui subiecto; & cum Deum realiter denominet, non alteri quam Deo inhaerere potest: sicut paternitas non potest alteri inhaerere quam ei quem denominat patrem. Quare eo ipso quod Deus est realiter creator, sequitur eum esse realiter compositum, & mutatum.

Respondeo 2. Iuxta sententiam quam ut probabiliorē sequuti sumus, de indistinctione relationis à fundamento & termino, posse poni in Deo relationem realem in tempore, respectu creaturarum. Et sanè ex una parte non minus verè & realiter Deus est creator omnium rerum quas produxit, quàm homo est pater filij quem genuit: quare cum pater in creatis dicat veram relationem ad filium, negari non potest quin Deus dicat veram relationem ad creaturas, si id aliunde non repugnat. Ex alia veto parte nullum sequitur incommodum in nostra sententia, si ponantur relationes reales in Deo, respectu creaturarum; quia cum relatio creatoris nihil aliud dicat realiter quàm Deus per potentiam suam creantem, connotando res ad extra productas: hinc manifestum est relationem illam posse in tempore advenire Deo, sine vlla intinseca illius compositione, aut mutatione. Quia tamen Theologi communiter docent relationem predicamentalem non poni in Deo respectu creaturarum, cum sit ordinis infinite superioris, & ab eis omnino independentis, fa-

tendum est ad maiorem dei perfectionem spectare, vt talis relatio ab eo excludatur, si verum est, vulgò supponitur, ea non referri inter se prædicamentaliter, quæ non sunt eiusdem ordinis. An autem hæc suppositio admitenda sit, adeo vt vel sola ordinis diuersitas sufficiat ad excludendam relationem prædicamentalem, aliorum sit iudicium.

### A R T I C V L V S III.

#### *De termino relationis.*

**Q**uæritur 1. An ad relationem necessariò requiratur terminus realiter existens.

Respondeo & dico 1. *Certum est relationem transcendentalem non exigere necessariò terminum realiter existentem.* Probat, quia constat haberi veram scientiam de rosa in hieme, imò & veram scientiam non haberi ex communi sententia, nisi de vniuersalibus, quæ vt sic, realiter non existunt. Constat etiam phantasiam, memoriam, imaginem & similia dicere ordinem ad res non existentes quas representant.

Negari tamen non potest quin aliqua relata transcendentia necessariò exigant terminum actu existentem, qualia sunt vniò extremorum, actio productiua, aliaque eiusmodi; non enim dari potest vniò quin extrema vnita existant, nec actio productiua quin effectus productus existat.

Di. o 2. *Relationem prædicamentalem ex natura sua requirere terminum actu existentem.* Probat, primo: Nam ex Aristotele relata prædicamentalia sunt simul natura, ita vt se mutuò ponant & tollant; seu posito vno, ponatur alterum, ablato vno tollatur alterum, vt patet

Exemplo patris & filij. Nam si est pater, & est filius; si non est pater, non est filius, & vice versa. Cum ego vnum relatum inferat existentiam alterius, hinc perspicuum est relationem non posse subsistere quin illius terminus existat.

Probat 2. Nam illud poni solet discrimen inter relationem transcendentalem, & predicamentalem, quod transcendentalis per se intendi & produci potest, ut patet in scientia, aliisque rebus absolutis quæ transcendentaliter ad aliud referuntur; predicamentalis verò non est per se intentata a natura, non enim per se producitur; sed per accidens ad productionem alterius, iuxta illud vulgatum ex 5. *Physic. ad relationem non datur per se terminus*: Vnde alterius, nempe termini coexistentiam necessario expectat, ut patet in albo quod denominatur quidem album, quandiù habet albedinem; at propriè non dicitur albi albo simile, nisi album illud existat.

Obiicies: terminus relationis predicamentalis est merus terminus, ut dictum est in Logica; at potest aliquid esse merus terminus, etiam actu non existat: quia terminare dicit tantum respici ab alio, quod merè extrinsecum est respectu termini, & nihil ponit in illo. Respondeo etiam terminus relationis predicamentalis præcisè ut terminus, non debeat necessario existere; aliunde tamen requiritur existentia illius, cum relatio ex eius positione veluti resolvet, ut dictum est.

Quæritur 2. An necessaria sit distinctio realis inter fundamentum, & terminum relationis. Respondeo affirmatiuè, nam non est

relatio realis, nisi inter duo correlatiua quæ se mutuo respiciunt, & sibi inuicem realiter opponuntur; quare quàm certum est idem non opponi realiter sibi ipsi, tam certum est inter fundamentum & terminum, quorum illud se tenet ex parte vnius correlatiui, & hic ex parte alterius, esse distinctionem realem.

Confirmatur: quia relatio est habitudo vnius ad aliud, ergo ad illam requiritur vnum & aliud, nec sufficit vnum & idem, adeoque versatur inter duo extrema realiter distincta.

Obiicies 1. Illa est relatio realis quæ competit alicui, nemine cogitante; sed nemine cogitante, qualibet res habet relationem identitatis ad seipsam, sicut similitudinis, aut diuersitatis ad aliam: ergo talis relatio esse realis, esto fundamentum & terminus idem sint. Respondet minorem falsam esse; nam etsi qualibet res sit idem cum seipsa, non tamen habet verum & realem respectum ad seipsam: quia respectus realis est ordo vnius ad aliud, & inter vtrumque debet esse realis oppositio; quod de eodem dici nequit, ut perspicuum est.

Obiicies 2. Si Deus poneret eandem albedinem in duobus parietibus, illi essent inter se realiter similes, tamen tunc fundamentum non distingueretur realiter à termino; ergo falsum est quod relatio realis exigat distinctionem realem inter fundamentum & terminum. Respondet in eo casu duos parietes non fore realiter similes, ut falso supponitur. Nam sicut ex communi sententia Th ologorum, personæ diuinæ non dicuntur realiter similes ob identitatem naturæ; ita si duo parietes diuinitus essent infor-



mati eadem albedine, talis identitas non sufficeret ut differrentur realiter similes, quia potius ut sic, essent quid vnum & idem. Accedit quod hic negamus esse relationem realem, eiusdem ad seipsum: at quamvis inter illos parietes esset relatio realis, non inde sequeretur esse relationem realem eiusdem ad seipsum; siquidem illi parietes essent inter se realiter distincti, non obstante identitate albedinis.

Quæritur 7. Num subiectum per vnam & eandem relationem referatur ad plures terminos.

Respondeo & dico 1. *Diversus est relatio-  
ner, quando termini diversimodi respiciuntur*: Pro-  
batur nam in sententia communis homo habet  
aliam relationem ad patrem suum à quo  
genitus est, aliam specie distinctam ad filium  
quem genuit; cum per illam constitutur fi-  
lius, & per hanc pater. Verum maior est dif-  
ficultas, an in eodem subiecto sint plures re-  
lationes numero distinctæ, respectu diversorum  
terminorum qui eodem modo respiciun-  
tur, v. c. tot paternitates distinctæ in patre,  
quot sunt filij ab eo geniti. Itaque

Dico 2. *Multiplicandæ esse relationes iuxta va-  
rietatem terminorum, si illi non sint inter se con-  
nexi, aut subordinati*. Cum enim relatio nihil  
aliud sit à parte rei quàm denominatio quæ-  
dam respectiva, orta in subiecto ex coexi-  
stentia extremi, hinc fit ut in subiecto tot po-  
nendæ sint relationes, quæ extrema distan-  
cta, & minime connexa illi, coexistere inci-  
piunt: quia totidem denominationes relati-  
væ inter illa exoriantur. Unde pater habet  
aliam relationem ad filium quem primo ge-  
nuit, aliam ad secundo genitum, &c.

Obiicies ex S. Thoma 3. parte, quæst. 35. a. 5. filium respicere eadem relatione patrem & matrem. Respondeo id non pugnare contra assertionem nostram, quia excipimus terminos inter se connexos, quales sunt pater & mater in ordine ad filium. Cum enim eos respiciat tanquam vnicum principium adæquatum suæ generationis, sitque idem filius respectu vtriusque, consequenter videtur eos respicere vnica totali relatione filiationis; ita vt non sit nisi partialis & inadæquata relatio respectu vnius parentis, quando alter interit.

Neque hoc mirum videri debet, quia cum non distinguamus relationem ab extremis; sicut concipimus oriri denominationem relationem inter vnum extremum & aliud, ita intelligi potest eam oriri inter vnum extremum, & duo alia inter se connexa: adeo vt relatio sit adæquata respectu vtriusque simul sumpti, inadæquata verò respectu alterutrius.

#### A R T I C V L V S IV.

*An relatio tendat ad terminum' vt absolutum, vel vt respectuum.*

**P** Ræmoneo 1. Cum in pariete albo v. c. duo considerari possint, primò quod sit albus, seu quod habeat albedinem, quæ est accidens absolutum, & fundamentum similitudinis. Secundò quòd sit similis alteri parieti albo, quomodo est quid respectu; quæ relationem esse quam ex his rationibus terminet relationem, alterius parietis albi, qui

ad ipsum tanquam consimilis refertur; an ratione fundamenti, seu quatenus est albus; an vero ratione relationis, seu quatenus est similis.

Præmoneo 2. Perspicuum esse in relatis non mutuis relationem terminari ad absolutum, non ad respectuum. Quia cum terminus ad quem tendit relatio, non habeat propriam relationem, adeoque firmere absolutus, relatio non videtur posse terminari ad illum ratione alicuius relativi, sed tantum ratione absoluti, quidquid nonnulli comminiscantur. Dubium est ergo quid sentiendum sit quoad hanc difficultatem, in relatis mutuis.

Respondeo in relatis mutuis relationem terminari ad absolutum, non ad respectuum. Probatur 1. ex iamdictis; nam cum in relatis non mutuis relatio terminetur ad terminum absolutum, hinc evidenter colligitur etiam in mutuis terminari ad absolutum: Siquidem omnino per accidens est ad rationem terminandi, quod terminus sit correlativus, seu quod fundet relationem ad relativum a quo respicitur; sicut per accidens est quod ego videam eum qui videt me.

Probatur 2. Quia illud terminat relationem ad quod relativum per se & directe refertur; atqui relativum per se & directe refertur ad absolutum, non ad respectuum, ergo &c. Major & consequentia perspicue sunt: probatur minor, nam paries albus A, refertur directe & per se ad parietem B, ut albus est, quia sic est illi similis; ergo relatio primi parietis terminatur ad alium, secundum essentiam illius absolutam.

Probatur 3. Nam si relatio formaliter terminaretur ad relativum, essentia illius in-

colligit, non posset sine correlatio, ut correlatiuum est; at hoc dici nequit, ergo non terminatur ad relatiuum; sed ad absolutum. Maior perspicua est, cum essentia relationis sumatur per ordinem ad terminum formalem. Minor vero ostenditur, quia ut essentiam paternitatis intelligas, sufficit quod eam concipias in ordine ad hominem qui genitus est; nec ullo modo requiritur ut intelligas in homine genito esse relationem filiationis, qua vicissim respicit eum à quo genitus est; cum præcisè de ratione patris, ut pater est, sit tantum ut aliquis ab eo sit genitus, quocumque modo ille se habeat ad suum progenitorem.

Obiicies 1. ex Aristotele cap. de relatis, relata referri ad ea quæ reciprocantur, unde sequitur relationem terminari formaliter ad respectiuum, non ad absolutum. Verum neganda est hæc consequentia, Aristoteles enim intendit tantum docere, ut relata dicantur ad conuertentiam, illud obseruandum esse ut explicentur per terminos correlatiuos, quia si loco domini ponatur homo, non fiet reciprocatio; non enim dicimus hominem esse serui hominem, vel seruum esse hominis seruum. Hinc autem male colligitur relationem domini terminari formaliter ad seruum, ut seruus est, seu ut refertur ad dominum: quia etsi repugnet terminum dici ad conuertentiam, nisi ut correlatiuum; nihil tamen impedit quin possit præcisè terminare relationem oppositam, secundum rationem absolutam, ut probatum est.

Obiicies 2. Relata ut relata, sunt simul natura: at non essent simul natura, si relatio

terminaretur ad absolutum, non ad relati-  
uum; ergo terminatur ad relatum. Maior  
est Aristotelis loco citato: minor vero pro-  
batur: nam si pater refertur ad filium, non ut  
filium; sed ut est homo genitus ab illo, hinc se-  
quitur patrem ut patrem, esse simul natura  
cum homine ut genito, & consequenter esse  
priorem natura filio ut filio: siquidem prius  
est natura hominem esse genitum ab alio,  
quàm in eo resultare relationem filiationis ad  
illum.

Respondeo negando minorem, & ad pro-  
bationem illius dicendum est patrem, non ut  
patrem; sed ut hominem generantem referri  
ad filium, ut est homo genitus, tum vero ex  
horum positione veluti resultare relationem  
paternitatis in homine generante, simulque  
relationem filiationis in homine genito; sicque  
patrem ut patrem, & filium ut filium, esse si-  
mul natura.

Obicies? Relationes diuinae terminantur  
ad relatum, non ad absolutum; ergo idem  
dicendum est de relationibus creatis. Ante-  
cedens certum est, quia cum inter personas  
diuinas nulla sit distinctio nisi pènes relatio-  
nes, hinc manifestè sequitur eas se mutuo  
respicere sub ratione relativa, & per ipsas re-  
lationes mutuos respectus terminare. Con-  
sequentia vero probatur, quia eadem est ratio  
de relationibus diuinis & creatis, quoad ratio-  
nem referendi, & terminandi. Respondeo  
concesso antecedente, negandam esse conse-  
quentiam: & ratio discriminis est, quia re-  
lationes diuinae sunt substantiales, & per se sub-  
sistentes: ac proinde nullum habent funda-  
mentum præter seipsas, quo possint terminare  
relationem oppositam: at vero relationes

creata cum sint accidentia quædam, ex fundamento & termino quodammodo resultantia, possunt per illud fundamentum relationes oppositas terminare.



## C A P V T VII.

### De actione & passione.

#### A R T I C V L V S PRIMVS.

##### *De Natura actionis & passionis.*

**P** Ramoneo agendum esse hoc loco de actione & passione, licet de iis in Physica tractari soleat. Cum enim ad Categorias spectent, quæ sunt considerationis Metaphysicæ, earum tractatio hic prætermitti non debuit: præsertim cum supra de causis actum sit. Itaque

Quæritur 1. Quid sit actio. Respondeo actionem iuxta ea quæ tradit Arist. 3. Physic. cap. 3. vulgò definiti, *actum agentis, ut agens est*; ubi particula *actus* . habet locum generis, & distinguit actionem à re qualibet quæ non est actus. Dicitur vero *actus agentis*, ut distinguatur à passione quæ est actus patientis. Additur *ut agens est*, quia actio non est primum principium seu virtus agendi; sed exercitium talis virtutis, seu id quo formaliter in actu secundo constituitur; quod agendo de causis, causalitatem agentis esse diximus,

Quæritur 2. quid sit passio. Respondeo passionem definiri *alium patientis*, ut *patiens est*, quibus verbis passio distinguitur formaliter ab actione, quia ut ait Arist. cap. citato tex. 22. *huius in hoc, & huius ab hoc alium esse ratione diversa sunt*: vocat enim actionem *alium huius in hoc*, id est agentis in patientem, & passionem *alium huius ab hoc*, id est patientis ab agente; & eos alius dicit inter se ratione, seu formaliter distingui.

Vbi nota 1. actionem & passionem non esse duas entitates realiter inter se distinctas; sed unicam sub diuersis formalitatibus iam dictis conceptam. Calefactio enim ut est aquæ passio, non minus potest per se immediate pendere ab igne, adeoque sine vlla actione realiter distincta, quàm calefactio ut actio, ab eo immediate pendere dicatur. Confirmatur, nam si actio esset entitas realiter distincta à passione, esset proprie principium & causa illius, & consequenter per aliquam causalitatem distinctam, adeoque & per nouam actionem eam deberet producere, quod nimis absurdum est.

Nota 2. actionem & passionem non distinguí realiter à motu; sed tantum ratione. Ita Aristoteles loco citato; & probatur, siquidem eadem entitas dicitur actio, ut fluit ab agente, passio, ut recipitur in patiente, & motus, ut est tendentia ad terminum: v. c. calefactio ut oritur ab igne calefaciente, dicitur actio, ut recipitur in ligno calefacto, dicitur passio; ut autem est via ad calorem sensum productum, est motus.

Nota 3. actionem esse quid distinctum ab agente secundum se spectato, & ab effectu qui per illam produciatur; ab illo quidem, quia

aliud est posse agere, aliud actu operari; ab isto etiam quia effectus existit plerumque independentem ab actione qua productus est. Quia tamen actio esse nequit sine agente, & sine termino producto, hinc actio se habet tantum ad illa ut quidam modus ab iis distinctus, non autem ut entitas ab iis omnino distincta & separabilis.

Queritur 3. quodnam sit subiectum actionis transeuntis. Respondeo actionem transeuntem non esse subiectivè in agente; sed in patiente. Probatum 1. ex Arist. antè citato, cum enim ait, actionem esse *actum huius in hoc*, non obscure innuit actionem fluere ab agente, & recipi in subiecto. Idemque confirmatur ex eo quod actionem passionem identificat cum motu, huncque esse in mobilis existimat.

Probatum 2. nam quando Deus operatur ad extra, actio illius non reperitur in ipso; sed in subiecto externo, v. c. in anima quando gratiam illi confert: ergo similiter calefactio non recipitur in igne calefaciente; sed in aqua calefacta. Sequela patet, quia cum Deus per actionem extrinsecam verè & realiter denominetur agens, æquè poterit ignis denominari verè & realiter calefaciens, per calefactionem in aqua receptam.

Probatum 3. nam cum actio non distinguatur realiter à passione, ut ostensum est, & passio sit subiectivè in patiente, sanè in eodè & ipsa actio esse debet. Quod ex eo vltimis suaderetur, quia actio est effectio termini è subiecto, effectio autem rei non potest separari realiter à re quæ sit, neque esse in subiecto distincto: quare cum terminus actionis sit in patiente, non in agente, idem de ipsa actione dici debet.

Obiicies 1. relatio agentis ad patientem est in



agente; ergo & in illo est actio, cum hoc sit fundamentum relationis ab ea in unum, & fin-  
dum. Respondeo negando consequentiam, &  
ad probationem illius dicendum est actionem  
non esse fundamentum relationis causæ ad ef-  
fectum; sed tantum rationem fundandi, seu  
conditionem sine qua non, à vero fundamen-  
to realiter distinctam.

Obiicies 2. absurdum est ponere formam  
aliquam alibi quàm in subiecto quod per illà  
denominatur: at agens denominatur ab actio-  
ne, non autem patiens, ut perspicuum est; er-  
go actio est in agente, non in patiente. Res-  
pondeo maiorem veram esse de subiecto quod  
denominatur per formam, ut illam recipiens,  
non autem si tantum denominetur per illam,  
quatenus eam ex se effundit; quomodo agens  
denominatur ab actione. Aliàs productio gra-  
tiæ in ipso Deo ponenda esset, cum illum pro-  
ducentem denominet.

Instabis: si actio est in patiente, quare illud  
non denominat agens? Respondeo causam  
esse, quia agere non est recipere actionem; sed  
eam elicere; at patiens non elicit actionem,  
sed tantum recipit.

Obiicies 3. actiones intellectus & volunta-  
tis, sensuum interiorum & exteriorum, & si-  
miles sunt in agente; ergo & omnes aliæ actio-  
nes sunt in agentibus à quibus procedunt. Res-  
pondeo non sequi, imo potius oppositum inde  
colligi debet, siquidem ideo actiones poten-  
tiarum animæ recipiuntur in ipsis potentiis,  
quia quod per eiusmodi, actiones producitur,  
manet in eodem principio à quo oritur: at ef-  
fectus actionum transentium non recipiuntur  
in agentibus; sed in patientibus; ergo in istis,  
non in illis, actiones eiusmodi recipi debent.

Obiicies 4. perfectiones sunt subiectivæ in rebus quas perficiunt; at actio est perfectio agentis, ergo est in illo. Respondeo maiorem esse veram de perfectionibus intrinsicis, non autem de extrinsecis, cuiusmodi est actio transiens; ignis enim dum aquam calefacit, non seipsum perficit; sed aquam quæ, ut est subiectum caloris ex eaeducti, ita & ipsius educationis.

Obiicies si actio transiens non est in agente, nonne congruentius diceretur eam esse in termino seu effectu productio, quam in subiecto? Respondeo negativè, quia ut hoc fieret, effectus deberet esse prior actione, aliter enim non posset eam recipere; at tantum abest ut sit prior, quin potius est posterior, cum ea mediante, producat.

## ARTICULVS II.

### *De coniunctione agentis ad patientem.*

**Q**Uæritur 1. an agens debeat esse proximè coniunctum subiecto in quod agit, idque vel immediate tam suppositi quam virtutis; quomodo ignis coniunctus est ligno in quod agit, tam per suam substantiam, quam per calorem ipsi naturaliter insitum; vel saltem immediate virtutis, quomodo sol coniunctus est rebus hisce inferioribus, in quas per lucem aliasque qualitates operatur, cum cælo tantum realiter sit præsens.

Respondeo alteram ex his præsentis in causis ordinis naturalis, spectata vi nature, imò & absolute necessariam esse. Prior pars patet experientia, cum videamus agentia creata

coniuncta esse vel quoad suppositum & virtutem, vel saltem quoad virtutem à se diffusam, subiectis in quæ agunt. Vnde cum habeant virtutem agendi limitatam, efficacius agunt per se loquendo, in corpora proxima, quam in remota; eorumque virtus quo latius diffunditur, eo magis languescit, & tandem omnino extinguitur, nullumque effectum extra certam & determinatam sphaeram producant.

Obiicit magnetem agere in ferrum distans, Remoram fidere magnum nauigium, fascinantes visu ledere puerulos, & agnos quos attentius inspiciunt; aliaque similia quæ ostendunt non requiri coniunctionem agentis cum patiente ad operandum. Respond. has & similes experientias nullius esse momenti, cum certum sit dum res agunt in distans, ab iis fluere qualitates aliquas occultas per quas effectus suos producant; vt ex eo manifestum est, quod eiusmodi effectus per interpositionem alicuius corporis facile impediri possunt, cuius ramentum oppositum contingeret; si actio fieret immediate in distans.

Posterior pars ostenditur, quia si causa naturalis nec per se, nec per suam virtutem attingat patients, nec etiam effectum in eo productum attingere poterit, adeoque illius causa Physica non erit; sed ad summum moralis, quatenus Deus solus ad presentiam illius effectum producet. Confirmatur, nam intelligi non potest quod causa aliqua operetur in distans, nisi aliquid in illud immittat, sicque sit illi saltem virtualiter præsens: si enim nihil immittit, eodem modo se habet respectu illius ac antea, adeoque non magis potest aliquid in eo causare quàm prius.

Quæritur 2. an agens naturale possit agere

in distans, non agendo per medium. Respon-  
deo non posse naturaliter, posse tamen ex  
probabiliori sententia supernaturaliter. Prior  
pars probatur experientia; nam agentia natu-  
ralia non agunt in distans, etiam intra ambi-  
tum Sphæræ suæ actiuitatis, si aliquid in medio  
obstet ne virtus eorum usque ad terminum il-  
lum diffundatur: ut cum ingressus lucis impe-  
ditur obiectu fenestræ, & diffusio caloris ab  
igne prodeuntis interpositione parietis, vel  
alterius corporis opaci. Hoc autem aliunde  
ortiri non potest, nisi ex eo quod agentia prius  
agere debent in partes spatij proximiores,  
quàm in remotiores, seu in distans per me-  
dium. Aliàs sanè eorum actio nullius corpo-  
ris interpositione impediri posset, imò quam-  
uis medium esset vacuum, posset nihilominus  
actio fieri in distans, quod tamen à nemine  
cum aliquo fundamento admitti potest; cum  
omnes fateantur ideo naturam tantopere ab-  
horrete à vacuo, quia si vacuum daretur, in-  
fluxus cælestium corporum ad inferiora per  
illud traici non posset.

Nec dicas magnetem agere in ferrum di-  
stans sine modo, cum illud attrahat, non alias  
res proximiores; & torpedinem stupore affi-  
cere manum piscatoris, nihil agendo in media  
arundine: Hæc enim aliæque id genus non o-  
stendunt agentia naturalia agere in distans, non  
agendo in medium, seu non traiciendo vim  
aliquam per medium: Sed non producere sem-  
per eandem mutationem in corpore medio,  
quàm in distanti, eo quod medium non est ca-  
pax illius. Ad eum modum quo sol traicit lu-  
cem per cælos inferiores, & per aërem, nec  
tamen in cælis calorem producit; sed in aëre:  
quia et si cæli sint lucis capaces, non tamen ca-

loris ex ea orti, aer vero ex natura sua non modo illustrari; sed & calefieri potest.

Posterior pars ostenditur, quia etsi agentia naturalia exigant medium aptum ad transiciendam vim aliquam in distans, id tamen non videtur absolute adeo necessarium, quin possint diuinitus eam diffundere in distans, etsi per spatium intermedium non transiciatur: quid enim impedit quominus Deus efficere possit ut hoc cubiculum à sole illu treretur, etsi claudantur fenestree: eæque in partibus interioribus non illu trerentur. In hoc sanè non apparet repugnantia, cum effectus ille sit quoad substantiam naturalis; supernaturalis vero dumtaxat quoad modum quo fit, quia deficit aliqua conditio, quæ etsi naturalem habeat connexionem cum eiusmodi effectui; non tamen essentialem, ita ut diuinitus suppleri non possit.

### ARTICVLVS III.

*De distinctione inter agent, & patient.*

**P**Ræmoneo aliquid posse duobus modis intelligi agere in seipsum, nempe vel actione vniuoca, vel æquinoca. Dicitur actio vniuoca, quando quod producit, est simile quoad speciem principio producenti, ut cum ignis per calorem aquam calefaciendo, in ea similem calorem producit. Dicitur vero actio æquinoca, quando effectus est dissimilis, quoad speciem, principio producenti, ut eum sol qui formaliter calidus non est, in aqua calorem producit. Queritur ergo an idem possit agere in seipsū altera ex his actionibus vel vtraque,

Respondeo & dico 1. *idem non posse agere in seipsum actione uniuoca.* Ratio est, quia si ver. cau. calidum vt quatuor, posset agere in seipsum actione uniuoca, posset in se augere calorem quem habet, hoc autem repugnat, cum nihil super suas vires agere possit. Confirmatur, nam si calor vt quatuor, posset se intendere ad duos gradus, sequeretur hos sex gradus caloris posse producere alios, sicque eadem qualitas seipsam intenderet in infinitum; quod dici non potest.

Obiicies 1. *Experientia constat qualitates augeri per autiperistasis, seu per circumobstantiam contrarij fortioris, vt patet cum ex calce vina quæ aqua iniecta incenditur, ex aquis putealibus quæ æstate sunt frigida, & hieme calida; ex stomacho animalium qui citius coquit cibos hieme quàm æstate, &c.* At eiusmodi intensio non potest per se fieri à qualitate contraria, vt perspicuum est: siquidem calor intensus v. c. non auget frigus remissus; sed potius illud destruit, ergo procedere debet ab ipsa qualitate quæ intenditur, ita vt ob viciniam contrarij seipsam veluti colligat, viresque intendat. Respondeo negando consequentiam; possunt enim & debent assignari alie causæ à quibus talis intensio per se oriatur. Ac primo innumeræ ignis particule in calce delitescentes infusione aquæ excitantur, seseque colligunt vt aduentanti hosti resistant; quò fit vt calx de nouo incalcescat, donec paulatim superato igne omnino frigeat.

Deinde aquæ puteales sunt calidiores hieme, quia tunc beneficio exhalationum siccarum & calidarum, quæ à sole æstiuo in intimis terræ partibus excitatæ fuerunt, quæque ob frigus

gus hiemis circumstant ibi deponentur, ibi a-  
lescunt; è contra vero æstate ibi frigidiore,  
quia cum magna copia ex æthere calida-  
rum per poros terræ, ardore suo laxatos, sur-  
sum euolet, aqua sibi ipsi relicta, & ab hoste  
obstante libera, sese in pristinam frigidita-  
tem reducit.

Tandem ideò calor stomachi hieme est in-  
tensior quàm æstare; quia cum pori ob frigus  
circumstanti constricti sunt, spiritus vitales for-  
as erumpere nequeunt, adeoque intus colle-  
cti intensiorem calorem producant, cuius vi  
digestio citius peragitur.

Instabis, exemplum aquæ sese reducens ad  
pristinam frigiditatem nobis obesse. Sed hoc  
frustrâ obicitur, nam cum aqua calidissima,  
amoto impedimento, primum gradum frigo-  
ris per propriam formam substantialem recu-  
peret, idem dicendum de secundo, aliisque  
sequentibus, ita ut intensio frigoris non dica-  
tur fieri à frigore remisso; sed ab ipsa forma  
aquæ.

Obiicies 2. Lux, calor, & aliæ eiusmodi qua-  
litates per reflexionem intenduntur, ut cer-  
tissima experientia ostendit, ac illa intensio  
non potest oriri à corpore impellente ne  
qualitas ulterius diffundatur; paries enim v. c.  
qui obstat ne lux solis & calor ab ea pro luctus  
longius propagetur, nullam ex se vim habet  
producendi aliquem gradum lucis, aut calo-  
ris, ut per picum est: nec alia causa potest as-  
signari à qua oriatur, quàm ipsamet qualitas  
quæ intenditur. Respondeo hoc posterius gra-  
tis affirmari. Ille enim effectus potest & de-  
bet referri in causam ipsam agentem, qua  
qualitas directè producitur: Si, ut enim non  
modò motus pilæ directus; sed etiam reflexus

Metaph.

est efficienter à proiciente; ita & reflexio quaeritur est ab eodem agente à quo qualitas directa procedit. Quia cum posset qualitatem productam ulterius extendere, occurrente impedimento, circa eandem mediij partem fortius operatur, defectumque ulteriori extensionis maiori intentione supplet.

Sed contra hoc arguet aliquis ex supradictis, non potest agens creatum naturaliter agere in distans, nisi agat per medium; at hic oppositum contingit, nam reflexio fit in loco distanti ab agente, non in medio: ergo talis effectus in agens reduci non debet. Respondeo hoc non esse agere in distans, non agendo simpliciter in medio; sed tantum agere fortius in distans, quam in medio: Hoc autem non magis repugnat, quam producere effectum aliquem in distanti, qui non producit in medio, quod ex allatis supra exemplis fieri posse perspicuum est. Sicut enim hoc posterius euenit ob variam dispositionem mediij, ita & illud ob impedimentum ante dictum contingit.

Dico 2. *Idem posse agere in seipsum actione aquiuoca.* Probatut 1. ex Arist. cum ait. vt in Physica referemus, naturam esse principium motus cum in qua est; hoc enim planè conuincit iuxta illius mentem, res naturales mouere seipsas, adeoque posse idem agere in seipsum.

Probatut 2. Nam cum v. c. ignis sursum mouetur, vel cum terra deorsum tendit, dici non potest motus illos aliunde oriri quam ab ipso igne, ob innatam leuitatem in locum superum, & à terra ob naturalem grauitatem ad locum deorsum tendente. Siquidem leuitas & grauitas sunt sufficientia principia proxima eiusmodi motuum, formæ vero sub-



flantiales ignis & terræ remora. Et 'idem, de aliis omnibus corporibus se ad proprium centrum mouentibus, proportionē seruata dici debet.

Probatut 3. Ex eo quod aqua calefacta statim se amoto igne, ad pristinum statum reducit: illa enim reductio non potest referri ad generans, cum fortē nullibi sit, aut valde distet, nec maioris sit virtutis quā aqua ipsa quæ antiquam frigiditatem recuperat. Nec dici potest aquam frigesceri ab aëre circumstante, cum constet frigus aquæ restitutum frigore aëris intensius esse.

Probatut 4. Ex motu locali animalium, quem planè spontaneum esse, adeoque ab intrinseco principio oriri perspicuum est; ex operationibus sensuum externorum & internorum intellectus & voluntatis, quas constat esse immanentes, & consequenter oriri ab eo principio in quo recipiuntur. Aliis si à principio externo fluere, essent transeuntes, sicque explodenda esset vulgaris illa, & à Philosophis omnibus recepta actionum diuisio in immanentes & transeuntes; quæ præsertim ob actiones vitales, quas omnino necesse est esse internas, & immanentes, admitti debet.

Obūciat 1. Quidquid mouetur, ab alio mouetur, ex constanti Aristotelis sententia, qui inde probat graua & lenia non moueri à seipsis; sed à suis progenitoribus. Respondeo axioma illud à mente Arist. esse alienum, & in rigore falsum, si de quouis motu intelligatur, ut ostensum est; quare debet intelligi vel de motu qui fit per actionem vniuocam, vel de motu corruptiuo, vel de concursu primæ causæ ad omnes rerum operationes re-

quisito, vel alio quouis modo qui secundæ nostræ assertioni non repugnet. Quo autem sensu graua & leuia dicantur moueri a suis progenitoribus, dicitur in *Physi.* 2, ubi de elementis.

Obiicies 2. Quod mouet in actu, & quod mouetur est in potentia, at repugnat idem simul esse in actu, & in potentia: ergo idem non potest seipsum mouere. Respondeo distinguendo maiorem, quod mouet vniuocè est in actu formali, & quod mouetur est in potentia formali, concedo maiorem: Quod mouet æquiuocè est in actu virtuali, & quod mouetur est in potentia formali, concedo etiam. Ad minorem, at repugnat idem simul esse in actu, & in potentia: distinguo; in actu formali, & in potentia formali, concedo; in actu virtuali, & in potentia formali, nego: sic enim aqua cùm sit tantùm virtualiter frigida, seipsam formaliter frigidam constituit.

Obiicies 3. Non potest aliquid agere in sibi formaliter simile, ergo nec in seipsum; antecedens postea probabitur, sequela vero laudetur, quia maior est distinctio inter duo similia, quam inter agens & seipsum: quare si simile nequit agere in simile, multò minùs idem in seipsum agere poterit. Respondeo concesso antecedente, negandam esse consequentiam, & ad eius probationem dicendum, licet maior sit distinctio entitativa & realis inter duo similia; v. c. inter duos ignes, quàm inter agens & seipsum, non tamen in ratione agendi, & patiendi. Siquidem aqua calida, ut se reducens ad pristinum statum, non est formaliter frigida, sed tantùm virtualiter: ut autem frigiditatem in se recipit. fit formaliter frigida, sicque est sufficiens distinctio inter ipsam agentem, & patientem.

## ARTICVLVS IV.

*An simile agat in sibi perficte simile.*

**P** Ramoneo ea dici similia, quæ conueniunt in vna qualitate eiusdem speciei, vt in calore aut frigore; ea vero dici perfecte similia, quæ æque intensè qualitatem illam participant, vt si ambo habeant quatuor gradus caloris aut frigoris. Quæritur ergo an simile agere possit in subiectum sibi omnino simile; nam si agens habeat qualitatem magis intensam, dubium non est quin possit agere iuxta excessum illius intensiōis, si verò minùs intensam, sic pati potest ab alio, non autem in illud agere.

Respondeo & dico 1. simile non posse per se liquefieri, & calorem pariter, agere in sibi perficte simile. Ita Arist. 1. de generat. cap. 7. tex. 10. vbi aperte docet, eam agens & patiens genere eadem sint & similia, specie tamen esse dissimilia, & contrarietatem habere. Ratio est, quia agens non agit in aliud, nisi vt illud sibi omnino simile efficiat; ergo si supponatur illi omnino simile, non aget in illud. Confirmatur: quia vt ait Arist. loco citato, tex. 48. quando duo sunt prorsus similia, nulla maior est ratio cur vnum potius quàm alterum patiatur.

Obiicies 1. Duo specula omnino similia in se mutuo species obiectorum transmittunt; ergo vnum simile agit in aliud. Respondeo specula non agere inter se vt sunt similia; sed potius vt dissimilia, quatenus scilicet vnum habens speciem qua alteram caret, eam illi transmittit.

Obiicies 2. Dux phialæ vitreæ inter se colli-  
 se se mutuo effringunt ; ergo simile agit in tri-  
 mile. Respondeo non sequi de simili formaliter  
 ut simili, de quo agimus: nam quælibet phia-  
 la agit quatenus vi impellitur. patitur vero &  
 frangitur, quatenus non potest impulsui resi-  
 stere; vnde natura agit in sibi simile, ut sic.

Nota prædictam assertionem procedere, ex-  
 teris paribus; superesse autem difficultatem an  
 si cætera non sint paria, possit simile agere in  
 simile ; ut si v. c. illud sit in materia densiori,  
 vel magis extensa, pro quo

Dico 2. *Neque cum ea inæqualitate simile agere  
 possit in simile.* Probatum 1. ex dictis: nam agens  
 in aliud agit ut illud sibi simile efficiat ; at si  
 calidum ut quatuor, ob maiorem densitatem  
 ageret in aliud similiter calidum ; sed non  
 æquè densum, contrarium contingeret : quò  
 enim magis ageret in illud, eò magis calorem  
 illius intendere, & consequenter rarius effi-  
 ceret, siquæ tam quoad calorem, quàm quoad  
 densitatem sibi magis ac magis dissimile  
 redderet.

Probatum 2. Nam quamvis calidum ut qua-  
 tuor, sit densius, vel extensius, id non sufficit  
 ut in se formaliter, aut virtualiter contineat  
 quinque gradus caloris ; quare neque illos  
 producere poterit. Sequela manifesta est, quia  
 causa nequit effectum producere, quem in  
 se neutro ex iis modis continet. Antecedens  
 verò ostenditur, quia densitas vel extensio  
 subiecti non augeat intrinsecè calorem ; aliàs  
 pro maiori densitate, vel extensione calor  
 usque ad octavum gradum augeri posset, quod  
 ridiculum est. Superiunt ergo tantum forma-  
 liter quatuor gradus caloris in agente, qui  
 proinde quintum gradum non continent fœ-

maliter, at nec etiam eminenter, cum sint eiusdem rationis ac speciei.

Probarur 3. Nam si corpus densius posset operari supra intensiorem suæ qualitatæ, v. c. cum quatuor gradibus caloris producere quinque in subiecto minus denso; iam subiectum illud vapore calidius posset reagere, & vnum gradum caloris agenti communicare: tum vero agens maiori calore præditum posset patientis calorem augere, hocque vicissim illi nouum gradum rependere, sicque vsque ad octauum caloris gradum se mutuò perfricere; quod sanè ridiculum est, satisque vel ipsa experientia refelli potest.

Obiicies 1. Corpus quo densius est, eò maiorem habet vim agendi, vt perspicuum est; ergo eò intensiorem effectum potest producere, adeoque agere in passum sibi omnino simile. Respondeo antecedens ita debere intelligi vt v. c. calidum ad sex gradus quod densius est, possit producere eundem effectum breuiori tempore, vel ad maiorem distantiam, quàm calidum vt sex non adeo densum; non autem quod ob maiorem densitatem, quæcunque sit, possit agere supra suam intentionem, seu producere plus quàm sex gradus caloris. Licet enim virtus agendi in actu primo per densitatem non augeatur; densitas tamen est conlito qua agens disponitur ad melius & fortius agendum, intra gradus suæ intensiōis; quo sensu dici solet virtutem vnam esse fortiorem se dispersa.

Obiicies 2. Ferrum candens, etsi non sit ignis, adeoque non sit calidum vt octo, producit ignem in stappa, & consequenter calorem vt octo, sicque agit supra suam intensiōem, Respondeo ferrum quidem candens

non esse ignem, intra poros tamen illius contineri innumeras ignis particulas, quarum vis sit stuppæ comi ustio. Unde non sequitur ferrum illud agere supra intensiorem caloris quem in se continet.

Addunt aliqui, quamvis daretur in ferro non esse particulas ignis, neque illud esse calidum ut octo, inde non sequi stuppam, cum valde sit sicca, rara, & levis, adeoque optimè disposita ad firmam ignis, non posse à ferro candenti inflammari; esto ferrum ipsum ob contrarias dispositiones in ignem substantiàliter non mutetur.

Obicies 3. Duo luminosi æquè intensa magis illuminant eandem partem aëris, quàm alterum illorum, & tria magis quàm duo, ut experientia constat: hoc autem non fit nisi quia lux primi à secundo intenditur, & lux utriusque à tertio; adeoque agens magis extensum, aut multiplicatum agit supra suam intensiorem. Respondeo id non sequi, quia etsi effectus tunc augeatur etiam quoad intensiorem, non tamen supra intensiorem maximam agentis; sed tantum intra illam, adeo ut intensio lucis in aëre producta, non excedat intensiorem lucis quæ est in singulis luminaribus singulatim. Unde si concedatur tot faces multiplicari posse, ut tandem lux producta sit earum luci æqualis; negandum erit consequenter eiusmodi lucem intensiorem reddi, ex hypothesi quod novæ faces accendantur; cum impossibile sit effectum esse sua causa nobiliorem.

Dico: si concedatur lucem æqualem in medio producendam, non enim talem suppositionem omnes admittunt; quia cum agentia creata agant uniformiter disformiter, intra

spheram lux actinuratis; seu ita ut totius in partibus proximioribus, & debilius in remotioribus, cum vniuersa quadam inæqualitate operentur; hinc colligunt si luminosam ut quatuor illustret certam aeris partem ad duos gradus, & hæc lux à secundo luminoso æquali intendatur vno gradu, satis esse quod à tertio intendatur medietate quartus gradus, & à quarto medietate talis medietatis; adeo ut totum augmentum fiat per partes proportionales, sicque nunquam perueniatur ad quartum gradum.

## ARTICVLVS V.

*De resistentia, & reactione patientis.*

**Q**Varitur 1. an actiuitas agentis necessario excedere debeat resistentiam passi, vel ut communioribus verbis utamur, an actio fieri debeat à proportionem maioris inæqualitatis; an vero ad actionem sufficiat quod resistentia patientis excedat actiuitatem agentis, seu quod actio fiat à proportionem minoris inæqualitatis.

Respondeo actionem semper fieri à proportionem maioris inæqualitatis, adeo ut virtus agentis excedat resistentiam passi. Ratio est, quia agens in aliud, illud aliquo modo superat & vincit, quatenus illud per actionem realiter immutat, & à statu suo conaturali aliquatenus dimouet, non obstante resistentia illius: hoc autem fieri non posset, nisi virtus agentis esset maior quam resistentia passi; si enim hæc esset æqualis, aut maior, actionem omnino impediret.

Confirmatur : nam non alia causa assignari potest , cur homo solus nequeat quantumvis conetur, ingens saxum loco mouere; nisi quia illius actiuitas non excedit resistantiam saxi: aliis nihil impediret quin ipsum facili negotio voluere posset, & in quamcumque partem in modum pile impellere.

Obiicies 1. Maior est resistantia sex graduum caloris, quam actiuitas duorum graduum frigoris; & tamen in aqua calida ad sex gradus, & frigida ad duos, isti duo gradus frigoris superant sex illos gradus caloris. Quare verum non est actionem semper fieri à proportionem maioris inæqualitatis ex parte agentis. Respondeo minorem falsam esse; quod enim sex gradus caloris expelluntur, idtribuendum non est duobus gradibus frigoris; sed formæ substantiali aquæ, quæ vim habet se reducendi ad pristinum statum, ablato impedimento.

Obiicies 2. Dubium non est quin resistantia lapidis sit maior actiuitate guttularum aquæ, à quibus tamen successu temporis excavatur. Respondeo repugnare in terminis quod quædam particule lapidis vi guttularum aquæ extrahantur, & quod earum resistantia superet aquæ actiuitatem. Neque id mirum videri debet; nam pars exigua in quam continuo guttule aquæ decidunt, tota humectatur, adeo ut tandem mollescat, & à reliquis, quia duritiem conseruant, diuellatur.

Obiicies 3. Quod patitur, superatur ab agente, estque illo inferius; & tamen in illud interdum reagit, ut postea dicemus: ergo actio non semper est à proportionem maioris inæqualitatis. Respondeo quod patitur, simpliciter superari ab agente, quatenus agens



agit, & patiens resistit: ac patiens ut reagat in ipsum agens, secundum quid vincere agens, ut reagenti resistit; sicque reactionem istam esse à proportionem maioris inæqualitatis. Exempli gratiâ, ferrum candens absolutè vincitur ab aqua frigida, cum ab ea extinguatur; eam tamen vincit secundum quid, & quodammodo superat resistantiam illius; quatenus calore suo ab ea aliquem frigoris gradum expellit.

Quæritur 2. An agens agendo repatiatur, & patiens patiando reagat.

Respondeo & dico 1. *Hec non in omni agente, & patiente locum habere.* Probatum; nam si spiritus agat in corpus, non potest ab illo repati; item cælum non potest aliquid repati ab his inferioribus, tum ob nimiam distantiam, cum quia non communicat cum illis in materia, ut suppono ex Physica. Non etiam possunt agentia repati, si agant in patientem, quod qualitate contraria præditum non sit; ut lux non repatitur ab aëre quem illustrat, quia luci nihil est contrarium.

Dico 2. *Extra iam dictis, aliisque similes casus, dari mutuam reactionem, & repassivum inter agens & patientem.* Ita Aristoteles pletisque locis, ac speciatim lib. 4. de generat. animalium cap. 3. ubi ait omne agens pati etiam à patiente, ut quod secat hebetari ab eo quod secatur, quod calefacit refrigerari à calefcente.

Ratio autem huius affectionis est, quia cum ea quæ habent vim agendi naturalem, necessario agant, nisi impendantur; nulla est ratio cur calidum & frigidum in debitis circumstantiis non possint inter se mutuò agere & pati. Sicut enim calidum non impeditur à frigiditate, quin agat in frigidum; ita frigidum non debet impediri à calore, quin agat in calidum,


ut vel ipsa experientia ostendit, cum ferrum candens in aquam, frigidam immissum, ab ea refrigeretur, & vicissim illam calefaciat.

Obiicies 1. Hinc sequi agens esse magis & minus validam patiente, quod repugnat. Respondeo id verum esse respectu diversorum, in quo nulla est repugnancia. Est magis validum, quatenus illius actiuitas superat resistantiam patientis; minus vero, quatenus illius resistantia ab actiuitate patientis superatur.

Obiicies 2. Si agens & patiens mutuò agunt & patiuntur; ergo medium per quod agunt, mouetur simul motibus contrariis, v. c. calefit & refrigeratur quod naturaliter repugnat. Respondeo in hoc nullam esse repugnantiam, si agatur de qualitatibus remissis: cum enim constet aquam posse esse tepidam, seu partim frigidam, & partim calidam; quidni idem poterit simul frigescenti, & calefcenti? cum hæ mutationes non inter se opponantur, nisi ratione frigoris & caloris?

Nec dicas tepiditatem esse quandam qualitatem mediam distinctam à frigore & calore; hoc enim gratis fingitur, tum quia manus frigida calefit in aqua tepida, & calida in ea frigescenti, ut experientia constat. Tum quia dicendum esset, cum aqua incipit calefieri, totum illius frigus simul deperdi; & contra calorem in ea non produci, nisi in fine calefactionis; quæ nimis absurda sunt.





## CAPVT VIII.

## De Alteratione.

## ARTICVLVS PRIMVS.

*De natura alterationis.*

**N**Omen alterationis tribus modis sumi potest, primo generatim pro quacunque mutatione accidentali: sicut enim mutatio quæ tendit ad formam substantialem, facit aliud; ita quæ tendit ad formam accidentalem, facit alterum, indeque alteratio appellatur. Secundo minus latè pro mutatione ad qualitatem; hæc enim magis propriè censetur facere alterum, quàm quantitas, aliaue accidentia. Vnde quia aliæ qualitates sunt spirituales, aliæ corporeæ, & inter corporeas alie intentionales, vt species rerum quæ videntur; aliæ Physicæ, exque aut primæ, vt calor & frigus; aut secundæ, exque vel extremæ, vt albedo & nigredo; vel mediæ, vt color viridis & coeruleus, alteratio complectitur mutationem ad illas omnes qualitates.

Quò fit vt sicut de actione in genere, ita & de tali specie actionis, nempe de alteratione, non incongruè in his quæstionibus Metaphysicis disputari possit. Ternò tamen alteratio strictius & magis Philosophicè sumitur pro motu à qualitate Physica ad qualitatem ei oppositâ, siue extremam siue mediam; quo sensu ait Arist. 1. de Generat. c. 4. tex. 27. alterationem esse, quando sensibile subiectum perma-

nens in suis motatur affectibus, qui aut contrarij, aut inter contrarios medij sunt. Quæ ratione alteratio definiri potest, *motus physicus qui inter qualitates contrarias versatur.*

Hic autem duo breuiter quæri possunt: 1. quomodo alteratio à generatione distinguatur. Respondeo ab illa distingui, tum ratione termini à quo, quia alteratio est motus à qualitate, & generatio à priuatione, ut patebit ex dicendis in Physica ubi de principiis rerum naturalium. Tum ratione termini ad quem: nam alteratio tendit ad qualitatem, generatio vero ad compositum substantiale. Tum ratione subiecti: nam subiectum alterationis est compositum, hoc enim ex calido fit frigidum, & ex candido nigrum; subiectum autem generationis est materia, quia hæc transit ad formam substantialem à priuatione illius. Tum ratione modi quo fit: nam alteratio fit successiuè seu per partes, generatio vero instanti, seu tota simul.

Quæritur 2 an sublata generatione, deficeret alteratio. Respondeo affirmatiuè, si quæstio sit de alteratione corruptiua, seu tendente ad corruptionem, quales sunt calefactio, refrigeratio, & similes. Nihil enim corrumpitur nisi eo fine ut eo aliquid generetur: quare ablata omni generatione, deficeret omnis corruptio, & consequenter omnis alteratio corruptiua; siquidem ablato fine, tolluntur media ad eum destinata.

Aliud verò dicendum est, si agatur de alteratione perfectiua: eiusmodi sunt illuminatio, sensatio, &c. cum enim eiusmodi motus non tendant ad corruptionem, adeoque nec ad generationem, nulla ratio est cur ablata generatione, defuturi essent: ynde in cor

sunt quædam alterationes perfectiæ, ubi tamen non habet proprie locum corruptio, aut generatio substantialis, ut in Physica dicemus. Et post diem iudicii varix erunt alterationes perfectiæ, etsi nulla amplius futura sit generatio, vel corruptio.

## ARTICVLVS II.

*An alteratio successiva fiat continuè & sine interruptione.*

**P**ramoneo duobus modis intelligi posse alterationem fieri continuè, vel quoad intensiorem gradualement, adeo ut post vnum gradum qualitatis, alius sine mora in eadem parte subiecti producat; vel quoad extensionem, ita ut alia & alia pars subiecti continuè, seu sine interruptione alteretur. Hoc posito,

Queritur 1. An alteratio sit continua quoad intensiorem qualitatis per eam productæ. Nonnulli negant existimantes in instanti produci certam partem minimam qualitatis, ita ut minor produci non possit; deinde post aliquam interruptionem produci aliam partem minimam eiusdem qualitatis, & sic deinceps vsque ad finem alterationis.

Nos autem cum communi sententia affirmamus alterationem fieri continuè quoad productionem qualitatis; quod probatur 1. ex Arist. 5. Physic. c. 4. tex. 39. cum ait, *quantum autem continuum est motus, omne siquidem potest dividi, cum etiam qui simpliciter unum est, necesse est continuum esse, & si continuum, unum.* Hoc enim cum generatim de omni motu procedat,

de alteratione quoque, quæ propriè motus quidam est, intelligi debet. Vnde postea ad unitatem numericam motus requirit tres conditiones, nempe unitatem mobilis, formæ, & temporis: adeo ut si per moram aliquam interrumpatur, sit alius numero, etsi reliqua maneant.

Probatur 2. Nam experientia constat quò magis sol ad nos accedit, eò maiorem & intensiorem lucem in nostro Hemisphærio produci: at valde ridiculum est existimare illuminationem illam non augeri continuè; sed per certa intervalla temporis, cum sol continuè accedat, & dici non possit quòd potius nunc debeat interrumpi augmentum lucis, quàm ante vel post.

Nec refert quod illuminatio non sit vera alteratio, cum non fiat inter qualitates contrarias; nam hinc potius intentum concluditur: si enim augmentum lucis sit continuo, etsi nullum superandum sit contrarium, à fortiori calefactio, frigefactio, aliæque propriæ alterationes continuo fieri debent; cum resistèntia contrariæ qualitatis in iis paulatim debellanda sit.

Probatur 3. Nam si per alterationem produciatur aliquid qualitatis in instanti, vel immediatè post aliquid produciatur, vel nihil; hoc posterius dici nequit; nam cum non minùs tunc agens sit applicatum passio, quàm in instanti præcedente, & ex se sit determinatum ad agendum, quandiu est illi debitè applicatum, nulla est ratio cur post instans illud nihil operetur; ergo operatur in tempore, adeoque cum operatio illius sit alteratio, sequitur alterationem fieri in tempore, & esse continuam.

Nec placet quod hanc rationem, in tempore sequenti non produci aliquam gradum eundem qualitate cum in hora, sed in positionem ad alium illius gradum, ita enim dispositio gratis confecta est, cum nequeat dici quid sit, aut cur necessaria, illi debet propter hoc non possit non esse vera alteratio. Unde cum dicatur produci in tempore, tenet per verum manebit alterationem fieri in tempore, & esse in eodem continuum; quod intendimus.

Obiicies 1. Qualitas quæ per alterationem produciuntur, est eis permanens; ergo debet produci in instanti, seu per primum suum esse, ita ut si nequeat secundum totam suam intensionem produci in unico instanti, producatur saltem una illius pars in vno instanti, & alia in alio post moram aliquam. Respondeo ex communi sententia, negando sequelam, nam ut res permanens tota simul producatur, necesse est ut non sit divisibilis in partes, & careat contratio, quomodo substantia produciuntur simul tota, quia non sescipit magis & minus, neque habet contrarium quod paulatim debellandum sit: at qualitas alteratione producta constat ex partibus in infinitum divisibilibus, & non potest introduci nisi qualitas opposita destruat, quod per successionem continuam fieri debet.

Aliiter respondeo, etsi detur certam aliquam partem qualitatis in unico instanti produci, inde non sequitur inter productionem illius partis & sequentis debere moram aliquam intercedere, cum nobis valde probabile sit post unum instans temporis immediate aliud sequi, in quo proinde pars qualitatis altera produci potest.

Obiicies 2. Si qualitas per alterationem

continuò & in tempore producitur, cum in quolibet tempore sint partes infinitæ, sequeretur per quamlibet alterationem produci qualitatem infinitè intensam, quod repugnat. Verùm hæc obiectio in primis in suos autores retorqueri potest; nam si non verentur ponere in tempore partes infinitas, cur timent qualitati in tempore productæ totidem partes tribuere? Quod si dicant non esse in tempore nisi partes minores, & minores infinitas, pariantur nos idem affirmare de partibus qualitatis per alterationem productæ.

Deinde idem incommodum virgeri potest, etsi dicatur alterationem non fieri nisi per instantia, ita ut quolibet instanti, pars aliqua qualitatis producat, cum nulla pars adeò exigua in ea possit assignari, quæ non sit diuisibilis in alias minores, & minores in infinitum.

Queritur 1. An alteratio fiat continuè quoad extensionem subiecti. Prædicti auctores negant, existimantes in instanti produci minimum qualitatis in minima parte subiecti, ita ut nulla pars minor alterari possit, sicque deinceps per varia instantia qualitatem ad varias partes minimas subiecti extendi, adeoque cum interruptione.

Verùm hoc refellitur primò ex communi sententia, tum quia nulla adeò exigua pars subiecti potest assignari, quin detur alia minor, ut patet ex compositione continui, de qua alibi agitur: quò fit ut per alterationem qualitas sit citius producenda in medietate vnius partis subiecti, quàm in tota parte, cum priùs ab illa debeat expelletur qualitas contrariam quàm ab ista. Aliàs quid impediret quò minùs alteratio tota in unico instanti perfici posset?



Tam quia agentia naturalia, cum sint virtutibus limitata, validius agunt in propinquum quam in remotum, ut patet experientia; quare cum ignis v. c. producit unum gradum caloris in aliqua parte ligni, non nisi calorem remissionem in parte remotiori producere potest. Confirmatur: nam modus agendi uniformiter difformiter, qui ex communi Philosophorum consensu, competit rebus naturalibus, in eo consistit, ut quò partes subiecti ab agente sunt remotiores, eò minus ab illo immutentur, donec perveniatur tandem ad partem aliquam in qua vis agentis omnino deficiat.

Refellitur secundo, quia etsi detur alterationem fieri, ut supponitur, per varia instantia, inde non sequitur qualitatem non nisi variis morulis interiacentibus, ad alias & alias partes minimas subiecti diffundi, cum probabilius videatur, tempus non nisi ex meris instantibus componi, ac proinde unum fluere immediate post aliud, ut infra ostendemus; nec vlla ratio afferatur: cur possit agens in unico instanti producere minimum qualitatis in minima parte subiecti, nec possit similiter immediate post operari in alia minima parte, adeoque sine vlla interruptione.

Adde quod, quous modo fiat illa diffusio qualitatis, siue per instantia, siue per partes diu sibiiles temporis, incredibile videtur eam non fieri nisi per moras: cum videamus stupam, paleas, ac maxime pulverem tormentorum velocissime corripì ab igne admoto; aliaque & alias eorum partes continuo, & sine vlla interruptione inardescere.

## ARTICVLVS III.

*Quid tenendum sit de intensiōe qualitatis.*

**P**RAMONEO 1. Aliud esse qualitatem in subiecto extendi, aliud in eo intendi; oī. tur enim extendi quando ab vna parte subiecti ad aliam transit, vt cū calor primò manum, deinde brachium afficit; dicitur vero intensi, quando in eadem parte subiecti magis persistit; vt cū manus affecta gradu aliquo caloris, magis adhuc calefit.

PRAMONEO 2. Qualitatis intensiōem duobus modis considerari posse, primo ex parte alterationis qua qualitas perficitur, vt cū dicimus manum magis & magis calefieri; secundo ex parte ipsius qualitatis per alterationem productæ, qua ratione dicimus calorem in manu productum esse in se perfectiorem & intensiorem. Itaque

QUÆRITUR 1. An qualitatem intendi idem sit ac nouam qualitatem aduenire perfectiorem præcedenti, hancque per illius aduentum destrui. Respondeo cum omnibus Peripateticis, contra Durandum, intensiōem qualitatis sic explicandam non esse. Probat: tum quia frustra & sine fundamento in alteratione ponitur continua destructio, & productio innumerarum qualitatum; cū sine incommodo intelligi possit eandem qualitatem in se magis ac magis perfici, vsque ad finem alterationis. Imò periculosum sit affirmare, quod charitas in iusto augeatur, præcedentem charitatem aboleri, & nouam ex integro produci; quod tamen, posita illa Durandi sententia, affirmandum esset.

Tum quia cum totus calor ignis sit una ratio-  
 nis & speciei, non sit una a numero qua-  
 litas, absurdum est ex sumare per se in pro-  
 duci in aqua calefacta innumeris gradu calo-  
 ris, non modo numero; sed etiam specie in-  
 ter se distinctos: at tales producantur, si qui-  
 libet esset individuum in sua essentia, habe-  
 retque ex natura sua impossibile alterem cum  
 quolibet alio.

Tum quia si in alteratione intensio qualita-  
 tis fieret per destructionem precedentium  
 graduum, & novorum productionem; dicen-  
 dum quoque esset remissionem qualitatis eo-  
 dem modo fieri, sicque cum aqua aolato igne,  
 ad pristinum frigus se reducit, totus calor in  
 ea productus deberet destrui, & alius remissior  
 produci, & hoc destructo, alius imperfectior  
 generari, donec totum aquae frigus restitu-  
 tum esset; at à qua causa producerentur novi  
 isti calores alij alius remissiores? Non ab igne,  
 tum quia non amplius agit in aquam, ut sup-  
 ponimus; tum quia si ageret, potius in ea ca-  
 lorem augetet, quam minueret. Non etiam  
 ab aqua, ut per se manifestum est; à quo igitur?

Obijcies 1. Alteratio est motus à qualitate  
 remissa ad qualitatem accensam, ut à termino  
 à quo ad terminum ad quem; sed in motu  
 terminus à quo abicitur, & terminus ad quem  
 acquiritur: ergo qualitas remissa in altera-  
 tione perditur, & interea acquiritur. Res-  
 pondeo in motu alterationis qualitatem re-  
 missam, quae est terminus à quo, perdi non  
 secundum suam entitatem; sed solum in  
 qualitatis remissa; addito enim nouo gra-  
 du, non amplius est remissa, ut ante sed in-  
 censa, sicut in motu accretionis minor quantitas non

deperditur secundum se ; sed tantum quatenus habet ratione minoris quantitatis ; quia addita noua quantitate , iam denominatur maior.

Obiicies 1. Cum primus & secundus gradus sint eiusdem speciei, si secundus primum non expelleret, & tertius secundum, sicque consequenter, plura accidentia absoluta solo numero distincta essent in eodem subiecto, quod repugnat. Respondeo negando consequentiam ; nam ex omnibus gradibus intentionis conflatur vnum numero accidens adequatum & totale, cuius proinde omnes partes in eodem subiecto esse possunt. Imo plura accidentia adequata solo numero distincta, posse reperiri in eodem subiecto, ex eo patet, quod vel possum simul elicere duas cognitiones solo numero distinctas, alteram huius, alteram illius hominis ; vel saltem si de hoc dubitetur, non potest negari quin species illorum intelligibiles, quæ tantum numero distinguuntur, simul esse queant in meo intellectu: Sicque & in eadem aeris parte plures species intentionales obiectorum similium, numero tantum distinctæ reperiuntur.

Queritur 2. vtrum intentio qualitatis consistat in mera ablatione contrariæ qualitatis, vel in maiori illius quæ dicitur intendi, radiatione in subiecto.

Respondeo & dico 1. *intensionem qualitatis non consistere in mera remotione contrarij*. Probatum 1. quia qualitates contrarium non habentes vt lux, sonus, & similes, intendi possunt: æt enim magis illustratur ex maiori solis vel lucernæ accessu, vt experientia constat; nec tamen lux reperit in aëre aliquam qualitatem contrariam, cuius expulsionem illius intentio tribui possit.

Probatnr 2. quia tantum abest vt qualitates contrarium habentes intendantur ob expulsiōem contrarij, quin potius quia illæ intenduntur in subiecto, hinc fit vt qualitates oppositæ ab eodem expellantur, v. c. ideo frigus paulatim ab aqua expellitur, quia calor ab igne in ea producitur, & per continuam calefactionem intenditur, non autem quia frigus ab aqua expellitur, ideo calor in ea intenditur.

Probatnr 3. quia si expulsio frigoris præcisè esset causa intensiōis caloris in aqua, sequeretur ex hypothesi quod aqua haberet vnum tantum caloris gradum eam quocunque calefaciente amoto, totam possibilem caloris intensiōem consecuturam, modò Dens eam frigore nativo spoliaret. Hoc autem planè absurdum est, & fundamento caret.

1 Dico 2. *Intensiōem qualitatis non consistere in maiori radicatione illius in subiecto, vt Thomista existimant.* Probatnr 1. quia illa maior radicatio ita explicari solet, vt eadem entitas qualitatis in se inuariata manens, dicatur nunc esse remissa, quia leuiter inhaeret subiecto, nunc intensa, quia intimius illud peruadit, magisque veluti in eo infigitur & radicatur, ita vt non faciliè ab eo auelli possit. At certè eiusmodi radicatio non sufficit ad explicandam qualitatis intensiōem; cum vel ad sensum satis pateat aërem v. c. longè esse intrinsecè lucidiorē in meridie, quam mane; & aliunde non magis lux sit tunc radicata in aëre, quam cum exilior est, vt ex eo patet, quod in quolibet statu æqualiter à solis præsentiā dependet; ita vt eo recedente, siue magna, siue parua sit, pari facilitate euanescat.

Probatnr 2. Nam si intensio qualitatis confi-

steret præcisè in maiori radicatione subiecti, sequeretur qualitates eò esse intensiores, quàm magis sunt radicate in subiecto, & vice versa eo remissiores, quo minorem in eoradicationem habent; at hoc absurdum esse inde ostenditur, quia luna est longè lucidior aliis omnibus planetis, sole excepto; & tamen perspicuum est lucem non adeo firmas in ea radices agere, ac in reliquis astris. Constat etiam calorem ferri candentis esse longè intensiorem calore nativo animalis; & tamen illum statim evanescere; hunc vero per totam animalis vitam constanter perseverare, sicque longè firmius illi inhaerere notissimum est.

Probaturs. Nam si qualitatis intensio nihil aliud esset quàm maior illius radicatio in subiecto, sequeretur primam gratiam & charitatem in iusto per bona opera non augeri realiter & intrinsecè, sed tantùm eandem magis in illo radicari; & consequenter non maiorem seu intensiorem fore intrinsecè gloriam beatorum, alios aliis præstantiores edidit, quàm si unicum tantùm horum actuum, cumque imperfectissimum elicuisset; quod sine errore affirmari nequit. Sequela patet: nam cum gratia & charitas sint qualitates dici non potest quod aliter intendantur, quàm qualitates sensibiles & naturales.

Probatursandem; nam vel illa maior radicatio aliquid reale addit, supra entitatem qualitatis remissæ, vel nihil; huc posterius dici non potest, quia sic qualitas non deberet dici intensior quam ante, ergo prius verum est. Rursus, vel quod addit, est vera entitas realis, vel novus quidam modus unionis; non modus unionis, tum quia cum qualitas remissæ

missa iam ante inhaeret subiecto, secundum totam suam realitatem, dici nequit quod nouo modo illi vniatur, nisi illi addatur quaedam entitas eidem subiecto vnienda. Tum quia superueniente nouo modo vniōis, praecedens esset inutilis, adeoque posterioris aduentu destruendus esset; at non potest intelligi quanam sit causa talis destructionis, & quomodo destructio vniōis modo, non simul destruat res quae per illum subiecto erat vniata. Tum denique quia actio ignis calefacientis aquam, non tendit ad producendum modum vniōis; sed ad producendum calorem realem, vt vel ex eo manifestum est, quod aqua ebulliens longè magis calefacit quam tepida, ex quo sequitur aliquid aquae additum esse praeter modum vniōis; quia praecise ob solum eiusmodi modum, aqua non haberet vim producendi calorem adeo intensum.

Queritur 7. an intensio qualitatis fiat per additionem gradus ad gradum. Respondeo affirmatiue, vt ex dictis a sufficienti enumeratione colligi potest, cum nihil aliud supersit in quo intensio illa constitui queat; & praeterea tolerandum non sit in Ecclesia affirmare, gratiam sanctificantem, ex quo primum peccatori infusa est, eaque factus est iustus, nullum vquam augmentum intrinsecum recipere; nec possit augmentum intrinsecum in gratia intelligi, sine additione aliorum & aliorum graduum ad eum qui totus simul initio iustificationis infusus est.

Confirmatur: nam certum est ex fide, gloriam beatorum fore inaequalem, & ex vi talis inaequalitatis alios alius fore beatiores, clariusque Deum visuros; illa autem inaequalitas supponit inaequalitatem in ipsa gratia & cha-

Metaph.

T

ritate huius vitæ, cum gloria detur iuxta proportionem gratiæ; & hæc inæqualitas gratiæ & charitatis non potest concipi, nisi plus sit entitatis gratiæ & charitatis in vno, quàm in alio; adeoque augmentum illius fiat per additionem entitatis ad entitatem, seu gradus ad gradum, ut vulgò loquuntur.

Declaratur ulterius: nam Petrus v.c. est magis intrinsecè iustus quàm Paulus, magisque Deo gratus; at non potest verè appellari magis iustus, nisi maiorem habeat gratiam, siquidem *sicut se habet simpliciter ad simpliciter, ita magis ad magis*: dicitur autem simpliciter iustus, quia habet gratiam; ergo & magis iustus, quia habet maiorem gratiam. Et savè absurdissimum est & falsissimum existimare, duorum hominum habentium gratiam omnino æqualem quoad entitatem, cuique à primo momento iustificationis nulla intrinseca entitatis additio facta sit, alterum verè esse altero centies & millies iustiorum, Deoque gratiores; etsi fingatur illius gratiam longè firmitus & tenacius ei hære, quàm alteri suam.

Dico: etsi fingatur; nam quòd id mera sit fictio, inde patet, quia eadem facilitate amittitur gratia per peccatum mortale, siue magna sit, siue parva; sæpeque contingit, eum qui minùs habet gratiæ sanctificantis, diutius eam conservare, quàm illum qui maiori gratia præditus est.

Obiicies 1. illud Aristotelis 4. Phys. tex. 84. *Ex calido fit magis calidum, nullo facto in materia calida, quod non esset calidum, quando erat minus calidum*; quibus verbis docere videtur, ex minùs calido non fieri aliquid magis calidum per additionem novi caloris. Sed hoc gratis dicitur, cum Aristoteles tantum velit magis cali-



Adm non fieri, ex eo quod noua materia in-  
 pnat calefcere; in hoc enim confiftit extenfio  
 caloris, non autem intensio illius; fed quia  
 precedens quæ antea erat minus calida, fit  
 magis calida: vnde fententia noftra apertè  
 ftabilitur, & oppofita destruitur.

Obiicies 2. qualitas quoad fe totam eft for-  
 ma accidentalis fubiekti, adeoque purus aftus;  
 at non effet purus aftus, fi ex variis gradibus  
 conftaret, quia iam ex aftu & potentia coa-  
 lefceret. Refpondeo qualitatem effe purum a-  
 ctum refpectu fubiekti, quia fecundum fe to-  
 tam illud aftuat & accidentario perficit; in fe  
 tamen admittete compositionem aliquam non  
 proptèr ex aftu & potentia; fed ex partibus  
 integrantibus; nimirum ex variis gradibus  
 qui eandem qualitatem integrant. Ad eum  
 modum quo quantitas, etfi vt forma acciden-  
 talis fit merus aftus refpectu materie; in fe  
 tamen ex variis quantitativis partialibus, vt  
 ex partibus integrantibus coalefcit.

Obiicies 3. Effentie rerum funt indiuidibiles,  
 ergo qualitas non potefit augeri additione  
 gradus ad gradum. Refpondeo non fequi, nam  
 qualitas non augetur fecundum effentiam gra-  
 dum additione: manet enim effentialiter  
 idem calor fpecie pofft quacunque additio-  
 nem; fed tantum quoad entitatem, quomodo  
 non repugnat qualitatem augeri; ficnt non  
 repugnat hominem augeri additione noua-  
 rum partium fubftantie & quantitatis, etfi ra-  
 tio hominis Metaphyficè fpectata confiftat in  
 indiuidibili.

## ARTICVLVS IV.

*Quomodo gradus intensiōis se habeant inter se.*

**Q**Uæritur 1. An gradus omnes intensiōis sint inter se similes, & homogenei quoad speciem. Respondeo affirmatiue, quod probatur, quia non minor est similitudo inter hunc & illum gradum caloris, quàm inter hanc & illam partem quantitatis, inter hanc & illam partem substantiæ; atqui partes quantitatis, & partes substantiæ conueniunt inter se quoad speciem: ergo & gradus qui componunt intensiōem qualitatís, similitudinem specificam inter se habere debent.

Confirmatur: nam sicut quantitas est vnum specie accidens, & substantia vna specie substantia, ita & calor v. c. est vna specie qualitas; ergo debet constitui ex gradibus eiusdem speciei: aliás esset ens multiplicis speciei, & aggregatum per accidens, quod nimis absurdum est. Præsertim cum ab eodem agente producarur, in eodem sit subiecto, & eundem effectum formalem communicet.

Quæritur 2. an gradus intensiōis sint inter se similes, & æqualis perfectionis quoad indiuiduum; adeo vt nullus sit ordo essentialis inter illos; sed qui posteriori loco producitur, æquò possit quantum est ex se priori produci. Respondeo affirmat. uè, probaturque 1. quia nulla est necessitas ponendi distinctionem & subordinationem illam inter gradus qualitatís, vt patebit in solutione obiectionum; quare illa distinctio & subordinatio, vt pote superflua admittenda non est. Confirmatur: nam sicut nul-

Iam admittimus inæqualitatem inter partes quantitatatis, vel inter partes substantiæ, ita neque necesse est inter partes eiusdem qualitatis eam admittere.

Probat<sup>ur</sup> 2. quia etsi octo tantum gradus communiter assignentur in qualitatis intensiōe, æquæ tamen in ea numerari poterint quinquaginta, aut centum: Quare tot differentiæ & inæqualitates constituendæ essent in qualitate summe intensæ, imò & plures in infinitum, cum quælibet pars qualitatis in infinitum dividi possit secundum intensiōem, sicut & quantitatis secundum intensiōem. Hoc autem adeo per se absurdum est, ut refutatione non indigeat.

Vnde refelluntur qui dicunt, inæqualitatem illam restringendam esse ad numerum octo graduum qui vulgo assignantur: hoc enim si e fundamēto dicitur, ut iam ostendimus: & præterea suadetur, quia cum negari nequeat cum quolibet gradus ex multis partibus intensiōis constet, si illæ sint inter se æquales, ut supponitur, nulla ratio affirmari potest eam per alias similes non possint intendi ita ut duo aut plures gradus in vnam qualitatem omnino homogeneam coalescant.

Probat<sup>ur</sup> 3. gradus intensiōis non esse inter se subordinatos; sed eum qui primus est, posse ex se esse secundum vel tertium: nam candela primo accensa producit primum gradum lucis, quæ verò secundo accenditur, producit intensiōem prioris illius lucis; oppositum autem evenisset, si hæc prius accensa fuisset quàm illa.

Probat<sup>ur</sup> 4. gradus illos non esse perfectiores quo sunt remotiores à primo: nam in primis si post productionem primi gradus caloris, subiectum quod calcet paululum moveatur, ita ut

ignis partem sequentem calefaciat, calor iste omnino erit similis iam producto in alia parte: ergo etsi subiectum non moueatur, adeoque ignis in eadem parte in qua primum gradum caloris produxerat, secundum producat, dici nequit gradum hunc superuenientem priori esse dissimilem, eoque perfectiorem: Quid enim causæ esse potest, cur igne ex se eodem modo agente, vnus gradus caloris modo sit nobilior; quia producitur in parte iam paululum calefacta, modo ignobilior, quia in subiecto non calido recipitur?

Deinde maior illa perfectio in eo consistere dicitur, quod secundus gradus possit per se primum in alio subiecto producere, tertius duos priores, & sic deinceps vsque ad octauum, cui vis producendi omnes septem gradus, & alium sibi similem, tribuitur: ac hoc planè absurdum & incredibile est, quia sic sequeretur, secundo gradu adueniente, primum esse superfluum, tertio producto, primum & secundum, omnesque septem, posito octauo. Eo vel maxime quia non potest octauus æquivalere aliis septem, quin solus eodem modo subiectum reddat calidum; adeoque nulla est ratio cur eo præsentem, alij conseruari debeant.

Tandem vnde sumitur maior illa perfectior graduum sequentium supra præcedentes? Non a maiori intensiōe, cum æquè intensi dicantur; non etiam ex eorum subordinatione & dependentia: hinc enim oppositum potius colligendum est, quia secundus dicitur dependere a primo, tertius a primo & secundo, & octauus a septem aliis: ac hæc dependentia arguit imperfectionem, ut perspicuum est, cum gradus octauus nihil habeat in se quo aliis excellat, sed ut summum, quatenus est ordine octauus,

quod habet præcise ex eo quod septem alij præcedunt, & quibus necessario dependet.

Obiicies 1. Si omnes gradus intentionis essent similes, sequeretur, calidum ut vnum posse octo gradus caloris in eodem subiecto producere, quod tamen repugnat experientia; sequela patet, nam calidum ut vnum potest vnum gradum caloris in octo subiectis distinctis producere, ergo & eos omnes in vno subiecto producere posset. Respondeo negando sequelam maioris, & ad alius probationem dicimus, calidum ut vnum, non posse intendere in eodem subiecto calorem vnius gradus, non quod secundus gradus sit entitativè nobilior primo; sed quia simile non agit in simile, ut supra ostendimus; potest autem in pluribus subiectis non calidis producere vnum gradum caloris, ob rationem oppositam; ea enim sunt quoad hoc ei similia, & in potentia ad vnum gradum caloris recipiendum.

Obiicies 2. Quando aqua recipit primum gradum caloris, ille expellit octavum gradum frigoris, & manet simul cum aliis septem, quod indicio est octavum gradum esse aliis dissimilem, aliis cur potius illam quam alium expelleret? Respondeo id non sequi; nam cum subiectum sit tantum capax octo graduum frigoris aut caloris, necesse est ut quantum calor in eo intenditur, tantum frigus in illo remittatur: quare cum aqua recipit vnum gradum caloris, statim amittit vnum gradum frigoris, non quod ille gradus sit aliis dissimilis; sed quia etsi omnes sint similes, non possunt nisi septem ex illis consistere simul cum vno gradu caloris.

Quare autem cum omnes gradus frigoris

sint similes, unus potius aduentu caloris destruetur quàm alius, id certo affirmari non potest. Nonnulli dicunt non esse potiore rationem, spectata rei natura, [cur unus destruetur quàm alius; sed id referendum esse in determinationem causæ primæ, quæ ut in aliis plerisque casibus, ita & in isto causam ex se indifferentem ad plures effectus, ad hunc potius quàm illum determinare debet.


Alij dicunt: et si gradus omnes frigoris sint similes, ex variis circumstantiis & conditionibus oriri quod unus prius expellatur quàm alius, sicut alibi diximus probabilibus videri, ex circumstantiis oriri quod causæ ordinis naturalis, ex se indifferentes ad producendos plures effectus numero distinctos, hunc potius producant quàm alium.

Quod si neutra ex his responsionibus placet aduersarius, dicant ipsi qui fieri possit, ut cum ex eorum sententia primus gradus sit imperfectissimus, & octauus perfectissimus, ad productionem primi gradus frigoris, non primus, vel secundus, sed ultimus caloris gradus corrumpatur.

Obiicies 3. Si omnes gradus intensiōis essent similes, sequeretur plures gradus in diuersis partibus subiecti extensos, intensiōem constituere, si in eadem parte reciperentur: hoc autem absurdum esse esse ex eo patet, quia sequeretur intensiōem qualitatis, non esse perfectiorem illius extensiōe.

Respondet, admissa sequela maioris, negandam esse minorem, ad cuius probationem aliqui concedunt, intensiōem qualitatis non esse perfectiorem illius extensiōe, quia calor intensus ut quatuor, nullam habet perfectiorem entitatiuam, quam non habeant quatuor

quatuor gradus caloris extensi in diuersis partibus subiecti. Alij vero id negant, quia etsi eadem sit entitas graduum, dum tamen omnes simul in eadem parte ponuntur, spectant ad integritatem eiusdem qualitatis, ita vt intensio sit compositio illius integralis; extensio verò est quidam modus accidentalis illi ex subiecto adueniens.



## C A P V T IX.

### DE RERVM VBICATIONE, & duratione.

#### A R T I C V L V S PRIMVS.

*Per quid res sint formaliter in loco.*

**P** Ræmoneo res omnes creatas esse alicubi seu in aliquo loco, & quoties localiter mouentur, locum mutare; ita vt mox sint præsentēs vni loco seu spatio, mox alteri. Dubitatur ergo quidnam id sit à quo res denominatur esse alicubi, cum enim hæc sit noua denominatio rei adueniens, à quadam forma siue externa, siue interna, quæcunque sit, oriri debet. Quænam autem illa sit in dubium vertitur.

Non pauci existimant vbi esse modum quemdam realem & intrinsecum rei vbicatione, à quo habet formaliter vt sit præsens tali aut tali loco. Alij vero putant

modum illum , & quancunque aliam realitatem rei superadditam esse ad hoc superfluum , adeoque quamlibet rem esse formaliter loco præsentem per se ipsam immediate.

Et hic posterior modus nobis semper visus est probabilior , primò quia sicut ex communi sententia , res intelligitur esse in tempore, ex eo præcisè quod coëxistit temporis: ita est in loco, ex eo quòd per suam entitatem immediate coniungitur loco.

Confirmatur : nam ex hypothèsi quòd res aliqua per se aliquod spatium occupat , præcisa per mentem quacunque entitate modali , aliave realitate, sufficienter intelligitur eam in tali loco existere : quemadmodum abstracta quacunque alia reali entitate , satis concipimus rem esse hoc die vel anno, ex hypothèsi quòd simul existit cum die vel anno currente.

Secundò : modus ille superneniens necessariò supponit rem ex qua resultat existentem , quemadmodum modus subsistentiæ subponit existentem naturam ex qua fluit. At res existens est alicubi , cum fieri nequeat, etiam ex mente aduersationum, ut res aliqua sit, & nullibi sit; sicut repugnat quòd res existat, & in nullo tempore siue vero , siue imaginatio existat. Ergo res prius est in loco quàm producat modum illum positivum per quem dicitur esse formaliter in loco, ac proinde non est in loco per talem modum. Non etiam dici potest quòd per illum sit in tali loco v. c. in hoc cubiculo; eum enim non producat modum illum alibi quàm in hoc cubiculo, necesse est ut prius in illo sit, quàm talem modum producat.



Tertio cùm modus ille distinguatur realiter à re locata, vt supponitur, poterit Deus impedire illius resultantiam, sicut potest impedire ne subsistentia à natura resultet, vt patet ex mysterio Incarnationis. Imò etsi modus ille productus sit, poterit Deus illum destruere, tota rei substantia conservata: in hoc enim nulla apparet repugnantia, supposita distinctione altata quam Aduersarij amplectuntur.

Eo autem modo sic impedito, vel destructo, res nihilominus erit in eodem loco in quo erat antea, cùm propterea aliò translata non sit. Ex quo evidenter sequitur rem non esse in loco per modum illum; sed per seipsam immediate. Confirmatur: nam non aliter res vt affecta modo illo, est in loco, nisi quia per illum immediate coniungitur loco: at potest æquè sine illo per seipsam coniungi loco; ergo & esse in loco sine ope illius.

Obiicies 1. Quod Petrus sit in hoc cubiculo, est quedam noua denominatio realis, quæ non nisi à forma aliqua reali profluere potest: at non profluit ab entitate Petri, & cubiculi, quia vtraque entitas esse potest, etsi Petrus non sit in cubiculo; ergo ab aliqua alia oriri debet, quæ alia esse nequit quàm modus prædictus. Respondeo primo hoc argumentum contra plerosque ex Aduersariis retorqueri posse, quatenus nobiscum docent rem esse in tempore per seipsam, & patientem aloum esse alteri similem per seipsum: dici enim potest esse in tempore, & esse alteri simile, inferre denominationes reales, quæ proinde à forma aliqua reali oriri debent.

Respondeo 2. quòd Petrus sit in hoc cubi-

culo esse denominationem realem ex eo or-  
tam, quod Petrus per seipsum immediate est  
intra cubiculum, sicut idem Petrus existit  
hoc tempore per seipsum, & paries albus per  
seipsum est similis alteri parieti albo; inde-  
que oritur realis denominatio quæ præter  
rem existentem, & si milem, connotat tan-  
tùm coexistentiam temporis, & parietis al-  
bi.

Obiicies 2. Actio realis terminum realem  
habere debet: atqui motus localis est actio rea-  
lis; ergo terminum realem habere debet. Rur-  
sus actionis realis terminus est intrinsecus,  
qualis non est locus respectu motus localis?  
Ergo ponendum est in ipso mobili aliquid  
reale & intrinsecum per motum localem pro-  
ductum, quod aliud esse nequit quàm modus  
ille de quo litigamus.

Respondeo 1. hoc argumentum contra ar-  
guentes posse retorqueri, nam si Petrus per  
motum localem acquirat aliquem locum, siue  
per creationem in eo loco diuinitus consti-  
tuatur, semper verum erit Petrum quantum  
ex se, esse in eodem loco: nec tamen idem  
esse potest formalis terminus positionis in lo-  
co per creationem, & motus localis: quare  
fallum est quod per motum localem produca-  
tur motus aliquis positivus, per quem res sit  
formaliter in loco.

Respondeo 2. actiones esse duplicis generis;  
aliz enim sunt productivæ, qualis est cale-  
factio, aliz tantum adductivæ, cuiusmodi est  
motus localis, qui in eo tendit ut producat  
aliquid in mobili; sed ut mobile transferat  
ab vno loco ad alium, illudque immediate &  
per seipsum cum tali loco coniungat. Et hoc  
vel ex ipso nomine huic motui imposito in-

telligi potest : non enim dicitur alteratio , quia per illum mobile nihil reale acquirit aut deperdit ; sed simpliciter motus localis ut intelligatur eiusmodi motum ex natura sua tendere ad locum , & esse viam ad illum tanquam ad suum terminum. Vnde ad rationem illius sufficit quod novus locus per illum acquiratur.

## ARTICVLVS. II.

*De rerum duratione.*

**Q**Uæritur 1. Quid propriè sit duratio , & an addat aliquam entitatem realem supra rem quæ durare dicitur.

Respondeo & dico 1. *Durationem non esse propriè & formaliter existentiam rei ; sed potius illius permanentiam in esse.* Primum patet , quia per existentiam præcisè res dicitur tantum esse seu existere ; at per durationem aliquid amplius inouitur, nempe rem aliquanto tempore existere , seu in suo esse permanere. Vnde in sententia ponente in motu, & in tempore indistributibilia, dici nequit propriè ea durare, quia in suo esse non permanent.

Secundum ostenditur, quia positi rei permanentiæ in esse, statim intelligitur eam durare, ablati vero, oppositam intelligitur; ergo duratio rectè constituitur in tali permanentia. Confirmatur: nam eò magis aut minus res dicitur durare, quo magis aut minus in suo esse perseverat : Ex quo sequitur durationem posse definiri, *permanentiam rei in suo esse.*

Dico 2. *Durationem non esse entitatem realem*

*distinctam à re durante.* Hoc in primis certum est in Deo omnium consensu, quia Deus verè durat per totam æternitatem, nec tamen hæc duratio dicit aliquid ab illius substantia realiter distinctum. Vnde colligitur idem secundo posse dici in rebus creatis, proportionè servata. Cuius ratio est, quia sicut concipimus Deum durare ab æterno, eo quòd illius esse semper permanet; ita intelligimus res creatas durare, ex eo præcisè quòd earum esse aliquandiu permanet.

Confirmatur: nam ex vna parte ablata permanentia in esse, res definit durare, adeoque duratio nihil est aliud realiter quàm esse permanens: ex alia verò esse permanens non dicit aliquid realiter ab esse distinctum, ut patet in Deo, eaque ratione suaderetur; quia si adderet aliquid realiter distinctum, non esset præcisè ipsum esse permanens; sed potius aliquod illius augmentum, quod nullo modo necessarium est, ut res durare intelligatur.

Obiicies 1. Duratio non est præcisè rei existentia, ut prima assert. dictum est, ergo addit aliquid supra existentiam. Respondeo addere tantum connotationem temporis cui res durans coexistere dicitur, non autem aliquam realem entitatem ipsi rei duranti de nouo aduenientem, & ab illius existentia realiter distinctam. Exempli causâ, cum d. cimus aliquem durasse per 30. annos, nihil aliud concipimus quàm cum in suo esse persistisse, quandiu tempus illud effluebat. Vnde etsi ille plus durauerit quàm si non nisi 30. annis vixisset, ea maior duratio non dicit aliquam entitatem ab illius existentia realiter distinctam, sed tantum connotationem longioris temporis; sicut vice versa minor duratio non dicit

detractionem alicuius entitatis; sed tantum eiusdem existentie correspondentiam cum breviori tempore.

Obiicies 2. Prius est rem existere quam durare; ergo duratio se habet ut accidens respectu rei etiam ut existentis, adeoque realiter distinguitur ab illa. Antecedens probatur, quia existentia est magis intrinseca rei quam duratio; prima vero consequentia patet, quia quidquid advenit enti in actu perfecto, est accidens illius, secunda ostenditur, quia nihil potest accidere sibi.

• Respondeo ad priorem consequentiam, durationem esse accidens aliquod respectu existentie, non realiter illam afficiens; sed consistens in connotatione extrinseca temporis ei correspondentis, ut explicatum est. Ad eum modum quo columbar existenti in aula, advenit accidentario esse modo dextram, modo sinistram ambulanti per aulam; non quidem per realitatem aliquam ei superadditam; sed per denominationem extrinsecam à motu ipsius ambulantis, qui modo sit illi dexter, modo sinister.

Obiicies 3. Duratio distinguitur in Deo, ratione & virtualiter ab existentia, ergo in creatis realiter ab illa distingui debet; sequela patet, quia virtualis distinctio attributorum Dei à reali distinctione creaturarum sumi solet. Respondeo negando consequentiam, & ad illius probationem dicendum, non opus esse ut quæcumque sunt in deo indistincta realiter, in creaturis realiter distinguantur, ut ex eo patet, quod ex communi Philosophorum & Theologorum sententia, de qua supra actum est, existentia creaturarum non distinguitur realiter ab eorum essentia. Non pauci

quoque existimant intellectum, & voluntatem non distingui in homine, à substantia animæ.

Quæritur 1. Quomplex possit assignari rerum duratio.

Respondeo & dico 1. *Duratiorem posse generatim dividi in permanentem, & successivam.* Ratio est quia, cum duratio non distinguatur ab existentia rei durantis, sicut aliquæ res sunt in sua existentia permanentes, ut Deus, Angeli, cæli; aliæ successivæ, ut motus, hinc sequitur aliam durationem esse permanentem, aliam successivam.

Quo loco adverte 1. hanc divisionem non pugnare cum definitione durationis superius allata: quia cum diximus durationem esse permanentiam rei in suo esse, permanentia illa sumpta est pro quacunque perseverantia in esse, siue ea sit permanens, siue successiva: hic verò quando dividimus durationem in permanentem & successivam, agimus de permanentia ut dicit partes omnes rei simul existentes, & distinguitur essentialiter à duratione successiva, quæ dicit partes post partes.

Adverte 2. Non modò res incorruptibiles, sed etiam corruptibiles posse habere durationem permanentem pro aliquo tempore, ut patet; nam homo, equus, lapis, & similia permanentiter durant, quatenus toto aliquo tempore existunt secundum omnes suas partes. Unde distinguuntur à rebus successivis, quòd hæc cum sint in continuo fluxu, nunquam alicui tempori coexistunt, secundum omnes suas partes; sed huic patri temporis secundum unam partem, illi secundum aliam.

Dico 2. *Duratiorem posse iterum dividi in æternitatem, annum, & tempus.* Cuius divisionis ratio

à nonnullis sic residuum: quot sunt modi quibus res in suo esse permanent, tot sunt durationes; at modi illi sunt tres, nam aliquid caret principio & fine, nempe Deus; alia habuere principium; sed finem non sunt habitura, ut Angeli, & cæli; alia denique & initium habuerunt, & finem habitura sunt, nempe omnia corruptibilia. Et quidem Deo competit prima duratio, quæ est æternitas: Angelis, & cælis secunda, quæ dicitur ævum: corruptibilibus omnibus tertia, quæ tempus appellatur. Verum hæc ratio divisionis non satis concinna videtur, quia cû supponeretur Angelos creatos esse ab æterno, aut aliquando finem habituros, eorum duratio non esset æternitas, aut tempus, sed ævum.

Melius ergo cum aliis dici potest, aliquid esse quod habet absolutam necessitatem essendi, ita ut nulla potentia siue naturali siue supernaturali possit deficere; & hic est solus Deus, cuius duratio propria est æternitas. Alia esse quæ supernaturaliter quidem possunt deficere, non tamen naturaliter, ut Angeli, & cæli quorum duratio est ævum. Alia tandem quæ naturaliter deficere possunt, ut omnia corruptibilia quæ tempore mesurantur. Ex quo patet divisionem prædictam esse adæquatam, & ad illam omnes rerum durationes reducendas esse.

Vbi nota 1. Inter res corruptibiles alias esse quæ continuo deficient, ut motus; alias quæ aliquandiu in suo esse perseverant, ut homo, equus, lapis, aliaque composita substantia: & priorum quidem durationem à Philosophis, & Theologis communiter vocari tempus, posteriorum vero ævum. Illi tamen congruentius loqui videntur, qui ævum solis re-

bus incorruptibilibus relinquendum existimant. Omnibus verò corruptibilibus siue aliquandiu permanentibus, siue successiuis tempus assignandum; cum vulgò res corruptibiles & temporales pro eodem sumantur & frequentissimè dici soleat talem hominem tanto tempore vixisse: sanctus quoque Thomas, 1. p. q. 10. a. 4. ad 3. doceat tempus non solum mensurare ea quæ transmutantur actu, sed etiam quæ sunt transmutabilia. Fatendum tamen tempus esse magis propriè mensuram rerum quæ actu transmutantur, scò quæ in fluxu consistunt, qualis est motus, vt patebit ex temporis definitione infra explicanda.

Nota 2. Durationem visionis beatificæ à plerisque vocari æternitatem participatam, durationem verò gratiæ, aliorumque donorum supernaturalium in hac vita, modum æternitatis participatæ, & durationem operationum Angelicarum, quæ aliquandiu durant, modum æui. Verum quia tot durationum multiplicatio confusionem parit, placet modus loquendi eorum qui visionem beatificam, & dona infusa ex natura sua incorruptibilia æternum, operationes verò Angelicas ad tempus reducant. Caterum quia de æternitate, & æuo aliquid diximus lib. 1. Theol. specul. cap. 6. reliquum est vt hic de tempore pauca dicamus.

### ARTICVLVS III.

#### *De Tempore.*

**Q**Uæritur 2. Quid sit tempus. Respondeo tempus ab Arist. sic definiri 4. Physic. c. 11. tex. 101. *Tempus est numerus motus*



# LIBER TERTIVS. 411

*secundum prius & posterius.* Dicitur 1. numerus, seu mensura motus: quod videtur intelligendum de numero numerante, & de mensura mensurante, quoniam soli temporis externo sumpto a conversione corporum competit; quia tempus illud assumere oleamus ad mensurandas res corruptibiles & successivas, propter omnimodam illius certitudinem & invariabilitatem. Poterit tamen ea definitio applicari durationi internæ motus, si numeretur, seu mensura passivè accipiat; quia tempus internum motus est id quo motus numeratur, seu mensuratur secundum partes prioris, & posteriores.

Dicitur 2. *Secundum prius & posterius*, ut intelligatur morum non mensurari à tempore, ut habet extensionem ad spatium, vel ut habet extensionem gradualem; sed quatenus habet successionem, seu alias partes prioris, alias posteriores. Ceterum definitio prædicta non competit propriè temporis; quatenus dici potest ex se prius dictis, mensura rerum corruptibilium secundum suam substantiam spectatarum, cum in ea non sit propriè successio, seu prius & posterius sub earatione.

Obiicies 1. Tempus mensura dicitur numerus, cum tempus sit quantitas continua, & numerus discretus. Respondeo numerum hic non sumi pro quantitate discretâ; sed pro multitudinem partium unitarum, quæ ratione tempus est propriè numerus, eo quod partes temporis motui applicatur, illius successionem mensurant, & patefaciunt.

Obiicies 2. Numerus numerans est quid effectum ab intellectu: at tempus est ens reale; ergo non bene definitur numerus, si id intelligatur de numerante. Respondeo tempus

quidem externum, ut identificatur cum motu  
cælorum, esse quid reale, & ab intellectu in-  
dependens; ut autem sumitur præcisè in ra-  
tione numeri numerantis, vel mensuræ actiue,  
dicere ens rationis. Siquidem quod duratio  
motus cæli in annos, menses, dies, & horas  
diuidatur ad mensurandos motus rerum sub-  
lunarium, id sanè opus est intellectus huma-  
ni, adeoque merum ens rationis respectu du-  
rationis motus cælestis.

Obiicies 3. Mensura debet esse notior men-  
surato: at tempus est ignotius motu; ergo non  
bene dicitur mensura illius. Respond. tempus  
in se quidè esse nobis ignotius motu; in ratio-  
ne tamen mensuræ esse quid notius, quatenus  
intelligimus quantitatem motus, per tempus  
quo peractus est.

Obiicies 4. Etiam quietem, ut est motus  
privatio, tempore mensurari, adeoque tem-  
pus non rectè dici mensuram solius motus.  
Respondeo quietem mensurari tempore per  
accidens; motum verò per se, adeoque in de-  
finitione tēporis solius motus mentionem fa-  
ciendam esse: tempus enim numerat seu men-  
surat ratione partium priorum & posteriorum;  
quæ per se quidem motui, privationi verò  
motus, non nisi per ordinem ad motum com-  
petunt.

Quæritur 2. Quomodo se habeat tempus  
ad motum. Quod ut clarius resoluitur,

Aduerte 1. Duplex esse tempus, ut patet ex  
dictis, aliud externum quod communiter su-  
mitur pro duratione motuum cælestium, ut  
per illam res sublunares earumque motus  
mensurantur; aliud internum quod cuilibet  
rei per se, ut permanet in suo esse, competit.  
Illud vnicum est & cōmune pro rebus omni-

## LIBER TERTIVS.

467

bus mensurandis, hoc vero est multiplex, aucta rerum quæ durare dicuntur, varietatem. Vnde et si sol flueretur, sicque ex illius motu non possent mensurari res istæ inferiores, et tamen non desinerent durare intrinsecè quamdiu existerent, adeoque tempus proprium & internum habere.

Aduerte 2. Tempus externum adhuc distinguui in reale & imaginarium: reale est duratio motus cæli, imaginarium vero est duratio illa quam concipimus ab æterno præcessisse motum cæli, quæque suo modo fluere, cæli cælum non moueretur. Vnde ratione talis temporis dicimus Deum potuisse creare mundum mille annis antequam illum creauerit; & si Deus, immoto cælo, res sublunares conseruaret, diceremus aliquas existere eodem tempore, alias diuersis temporibus.

Aduerte 3. Hic quæstionem moueri de tempore interno cuiusque rei, nam quod tempus cœlestē realiter distinguatur à rebus inferioribus, earumque motu, id nimis manifestum est. Dubitatur ergo an duratio interna motus ab illo realiter distinguatur.

Respondeo & dico 1. *Non esse ponendam distinctionem realem inter tempus internum & externum.* Probatum tum ex supra dictis de indistinctione durationis à re durante, tum quia tempus internum nihil aliud facit quam ut sit successio inter partes motus, seu ut vna fluat immediate post aliam; in hoc autem fluxu non est necesse admittere vllam realitatem distinctam ab ipsius partibus fluentibus, cum sine illa satis intelligi possit vnā partem fluere post aliam.

Confirmatur: nam ea est natura motus, ut habeat partes fluentes; ergo ex se & sine vlla

entitate superaddita, dicit successionem, & motum; adeoque non distinguitur realiter à tempore interno. Eo vel maxime quia cum motus sit ens imperfectissimum, & veluti quidam modus, absurdum videtur ei tribuere quendam motum realem à quo successionem partium recipiat.

Obiicies: motus potest esse diuinitus sine successione, ergo successio realiter à motu distinguitur; ergo & tempus internum, cum à successione non distinguatur. Respondeo, admissio antecedente de quo in Physica, negando consequentiam: quia etsi motus fieret simul, non propterea deesset illius partibus quidam realitas; sed tantum aliqua denominatio prioris & posterioris, quam habent dum vna alteri succedit.

Dico 2. *namque præcedens assertio in aliquo motu falsa supponeretur, in motu tamen locali ut certum defendendam esse.* Ratio est, quia etsi successio ab aliquo motu tolli possit, non tamen à motu locali, ut loco citato ostendemus. Quare cum eiusmodi motus non possit non fieri successiue, hinc fit ut successio non modo realiter cum illo identificetur; sed etiam sit de essentia illius; adeoque ut tempus internum, quod à successione non distinguitur, à motu realiter distingui non possit.

Ex his autem collige, non immerito tempus à Categoria quantitatis à nobis in Logica exclusum esse; cum non dicat extensionem aliquam propriam à motus partibus realiter distinctam, adeoque ad motum reduci debeat.

Quæritur 3. Qua ratione tempus existat: quod duobus modis tractari potest, primò absolute & abstrahendo à communi sententia, quæ instantia indivisibilia, & partes diuisibi-

# LIBER TERTIVS. 455

tes in tempore admittit. Sed unde ex hypothesi quod vera sit sententia illa communis de compositione temporis ex instantibus, & ex partibus indivisibilibus.

Respondeo & dico 1. *Probandum est absolute loquendo, tempus constare ex suis instantibus, adeoque per ea sola existere.* Probari potest 1. quia ex communi Aristotelis, omniumque hominum sensu, ex tempore nihil habemus præter instans, etsi illud totum successivè habeamus. Quare tempus non nisi ex instantibus constat. Nec dicas, commune illud prologium non debere intelligi de instanti Physice indivisibili; sed de indivisibili moraliter spectato, seu de morula adeo breui ut respectu nostri se habere videatur per modum instantis indivisibilis: hoc enim sine fundamento dictum videtur, & mox addenda probatione refelli potest.

Probatur 2. Nam quidquid est temporis, nunc est: ac quidquid nunc est, est instans indivisibile; ergo quidquid est temporis est instans indivisibile: ac proinde in tempore nihil est præter instantia indivisibilia. Maior certa est: nam in tempore præter id quod nunc est, accipi non potest nisi quod fuit, aut quod futurum est: ac quod fuit, non amplius est, & quod futurum est, nondum est: adeoque nihil est temporis, nisi quod nunc est. Minor suadetur nam quidquid ex tempore nunc est, simul totum est: ac quod simul totum est ex tempore, est instans indivisibile; cum repugnet partem aliquam illius divisibilem & successivam esse totam simul. Unde necessario sequitur in tempore nihil esse præter instantia indivisibilia. Confirmatur: nam præteritum aliquando fuit præsens, futurum erit aliquan-

do præsens, & nihil est præsens, præter instans indivisibile; cum in parte diuisibili & fluxa aliquid iam non sit, & aliud nondum sit. Quare id omne ex quo tempus constat, reducitur ad instans indivisibile.

Respondebit fortè aliquis, non tantùm instans temporis; sed etiam aliquam illius partem incertam, & indeterminatam posse totam simul esse præsentem. Verùm id gratis dicitur, quia cum pars illa sit diuisibilis & successiva, repugnat quod tota simul existat. Alias pars quælibet temporis determinata ut hora, dies, annus, posset tota simul existere; cum simultanea existentia illi non repugnet, quia est pars determinata, sed quia est ens successivum, & in fluxu positum.

Probatur 1. Quia postea compositione temporis ex meris instantibus, multa faciliè intelliguntur quæ alias ægrè explicari possunt. Imprimis intelligitur, quomodo Deus possit in instanti creare Angelum, cùmque immediatè post illud instans annihilare. Intelligitur etiam, quomodo in rerum corruptione vna forma alteri immediatè succedat, ut formæ ligni in vno instanti destruitæ, forma ignis in sequenti instanti geniti; adeo ut materia nunquam sit destituta omni forma. Hocque valdè consentaneum est communi sententiæ quæ docet, res permanentes incipere & desinere in instanti, ut infra dicemus. Intelligitur præterea, quomodo homo possit immediatè ante instans mortis, elicere actum contritionis, qui tunc obligat; quique cùm sit supernaturalis & spiritalis, postulat ex se produci in instanti. Rur. us quæ supra diximus de continuitate alterationis, catent difficultate, posita temporis compositione ex instantibus, ut visum est. Ac tandem

# LIBER TERTIVS.

467

tandem pleraque alia passim occurrunt, quæ ex dicta sententia lucem accipere possunt: quare ex eo etiam capere oppositæ præferenda videtur.

Obiicies: quantitas permanens non constat ex indivisibilibus; ergo nec successiva, quare est tempus. Antecedens in Physica probabitur, consequentia vero suadet a paritate rationis. Respond. negando Sequelam, ob discrimen apertum quod inter illas quantitates repetitur. Nam in quantitate permanente vnum indivisibile additum alteri non facit maius; quia sunt simul: at in quantitate successiva secus res se habet, quia indivisibilia non sunt simul; sed vnum succedit alteri; & ita ambo faciunt quid extensum, & maius.

Dico. 2. In sententia ponente in tempore instantias & partes divisibiles, congruentius dici tempus existere per suas partes, quam per instantia. Probatur, tum quia cum totum non distinguatur a suis partibus, nec habeat aliam entitatem actualem, quàm entitatem actualem earum, quæ ab existentia non distinguitur; repugnat tempus existere, & non existere per partes ex quibus essentialiter componitur. Tum quia intelligi nequit aliquam temporis partem existura fieri præteritam, nisi aliquando sit præsens: sicut non potest concipi quod corpus aliquod moveatur localiter ab extremo in extremum, nisi transiendo per medium. Tum quia sicut in sententia quæ in quantitate permanente ponit partes divisibiles, & indivisibilia eas partes copulantis, absurdè diceretur quantitatem permanentem non existere, nisi per sua indivisibilia; ita in sententia quæ in quantitate successiva constituit partes divisibiles, cum indivisibilibus eas partes copu-

Metaph.

V

lantibus, immerito dicitur quantitatem successivam non existere, nisi ratione eiusmodi indivisibilem. Eo vel maxime quia quod res aliqua sit, & existat potius per aliquid quod non est pars illius, quàm per partes ex quibus componitur, id à recta ratione prorsus alienum videtur. Quare vel nihil relinquendum in tempore præter instantia, vel fatendum tempus existere per suas partes, quovis modo id fiat.

#### ARTICVLVS IV.

##### *De inceptione, & desitione rerum.*

**P** Ramoneo non omnia quæ existunt, & durant, incipere aut desinere esse: Deus enim neque initium habuit, neque finem unquam habiturus est; creaturæ vero omnes initium essendi habuerunt; sed aliæ in æternum sunt duraturæ, vt Angeli, cœli & elementa, itemque homines post resurrectionem; aliæ verò sicut in tempore inciperunt, ita & in tempore desinent, vt mixta omnia. Est autem difficultas quomodo contingat hæc rerum inceptio, & desitio.

Philosophi communiter statuunt duplicem incipiendi, & desinendi modum, quorum priorem vocant intrinsecum, posteriorem verò extrinsecum. Prior modus incipiendi est per primum sui esse, ita vt dici possit, res est in hoc instanti, & immediatè antè non erat; qua ratione res permanentes incipere dicuntur. Posterior est per ultimum sui non esse, ita vt dici possit, res nunc non est; sed immediatè post erit, & hoc modo successiva incipere dicuntur.



# LIBER TERTIVS. 477

Similiter prior modus definendi est per vltimum sui esse, ita vt dici possit, res nunc est, & immediatè post non erit, quomodo permanentia definire dicuntur; posterior vero per primum sui non esse, adeò vt dici possit: res nunc non est; sed immediatè ante fuit, qui modus definendi tribuitur rebus successivis.

Et quidem quod res permanentes incipiant per primum sui esse, & definant per vltimum sui esse, ea ratione probari solet: quia cum res illæ habeant totum suum esse simul, & non per partes, vt successivæ; necesse est assignari aliquod instans primum in quo esse incipiant, cum antea non essent; & aliquod instans vltimum, post quod non amplius sint.

Quòd verò res successivæ incipiant per vltimum sui non esse, & definant per primum sui non esse, ea ratione ostenditur; quia cum res illæ habeant totum suum esse successivè, & per partes; non possant existere in instanti: quia instans est indivisibile & totum simul, quò sit vt quoad existunt, nullum instans à parte priori assignari possit ante quod non sint, neque vllam à parte posteriori post quod non sunt. Ex quo sequitur vt non debeant incipere intrinsecè, seu per primum sui esse, nec definire intrinsecè, seu per vltimum sui esse; sed è contra debeant incipere extrinsecè, seu per vltimum sui non esse, ita vt verè dici possit, nunc, seu in hoc instanti non est motus; sed immediatè post erit: & definire etiam extrinsecè, seu per primum sui non esse, adeò vt verè dici possit: nunc non est motus, sed immediatè ante erat.

Vetum quia non omnes admittunt instantia, in quibus prædicta fundantur, rerum inceptio, & desinitio paulo aliter iuxta eorum

sententiam, explicari potest. Ita nimirum ut res permanentes dicantur incipere secundum totum suum esse, in aliqua parte temporis ante quam non existebant; & desinere in alia temporis parte, post quam non amplius sint. Res verò successivæ dicantur incipere in aliqua temporis parte, non quidem secundum totum suum esse simul; sed secundum aliquam partem cui alix, & alix sine mora usque ad finem succedant: desinere autem in aliqua temporis parte; ita ut nihil earum postea supersit.

Ex quo patet, totum discrimen in hac sententia, inter modum incipiendi, & desinendi rerum permanentium, & successivarum in eo consistere, quod permanentium inceptionem præcedit tempus in quo non sunt, & post quod totæ simul existunt; earum verò desitionem sequitur tempus, ante quod secundum totum suum esse existebant. At successiva immediate post tempus præcedens earum inceptionem, incipiunt esse tantum per aliquam sui partem, & immediate ante tempus quod earum desitionem sequitur, non nisi secundum aliquam sui partem existebant.

Supposita tamen sententia de compositione temporis ex solis instantibus, dicendum videtur primò res permanentes non tantum incipere, & desinere intrinsecè, sed etiam extrinsecè. Ratio est, quia immediate antequam sint, datur instans temporis in quo verum est dicere, nunc non sunt, & immediate post erunt. Et similiter immediate post earum desitionem datur instans in quo verum est dicere, nunc non sunt, & immediate antea erant.

Dicendum secundò res successivas è contra non tantum incipere, & desinere extrinsecè; sed etiam intrinsecè. Siquidem verum est in

# LIBER TERTIVS. 481

hoc instanti esse motum, saltem inchoatū, & per aliquam partem sui intrinsecam, & immediatè ante non fuisse. Verum quoque est in hoc instanti adhuc esse motum, secundum aliquid sui, & immediatè post non fore.

Adde non posse intelligi, quomodo in sententia communi res successivè non incipiant, & desinant, etiam intrinsecè. Probatur, quia cum in ea dicitur: nunc res est motus; sed immediatè post erit, aut saltem dicitur, aut immediatè post illud instans extrinsecum, dici verè potest; nunc est motus, & immediatè ante non erat: sicque motus incipit intrinsecè, non sicut ac res permanens. Et similiter quando dicitur, nunc non est motus, & immediatè antea fuit, in eo priori immediato verè poterat dici; nunc est motus, & immediatè post non erit: adeoque motus desinit intrinsecè. Sed de his ingeniorum tormentis, adeoque de tota re Metaphysica satis ad maiorem Dei omnipotentis gloriam, & honorem.

## F I N I S.



DE  
 T H E S E S  
 P H I L O S O P H I Æ  
 V N I V E R S A L I S,  
 S E V  
 M E T A P H Y S I C Æ.  
 E X P R Æ F A T I O N E.



PHILOSOPHIA vniuersa-  
 lis varia sortitur nomina, ac  
 præcipuè quatuor. Vocatur  
 1. Philosophia per Antono-  
 masiam: 2. Sapientia. 3. Theo-  
 logia naturalis. 4. Metaphy-  
 sica, quod idem est ac vltra, seu post Physic.  
 Metaphysica est propriè scientia.

Obiectum Metaphysicæ est ens reale,  
 quatenus ens est. Ens autem vt est obie-  
 ctum Metaphysicæ, non debet sumi ita præ-  
 cisum à suis inferioribus, vt non includat  
 saltem confuse suas species, qua ratione  
 est nobilissimum.

Metaphysica est scientia speculatiua.

Metaphysica totaliter spectata non est v-  
 nus simplex habitus; sed complexio mul-  
 torum habituum partialium.

Metaphysica non est propriè subalternans  
 respectu aliarum scientiarum.

Quatuor causæ Metaphysicæ, vt & alijs

scientiis speculativis possunt assignari, nempe, materialis, formalis, effectiva, & finalis.

Metaphysica ex communi sententia, non modo propter seipsam est valde conueniens, quatenus intellectum cognitione rerum prestantissimarum exornat; sed etiam ad alias scientias acquirendas est valdè utilis.

EX CAP. I. LIBRI I.

**V**NIVERSALE sumitur generatim *Art. 1.*  
pro eo quod aliqua ratione dicit ordinem ad multa.

Esse in multis, & prædicari de multis, sunt duæ rationes distinctæ in vniuersali.

Tria requiruntur ad constitutionem vniuersalis. 1. vt res quæ dicitur vniuersalis, sit aliqua natura realis & positiva. 2. vt ea natura sit vna. 3. vt illa natura sit ex se apta inesse multis per veram, & realem sui multiplicationem in illis, ita vt ratio superior prædicetur de inferiori, non tantum secundum aliquam sui partem; sed secundum se totam adæquate, siue illa multiplicatio fieri possit per potentiam naturalem in rebus creatis existentem, siue tantum virtute supernaturali.

Duæ sunt generales sententiæ circa existentiam vniuersalium. *Art. 2.*  
Prima est vniuersalia esse naturas realiter separatas à singularibus, & extra illa existentes, quales sunt Idææ Platonice; sed hic modus refellitur, nihil enim existit per se in rerum natura, quod non sit singulare.

Idææ non sunt necessarie ad veram scientiam de rebus creatis habendam, nec

ad procreationem rei imperfectæ quæ à di-  
mali non generatur.

Si Idea sumatur pro causa exemplari, suf-  
ficiunt Idæ quæ sunt in mente diuina.

*Art. 3.* Vniuersalia existere à parte rei intelligi  
potest, ut natura sit vniuersalis, non qui-  
dem extra singularia; sed intra ipsa singu-  
laria. Sed & hic modus etiam refellitur;  
ad vniuersale enim requiritur ut habeat v-  
nitatem multis communem, quam non ha-  
bet natura quæ est in indiuiduis; sed potius  
multiplicitatem tali vnitati repugnantem.

*Art. 4.* Non aliter indiuidua humana possunt di-  
ci à parte rei eiusdem speciei, nisi quia con-  
ueniunt in natura humana.

Indiuidua humana habent vnitatem for-  
malem, non omnia eandem; sed singula pro-  
priam ab vnitatibus aliorum distinctam.

Relatio identitatis qua indiuidua refe-  
runtur ad inuicem, fundatur in vnitare  
conformitatis, quæ est inter eorum naturas,  
non autem in vnitare reali quæ sit inter  
illas.

*Art. 5.* Nec placet tertius vniuersalium modus,  
vnitas scilicet præcisionis cum aptitudine  
essendi in multis, non realiter extra singu-  
laria, nec in natura iam contracta in suis  
inferioribus; sed secundum se, quatenus  
naturæ ordine præcedit contractionem sui  
ad inferiora.

## EX CAP. II.

*Ar. 1.* **S**ECUNDA de vniuersalibus sententia  
statuit naturas non esse vniuersales, ni-  
si per operationem mentis. Et hoc tri-  
bus modis, 1. est eorum qui putant fieri vni-

uerſale per abſtractionem intellectus agentis, cuius officium eſſe aiunt denudare phantaſmata à conditionibus individuanti- bus, ut vt ſpecies quæ repræſentabat hunc vel illum hominem ſingularem, repræſentet tantum hominem præciſè. & ſecundum ſe; ſicque illum conſtituat in ratione vniuerſalis. Verum hic modus tenetur.

Secundus modus eſt eorum qui docent *Art. 2.* vniuerſale reſultare in natura per abſtractionem præciſiuam intellectus poſſibilis. Sed & hic modus eſi longè probabilior & communior præcedenti, non ſatis ſolidè videtur excogitatus.

Nihil refert ad conſtitutionem vniuerſalis, quod abſtractioni præciſiue addatur cognitio comparatiua ſive ſimplex, ſive compoſita.

Tertius modus defendendi vniuerſalia *Art. 3.* per mentis operam, eorum eſt, qui docent ea fieri non per præciſionem obiectiuam; ſed per aliam, quam vocant formalem. Sed & hic modus reſellitur.

Nullam datur vniuerſale, ſive à parte rei, ſive per mentis operam eo ſenſu quo in ſcholis intelligi, & defendi ſolet.

Opinio negans vniuerſalia fuit commu- *Art. 4.* nis ante Ariſtotelem. Negantibus nobis dari per mentis operam ſauent Scotiſtæ; negantibus dari à parte rei ſubſcribunt Thomiſtæ.

Eſi non ſit ſcientia de ſingularibus, quatenus ſunt corruptibilia, cum tamen non corrumpantur niſi quoad exiſtenti- am, nihil vetat quin de eorum prædi- catis eſſentialibus vera ſcientia dari poſ- ſit.

Destructo vniuersali, non sequitur propositiones omnes fore identicas: ad propositionem enim identicam non sufficit, quod attributum sit idem realiter cum subiecto; sed requiritur vt idem sit prædicatum, & subiectum, etiam quoad voces.

Quæ tractanda supersunt de vniuersalibus consentaneè ad communio-rem opinionem de vniuersalibus, per mentis operam accipienda sunt.

- Art. 5.* Variæ proprietates vniuersalis à Philosophis affecti solent. 1. est, esse quoddam totum quod vocant potestatiuum. 2. vt sit prædicabile. 3. vt sit intelligibile. 4. vt dicatur posterius esse singularibus. 5. vt sit semper & vbique, non positinè tamen; sed negatiuè. 6. vt dicatur esse æternam, & incorruptibile: quod etiam intelligi debet negatiue.

### EX CAP. III.

- Art. 1.* **I**N definitione generis, qui dicitur id quod pluribus, & differentibus specie attribuitur in questione quid est, non d. finitur natura secundum se, nec genericitas per se spectata, sed concretum ex natura & genericitate.

Natura substans genericitati est definitum materiale. & vt quod, genericitas verò, definitum formale & vt quo.

- Art. 2.* In definitione generis vniuersale non habet locum generis, sicut nec subiectum; sed prædicabile, cum nihil aliud assignari possit, exclusis vniuersali, & subiecto.

- Art. 3.* Genus non requirit necessariò plures species actu existentes; sed ad verum ge-



nis sufficient plures species possibiles, siue per potentiam Phylicam, siue per potentiam Logicam.

Species est proximam, & immediatum generis correlativum.

Art. 4.

Totale & adequatum generis correlativum non sunt solæ species, sed species simul cum individuis.

Genus refertur ad species & individua, eadem relatione, non obstante diversitate terminorum, quia unus respicitur immediate, & alter mediatè.

EX CAP. IV.

**S**PECIEI definitiones, quibus definitur id quod subiecitur generi, & de quo genus prædicatur in quid, sunt admittendæ. Art. 1.

Nec obstat quod genus à Porphyrio fuerit definitum per speciem, quia proprium est relativorum, ut unum definiatur per aliud: genus autem, & species sunt relativa.

Nec etiam obstat quod definitiones istæ competant individuo, quia intelliguntur de subiecitibilitate, & prædicabilitate præstantiori, quæ est immediata & proxima, qualis non competit individuo; sed tantum speciei, cum prædicatio generis de individuo, etsi sit immediata quoad voces, in re tamen sit mediata: nullum enim datur à parte rei individuum genericum, seu quod non constituatur in aliqua specie, cum repugnet genus immediate contrahi per differentiam individualement.

Species infima rectè definitur, quæ de multis numero differentibus prædicatur in quid. Art. 2.

Nec obstat quod sol, luna, & mundus sint vetæ species, quæ tamen non prædicentur nisi de vnico individuo, nihil enim repugnat creari alium solem, aliam lunam, alium mundum, qui cum sint possibiles, sufficit vt habeant rationem speciei.

Valde absurdum est ponere aliquam speciem vniuersalem cuius individua sint impossibilia: Ex communi autem scholasticorum sententia, non repugnat multiplicatio numerica in eadem specie Angelica, imò de facto dantur plures Angeli solo numero distincti.

Quamuis definitio prædicta generi dicatur competere, cum de multis numero differentibus prædicetur, nihil ad rem, cum genus prædicetur de indiuiduis tantum mediate & incompletè, species verò immediate & completè.

Art. 3.

Duplex est species. Alia subalterna: alia infima.

Species subalterna duplicem habet habitudinem, alteram ad genus, alteram ad inferiora: et priori respectu dicitur species, posteriori vero genus, quia sic multa respicit specie distincta.

Species infima, seu specialissima habet duas habitudines distinctas: alteram ad genus, cui subiicitur, alteram ad individua, de quibus prædicatur.

Et si relationes prædictæ sint duæ, ambæ tamen eandem denominationem speciei infimæ tribuunt.

Art. 4.

Non facile intelligitur, quomodo abstrahatur conceptus communis indiuidui, ab omnibus indiuiduis, iuxta sententiam communiorum, quæ præcisiones obiecti-

vas admittit, si autem agatur de præcisionibus tantum formalibus, dicendum videtur non repugnare, quod detur ratio communis individui, ab hoc vel illo individuo abstracta.

Etsi daretur conceptum illum communem individui abstrahi posse ab omnibus individuis, non tamen concedendum esset conceptum illum esse univocum, sed tantum analogum.

EXCAP. V.

**A**DMITTENDÆ sunt de facto differentie simplices, quibus species infimæ constuantur. *Art. 1.*

Differentia inferior formaliter spectata, *Art. 2.* secundum gradum & perfectionem quam dicit, non includit in conceptu suo differentiam superiorem.

Nec obstat quod differentia superior prædicatur de inferiori in abstracto: de ea enim prædicatur tantum in sensu identico, seu materiali, non autem in formali.

Genus est extra conceptum differentiarum, & differentie extra conceptum generis, adeoque unum ab alio perfecte præscinditur. *Art. 3.*

Nec dicas corporeitatem, & spiritualitatem esse differentias substantiales, adeoque includere rationem substantiæ: non enim sequitur, quia sicut modi substantiales, qualis est subsistentia, sunt substantiales, non tamen substantiæ, ita differentie prædictæ sunt substantiales, quia determinant & perficiunt substantiam, non tamen includunt proprie

rationem substantiæ completæ & prædicamentalis, qualis est illa quæ constituit summum genus.

**Art. 4.** Genus non potest vniuersim desumi præcisè à materia, nec differentia præcisè à forma.

Neque in substantiis materialibus genus semper potest desumi præcisè à materia, & differentia à forma.

Genus & differentia desumuntur à tota natura, aliter & aliter spectata.

#### EX CAP. VI.

**Art. 1.** **P**ROPRIVM à Porphyrio definiri solet, id quod omni, semper, & soli speciei cōuenit, & cum ea reciprocatur. Potest etiam definiri, ut est quantum vniuersale, quod inest multis, seu prædicatur de multis accidentario, necessario & per se.

Contra primam definitionem ne arguas in ea non debere fieri mentionem speciei, cum Porphyrius, quando eam insinuat, speciei non meminerit. Id enim ex mente illius debet subintelligi, quia in aliis proprij acceptionibus species exprimitur.

Nec 2. arguas, malò in dicta definitione nomine speciei speciem infimam intelligi, cum & subalterna, & ipsa quoque summa genera sua habeant propria, hac enim definitione Porphyrius voluit tantum definire proprium strictè, & maximè proprio sumptum, quale non est nisi proprium specificum.

Contra posteriorem ne dicas, multa accidentia communia esse naturaliter inseparabilia à subiectis suis, vnde sequitur proprium non bene distingui ab accidente communi, quatenus dicitur multis com-

petere necessario & per se: consequentia enim ista nullius est roboris. quia illud dicitur tantum alicui competere necessario, & per se, quod fluit ab illius essentia: at accidens proprium fluit à subiecti sui essentia, commune verò ex alia causa oritur.

Accidens rectè à Porphyrio definitur, quod adest, & abest sine subiecti interitu.

Art. 2.

Subiectum accidentium, & proprietatum duobus modis potest spectari. 1. quoad existentiam. 2. quoad essentiam. Illud autem est discrimen inter accidens & proprium, quod accidens possit subiectum immutari & corrumpere, quoad existentiam, non quoad essentiam, proprium vero sine corruptione essentiae abesse non possit.

Iterum definitur accidens à Porphyrio, quod neque est genus, neque differentia, nec species, nec proprium, semper autem in subiecto inhaeret. Nonnulli eam definitionem improbant, eo quod sit negativa; sed cum per negationem describatur Deus, & materia prima, non incongruè accidens, cum sit vitiosum inter predicabilia, per negationem definitur, maxime cum de quibus negatur, sint iam explicata, quod ratione facili omnes partes definitionis intelligantur. Accedit quod non est totaliter negativa, cum addantur illa verba, semper autem in subiecto inhaeret.

EX CAP. I. LIB. II.

**E**NS sumitur participaliter & nominaliter. Priori modo significat rem actu existentem. Posteriori essentiam

Art. 1.

rei vel actû , vel potentia existentis, & hoc modo sumitur, cum dicitur esse obiectum Metaphysicæ.

Ens non potest propriè definiri , eius tamen ratio potest utcumque explicari per aliquam descriptionem. qualis est , quod, si sit participialiter sumptum , ratio illius formalis consistit in eo ut sit aliquid actû existens; si verò nominaliter, in eo , quod sit habens essentiam potentem realiter existere, siue actû existat, siue non.

*Art. 2.* Ens sumptum participialiter, seu ut dicit actûalem existentiam , non prædicatur essentialiter de vlla creatura. \*

Ens sumptum nominaliter , seu ut dicit essentiam realem , prædicatur essentialiter de suis inferioribus.

Ens dicitur essentialiter de omnibus modis realibus, & ab intellectu minimè confictis.

Nec refert quòd modus vocari solet entis modus. non enim est sensus modum non esse verum ens ; sed tantum modificare ens ; nequit autem quod nihil est, aliquid modificare.

Ens prædicatur essentialiter de omnibus essentis rerum.

*Art. 3.* Duplex est conceptus. Obiectivus & formalis. Uterque potest esse dupliciter unus, nempe re , aut ratione : & dupliciter præcisus, nempe re etiam & ratione.

Formalis conceptus entis est realiter & ratione unus , & præcisus à conceptibus formalibus inferiorum entis.

Datur vni.a ratio obiectiva entis respondens conceptui illius formali.

Conceptus entis obiectivus est ratione

precibus à conceptibus obiectiuis rerum inferiorum.

Ens non est æquiuocum respectu Dei, & creaturatum. Art. 4.

Absolutè probabilius videtur ens non esse uniuocum respectu Dei & creaturatum, & quamuis ea de re grauis sit inter Philosophos controuersia, aliis cum Scotto idem nobiscum sentientibus, aliis cum Diuo Thoma id negantibus, questio magis ad voces quam ad rem ipsam videtur spectare. Si enim constet quid per terminum uniuocum debeat intelligi, statim quid de proposita difficultate tenendum sit, concludetur.

Ens est analogum respectu Dei & creaturatum. Hæc autem analogia potest dici inæqualitatis, vel etiam attributionis, quæ à præcedenti seipsa non differt in hac questione. A nonnullis dicitur analogia proportionalitatis; sed non propriè sumpta.

Ens sub respectu substantiæ, & accidentis non est æquiuocum, nec uniuocum, sed analogum.

Ens se habet æquiuocè respectu entis realis, & entis rationis.

# EXCAP. II.

**E**NS derivatur ab esse, prout significat Art. 1.  
 nudam rationem essendi in abstracto:  
 vulgo tamen apud Philosophos significat rationem primam, quæ res in tali specie, vel gradu entis constituitur, & ab aliis distinguitur, quæque est radix reliquorum.

Periculosum est, & sine fundamento, affirmare essentiam habere proprium quoddam esse actuale, seclufa existentia, quod supponit æternitatem essentiarum.

independenter à Deo : & quamvis ut hoc incommodum caueatur , nonnulli dicant esse illud essentia , à Deo pendere ut à causa exemplari , gratis hoc dicitur , quia res non dependent ab intellectu diuino , nisi adiuncta voluntate , & omnipotentia , per quam ad extra operatur , quia alias rerum essentia essent actu dependentes à Deo sine dependentia ab illius voluntate , iamque Deus ex necessitate naturæ tribueret esse quidditatum rerum essentiis quod est absurdum :

*Art. 2.* Existencia creaturarum non distinguitur realiter ab earum essentia : si enim essentia ab existencia realiter distingueretur , possent illæ diuinitus separatim existere & conservari , adeoque essentia hominis conservari sine existencia illius , & vice versa , quod est absurdum & impossibile.

Existencia in creatis aliquo modo distinguitur per rationem , ab essentia . Distinctio autem illa rationis se habet ex parte conceptus formalis , non verò ex parte conceptus obiectiui .

*Art. 3.* Gradus essentiales naturæ alicuius inter se non distinguuntur realiter , si enim ita distinguerentur , possent à se inuicem saltem diuinitus separari , & separatim existere , quod fieri nequit , quia repugnat quod homo non sit animal , quod animal non sit viuens , non sit corpus &c.

Admitrenda est quædam distinctio rationis inter gradus Metaphysicos , hæcque sufficit ad saluanda quaecumque de eorum distinctione asserri solent.

*Art. 4.* Differentia indiuidnalis non addit naturæ communi solam negationem ; sed præ-



terea aliquid positivum, per quod res constituitur singularis.

Differentia individualis non est collectio accidentium, quæ in alio non sint.

Differentia individualis non est repetenda à causa productiva individui, nec consistit præcisè in existentia rei singularis.

Differentia substantiæ non est subsistentia, neque accidentium inherencia.

Substantia materialis non individuatur formaliter per quantitatem, nec per materiam signatam, seu stantem sub certis dimensionibus quantitatis.

Nec materia, nec compositum individuatur per formam.

Accidens non individuatur per subiectum cui inhaeret.

Principium formale, & proximum individuationis in re qualibet singulari, est differentia positiva illi intrinseca, per quam species contrahitur ad tale individuum, vocaturque generatim hæcceitas, & speciatim petreitas, pauleitas, &c.

EX CAP. III.

**S**VNT admittendæ quædam proprietates, seu passionēs entis, quæ non sunt entitates reales ab ipso ente distinctæ, sed formaliter consistunt in negatione aliqua, aut relatione rationis, quod etsi non sufficiat ad rationem proprietatis, sufficit tamen ad rationem passionis latiori modo sumptæ. Art. 1.

Ens non potest quidem exactè definiti; potest tamen aliquo modo describi, & per illius descriptionem possunt illius proprietates demonstrari.

Proprietates entis non dicunt aliquas

formalitates positivas, & realiter ex natura rei ab ente distinctas, eique superadditas.

Nec obstat quod vnum, verum, bonum proprietates entis, dicunt aliquam entitatem realem: possunt enim hæ passionēs tripliciter considerari. 1. fundamentaliter. 2. in concreto. 3. formaliter, ut passionēs enti superadditæ, quæ ratione nihil positivum includunt.

Proprietates entis non dicunt intrinsecè ipsum ens, & aliquid ei superadditum; sed formaliter spectatæ, nihil aliud dicunt, quàm ipsam negationem, aut relationem rationis enti superadditam.

*Art. 2.* Unitas non dicit aliquid positivum, sed tantum negationem divisionis.

Unitas aliquo sensu dicit priuationem, simpliciter tamen in negatione constituta est.

Divisio & multitudo, sunt forma negata per unitatem.

Prius est quod res sit constituta in se una, & indivisa, quàm quod compareretur cum aliis.

*Art. 3.* Veritas Entis consistit in conformitate illius cum intellectu.

Enti per se competit veritas fundamentalis, non tamen illa, quæ ab omnibus ut quædam passio entis constituitur.

Veritas entis dicit respectum ad intellectum in communi, siue sit creatus, siue increatus.

Ex hypothese quod nullus esset intellectus, res quæ existeret, vera esset materialiter, non formaliter.

Triplex est veritas. Transcendentalis, ægni, & cognitionis.

Falsitas non potest cadere in apprehensionem incomplexam, quia concipitur aliquis terminus simplex.

Ut res dicatur falsa, ea debet esse causa vel occasio falsitatis intellectus.

Falsitas non est passio entis transcendentalis.

Triplex potest assignari bonitas, nempe, *Moralis, Physica, & Metaphysica seu transcendentalis.* A7.4.

Bonitas Metaphysica seu transcendens, rebus omnibus convenit.

Bonitas transcendentalis entis, ut est passio illius, est intelligenda per ordinem ad aliud.

Passio entis debet esse aliquid superadditum enti, adeoque non debet esse aliquid reale. Nec inde colligi potest ens non esse bonum; nisi per operationem intellectus; sed tantum bonitatem quæ est passio superaddita enti, non illi competere, nisi per operationem intellectus.

Nil vetat quin convenientia cum voluntate, seu appetibilitas, sit passio entis æque primò, ac convenientia cum rebus aliis.

Tot modis potest dici malum, ut oppositum bonitati transcendentali, quod modis dicitur bonum ei oppositum.

Malignitas non potest in rebus reperiri, quatenus dicit defectum perfectionis essentialis, potest tamen, quatenus alios defectus includit. EX CAP. IV.

**P**ER distinctionem realem intelligitur, distinctio quæ reperitur inter duas res, A7. I.  
vel entitates, quarum una à parte rei, & nemine cogitante, non est alia.  
Distinctio realis etiam propriè sit tantum

inter res positivas, à nonnullis tamen extenditur ad omnem distinctionem, quæ non oritur ex operatione intellectus.

Res vna positiva distinguitur ab alia realiter per propriam entitatem.

Certum distinctionis realis inter res aliquas signum est, 1. quando duæ res possunt à se inuicem separari, & separatæ in diuersis locis existere.

2. Eæ res distinguuntur inter se, quæ ita se habent inuicem, vt vna sit produciens respectu alterius, vnica scilicet productione naturali, & alia producta.

3. Perspicuum est ea realiter inter se distingui, quorum alterum altero corrupto existere potest.

Distinctio rei à modo dici potest realis.

*Art. 2.* Distinctio rationis illa est quæ fit per mentem nostram, cum ea distinguit quæ à parte rei sunt vnum. Duplex est. Rationis ratiocinantis, & rationis ratiocinatæ.

Nonnulli docent per distinctionem rationis ratiocinantis eam posse intelligi, quæ consistit in vario modo rem eandem concipiendi, quoad explicitum & implicitum, quatenus eadem res concipitur duplici conceptu, quorum alter altero est clarior. Communiter tamen per hanc distinctionem ea intelligitur, quæ fingitur à nostro intellectu sine vlllo fundamento ex parte rei.

Verum acceptio ista, etsi sit communis, omnino voluntaria, & inutilis apparet.

Per distinctionem rationis ratiocinatæ ea intelligitur, quæ fit ab intellectu cum fundamento in re, ita scilicet vt eadem res conceptibus inadequatis concipiat, quibus veluti in varias partes dissectetur.

Probabilius est non tantum conceptus formales; sed etiam obiectivos distingui.

Distinctio aliqua potest dici formalis variis modis. 1. quatenus formale idem est ac essentialiale. 2. quatenus fundatur in formis realiter distinctis. 3. ita ut illa distinctio repetitur inter quasdam formalitates, actu quidem & à parte rei, seu ante omnem intellectus cogitationem, non tamen proprie realiter distinctas. Art. 1.

Præter distinctionem realem propriam, quæ est inter rem & rem, vel inter rem & modum, admittitur à Scotistis distinctio aliqua veluti inter illas media, quæ nec fit per rationem, nec tantum virtualis; sed actualis & à parte rei, nec tamen fit propriè realis; sed tantum formalis, ut pote consistens in duabus formalitatibus actu distinctis, quæ sunt unum ens & una res. Opposita tamen sententia, quæ ista media non admittit, ut est longè communior, ita & videtur probabilior.

EX CAP. V.

**C**AUSA vulgo definitur à quo aliud per se accipit esse. Art. 1.

Causa constituitur causa in actu primo, per potentiam communicandi esse effectui.

Causa constituitur causa in actu secundo, per actuale influxum in effectum, quo illi esse communicat.

Quatuor assignantur causarum genera, nempe materialis, formalis, efficiens, & finalis quæ sunt admirandæ, & quarum duæ priores sunt intrinsecæ composito Physico, duæ verò posteriores extrinsecæ. Art. 2.

Est distinctio formalis, seu essentialis in- Art. 3.

ter omnes causas in ratione causandi.

Non tamen repugnat quod eadem res possit plures ex his causalitatibus exercere.

Quoad ordinem causandi, prima est causa finalis, secunda efficiens, tertia materialis, & ultima formalis.

Quoad ordinem dignitatis, prima est causa efficiens, secunda materialis, tertia formalis, quarta finalis.

Causæ prædictæ sub aliis respectibus possunt considerari, sicque inter earum causalitates alius ordo dignitatis à nonnullis constituitur, quod satis congruum videtur.

Causas sibi esse mutuo causas affirmat Aristoteles.

*Art. 4.* Inter causam, & effectum potest poni similitudo naturæ, prioritas naturæ, & prioritas temporis, iuxta varios modos quibus spectari, & inter se conferri possunt.

Omnis causa, formaliter ut causa, est nobilior suo effectui ut effectus est.

Finis interdum est nobilior effectui suo, interdum ignobilior.

Causa efficiens principalis interdum est nobilior effectui, interdum æquè nobilis.

Materia collata cum forma materiali, quæ est effectus illius, est vno respectu ea nobilior, & alio ignobilior.

Eadem causa potest diversos effectus habere, nec non & oppositos.

*Art. 5.* Non potest naturaliter idem effectus, simul produci à pluribus causis totalibus; supernaturaliter vero potest.

Idem effectus à pluribus causis diuisim, & secundum se non potest produci naturaliter.

Nihil

Nihil repugnat quibus effectus ab una causa productus, ab alia supernaturaliter produci poterit.

EXCAP. VI.

**C**AUSA efficiens definitur ab Aristotele, id unde mutationis, aut quietis primum est principium, qualis causa est is qui consultat, & Pater filii, & uno verbo id quod efficit, eius quod fit, & quod immutat, eius quod immutatur. Art. 1.

Verum clarius definitur potest, id à quo, tanquam à primo principio, est motus, aut quies.

Causa efficiens diuiditur præcipuè 1. in causam primam & secundam. 2. in causam per se & per accidens. 3. in Physicam & Moralem. 4. in uniuocam & æquiuocam. 5. in uniuersalem & particularem. 6. in principalem & instrumentalem.

Causalitas causæ efficientis in actu primo, est potentia agendi; in actu verò secundo est actio, quæ talis effectus producit.

Causæ creatæ aliquid verè operantur, & Art. 2.  
oppositum sine manifesto errore sustineri non potest.

Agentia creata non operantur per accidentia, tanquam per causas principales, quando producunt aliquam substantiam, nec immediatè operantur per proprias formas substantiales, quando substantiam aliquam producant; sed tantum per accidentia ipsis ad agendum concessa. Interdum tamen per proprias formas substantiales, influunt immediatè ad productionem accidentium, interdum verò mediatè.

Metaph.

X

*Art. 3.* Deus concurret immediate, concursu simultaneo ad singulas operationes rerum creaturarum.

Deus non præmouet causas naturales ad agendum, influxu quodam reali, & Physico, in illis recepto.

*Art. 4.* Non est recurrendum ad causam primam, ut reddatur ratio, quare causæ secundæ habeant potius effectum vnius speciei quam alterius. Neque etiam quoad hoc ad Deum recurrendum.

Quod talis actus in individuo fiat potius, quam alius, id ex variis circumstantiis receptendum est.

#### EX CAP. VII.

*Art. 1.* **S**TRICTE loquendo finis non videtur dicendus causa Physica & realis. Non propterea tamen recedendum à communi sententia, quæ finem ponit inter causas veras & reales.

Finis causat secundum esse reale.

Duplex assignari potest finis causalitas. Alia in actu primo; alia in actu secundo.

Actualis causalitas finis non est quid realiter distinctum ab actione agentis, quæ sit propter ipsum.

*Art. 2.* Omnis causa alteri, ut principali subordinata, potest dici aliquo modo instrumentalis. Sumitur tamen magis propriè instrumentum pro causa alteri subordinata in genere causæ efficientis.

Non est de ratione instrumenti, ut non moueat nisi motum à causa principali, per aliquid reale in eo receptum.

Instrumentum non debet necessariò habere aliquam operationem propriam, antecedenter ad eam quam elicit virtute causæ principalis,



Nomine Exemplaris, seu Idæi vulgo intelligitur forma illa intellectualis, alicuius similitudinem agens per intellectum intendit producere aliquem effectum externum.

Exemplar, seu Idea communiter definiatur, forma, quam effectus imitatur ex intentione agentis intellectualis.

Duplex admittenda est Idea. Alia formalis, alia obiectiva.

Exemplar non est obiectum ipsum quod faciendum est, sed aliud ad cuius imitationem fieri debet.

Exemplar videtur reducendum ad causam efficientem.

Per casum intelligitur effectus aliquis insolitus ex causa naturali, præter illius inclinationem ortus.

Effectus casualis reperitur in rebus, respectu causarum creaturarum, non autem respectu Dei.

Per fortunam intelligitur effectus raro contingens præter intentionem agentis.

Art. 4.

Effectus fortuiti licet sic dicantur respectu causarum secundarum, non tamen respectu Dei.

Reiicitur opinio quæ ab antiquis Philosophis nomine fati intelligitur causa aliqua casui, & fortunæ omnino opposita, quæ scilicet res omnes fiant ex absoluta determinatione, & necessitate. Et in eo sensu fatum reiiciendum est, admittendam vero si sumatur pro dispositione in rebus creatis, à Deo posita, qua sit ut cause naturales effectus suos naturaliter, & necessario, causæ verò contingentes & libere, effectus suos contingenter & libe-

te, infallibiliter tamen operentur.

# EX CAP. VIII.

**Art. 1.** **C**VM Metaphysica agat per se de ente reali, ad eam quoque spectat agere de ente rationis.

Nomine entis rationis non intelligitur aliquid realiter existens, in ratione seu intellectu, nec aliquid ab intellectu productum, sed aliquid quod existit tantum obiective in intellectu.

Datur ens rationis in ultimo sensu prædicto.

Eus rationis omnino pendet ab operatione intellectus, ita ut neque quoad essentiam, neque quoad existentiam, sit independenter ab intellectu.

Eus rationis non est in rebus extra intellectum, sed tantum in intellectu.

Eus rationis est obiectum ab intellectu effectum; seu non ens conceptum ab intellectu, per modum entis.

**Art. 2.** Appetens non potest facere ens rationis, quamvis latè sumptum pro ente ficto, & distincto ab ente reali.

Nullus sensus siue externus, siue internus potest efficere ens rationis.

Solus intellectus efficit ens rationis modo prædicto acceptum.

Eus rationis dupliciter potest ab intellectu cognosci. 1. per cognitionem directam. 2. per cognitionem reflexam: non fit tamen propriè per hanc posteriorem cognitionem.

Per tres vulgares mentis operationes possunt fabricari entia rationis; affirmatiuè scilicet, vel negatiuè.

Non potest fabricari ens rationis ab intellectu diuino, si proprie vult velimus.

Angelus non potest fingere entia rationis quoad res naturales, quarum claram, & perfectam habet notitiam; potest tamen quoad res supernaturales.

ART. 3.

Ens rationis primò diuini solet in fundatum, & non fundatum. 2. in ens rationis primæ & secundæ intentionis. 3. & nonnullis diuiditur in relationem (quæ intelligitur respectus quidam rationis per mentem alicui rei affictus, respectu termini, ad quem à parte rei nullo modo refertur) priuationem & negationem, quæ duobus modis accipi possunt. 1. vt sunt mera priuatio, & negatio alicuius formæ. 2. vt concipiuntur ab intellectu per modum alicuius formæ positivæ, quo sensu dicuntur entia rationis.

Denominationes extrinsecæ à nonnullis inter entia rationis constituuntur, & reducantur ad relationem rationis, sed male.

# EXCAP. I. LIB. III.

COMMVNIS sententia est quidditatem substantiæ in eo consistere quod sit ens per se existens.

ART. I.

Esse, seu existere per se non est aliquid entitati substantiæ superadditum.

Nec dicas esse in alio, esse modum superadditum accidenti, & idcirco esse per se, esse modum superadditum substantiæ: Non enim sequitur, quia cum ex fide constet accidens posse actu separari à subiecto, hinc manifestum est, esse in alio, esse modum quendam distinctum ab entitate accidentis, at verò cum non constet substan-

nam posse esse in alio ut in subiecto inher-  
 sionis, hinc merito concluditur modum es-  
 sendi per se non distingui à substantia.

*Art. 2.*

Negari non potest quin natura substan-  
 tialis exigit ex se propriam subsistentiam,  
 per quam dicatur ens subsistens.

Subsistentia est modus quidam positivus  
 nature superadditus, & ab ea distinctus.

Subsistentia creata dupliciter se habet  
 erga naturam, quam afficit; eam enim mo-  
 dificat, & ultimo terminat, reddendo in-  
 communicabilem alteri suppositio: cum  
 autem prior ille modus intrinsecè dicat  
 imperfectionem, à verbo non potest sup-  
 pleri; secundus verò eum nullam imper-  
 fectionem inuoluat, à Verbo suppleri po-  
 test, sicque non opus est ut subsistentia  
 creata magis quam modaliter distingua-  
 tur à natura; contra arguentes eo quòd  
 Verbum non possit supplere defectum mo-  
 ni, cum hoc dicat imperfectionem, subsi-  
 stentiam non esse modum; sed potius rea-  
 litatem distinctam à natura.

*Art. 3.*

Materia habet propriam subsistentiam  
 partialem.

Probabilius videtur etiam formam ha-  
 bere propriam subsistentiam partialem.

Non est ponenda in toto subsistentia ali-  
 qua simplex, distincta à subsistentiis partia-  
 libus materie & forme.

*Art. 4.*

Subsistentia emanat immediatè ab ipsa  
 substantia & natura, cum qua suppositum  
 constituit.

Dux actiones requiruntur ad productio-  
 nem suppositi, quarum alia producatur na-  
 tura ab agente, alia subsistentia à natura.

Causa materialis subsistentiæ non alia est

quàm natura quam afficit, & cuius est modus.

Effectus formalis subsistentiæ non est facere naturam per se existentem, nec eam reducere potentem operari; sed eam constituere ultimò completam, ut sit omnino perfecta & terminata, quoad suum esse substantiale. Et hic est effectus formalis, primarius, & positivus subsistentiæ; unde sequitur alius effectus formalis negativus, nempe reddere naturam incommunicabilem alteri supposito.

Subsistentia distinguitur modaliter ab existentia. *Art. 7.*

Is ordo constituendus est inter existentiam & subsistentiam, ut existentia prius competat naturæ, quàm subsistentia sit ultima perfectio naturæ adueniens.

Subsistentia, hypostasis, personalitas & suppositum, parum inter se differunt.

Actiones dicuntur esse suppositorum denominatione, non vero effectivè, seu elicitive.

EX. CAP. II.

**A**CCIDENS sumi potest Logicè & *Art. I.*  
Metaphysicè. Priori modo completitur, quicquid est extraneum alicui, etiamsi in se sit substantia. Posteriori vero dicitur tantum de accidentibus, quatenus sunt etia quedam realiter à substantia condistincta.

Accidens posteriori modo sumptum definitur, ens in alio, seu ens inherens alteri.

Duobus modis concipi potest accidentis essentia consistere in inherencia: 1. aptitudinaliter, 2. actualiter.

Non est de essentia accidentis quod alicui inhaereat subiecto: inherencia autem

aptitudinalis est de eius essentia.

*Art. 2.* Negari non potest, quin actualis inherencia addat aliquid reale supra entitatem accidentis.

Inherencia distinguitur tantum minori realitate; seu modaliter ab accidente, & nihil est aliud quam modus unionis, quo accidens inexistit subiecto; sicut subsistentia est modus, quo natura ultimò completur in se, & terminatur.

*Art. 3.* Accidens potest conservari extra subiectum sine modo existendi positivo.

Divisio accidentis in accidentia categorica, non est ita immediata, quin potuerint aliæ tradi magis immediatæ in membra pauciora, quæ vltèrius in novem accidentia prædicamentalia subdividerentur: divisio tamen accidentis in novem accidentium categorias est commodior, & doctrinæ causa retinenda; non est tamen accidentis strictè sumpti.

*Art. 4.* Accidens intota prædicamentorum amplitudine non est uniuocum. Potest tamen dici respectu quantitatis & qualitatis.

Formæ omnes accidentales educuntur è subiecto in quo recipiuntur. Et hæc assertio procedit non modò de productione caloris, frigoris, aliarumque qualitatum, siue primarum, siue secundarum, quæ Physicæ, & reales appellantur; sed etiam de productione specierum intentionalium, nec non, & de formis artefactorum.

### EX CAP. III.

*Art. I.* **Q**UALITAS ab Aristotele describitur, id à quo denominatur quales. Nomen autem qualitatis valde im-

proprie tribuitur accidentibus aliorum prædictamentorum.

Quidam, ut illius essentia distinctius exprimeretur, illam sic definiunt: qualitas est accidens absolutum; per se primo institutum ad intrinsecè ornandam, & perficiendam substantiam, tum in existendo, tum in agendo.

Alij sic: Qualitas est accidens absolutum à quantitate distinctum.

Alij sic: Qualitas est accidens entitativum, subiectum ad modum substantialis formæ determinans.

Alij sic: Qualitas est accidens proveniens à forma in esse quieto.

Duobus modis concipi potest qualitatem aliquam esse difficile, aut facile mobilem à subiecto. 1. ex natura sua. 2. ex conditione subiecti in quo reperitur. Art. 2.

Habitus ex natura sua difficile mobilis à subiecto, specie distinguitur à dispositione, quæ ex natura sua à subiecto facile amoveri potest.

Habitus ex sola conditione subiecti, difficile mobilis, non differt specie à dispositione, quæ ex natura sua à subiecto facile auelli potest. Art. 3.

Potentia naturalis, & impotentia specie distinguuntur ab habitu, & dispositione.

Impotentia sumpta pro forma positiva potentie opposita, quæ aliquid egre operari, aut resistere potest, specie à potentia distinguitur.

Duplex agnari potest potentia. Alia Activa: Alia Passiva. Potentia activa duplex est, alia naturalis, alia supernaturalis seu obedientialis. Art. 4.

Potentia passiva etiam dividitur in naturalem & supernaturalem, seu obedientialem.

Probabilius videtur non esse ponendam potentiam obedientialem generatim ad quoscumque effectus, sed tantum cum quadam restrictione & limitatione.

Potentia obedientialis activa non spectat ad categoriam qualitatibus.

*Art. 5.*

Cum duplex assignetur qualitas, scilicet secundum rem, & simul secundum modum: & secundum rem duntaxat, non autem secundum modum, passio ex Aristotele, non est qualitas prioris generis, sed posterioris.

Qualitates duobus modis possunt agere in sensum: 1. realiter in eo producendo qualitates similes, 2. intentionaliter per emissionem specierum intentionalium, & hoc sensu posteriori colores ex Aristotele possunt dici qualitates patibiles, non priorii.

Patibilis qualitas, & passio non distinguuntur inter se specie.

*Art. 6.*

Ij magis accedunt ad mentem Aristotelis qui docent primò formam, & figuram non pro eodem sumi. 2. figuram habere locum tantum in Mathematicis, formam verò in reliquis.

Forma & figura non distinguuntur inter se specie.

*Art. 7.*

Densum dicitur, cuius partes sibi inuicem propinquæ sunt. Rarum autem, cuius partes à se inuicem distant.

Læne est illud, cuius partes in rectum quodammodo positæ sunt. Asperum verò, cuius pars alia eminet, alia superatur.



Rarum & densum asperum, & læve sunt qualitates, quorum illa ad tertiam, ista vero ad quartam speciem qualitatis videntur pertinere.

EX CAP. IV.

**Q**UÆCUNQUE relativè opponuntur, id ipsum quod sunt, oppositorum dicitur. *Art. 1.*

Contraria dicuntur, quorum alterum necesse est in iis inesse, in quibus natura comparatum est ut insint; atque inter hæc contraria non datur medium. Sunt tamen contraria aliqua quorum non est necesse alterum in iis inesse, & in iis datur medium.

Quædam media nomine proprio explicantur, quædam nonnulli per negationem utriusque extremi.

Privatio & habitus circa idē aliquid sunt.

Ut aliquid dicatur privatum habitu, duo requiruntur. 1. ut subiectum sit capax habitus. 2. ut non habeat habitum, quando ē natura habere debet.

Privantia distinguuntur à relativis, nec non à contrariis, siue immediatis, siue mediatis.

Contradictoriè opposita illud maximè proprium habent, quod alterum eorum de quacunque re, siue existente, siue non existente dicitur.

Oppositum non predicatur de quatuor oppositis supradictis æquivoce, nec univoce, sed tantum analogicè secundum magis & minus. *Art. 2.*

Divisio prædicta oppositorum est adæquata.

Oppositio interdum latè sumitur pro quacunque repugnantia inter se conue-

niendi, quomodo complectitur disparatæ substantiarum completarum, quas reputat eidem competere; propria vero sumitur pro repugnantia, cum certo termino, ut patet in quatuor membris propositis: Et inde sequitur disparata non esse reponenda inter opposita.

*Art. 3.* Res semel corrupta non potest eadem numero viribus naturæ restitui.

Res corrupta permanens potest eadem numero restitui per potentiam Dei absolutam.

Etsi probabilis sit communis sententia, quæ statuit res successivas, quæ defierunt, non posse easdem numero diuinitus restaurari, id tamen non caret difficultate.

*Art. 4.* Quinque assignantur proprietates contrariorum. Prima est: Quicquid bono contrariatur, est malum. 2. Si vnum contrarium est in rerum natura, non est necesse existere alterum. 3. Contraria non possunt esse simul in eodem subiecto. 4. Contraria versantur circa idem genere, aut specie subiectum. 5. Contraria vel sunt in eodem genere, vel in diuersis generibus.

#### E X C A P. V.

*Art. 1.* **Q**UIDAM habitus admittendi sunt. Habitus est qualitas de se permanens & stabilis, quæ potentia tribuit facilitatem agendi.

*Art. 2.* Habitus sunt in intellectu & voluntate. Appetitus sensitivus est capax habitus, saltem in homine.

Habitus communiter ponitur in sensibus hominis internis, non tamen in externis, neque in facultatibus animæ vegetatiuæ.

Negari non potest quin manus, & pedes

longo viſu acquirant magis faci-  
le mouendi localiter. Neque etiam  
potest quin mutatio in illa fiat ali-  
quam entitatem poſitiuam et us rece-  
ptam.

Habitus poſſunt produci in brutis.

In rebus inanimatis, & pure corporeis  
non ſunt habitus.

Actus noſtri concurrunt aliquo modo ad  
productionem eorum habituum qui à nobis Art. 1.  
acquiruntur.

Actus concurrunt effectiue, ſeu in gene-  
re cauſe efficientis ad productionem habi-  
tus.

Per quemlibet actum habitus producti-  
uum aliquid habitus producit.

Interdum potest produci habitus perfe-  
ctus per vnicum actum, vt plurimum ta-  
men multi actus requiruntur ad productio-  
nem perfecti habitus

Duplicari non potest quin habitus augea-  
tur per actus intenſiores. Art. 4.

Probabile est habitum poſſe augeri per  
actus æque, aut minus intenſos.

Habitus dupliciter augeri poſſet: inten-  
ſiue & extenſiue.

Extenſio habitus ſcientiæ ad nouas con-  
cluſiones, fit per additionem aliorum, &  
aliorum habituum partialium, qui ſimul  
cum præcedenti faciunt vnũ habitum  
ſcientiæ per aggregationem, & vnitatem  
ordinis.

Extenſio habituum moralium, non fit per  
additionem habituum partialium ſpecie à  
prioribus diſtinctorum.

Non eſt dubium quin omnes habitus  
corrumpantur, quando deſtruitur ſubiec-

tum, cui inhaerent proximè, & per actus & habitus contrarios: Non destruuntur autem per solam actuum cessationem.

**Art. 5.** Habitus non se habet tantum dispositivè, seu passivè per modum subiecti ad modum recipiendum.

Negari non potest quin habitus aliquo modo concurrat ad agendum: Concurrit autem effectivè.

Habitus acquisitus non modò tribuit facilitatem, & promptitudinem potentiae ad agendum; sed etiam effectivè, & realiter concurrat ad ipsam substantiam, seu entitatem actus.

**Art. 6.** Habitus variis modis dividi solent. 1. in infusos & acquisitos. 2. in speculativos & practicos. 3. in virtutes & non virtutes. 4. in morales & intellectuales.

Quinque vulgò assignantur habitus intellectuales. Nempe intellectus, scientia, sapientia, prudentia & ars. Hæc autem divisio est adequata, si agatur de habitibus, quibus per se intellectus perficitur.

Habitus intellectui à nonnullis non distinguuntur à speciebus intelligibilibus, quod datum videtur.

Nomine intellectus intelligitur habitus à potentia intellectiva realiter distinctus, & per varios actus acquisitus.

Nomine scientiæ propriè intelligitur habitus per veram demonstrationem generatus.

Nomine scientiæ potest significari, vel congeries plurimarum, aut omnium scientiarum in vno homine, vel excellentia cuiuslibet scientiæ aut artis, vel maximè propriè scientia omnium excellentissima, scilicet, Theologia.

Nomine prudentiæ intelligitur habitus cum vera ratione actius circa ea quæ homini bona vel mala sunt.

Ars est habitus cum vera ratione effectius.

Duobus modis habitus aliquis potest dici Moralís. 1. quia est elicitus actus moralis & liberi. 2. quia actus moralis fit ex voluntatis præscripto seu directione.

EX CAP. IV.

**A**CCIDENTIA sunt duplicis generis: quædam enim ita inhaerent subiecto, ut non dicant ordinem ad aliud subiectum, simili, vel diuerso accidente informatum. Alia vero ita subiectum afficiunt, ut simul dicant ordinem ad aliud subiectum; simili, vel diuerso accidente instructum. Accidentia autem prioris generis dicuntur absoluta, posterioris vero relativa.

Art. I.

Commune est omnibus accidentibus dicere in: Relatio vero non modo dicitur, sed & ad; quod non est ita intelligendum, ut relatio quatenus accidens dicat in, & quatenus tale accidens non dicat in sed ad; sed ita ut relatio ut accidens: & ut tale accidens inhaereat subiecto, sicque utroque modo dicat in, id tamen non impediat quin relatio, ut relatio, dicat ad.

Distinguuntur in relatis: Relatio, relationum, correlatum, subiectum, extremum, fundamentum, ratio fundandi, & terminus.

Probabilius videtur non debere admitti distinctionem realem, inter relationem & fundamentum.

*Art. 2.* Relatio identitatis fundatur immediatè in substantia.

Relatio potest esse subiectum relationis.

Potest poni in Deo relatio realis in tempore, respectu creaturarum.

*Art. 3.* Certum est relationem transcendentalem non exigere necessariò terminum realiter existentem. Negati tamen non potest, quin aliqua relata transcendentalia illam exigant.

Relatio tamen prædicamentalis ex natura sui requirit terminum actu existentem.

Necessaria est distinctio realis inter fundamentum, & terminum relationis.

Diuersæ sunt relationes, quando termini diuersimodè respiciuntur.

Multiplicandæ sunt relationes iuxta varietatem terminorum, si illi non sint inter se connexi, aut subordinati.

*Art. 4.* In relatis non mutuis, & mutuis relatio terminatur ab absolutum, non ad respectuum. Si quidem omnino per accidens est ad relationem terminandi, quoad terminus sit correlatiuus, seu quod fundet relationem ad relatum, à quo respicitur.

#### EX CAP. VII.

*Art. 1.* **A**CTIO vulgò definitur actus agentis, ut agens est, Passio autem, actus patientis ut patiens est.

Actio, & passio non sunt duæ entitates realiter inter se distinctæ; sed vnica sub diuersis foemalitatibus concepta. Et non distinguuntur realiter à motu, sed tantùm ratione.

Actio est quid distinctum ab agente secundum se spectato, & ab effectu qui per illam producitur.

Actio

Actio transiens non est subiectivè in agente, sed in patiente.

In dubio an agens debeat esse proxime coniunctum subiecto in quod agit, vel immediate tam suppositi quam virtutis; vel saltem immediate virtutis, responderetur alteram ex his præsentis in causis ordinis naturalis, spectata vi naturæ, imò & absolutè necessariam esse. Art. 2i

Agens naturale non potest naturaliter agere in distans, non agendo per medium; potest tamen supernaturaliter.

Aliquid potest duobus modis intelligi agere in seipsum, nempe vel actione uniuoca, vel æquivoca. Art. 3i

Idem non potest agere in seipsum actione uniuoca; potest tamen actione æquivoca.

Ea dicuntur similia quæ conveniunt in una qualitate eiusdem speciei, ut in calore aut frigore. Ea verò dicuntur perfectè similia, quæ æquè intensè qualitatem illam participant, ut si ambo habeant quatuor gradus caloris, aut frigoris. Art. 4i

Simile non potest per se loquendo, & cæteris paribus, agere in sibi perfectè simile. Neque etiam cæteris imparibus, simile potest agere in simile.

Actio semper fit à proportionem maioris inæqualitatis, adeò ut virtus agentis excedat resistentiam passi. Art. 5i

Non omnis agens agendo repatitur, nec omnis patients patiundo reagit, tamen extra casus aliquos datur mutua reactio, & repassio inter agens, & patients.

EX CAP. VIII.

**NOMEN** alterationis tribus modis summi potest. I. generatim pro quacumque. Art. 2i  
Metaph. Y

que mutatione accidentali, 2. minus latè pro mutatione ad qualitatem. 3. strictius & magis Philosophicè sumitur pro motu à qualitate Physica, ad qualitatem ei oppositam, siue extremam, siue mediam.

Alteratio distinguitur à generatione, tum ratione termini à quo: tum ratione termini ad quem: tum ratione subiecti: tum ratione modi quo fit.

Sublata generatione deficeret alteratio corruptiva, seu tendens ad corruptionem, non autem perfectiva.

*Art. 2.* Duobus modis intelligi potest alteratio fieri continuè: vel quoad intensiorem gradalem, vel quoad extensionem.

Alteratio fit continuè quoad productionem qualitatis, necnon & quoad extensionem subiecti.

*Art. 3.* Aliud est qualitatem in subiecto extendi, aliud in eo intendi. Dicitur extendi, quando ab una parte subiecti ad aliam transit. Dicitur intendi, quando in eadem parte subiecti magis intenditur.

Qualitatis intensio duobus modis considerari potest: 1. ex parte alterationis quæ qualitas perficitur. 2. ex parte ipsius qualitatis per alterationem productæ.

Qualitatem intendi non est idem, ac novam qualitatem advenire perfectiorem præcedente, hancque per illius adventum destrui.

Intensio qualitatis non consistit in mera ratione contrarij, nec in maiori radicatione illius in subiecto, sed fit per additionem gradus ad gradum.

*Art. 4.* Gradus omnes intensiōis sunt inter se similes & homogenei, quoad speciem, nec



non & quoad indiuiduum, adeo ut nullus sit ordo essentialis inter illos, & qui posteriori loco producitur, æque possit quantum est ex se, priori produci.

EX CAP. IX.

**V**BI non est modus quidam realis & intrinsecus rei vbiatæ, à quo habet formaliter ut sit præsens tali aut tali loco; sed res qualibet est formaliter loco præsens per seipsam immediate. Art. 1.

Duratio non est propriè, & formaliter existentia rei; sed potius illius permanentia in esse. Art. 2.

Duratio non est entitas realiter distincta à re durante. Potest autem generatim diuidi in permanentem & successiuam, & rerum in æternitatem, & æuum, & tempus.

Tempus est numerus motus secundum prius & posterius. Art. 3.

Duplex est tempus. Aliud externum. Aliud internum. Hoc vero est multiplex iuxta rerum quæ durare dicuntur, varietatem. Illud subdiuiditur, in reale & imaginarium.

Non est ponenda distinctio realis inter tempus internum & motum, saltè localem.

Probabilius est absolute loquendo, tempus constare ex solis instantibus, adeoque per ea sola existere.

In sententia ponente in tempore instantia, & partes diuisibiles congruentius dicitur tempus existere per suas partes, quàm per instantia.

Non omnia quæ existant & durant, incipiunt aut desinunt esse, Art. 4.

Duplex incipiendi & desinendi modus. Intrinsecus & extrinsecus. Prior est per primum sui esse. Posterior, per ultimum sui non esse. Priori ratione res permanentes dicuntur incipere, posteriori successivæ.

Prior desinendi modus est per ultimum sui esse; posterior per primum sui non esse. Supposita sententia de compositione temporis ex solis instantibus, res permanentes non tantum incipiunt, & desinunt intrinsecè, sed etiam extrinsecè. Res vero successivæ è contra, non tantum incipiunt, & desinunt extrinsecè, sed etiam intrinsecè.

Finis Theſium Metaphysicæ.



